





ANTIQUA
PRISCORUM HOMINUM
PHILOSOPHIA
EVIDENTIBUS
DEMONSTRATIONIBUS

Cum vera scientiæ methodo restituta.


PARS TERTIA
PHYSICÆ.


Autore Reverendo Patre BERNARDINO
D'ANDRE'E Carpentoraetensi, Ordinis Capucinarum, Philoſophia ac Theologia Professore.



LUGDUNI,
Apud J. BAPT. & NICOLAUM DE VILLE,
in vico Mercatorio, sub signo Scientiæ.

M. DC. XCIV.
CUM PRIVILEGIO.








PARS TERTIA
P H Y S I C Æ
D E

ANIMA IN GENERE
P R O O E M I U M.



 NIMA definitur ab Aristotele
(*actus primus corporis naturalis or-
ganici potentia vitam habentis*, ex
hac definitione, quæ vulgò recipitur à Phi-
losophis, licet ea sit obscurissima utpotè,
Metaphysica tantum, & generica, erui
facile potest vera cujuslibet animæ specialis
definitio: si tamen ea prius clarè, quantum
fieri potest, explicetur.

Anima itaque dicitur *actus primus*, id est,
prima forma, seu prima modificatio, quæ
advenit corpori organico potentia vitam
habenti, & à qua fluunt actiones vitales,
nempè, vegetatio actualis, tum sensatio,
& ratiocinatio, quæ sunt actus secundi, seu
secundæ formæ, vel secundæ modificatio-

4 PARS III. PHYS. TRACT. I.
nes, & determinationes speciales organicae.

Dicitur autem corpus organicum potentiam vitam habere, cum fuerit suis organis sufficienter instructum. Tunc enim est in potentiam proximam ad illum actum primum, qui dicitur *Anima*, seu vita in actu primo. Nam vita in actu secundo est actio vitalis organica, intelligendo, scilicet, de vita rerum corporearum.

Cum igitur actus, & potentia sint correlativa; neque unum possit clare cognosci absque alio. Propterea ut speciales animae cognoscantur, atque specialiter definiantur, respiciendum est ad specialem corporis organizationem, tum ad speciales actiones vitales. Tunc enim quamnam sit talis organizationis potentia; quisve sit actus tali potentiae correspondens, & quale sit principium illarum actionum vitalium clare innotescet, & facile explicabitur. Quod Deo dante praestabimus in hac tertia Physicae parte, quam in tres tractatus dividemus. Primus erit de anima vegetativa, secundus de anima sensitiva, tertius denique de anima rationali.



TRACTATUS PRIMUS.

De Anima Vegetativa.



C A P V T I.



UÆRITUR primò. Quid sit Anima vegetativa.

Resp. Anima vegetativa est caloris motus, quo succus alimentitius in organa Plantæ diffunditur. Id est, Anima vegetativa est succus alimentitius non absolute, sed respectivè, prout, scilicet, in organa plantæ caloris motu diffunditur.

Probatur consp. Quia posito caloris motu prædicto, sublatà omni aliâ quâcumque re, vivit planta; sublato illo motu, etiam si organa remaneant ritè disposita, & succo alimentitio referta, Planta non vivit: Ergo in prædicto caloris motu Anima plantæ, seu vita vegetativa in actu primò consistit.

Probatur prima pars ant. Quia per illud formaliter Planta constituitur vivens in actu primo, ex quo fluunt ejusdem plantæ actiones vitales, videlicet, nutritio accretio, &c.

6 PARS III. PHYS. TRACT. I.

generatio; atqui ex prædicto dūtaxat caloris motu , quo succus alimentitius in organa Plantæ diffunditur , necessariò fluunt nutritio , accretio , & generatio , quæ nihil aliud sunt , quàm speciales prædicti motûs modificationes : Ergo posito motu prædicto , omni aliâ re quâcumque sublatâ, constituitur Planta in ratione viventis vitâ vegetativâ in actu primò, atque Animâ vegetativâ donatur.

Probat. min. Quia nutritio Plantæ fit , dum succi alimentitii corpuscula variè moventur , percolantur , digeruntur , & variè inter se permiscuntur in variis Plantæ organis , ac permista quiescunt juxta alias ejusdem Plantæ similes partes , ipsisque uniuntur ; eodem prorsus modo fiunt accretio , & generatio : Ergo cū nutritio , accretio, & generatio nihil aliud sint, quàm variaz succi alimentitii motûs modificationes in organis Plantæ ex prædicto caloris motu , quo succus alimentitius in organa Plantæ diffunditur , necessariò fluunt. Ut perspicuum est.

Secunda pars antecedentis nimirum quòd cessante motu prædicto in organis Plantæ ea vivere desinat , perspicua fit ex plantarum seminibus, quæ non viuunt , licèt suis organis ritè dispositis prædita sint; priùsque viverent , dum Plantæ matriçi adhærerent : atque iterum vivere possint , si terræ man-

CAP. I. DE ANIMA VEGETAT. 7

dentur, & succus alimentitius in eorum organa caloris motu diffundatur. Nam in semine plantæ eadem conservatur organorum dispositio, in aliis quidem magis, in aliis verò minùs, in iis, scilicet, quæ faciliùs exsiccantur. Vulgò tamen aliquandiu conservantur, antequàm terræ mandentur; ut scilicet, priùs moderatè exsiccantur, atque firmior aliquantulùm evadat fibrarum textura per humoris superflui exhalationem. Alioquin citiùs putresceret semen terræ mandatum, quàm germinare posset. Similiter Arbores avulsæ, & excisi rami vivere desinunt. Aliquandiu tamen remanent corpora Organica potentiâ vitam vegetativam habentia, ita ut vivere possint, dummodò terræ inserantur: priùsquàm eorum organa fuerint nimium exsiccata.

Manifestum est igitur prædictum caloris motum, quo succus alimentitius in organa Plantæ diffunditur, esse actum primum corporis organici potentiâ vitam vegetativam habentis; atque in eo veram Animæ vegetativæ essentiam, seu definitionem consistere. Nihil enim priùs concipi potest advenire corpori organico; omnesque Plantæ actus vitales ex eo necessariò fluunt. Hinc tot sunt Plantarum species, quot sunt organorum dispositiones notabiliter diversæ. Indè siquidem fit ut variùs notabiliter suc-

§ PARS III. PHYS. TRACT. I.

cus alimentitius in organa diversimode diffundatur. Nam talis est actus, qualis est potentia ejusdem actûs.

Quæritur secundò. Undè sit caloris motus, quo succus alimentitius in organa Plantæ diffunditur.

Resp. Prædictus caloris motus à calore Solis, tum à calore terræ innato proficiscitur. Cùm enim calor sit motus corpusculorum ignis à centro corporis calidi ad illius circumferentiam; dum ignis corpuscula moventur in sinu terræ ad ejus circumferentiam: ex qua parte minor est resistentia, & patet aditus, erumpunt; simulque permista aliorum elementorum corpuscula in modum halitûs, seu vaporis sursum propellunt versùs terræ superficiem. Sic igitur in vaporis modum rarefactus succus alimentitius in terræ sinu per insensibiles radicum Canaliculos in omnes Plantæ fibras caloris motu diffunditur; & variè permiscetur, & percolatur pro vario colorum, & fibrarum plexu: tum vario caloris gradu.

Postmodùm remittente calore præsertim nocturno tempore; si calor fuerit intensior, vel etiam de die, si calor moderatus existat: succi alimentitii corpuscula variè permista in ipso pororum exitu à circumstante aëre illorum motu represso concrevant; sicque crescunt, & germinant Plantæ. Hujus rei maximè mirabilis Analogo-

CAP. I. DE ANIMA VEGETAT. 9

giam aliquam habemus in fumo intra canalis alicujus angustias incluso, & per foramina patentia erumpente, eandemque velut formam induente. Hinc germinant. Plantæ verno tempore tempestate incalescente; primùmque folia, deindè flores, ac tandem fructus producant, qui deindè sensim intensiori calore maturescunt. Quamvis autem prædictus caloris motus à calore foliis, tum à calore terræ innato tanquam à causa totali proficiscatur; formaliter tamen est in Planta, cujus forma existit.

Ex his colliges falsam esse eorum Opinionem, qui animam Plantæ specialem esse substantiam motui succi alimentitii, atque ipsius Plantæ organis superadditam arbitrantur.

Primò enim nulla est substantia corporea præter materiæ partes, ut sæpè demonstratum est.

Secundò. Quia concipi nullo modo potest quænam sit illa substantia, aut utrum ea sit per totum corpus Plantæ diffusa, vel non; utrum ea sit penetrata, vel impenetrata, divisibilis, vel indivisibilis: an ex alteriùs Plantæ forma sit decerpta, vel non, aut quomodò è materia educatur, in qua non erat actu v. g. è semine terræ mandato explicari nullo modo potest. Neque quomodò succum alimentitium ea trahere possit, & in omnes Plantæ fibras illum distri-

110 PARS III. LOG. TRACT. I.

buere ; cùm ea supponatur immota. Nihil enim potest , nisi priùs moveatur, aliud movere.

His adde quod frustra esset illa substantia ; cùm totum facilè fieri possit , & explicari sine ipsa : atque per ipsam nihil fieri possit. Unde manifestum est substantiam illam esse prorsùs fictitiam , & chimæricam. Hinc Aristoteles lib. 2. de Anima, text. 26. *Neque corpus aliquod anima* , inquit , *corpus enim non est : corporis autem aliquid est*) scilicet modus essendi alicujus corporis , seu succi alimentitii motus diffusionis in organa Plantæ , ut jam dictum est.

C A P U T I I.

De Nutritione, Accretione, & Germinatione Plantarum.

Nutriuntur itaque Plantæ per intussusceptionem Hyberno tempore , & non crescunt ; quia nimirum frigidâ ut plurimùm, & siccâ tempestate humore simul, & calore deficientibus tam parvus est succus alimentitius, & caloris motus ita remissus, ut crescere non possint. Hinc succus alimentitius ad accretionem plantarum ineptus ad hoc sufficit dumtaxat , ut eadem serve-

CAP. II. DE PLANT. GERM. II

tur organorum dispositio ; nisi valdè intenso frigore totaliter reprimatur illius motus. Id autem intelligendum de plantis , & arboribus solidioris temperamentis. Nam cæteræ omnes adveniente hyeme frigore encantur : nisi majori curâ conserventur.

Verè autem nutriuntur, & crescunt plantæ in omnibus suis partibus , novosque furculos , & folia, tum flores, & fructus emittunt. Quia videlicet verno tempore propter majorem humoris copiam , tum calorem magis intensum succus alimentitius per plantarum fibras , & canaliculos majori copiâ diffunditur ; atque per fibrarum extremitates pro varia earum dispositione in furculos , & folia, in flores, & fructus erumpit , qui similibus fibris instruuntur : dum novus continuò succedens succus alimentitius convenientem sibi viam aperit.

Crescunt igitur plantæ , tum folia , & fructus simul in omnibus suis partibus ; dum succi alimentitii corpuscula singulis quibusque fibrarum poris adhærent. Plantæ siquidem, fructusque, & folia nihil aliud sunt quàm composita quædam ex variis, & multiplicibus fibris ; ut cernitur in ficulneæ folio. Dum enim singulis quibusque fibrarum tam interiorum , quàm exteriorum poris adhærent succi alimentitii corpuscula ; tunc simul crescunt tam interiores , quàm exteriores fibræ : atque earum

12 PARS III. PHYS. TRACT. I.

circunferentia tam concava, quàm convexa amplior evadit, & crassior.

Ad hoc verò requiritur ut humidior sit succus alimentitius, & sufficienti calore præditus. Dum enim minuitur humor, & calor intenditur mediâ præsertim æstate; crescere desinunt plantæ: nisi copiosior è cælo pluvia decidat. Tunc autem furculi recentes sensim moderatè exsiccantur, & indurantur avolante humore superfluo; tum fructus ipsi, qui primùm duri, & acerbi erant, ad maturitatem perveniunt: atque molliores, & gustui suaviores fiunt; nisi arida nimium fuerit æstas. Tunc enim flaccescunt; nec ad maturitatem perveniunt. Quia scilicet nimio calore plures particule abripiuntur, & effluunt; pori fiunt ampliores: partesque reliquæ laxiores evadunt; fructusque corrugantur. Quod etiam furculis recentibus, & foliis contingit; ita ut aliquando plantæ ipsæ, & arbores deficiente prorsus humore tabescant.

Duri autem sunt fructus, & acerbi, dum crescunt; quia nimirum humore tunc prædominante succi alimentitii corpuscula quiescunt prius, quàm subtilius motu caloris dividi possint; unde magis compacta, & crassiora evadunt. Hincque fluunt durities, & acerbitas fructuum: duriora siquidem existunt corpora, quorum partes minimæ plures quiescunt. Propterea, dum sensim

CAP. II. DE PLANT. GERM. 83
intenditur calor, & humor minuitur; fructus maturefcunt, atque molliores evadunt, & fuaviores: quia motu caloris agitantur fructuum corpuscula; superfluus humor avolat, eaque subtilius divifa, ac benè ſibi cohærentia concrefcunt. Unde profluit exquisitior compositio, & ſaporis ſuavitas.

Cæterum in his magna contingit diverſitas pro varia Plantarum conſtitutione, atque variâ fibrarum, & organorum diſpoſitione. Nam fructus quidam molliores ſunt, ut jam dictum eſt, dum ad maturitatem perveniunt; hi nempe, qui humidioris ſunt temperamenti. Alii verò duriores evadunt, cum maturefcunt, ii ſcilicet, quorum temperamento prædominantur terra, & Ignis. Ut nuces, Amygdalæ, Legumina, & alii huiusmodi. Quia effluente humore ſuperfluo major in eis terræ portio remanet. Propterea iſti citius maturefcunt, illi verò tardiùs; niſi delicatiores exiſtant.

C A P U T I I I.

De Plantarum Anatomia.

VT ea, quæ de Plantarum tum nutritione, tum accretione, & germinatione in genere dicta ſunt, clariùs explentur in ſpecie; Priùs quæ ſint earum par-

14 PARS III. PHYS. TRACT. I.

tes præcipuæ , & quænam sit organorum dispositio explicandum videtur. Quod tum ex aliorum , tum ex nostris potissimum observationibus præstabimus.

Herba quælibet radice , caule , ramis , & foliis , sicut arbor radice , trunco , & ramis. constat. *Surculi* vocantur, qui postremi nascuntur ramuli. *Stolones* verò dicuntur vulgò *Rejetons*, qui ex arborum radicibus emergunt. Turgescens autem, & nondum explicatus surculi primordium *gemma*, vel *oculus* vocitatur, vulgò *bourgeon*, ou *bouton*. Folia denique, tum flores , & fructus , atque semina sunt novæ Plantæ , quæ principi Plantæ succrescunt; similibusque partibus constant. Neque enim ex summa dumtaxat superficie , aut è solo cortice ; sed ex intimis etiam Plantæ partibus vel ipsa folia prodeunt. Itaut sicut in radice, trunco , & ramis cortex, lignum, & medulla percipiuntur; sic folio cuilibet suis insit cortex cum medulla , fibræ itidem lignæ ex fibris ligneis Plantæ profluentes.

Planta igitur est compositum ex multis fibrarum sursum tendentium circulis invicem insertis cum magna varietate. Nam in quibusdam Plantis præsertim novellis duotantum fibrarum rectarum circuli cernuntur ; in aliis plures, præsertim in veteribus, in quibus aliæ præterea fibræ transversæ à centro ad circumferentiam ducuntur : atque in cortice terminantur. Ut in *Raphano* de-

CAP. III. DE PLANT. ANAT. I;
tracto cortice, & in sicco vitis palmite trans-
versim secto nudis etiam oculis clarè perci-
pitur. Suntque fibræ hujusmodi cum illis,
quæ sursum tendunt, invicem ita implexæ,
ut quoddam quasi retiforme exhibeant.

Hinc non solum Planta in altum assur-
git, verum etiam ad circumferentiam si-
mul extenditur; magis tamen sursum, quàm
ad circumferentiam. Quia, cum succus ali-
mentitius è terra sursum erumpat; ejus
motus intensior est in fibris sursum tendenti-
bus, quàm in transversis, quæ à centro ad cir-
cumferentiam ex ipsa medulla fibras rectas
pervadente efformantur: eundemque cum
ipsa colorem præferunt. Propterea istæ
minùs, illæ verò magis crescunt, & multipli-
cantur; pluresque fibras minores emittunt.

Ita inter se conjunguntur minores fibræ,
quæ ex majoribus prodeunt; ut unus sit
earum ductus à majori fibrâ in alteram.
Propterea quod, dum una occurrit alteri,
succus alimentitius ex unâ in alteram sibi
viam aperit. Ex fibris sursum tendentibus
illæ majores evadunt, quæ sursum rectius
tendunt respectivè ad truncum, & radicem
propter faciliorem succi alimentitii mo-
tum. Ibi autem desinunt, ubi desinit ejus-
dem succi motus; indeque oriuntur multi-
plices, & variæ foliorum, tum florum,
& fructuum figuræ: ut explicabitur postea.

Fibræ omnes invicem communicant in-

16. PARS III. PHYS. TRACT. I.

numeris poris majoribus, tum minoribus, qui ope Microscopii cernuntur; atque ita sive per poros in minores fibras, & ex his in majores subeat succus alimentitius: sive à majoribus in minores derivetur perinde est. Hinc arboris ramus amputatis surculis, ex qua parte terræ inseritur, ex ea plerumque radices agit, & ex alia surculos. Nam eadem est ramorum, atque radicum natura; nisi quod radices sunt rami nudi. Quia cum multæ fibræ erumpentes, quibus folia, & fructus constant, simul unitæ terram permeare nequeant: necessariò dividuntur. Idque confirmatur experientiâ. Nam si contingat, ut quædam radices è terra erumpant, quod sæpissimè contingit; tunc stolones è terra, atque ex ipsa radice emergunt.

C A P U T . I V .

De Succo, Medullâ, & Cortice Plantæ.

SUCCUS alimentitius motu caloris excitatus per poros subiens radicum fibras ingreditur; ut jam dictum est: sicque primùm fit motus à circumferentia ad centrum. Postea verò, cum major occurrit succi alimentitii copia, necessariò fit motus sursum, atque deorsum æquali nisu juxta ductum fibrarum, tum à circumferentia ad

CAP. IV. DE PLANT. ANAT. 17

centrum , & à centro ad circumferentiam magis , aut minus pro majori , vel minori resistentia.

Hinc Planta novas agit radices , novosque producit ramos ubi cortex tenerior est. Propterea nec truncus ipse , nec rami veteres furculos emittunt , quia duriores ut plurimum habent corticem , durioresque fibras : nisi amputatis ramis. Tunc siquidem propter majorem succi alimentitii copiam , & nisum ad circumferentiam succus ipse fibras , & corticem pervadens supervenientis succi alimentitii motu in fibras recentes , & furculos conformatur. Atque ita non solum ex ramis veteribus, verum etiam ex ipso trunco novi circumquaque emergunt furculi , aut nodi , vel calli. Cum scilicet durior adhuc est cortex , quam par sit. Plantæ verò , & arbores , quæ tenuem habent corticem , & molliores fibras , facile novos ex omni parte furculos emittunt.

Ex continuo nisu succi alimentitii ab uniuscujusque fibræ centro ad illius circumferentiam oriuntur Plantæ cortex , & medulla , quæ nihil aliud sunt , quàm succus è fibrarum poris exudans , & concref-cens. Quapropter idem est corticis , & medullæ color. In ipsa medulla innumeri cernuntur pori majores , & minores , qui ex motu succi alimentitii supervenientis efformantur. Quia verò interior est motus suc-

18 PARS III. PHYS. TRACT. I.

ci alimentitii rectà sursum , quàm ad circumferentiam : Ideo majores sunt medullæ. Pori , qui sursum tendunt, quàm transversî. Quod autem medulla nihil aliud sit, quàm succus exudans , & concreescens manifestum est. Cùm in eodem majoris folii pedunculo sæpè reperiatur succus alimentitius adhuc fluidus medullâ interceptus. Quia nempè in hac parte jam exsiccatus concreescit succus : ut videre est in folio ficûs.

Cùm igitur succus ex omnibus fibris exudans tum ad corticem , tum ad fibrarum omnium commune centrum confluat ; propterea fibras ipsas abinvicem dividit eas circumquaque impellendo ad circumferentiam : magis tamen , aut minùs pro majori , vel minori resistentiâ. Hinc quia radicum fibræ interiores à circumstantibus fibris , atque ab ipsa terra fortiùs compressæ dividi à se invicem , atque ad circumferentiam impelli minùs , aut nullatenus possunt ; propterea in radice aut nulla , aut permodica cernitur medulla. Succus enim superfluous , quourgent fibræ , propter majorem resistentiam minùs ad fibrarum commune centrum, quàm ad illarum circumferentiam confluit ; ubi in corticem concreescit. Quapropter in radice crassior , & mollior existit cortex. Idem enim succus in medullam pariter & corticem è fibris exodat , ut jam dictum est, ali-

CAP. IV. DE PLANT. ANAT. 19

quando quidem magis in corticem, ut in radice, & trunco, ubi confertiores, & magis compressæ sunt fibræ interiores. Aliquando verò magis in medullam, seu ad fibrarum centrum, ubi molliores, & pauciores sunt fibræ interiores. Ut in surculis, aut recentioribus ramis, in quibus major cernitur medulla, & tenuior cortex, quàm in veteribus proportionaliter.

Medulla igitur est succus ex fibris exudans, qui in medullam concrefcit, porosque relinquit facilè pervios fluido succo supervenienti. Hic fibras interiores pre-mens, atque ad circumferentiam impellens, eas quandoque pervadit, atque per medium illarum foras erumpit in surculos, ex qua parte minor est resistentia. Nam succus alimentitius motuum leges sequitur, non secus ac aqua in rivulos derivata, quæ dum in latus unum impingit, inde inflectitur in aliud. Sic ubi succus in furculi latus eluctat, atque in tumorem concrefcens à supervenienti succo è fibris propinquieribus in similes fibrarum tubulos conformatur; inde necessariò flectitur postea in furculi partem oppositam.

Fibrarum itaque tubuli in plantis minorum venarum, tubi autem medullaris excavatio majoris venæ locum obtinet. Hinc quibus amplior, & mollior inest medulla, faciliùs crescunt, & germinant Plantæ.

20 PARS III. PHYS TRACT. I.

citiùsque intereunt. Econtra verò quibus parca, & prædura inest medulla, tardiùs crescunt, atque diutiùs perseverant: solidioris enim sunt temperamenti. His igitur ita suppositis explicandum. Est 10. Quomodò Plantarum fibræ numero simul, & magnitudine crescant. 20. Quomodò in folia, & furculos, tum in flores, & fructus erumpant.

C A P U T V.

Fibrarum Multiplicatio Explicatur.

CUm in Planta qualibet primùm exiguiſſimæ, pauciſſimæque ſint fibræ; poſteà verò ſenſim craſſiores, & confertiores evadant, ac in varios ramulos multiplicentur: neceſſe eſt ut quælibet ſimplex fibra non ſolùm craſſior evadat; verùm etiam ut in plures multiplicetur. Nam unum priùs eſt naturâ duobus. Quomodò autem fiat explicatur.

Dum ſuccus alimentitiuſ eſt terra erumpens per poros radicis ſubit, quælibet fibra ſucco repletur. Quia verò novus continuo ſuccus advenit; ideò ſuccus in quælibet fibrâ exiſtens à ſupervenienti impulſus tam ſurſum, quàm deorſum, & ad circumferentiam nititur: magis tamen ſur-

CAP. V. DE MULTIPL. FIBRAR. 21
sum , atque deorsum , quàm ad circumferentiam propter ipsius fibræ sursum tendentis dispositionem , quâ fit ut succi alimentitii nîsus sit intensior ex qua parte re-ctus est. Hinc tam folia , quàm fructus , & surculi recentes sursum pullulant respectivè ad ramum , è quo prodeunt.

Turgescens igitur fibra distenditur , ejusque pori omnes dilatantur , atque per eos subeunt succi corpuscula , quæ , dum remittitur caloris motus , ibidem quiescunt , aliisque adhærent. Sicque fibra crescit , illiusque circumferentia tam concava , quàm convexa major efficitur. Interim ubi minor est resistentia , succo in latus fibræ copiosius eluctante , ex eadem parte fibræ latus in tumorem ferè insensibilem assurgit ; tum ex parte opposita aliquanto spatio inter utrumque tumorem interjecto : ita tamen ut major sit tumor , quo propiùs ad radicem accedit. Ut videre quilibet poterit in radícula seminis terræ mandati. Deindè tumor prædictus sensim crescit tam in longitudine , quàm in latitudine proportionaliter ; non secùs ac fibra ipsa. Atque ita una , & eadem fibra simul crescit , & in plures ramulos multiplicatur eodem tempore. Ut cernitur in majori ficûs , aut vitis folio. Eademque Planta pluribus successivè fibrarum circulis augetur per motum succi alimentitii , in quo ejus anima consi-



22 PARS III. PHYS. TRACT. I.

stit. Hinc patet quomodo *Anima*, ut inquit Aristoteles, *edificat sibi corpus*.

Id autem ita contigit præcipuè in fibris mollioribus, aut in qua parte earum molliores sunt; in aliis verò minùs propter majorem resistantiam. Unde ubi fibræ nimium exsiccatae sunt, & duræ, earum nullo modo crescere possunt, aut multiplicari. Quapropter fibræ transversæ, quæ aliis molliores sunt, hujusmodi tumoribus adinstar vesicularum, & utriculorum refertæ ope Microscopii cernuntur, quod ii crescere non possint à durioribus, & confertioribus fibris rectis intercepti. Sunt autem fibræ transversæ aliis teneriores, atque molliores, eò quòd copiosior ex ipsa medulla, & aquosior succus in eas continuò subeat. Cæterùm fibræ illæ recentes cùm aliis, quibus occurrunt, si earum laxiores fuerint, per novos ramulos uniuntur; aut cùm ipsis, si confertiores fuerint, in unum fasciculum coalescunt. Postea ubi minor est resistantia, & minor compressio in plures ramulos dividuntur; aut dum à medulla succo turgescente ad circumferentiam impelluntur, & corticem ipsum pervadunt: explicantur in folia.

CAPUT VI.

Surculorum Multiplicatio Explicatur.

Licet interdum ubicumque turgescens medullæ succus fibras rectas, & corticem pervadit, oriantur surculi; vulgò tamen oriuntur in extrema ramorū parte. Ibi siquidem medullæ succus sursum eluctans ob aliqualem resistantiam intumescit modò ex uno latere, postea ex opposito; fibrasque rectas circumstantes in eandem partem impellit. Undè earum quædam, dum prædicto tumore prohibentur sursum ascendere, necessario simul coeunt; ita ut quæ ex utroque tumoris latere erumpunt, ad eam, quæ medium inter ipsas locum obtinet inflectantur: simulque unitæ constituunt folii pedunculum, qui figuram sortitur curvi trianguli. Hujus basis arcuata tumori prædicto respondet, à quo aliam figuram induere prohibetur.

Reliquæ verò fibræ rectæ circumstantes non solum sursum rectà tendunt; verum etiam, dum prædicto tumore aliquantulum impulsæ ad circumferentiam à linea recta paululum inflectuntur: jam superato tumore fibrillas quasdam emittunt, quæ foras

24 PAR3 III. PHYS. TRACT. I.

erumpentes furculum circundant adinstar annuli ; atque ex illis prodit gemmæ involucrum. Interim intra involucrum , & supra tumorem prædictum , ubi deficiunt fibræ rectæ , quibus constat folii pedunculus , propter minorem resistantiam , succi supervenientis pars una in fructum conformata foras jam aliquantulum erumpit. Dùm alia pars conformatur in fibras rectas , quibus deficiens in hoc furculi latere fibrarum rectarum completur numerus.

Id autem ita contigit ex eò , quòd succus superveniens , dùm tumori occurrit , necessariò flectitur in partem tumori directè oppositam , atque indè propter fibrarum rectarum resistantiam resiliens eluctat in latus prædicto tumori immediatè imminens : ubi propter fibrarum rectarum defectum , & minorem resistantiam foras erumpit in fructum. Hinc in Plantis , in quibus molliores sunt fibræ rectæ , cæque magis multiplicantur , ut in vite ; succus superveniens , & tumori occurrens ex parte tumori directè oppositâ erumpit in fructum ob minorem fibrarum resistantiam : ita ut ex una parte folium , & è directo fructus emergat , vel furculus , aut Capreolus.

Eadem est enim natura fructûs , & furculi , tum Capreoli , qui ex eodem succo superveniente simili modò efformantur ; atque ex eodem loco emergunt modò unus , modò

CAP. VI. DE MULTIPLIC. SURC. 25
modò alius : cùm hac tantùm differentiâ ,
quòd in furculum copiosior succus confluat ,
quàm in fructum ; & In hunc , quàm in
Capreolum. Undè magis crescit , & pro-
ducitur furculus , quàm fructus , qui ma-
gis constringitur à fibris rectis , atque in
minores , ac subtiliores fibras multiplica-
tur. His autem minùs crescit Capreolus .
Copiosioris succi defectu , nec in varias fi-
bras abit ; sed uno quasi ductu producitur
semper tenuior. Quàpropter circumstanti-
bus corporibus occurrens in varias spiras
circumvolvitur , quibus obvium quemque
ramum amplectens debiliorem furculum su-
stentat.

Quia verò minuitur numerus fibrarum
rectarum , dum quædam ex illis in folium
erumpunt ; ita ut quæ in eodem latere re-
manent pauciores sint , quàm par sit : idèd
non ex eodem furculi latere , sed ex oppo-
sito propinquum emergit folium. Ac pro-
indè modò à dextra , postmodùm à sini-
stra furculi parte , hinc & indè alternis
vicibus erumpunt folia. Quòd etiam pro-
venit ex eò , quòd succus alimentitius in
unum furculi latus eluctans in oppositum
indè resilit , in quam scilicet partem cres-
cente tumore , seu nodo furculus ipse in-
flexitur.

Propterea in qualibet gemma plura sunt
involucra , quibus totidem fructus & folia
R.P. Bern. Carp. Phys. Pars III. **B**

26 PARS III. PHYS. TRACT. I.

teguntur, ita invicem disposita; ut sublato priori involucro cernatur fructus inter folii præcedentis pedunculum & furculi truncum prodiens ex basi ejusdem involucri; tum ex parte furculi opposita emergens ad ejusdem involucri apicem conspiciatur folium; inter cujus pedunculum, & furculi truncum sublato alio involucro cernitur fructus alius priori minor. Et sic de cæteris, ut in gemma ficus nudis oculis clare percipitur.

Sic ergo producitur gemma, in qua folium, & involucrum, fructus, & furculus simul conspiciuntur; licet non eodem tempore crescant fructus, & folia. Nam in humidioribus arboribus primo anno furculus ipse crescit, & folia explicantur; anno autem subsequenti dumtaxat fructus in ramo jam veteri prodeunt. Quia cum fructus ex modico succo inter fibras rectas efformetur, & constringatur; quandiu illæ molliores sunt, & magis crescunt, fructus crescere non potest: eò quod succus alimentitius in eas recta subjens facile, quantum potest, explicetur, ac in longum producatur; sicut in folii fibris ob eandem rationem. Cum verò duriores sunt fibræ rectæ, & minùs crescunt; tumoresque ipsi, seu nodi, quibus identidem medulla, & fibræ intercipiuntur, indurantur in lignum; tunc succus ob majorem resistentiam ma-

CAP. VI. MULTIPLIC. SURCUL. 27
gis nititur ad circumferentiam; ac proinde tunc succus purior in fructum confluit, simulque prodeunt fibræ transversæ à medulla ad corticem. In Plantis tenerioribus aliquarum hebdomadarum tempus idem efficit: & in solidioribus Arboribus innata fibrarum durities ad hoc sufficit ut simul crescant fructus, & folia. Porro in quibusdam arboribus, & Plantis humidioribus, ac vegetioribus interdum loco fructus emergit novus Surculus, scilicet, inter folii pedunculum & majoris surculi truncum ob majorem succi copiam. In iis verò, quæ nullum proferunt fructum semper ita contingit. Nam sicut folia ex fibris rectis immediate oriuntur; ita fructus nonnisi è succo fibras rectas pervadente prodeunt. Surculi autem tum ab extremis ramorum fibris rectis proficiscuntur; tum immediate à copiosiori succo fibras rectas pervadente. Atque ita ubicumque succus fibras rectas, & corticem pervadit, necesse est ut fructus oriatur, aut surculus pro majori, vel minori succi copiâ. Hinc aliquando vidificum unum sine surculo, & sine folio è medio Arboris trunco prodeuntem.

CAPUT VII.

De Folio, & Flore,

IN quorundam foliorum pedunculis quinque fibræ coeunt ; in aliis tres tantum, vel pauciores pro majori, vel minori fibrarum rectarum numero, rum majori, vel minori medulla, quâ fit ut fibræ magis, aut minùs multiplicentur. Dum igitur fibræ hujusmodi externum corticem pervadunt, constituunt folii pedunculum ; sed paulò post quia minùs comprimuntur, explicantur in folium, quòd similiter incurvatur ex qua parte gemmam contingit : ita ut folii fibræ ex parte exteriori, in qua minùs comprimuntur intumescant.

Folium autem figuram habet oblongam, & acuminatam magis, aut minùs. Quia quæ medium inter alias locum obtinet fibra sursum rectius tendit, adeoque magis crescit. Laterales autem magis, aut minùs incurvantur, Quæ siquidem magis distant à media, & à pedunculo magis inflectuntur, & minùs crescunt. Undè variae prodeunt foliorum figuræ etiam denticulatæ. In foliis majoribus, in quibus fibræ in summitate pedunculi ab invicem dividuntur, quia cassiores avadunt, quasi trifolii fi-

CAP. VII. DE FOL. ET FLORE. 29

guram exhibent. Ut videre est in folio ficus, aut vitis. In minoribus verò, in quibus pauciores fibræ rectâ sursum unitæ porriguntur usque ad folii summitatem, atque interim fibrillas emittunt laterales, unius tantum oblongioris folii figuram sortiuntur. Idem contingit cum fibræ molliores sunt.

Cæterum dum crescit folium, sensim aperit involucrum, quo tegitur; ac tandem involucrum exsiccat. Idem contingit deinde in fructu, & folio, quia surculi fibræ, quæ rectius tendunt, crassiores, & confertiores evadunt: Sicque prius minores involucri fibrillas, deinde majores foliorum, ac fructuum pedunculos sensim nimium constringunt; ita ut hi quoque tandem exsiccentur. Quamvis in calidioribus, & solidioribus Plantis minora folia diutius perseverent; ut in olivâ, & quercu viridi: Tum quia solidiorem sortiuntur pedunculum, qui constrictioni prædictæ magis resistit; Tum quia, cum radices habeant magis compactas hujusmodi arbores, frigus externum minus pertimescunt: atque ita sufficientem succum minorum foliorum fibris cæsuppeditant etiam hyberno tempore.

Flos non differt à folio, nisi exquisitiori fibrarum textura, & foliorum multitudine. Quapropter flos in extremis surculis, atque in extrema parte fructus, aut capsu-

30 PARS III. PHYS. TRACT. I.

læ, in qua conduntur grana seminis, oritur adinstar coronæ. Ut cernitur in Rosa, in Pomo, & Pyro, in Malo granato, & aliis. Vel in fructuum delicatiorum pedunculis, ubi fibræ tenuiores, ac subtiliores existunt, & succus exquisitior. Quilibet flos suo tegitur involucre, ex fibris corticis prodeunte, idque minùs crescit, & aperitur dum floris crescunt folia; eò quod nullus ex foliis floris exudet succus in involucre, sicut antea exudabat à medulla in corticem. Exteriora floris folia magis crescunt, quàm interiora; quia interiores fibræ magis constringuntur, quàm exteriores: atque ita quæ medium inter alias locum obtinent in crassiora quasi fila prodeunt. Flores autem brevè exsiccantur; quia dum majores fructus, aut pedunculi fibræ, è quibus florum fibrillæ prodeunt, crassiores, & confertiores evadunt: illæ nimium constringuntur.

CAPUT VIII.

De Fructu.

Nulla est inter Surculum, & fructum differentia; nisi quod in Surculo major succi alimentitii copia majori nisu Plantæ fibras rectas, & corticem pervadat: Unde fit ut in Surculo succus in fibras re-

CAP. VIII. DE FRUCTU. 31

Etas conformatus erumpat, ac in longum porrigatur. In fructu autem parcius succus: fibras rectas, & corticem pervadens inter ipsas concluditur; atque ob majorem illarum resistantiam sensim intumescens foras tandem erumpit figuræ utcumque sphaericæ, interdum aliquantulum acuminatæ. Quapropter si eo tempore, quo formantur fructus, copiosior imber decidat: pauciores fructus emergunt, & plures Sarculi.

Fructus itaque nihil aliud est, quam Sarculus aliis constans Sarculis minoribus, qui cum intra fibras rectas conclusi simul oriuntur; & explicari, atque in longum porrigi minùs possint: varie implicantur invicem coeuntibus fibris; atque dum simul crescunt, proportionaliter intumescunt. Unde succus in fructu subtilius percolatur, & purior evadit. Siquidem sicut in surculo, præter fibras rectas, folia, & fructus conspiciuntur; sic & in fructu præter folia, quæ cum explicari non possunt, sub cortice intumescunt: singula seminis grana sunt novi fructus, seu novi sarculi minores suis foliis inclusi; qui è fructûs fibris majoribus velut à majoribus sarculis prodeunt. Nam semen Plantæ nihil aliud est, quam surculus radiculâ, seu fibris rectis constans, & quatuor foliis. Ut explicabitur postea.

Dum fructus intra fibras rectas sarculi

conclusus intumescit, extrema fibrarum illius necessariò coeunt; atque ita oculum in extrema fructûs parte constituunt: ibique fibrillas quasdam emittunt, è quibus flos emergit adinstar coronæ; isque in ficu intra oculum ipsum conclusus, in aliis extra oculum conspicuus cernitur. In Plantis, quæ præ aliis molliores habent fibras & humidiores, flos non ab extremâ fructûs parte, sed ab illius pedunculo emergit; quia in extremâ fructûs parte molliores fibræ ita coeunt simul, ut nullas fibrillas emittere valeant. Dum autem in ipso pedunculo, ubi fructus erumpit, molliores fibræ rectæ extimæ constringuntur; ibi fibrillas hujusmodi necessariò emittunt.

Porro fructuum fibræ majores magis crescunt, quæ magis rectâ tendunt respectivè ad pedunculum, & quæ ipsi propinquiore oriuntur; quia succi motus eò intensior est, quò minùs à recto tramite deviat. Idem intelligendum de minoribus fibris lateralibus proportionaliter. Hinc fibræ interiores, quia rectiùs tendunt, magis multiplicantur; sed quia magis constringuntur à circumstantibus: ideo minùs dilatantur, atque duriores, & confertiores evadunt indeque profluunt duriores nuclei, aut seminum capsulæ. Circumstantes verò fibræ, quia minùs constringuntur, magis quoque dilatantur, & intumescunt: atque ex ipsis pulpa fru-

CAP. IX. DE FRUCT. IN SPEC. 33

Etus componitur. Quapropter omnes fructuum differentia ex majori, vel minori fibrarum mollitie, ac multitudine, tum majori, vel minori constrictione oriuntur. Ut perspicuum fiet sequenti capite.

C A P U T IX.

De Fructibus in Specie.

QUOD fructus nihil aliud sit, quam furculus intumescens, eo quod in longum porrigi minus possit, perspicuum fit ex Anatomia fructuum: in quibus omnes fibræ tam exteriores, quam interiores cernuntur duci à basi ad apicem, sive à pedunculo fructus ad illius oculum; tanquam in mappa mundi ab uno Polo in alium ducuntur circuli meridiani, qui à Polo usque ad æquatorem dilatantur: postea sensim ab Æquatore ad Polum alterum eadem proportionem coarctantur. Quia nimirum succi alimentitii motus in ipso exitu à pedunculo intensior est. Unde majores fibræ dilatantur, & abinvicem recedunt: innumeræque fibrillas emittunt, quibus invicem connectuntur; sed postea ejusdem succi motus minuitur eadem proportionem, fibræque sensim coarctantur. Ita tamen ut interiores majorem habeant convexitatem, quia cen-

tro propinquiore minorem circulum describunt.

Id clarè cernitur in Pomo, & Pyro, tum in malo cydonio, in quibus exteriores fibræ, quæ magis dilatantur, in pulpam diffusæ in oculum desinunt; indeque versùs centrum fructûs aliquantulum incurvantur, & cum interioribus fibris rectis in acumen desinentibus ita connectuntur: ut duriores ibi nodum efficiant; simulque fibrillas emittant, è quibus flos emergit adinstar Coronæ. Unde quia mutuò implexu magis constringuntur fibræ, & succus percolatur subtilius circa nodum hujusmodi pulpa suavior existit, quàm alibi. Fibræ autem centro propinquiore, quæ dilatari, & explicari minùs possunt, confertiores, ac duriores evadunt; seminumque granis, quæ ex eodem pedunculo, tanquam fructus è furculo, hinc, & inde intra ipsas emergunt, locum præbent in duriores capsulas conformata. Quodlibet præterea seminis granum, quod quidem nihil aliud est, quàm novus furculus quatuor foliis constans, involvitur duriori folio, intra quod & fructûs pedunculum immediatè granum ipsum oritur.

Itaque majores fibræ, quæ à pedunculo hinc, & inde oriuntur, & in pulpam diffusæ, in oculum desinunt; nihil aliud sunt, quàm foliorum principes fibræ, quæ in furculo productæ explicarentur in folia: & in

CAP. IX. DE FRUC. IN SPEC. 35

fructu dilatantur, & intumescunt, ac molliores evadunt; innumerâsque fibrillas emittunt circumquaque succo turgidas. Eò quòd ab externo aëre non indurentur, nec exsiccantur. Pedunculi fibræ rectæ, quæ usque ad oculum in acumen porriguntur, sunt furculi truncus. Seminum capsulæ sunt alia folia, quæ ab eodem furculi trunco hinc, & inde prodeunt, & duriores evadunt; quia magis constringuntur. Seminis grana sunt novi furculi proprio folio incluti. Fructûs denique corticem constituunt tum succus exudans, tum majorum fibrarum extremæ propagines, seu fibrillæ, quæ ab externo aëre magis exsiccantur, & indurantur, & ex quibus prodiens lanugo cernitur in quibusdam fructibus. Hinc cortex facile detrahitur.

In Pruno, in malo Persico, & armenia-
co duo folia pulpam constituunt; durior
nucleus prodit ex aliis duobus foliis; quæ
majorem fibræ rectam intermediam, seu
furculi truncum, simulque ex eâ prodians
seminis granum proprio folio involutam in-
tra se includunt. Durior autem fit nucleus
eò quòd foliorum illorum fibræ, quæ ma-
gis constringuntur; dum multiplicantur,
confertiores evadunt; & se invicem mul-
tipliciter pervadunt; ut clarè cernitur in
nucleo mali Persici. Quapropter tam fru-
ctus ipsi, antequàm molliores evadant.

36 PARS III. PHYS. TRACT. I.

quàm nuclei, dum adhuc teneriores sunt, in duas partes facilè dividuntur: quod exudante succo dumtaxat ambæ partes illæ, seu duo folia sibi invicem uniantur. Idem prorsus contingit in nuce, Avellanâ, & Amygdalâ, nisi quod, cùm duriores fibras habeant arbores hujusmodi; earundem fructus duriores, & crassiores corticem pro pulpa sortiuntur. Simili modo in animalibus ossa oriuntur ex fibris, quæ magis constringuntur.

In faba, & faveolo simul emergunt surculus, & folium unitum eidem surculo fibris lateralibus ex utraque parte adhærens, & in longiorem capsulam conformatum; idque crassius evadit, atque minimas fibrillas rectas succo turgidas in modum lanuginis interiùs emittit. Quia, nimirum ab externo aere minùs exsiccat, quàm folium commune, quod ab aere omni ex parte ambitur. Interim ex surculi trunco identidem seminis grana, seu novi surculi, quorum quilibet proprio folio involvitur, prodeunt intra capsulam, non extra, ubi major est resistentia: quia surculus magis exsiccat, & induratur exteriùs. Ita verò prodit seminis granum, seu novus surculus inter folii pedunculam, & majoris surculi truncum; ut eodem folio, quod citiùs crescit, involvatur mollioribus folii fibris simul coeuntibus: quod omnibus seminibus commune.

CAP. IX. DE FRUCT. IN SPEC. 37

est. Non solum autem succus est surculis majori in granum derivatur; verum etiam ex folii pedunculo, qui exudante succo grano adheret: tum ex fibrillis rectis capsulae succo turgidis. Quapropter eadem proportionem, qua granum crescit, ipsa lanugo interior exsiccat, & comprimitur. In durioribus nucleis succus exudat in granum etiam ex ipso nuclei pedunculo, seu basi.

In ficu, quia mollior est fructus, fibrae omnes sub cortice in pulpam diffunduntur usque ad oculum, innumerisque surculos emittunt à circumferentia ad centrum, quibus singulis in extrema parte granum adheret.

In Malo-granato fibrae omnes pariter diffunduntur sub cortice, atque à circumferentia ad centrum quaelibet propagatur; innumerisque grana, quae totidem fructus existunt pulpam, nucleo, & semine constantes, ex utraque parte emittit ad instar cujusdam fasciculi. Interim folia, quae ex utroque cujuslibet majoris fibrae latere emergunt, dum simul ununtur, in tenuem membranam explicantur; ejusdemque fibrae grana cuncta pariter involuunt: eaque à circumstantium fibrarum fasciculis dividunt. Ex his cuncta, quae ad varios fructus pertinent facile intelligi possunt. Ut perspicuum est.

C. A. P. U. T. X.

De Semine Plantæ.

IN semine Plantæ præter capsulam, aut nucleum una est cuticula, quæ totum granum, seu novum surculum complectitur. Cuticula hæc folium est, inter cuius pedunculum, & surculi truncum oritur novus surculus; eaque crassior evadit, ac totum semen complectitur: quod citius crescat, quàm surculus, ut solent folia; atque intra durior nucleum vel capsulam inclusum folium explicari non possit, nisi secundum ejusdem nuclei, vel capsulæ concavam superficiem.

Prædicta igitur cuticulâ clauditur semen, seu nova Planta; quæ quidem nihil aliud est, quàm novus surculus quatuor foliis constans: Ut jam dictum est. Horum duo sunt exteriora, quæ duos seminis lobos constituunt; & hæc crassiora evadunt quod præter succum, quem à surculo, seu radicula hauriunt, succo etiam exudante ab interioribus capsulæ, vel nuclei fibris intumescant: maxime verò à folii pedunculo ipsis adhærente; & in nucleo ab ejusdem nuclei basi, seu pedunculo.

Propterea duorum loborum fibræ alio modo disponuntur, quàm in foliis commu-

CAP. X. DE SEM. PLANT. 39

nibus. Nam eò magis abinvicem recedunt, quò magis distant à radícula, in quam succus ex lobis ipsis postea influit. Unde radícula ipsa magis intumescit, ex qua parte lobos respicit; & ex alia in acumen definit surculum versùs: Exteriòrque cuticula, quæ totum semen complectitur, circa ipsam disponitur in modum cujusdam infundibili molliorem radiculam constringentis; indèque profluit figura radiculae, quæ vulgò germen seminis appellatur.

Alia duo folia ex eodem surculo, seu radiculâ emergunt intra duorum loborum cavitatem, quæ jam explicata præsertim in fasciculo clarè nudo etiam oculo conspiciuntur: Unde perspicuum est semen Plantæ nihil aliud esse, quàm surculum proprio folio involutum, & quatuor foliis constantem.

C A P U T X I.

De Plantarum Orin, & Propagatione.

Semen terræ commissum succo alimentis-
rio per poros nuclei subeunte sensim
intumescit; nucleus aperitur, & cuticu-
la rumpitur: tum è fibris loborum turgesc-
centibus in radiculam succus dirigitur.
Quapropter crescens radícula terram subit,
atque ex parte infundibuli sibi adhærentem
cuticulam deprimit; fibrasque capillares.

seu radices in terram spargit : simulque sursum supra terram porrigitur , & lobos ipsos attollit. Tum lobi in folia explicantur aliis quidem dissimilia, sed lobis ipsis similia; quæ nimirum fibras habent ita dispositas , ut eò magis abinvicem recedant , quò longius à radicula propagantur.

Primum igitur succus alimentitius ex lobis in radiculam dimanat ; sed statim ac radix terram attingit ; jam succus è radice in lobos confluit. Unde perspicuum fit quod ex quacumque parte succus in Plantam derivetur , Planta ipsa crescit : quamvis non eodem modo. Nam succus alimentitius sibi viam aperit non secus ac aqua in levioris terræ canaliculos derivata.

Propagantur itaque Plantæ magis communiter per semen terræ commissum; quædam verò per decissionem ramorum, ut salix, & vitis : quædam per radices, ut Cariophyllum; aliæ per bulbos , quorum alii ex aliis velut enascuntur, ut tulipæ, & lilia. Eodem autem modo producantur è radice , vel bulbo, ac furculus è ramo , vel fructus è furculo producitur. Nam radix à ramo non differt , nec Bulbus à semine.

Propagantur etiam plantæ per insitionem , dum videlicet furculus excisus alterius Plantæ ramo , vel trunco ita inseritur ; ut utriusque fibrarum tubuli sibi invicem respondeant : & succus ex trunco in furcu-

CAP. II. DE PLANT. PROPAG. 41

lum facile derivetur ; quod variis modis fieri potest. Ubi notandum quòd furculus non debet esse trunco , cui inseritur , valde dissimilis ; alioquin insitio non sortietur effectum. Undè nucleum nucleo inferendum esse vulgò dicitur. Hinc etiam colligitur nihil aliud esse in Plantis præter varium succi alimentitii motum , qui ex varia fibrarum constitutione diversificatur ; atque ita nihil aliud esse Animam Plantæ præter motum succi alimentitii in organis.

Quædam sunt aliæ Plantæ , quæ aliis plerumque adnascuntur , ut spina , fungus , tuber , qui in terra oritur , sponsia , & callus.

Spina quædam in quibusdam plantis oritur crassior , & recta , qualis cernitur in Albaspina , Malogranato , & aliis ; & hæc durioris plantæ furculus est. Alia est , quæ oritur ex cortice tantum , videlicet à succo turgescente ex fibris transversis , quæ à medulla ducuntur ad corticem velut à centro ad circumferentiam , ut in Rosario. Quapropter hujusmodi spinæ summum acumen versùs terram deprimitur ob remissionem succi motum , & innatam gravitatem.

Fungus aliùs à quarundam Arborum putridis radicibus oritur , aut ex hiante trunco præsertim post copiosorem pluviam , succus nempe copiosior tunc erumpens in ipso exitu è trunco , vel radice circumqua-

42 PARS III. PHYS. TRACT. I.

que dilatatur, & concrefcit: ficque fungi caput confituitur; tum fuperveniente fucco fenfim crefcit, ut Planta.

Alius eft, qui fimiliter è terra erumpit, dum aqua, vel ros copiofus in terram decidens, & per illius poros fubjens fubtilioribus terræ corpusculis imprægnatur; poftèa fubeuntibus è terrâ ignis corpusculis intumefcens erumpit ut prior. Hic tamen minùs crefcit, alius magis, quia copiofior fuccus ex Arbore fubminiftratur.

Tuber in terrâ oritur, dum aqua decidens, atque per levioris terræ meatus fubjens fimiliter imprægnatur; tum in unum locum ex pluribus circumquaque partibus confluit: ac deindè fubeunte fucco alimentitio fenfim crefcit, & Sphæricè propagatur; quia propter caloris motum minùs intenfum refpectivè ad materiam è terra foras erumpere non poteft.

Mufcus eft fuccus per poros durioris, & ficcioris corticis exudans, & concrefcens in plantulam ferè infenfibilem. Undè mufcus eft fignum morituræ plantæ; aut faltem ficcioris corticis. Idcirco autem per poros corticis exudat fuccus; quia durior eft cortex, quàm ut crefcere poffit. Idem fignificat fpongia in Rosario.

Callus denique fit dum fuccus eluctans duriozem corticem cogit intumefcere; fed quia fucci motus remiffior eft, aut cortex:

CAP. XII. DE PLANT. PROPR. 43.
nimium resistit, vel exteriores fibræ cunctæ
cortice: atque interim fibræ interiores crescunt,
& multiplicantur; tumor ex parte interiori clauditur, sicque succus concluditur
ex omni parte. Id autem non solum arboribus,
verum etiam fructibus, & foliis sæpè contingit;
ibique vermes plerumque generantur. Ut explicabitur dum de
Animalium generatione tractabitur.

C A P U T X I I .

De Plantarum Proprietatibus.

Variæ sunt, & multiplices Plantarum
proprietates pro varia earundem constitutione
ex elementis, tum variâ partium minimarum
configuratione. Aliæ liquidem calidæ sunt,
& humidæ; aliæ calidæ, & siccæ: aliæ
verò frigidæ, & humidæ; aliæ frigidæ,
& siccæ magis, aut minùs existunt
respectivè ad se invicem, tum respectivè
ad animalis cujusque temperamentum. Undè
fit ut quædam venenosæ dignoscantur,
quæ scilicet nimium calidæ, vel frigidæ
sunt.

Cùm enim nimis calidæ sunt, quia pluribus
constant ignis corpusculis, quæ in animalis
ventriculo intensiorem motum ad circumferentiam
facile concipiunt; tunc

44 PARS III. PHYS. TRACT. I.

viscera inflammant, & fibras corporis dissipant. Cum verò nimis frigida sunt, atque iis corpusculis constant, quæ motum ad circumferentiam difficile concipiunt, facile fibras obturant, & motum caloris extinguunt. Quapropter salubres existunt quæ medium sortiuntur temperamentum.

Aliæ denique sunt purgativæ, atque inter istas quædam Bilim, aliæ Melancholiam, aliæ Pituitam purgant pro vario caloris gradu, tum varia corpusculorum crassitie, & configuratione, quâ fit ut speciales fibræ, & organa varia specialiter vellicentur, & aperiantur. Omnia siquidem purgantia calida sunt, atque intensior caloris motus requiritur ad Melancholiam, quàm ad Pituitam purgandam: & ad Pituitam, quàm ad Bilim expellendam.

Inter Plantarum proprietates quædam reperitur Sympathia, vel Antipathia, quæ scilicet benè, aut malè se habent adinvicem. Sic Rosa, & Allium Sympathiam habere dicuntur. Econtra verò Antipathiam dicuntur habere Brassica, & vitis; Oliva, & Quercus; Laurus & vitis. Sympathia ex eò proficiscitur, quod Plantæ quædam, cum dissimilem habeant fibrarum constitutionem, dissimilis quoque succus per poros earum subire possit; atque ita dum una pars succi per poros unius subingreditur:

CAP. XII. DE PLANT. PROPR. 45
altera purior, & defæcator remanet, &
per poros alteriùs facilè subit. Antipathia
verò profluit ex eò, quod duæ Plantæ eum-
dem ferè succum hauriant, vel in majori
copia; ita ut utrique non sufficiat, aut al-
terutri.

Quædam item Plantæ, floresque Sympa-
thiam habere videntur cùm Sole; ut He-
liotropium vulgò (*turnesol*) quòd ad so-
lem caput inclinare videtur, eumque se-
qui; cùm recens fuerit. Cujus rei ratio
est quòd, cùm hujusmodi Planta mollior
est, atque copiosiori succo continuò su-
beunte turget, & erigitur; ex qua parte
radii solares eam directè feriunt, & suo ca-
lore motum in ea excitant à centro ad cir-
cunferentiam: necesse est ut succus è fi-
bris in illa parte constitutis effluat; atque
ita laxiores fiant illæ fibræ, & cùm immi-
nente sibi graviori, atque crassiori flore
inclinantur, dum oppositæ succo tur-
gent.


Sic ficus, quia mollior & humidior est,
atque copiosiori medullâ turget; cùm ex
una tantum parte solem respicit: ex illa
manet inclinata. Ob eandem rationem,
cùm solis radiis omni ex parte privatur, ea
crescit, & fursùm erigitur, donec solares
radios excipiat; quòd aliis etiam pluribus
commune est: nisi priùs defectu caloris in-
tereant. Crescit nempe Planta, quandiu

46 PARS III. PHYS. TRACT. L.

mollior, & humidior existit; cum verò exsiccat, ac durior efficitur: crescere sensim desinit, ac sursum erigi. Tunc autem ad circumferentiam furculos emittit, ac magis extenditur ex qua parte teneriores sunt Rami.

His adde quòd quædam Planta, quam *sensitivam* vocant, ad hominis contactum folia sua complicat, eaque deindè iterum explicat ut prius. Cujus rei ratio est quòd ex subtilioribus & delicatioribus hujus Plantæ fibris continuò erumpant in molliores foliorum fibras subtiliora corpuscula, quibus eriguntur, & explicantur folia, & quæ ad manus hominis, aut alterius rei contractum versùs originem, tum in partem oppositam reflectuntur: atque in eandem partem folia ipsa impellunt; sicque folia contrahuntur. Tum denudò explicantur, dum prior motus restituitur.

Cæterum Plantæ adulterantur, atque in alias degenerant; ut triticum in lolium, Ordeum in Avenam, caulis in rapam pro varia soli, cœlique constitutione, tum sufficientis caloris, vel humoris defectu; unde fit ut varius succedat succi alimentitii motus, atque diversa Plantæ conformatio.



TRACTATUS II.

De Anima Sensitiva.

P R Æ F A T I O.



UAMVIS non dissimili modo vegetent Plantæ, & Animalia; quia tamen perfectior est in Animalibus vegetatio: tum quod succus alimentitius in ipso Animalis ventriculo ex cibi, potusque decissione in stomachum perficiatur; tum quod vegetatio in Animalibus ita sit sensationi conjuncta, ut neque vegetatio sine sensatione, neque sensatio sine vegetatione perfici ullo modo possit. Nam Anima sensitiva est simul essentialiter vegetativa, & sensitiva sub diverso respectu. Propterea in hoc tractatu de Animalium vegetatione specialiter nobis agendum est, ita tamen ut quæ Animalibus peculiaris sunt tantum prosequamur: tum de eorumdem sensatione agemus. Sed prius quam sint in Animalis corpore partes, quæve organa ex peritiorum Anatomicorum observationibus, quantum instituti nostri ratio patitur, explicandum est primum in genere, postea in specie.

CAPUT I.

*De Anatomia Corporis Animalis
in genere.*

CONSTAT 1°. Corpus Animalis pelle, quâ
 totum tegitur, & carne. 2°. Ossibus,
 quibus tanquam fulcris, & columnis su-
 stentatur, & munitur. 3°. Ligamentis, qui-
 bus ossa invicem connectuntur. 4°. Nervis
 spirituum animalium organis à cerebro, &
 cerebello per totum corpus diffusis, qui-
 bus movetur. 5°. Musculis: & tendinibus
 variis, quibus variè contrahuntur, expli-
 cantur, vel inflectuntur corporis partes me-
 diantibus nervis. 6°. Arteriis è corde pro-
 deuntibus, ac per totum corpus diffusis,
 per quas sanguis è corde in omnes corporis
 partes diffunditur ad earum nutritionem.
 7°. Denique venis per omnes etiam corpo-
 ris partes respersis, atque in corde desi-
 nentibus, quibus sanguis partium nutritio-
 ni residuus ad cor denuò reducitur: ut ite-
 rum per arterias effluat. Atque in hoc per-
 petuo sanguinis motu, & continuâ Circu-
 latione, quâ non solum fit ut vegetet Ani-
 mal; verum etiam moveatur, & sentiat:
 dum puriores sanguinis partes per nervo-
 rum tubulos cientur; Animalis consi-
 stit

CAP. I. DE ANAT. CORP. ANIM. 49
stit Anima. Ut clarè demonstrabitur postea.

Quàndiu fœtus in utero existit, motum simul, & sanguinem ab utero materno per venam umbilicalem accipit. Sed quia in lucem aliquando proditurus est, ubi nec motum, nec sanguinem aliundè accipiet: ideo plures aliæ in Animalis corpore, dum in utero existit, generantur partes, sive organa interna ex vario arteriarum, nervorum, atque venarum plexu, quibus perpetua sanguinis circulatio promovetur, & conservatur.

Aliis nempe cibus ad novi sanguinis generationem dissolvitur, aliis digeritur, & variè percolatur: aliis denique excrementa secernuntur, & egeruntur. Atque in his tanta contingit varietas, tamque mirabilis in ea partium varietate concentus; ut non minùs à solâ cujuslibet vel minusculi Animalis structurâ, quàm à totius mundi constitutione admirabilis prorsus appareat infinita Conditoris sapientia.

Partes autem hujusmodi non una priùs, alia verò posterius; sed omnes simul incipiunt, & generantur: quamvis non omnes simul perficiantur. De his igitur per ordinem tractandum est: sed priùs de perpetuo sanguinis motu, in quo Animalis vita consistit, agere videtur necessarium.

C A P U T II.

De Perpetua Sanguinis Circulatione.

FUIT olim Antiquorum opinio sanguinem ab hepate in omnes corporis partes ad nutritionem distribui; sed recentiorum Anatomicorum observatione, præsertim Harvæi Angli, qui primus sanguinis circulationem deprehendit, aut clarius explicavit, constat sanguinem à corde, tanquam à centro, in reliquas corporis partes effluere: indeque per venas in cor refluxere, ut iterum fluat. Quæ observatio tot experimentis comprobatur, tantisque confirmatur rationibus; ut nulla sit evidentior in Physica demonstratio. Præcipuas tantum hujus circulationis demonstrationes instituti nostri memores breviter afferemus.

Prob. 10. In venæ sectione ligato supra cubitum Brachio nullus supra ligaturam tumor apparet; nec si aperiatur vena ullus sanguis, aut parvus admodum effluet. Infra ligaturam verò, & sub cubito intumescunt Brachii venæ, & apertæ sanguinis tantum effundunt, quantum velis, vel universum corpus possit. Si pariter vena infra vulnus digito comprimatur, sistitur sanguis: remoto digito iterum fluit. Undè manifestè

CAP. I. DE SANG. CIRCULAT. 51

colligitur sanguinem ab extremis, & minoribus venis sursum in majores, atque inde in cor effluere: non autem à corde per majores venas in minores diffundi.

2^o. Si Brachium naturaliter venis turgidum manu comprimam, deorsum intumescunt venæ inferiores, superiores autem vacuæ apparebunt: eò quòd ab inferioribus venis sanguis fluat in superiores.

3^o. In sectionibus vivorum Animalium res clarissima. Quacumque siquidem corporis parte dissecta, si vena ligetur etiam à corde remotior; eà parte flaccida cernitur, quæ cor respicit: tumente interim opposita, quæ à corde remotior, extremisque partibus est vicinior; e contra verò in arteria contingit. Nam arteriâ ligatâ pars cordi propinquior intumescit, & remotior detumescit. Quia scilicet è corde in arterias effluit sanguis per totum corpus, atque è minoribus Arteriis Capillaribus in minores venas; indeque per majores ad cor usque refluit. Propterea talis est venarum cum arteriis connexio; ut omnis vena sociam habeat Arteriam, cui ea incumbit: ita ut rarius inveniatur vena sine arteria; nulla verò sit arteria sine vena.

4^o. Elevatâ venâ, & filo constrictâ in vivis Animalibus, si ea fecetur inter ligaturam, & cor, nullus effluit sanguis: extra ligaturam autem sectâ venâ fluit san-

52. PARS III. PHYS. TRACT. II.

guis. Econtra in arteria contingit, in quacumque corporis parte id fiat.

50. Confirmatur ex venarum valvulis, quæ ita sunt constitutæ; ut omnes cor respiciant patulæ, facilémque transitum sanguini à minimis venulis ad majores, & inde ad cor præbeant: à corde verò, atque à majoribus venis clausæ nihil remeare sinant ad minores, neque vi propulsum liquorem. Econtra valvulæ in capite artèriarum ita sunt constitutæ, ut liberum sanguini exitum è corde præbeant: atque regressum sanguinis ad cor prorsus inhibeat. Undè necesse est, ut sanguis è corde per Arterias exeat; & ex Arteriis minoribus in minores venas subjens, inde per majores venas ad cor regrediatur. Hinc si secta venâ sanguine abundè manante ligetur arteria sectæ venæ socia, illicò sistitur sanguis: quia per arteriæ constrictionem prohibetur ne transeat ex arteria in venam.

60. Idem confirmatur ex duplici motu cordis, quem vocant *diastole*, seu dilatationis; & *Systole*, seu constrictionis. Constat enim in *Systole* cum cor constringitur, sanguinem è corde in arterias propelli; undè si vel una tantum sanguinis gutta quolibet pulsu proflueret: cum intra unius horæ spatium ter mille, & amplius, Arteriæ pulsus numerentur; necesse foret ut intra unum, aut alterum diem totus sanguis præter flue-

CAP. II. SANG. CIRCULAT. 53

ret. Atque ita si ex Arteriis per venas in cor non rediret, cor ipsum sanguine penitus destitueretur. Quamò magis, ac citius id contingere necesse esset; cum constet non unam tantum guttam, sed unam ferè sanguinis semiunciam quolibet pulsu è corde erumpere. Hinc sectà aliquà arterià intra unius horæ quadrantem, ac longè citius totus sanguis effluit, qui tamen è corde per contractionis motum propellitur.

Cum itaque sanguis continuo cordis pulsu per Arterias in omnes corporis partes diffundatur; neque subsistat in Arteriis continuo pellentibus: nec denique partibus nutriendis tantum absumatur tam modico spatio; necesse est, ut quod abundat ad cor regrediatur. Alias afferri posse rationes non latet: sed istæ plenè sufficiunt ad evidentissimam demonstrationem.

C A P U T III.

Solvuntur Objectiones.

OBjic. 1^o. Inter venas, & Arterias nullæ apparent immediatæ Anastomoses, seu vasorum inosculationes, per quas tam citò sanguis ex Arteriis in venas commeari possit: Ergo non datur hujusmodi sanguinis circulatio.

54 **PARS III. PHYS. TRACT. II.**

Resp. neg. conseq. Quamvis enim nullæ apparent Arteriarum, & venarum inosculationes; evidentissima nihilominus ratione demonstratur sanguinis circulatio, ex qua necessariò sequitur quòd sint in corpore Animalis, & vasorum inosculationes; & continui ex Arteriis in venas fibrarum ductus, qui prædicto sanguinis motu efformantur: ut dictum est de Plantis.

Confirmatur. Quia cum omnes corporis partes simul nutriantur, & crescant; necesse est ut ex nihil sint præter fibras: ut cernitur in foliis Arborum; vel multarum fibrarum plexus. Sic Animalis caro, & pelvis nihil aliud sunt, quàm arteriarum, venarum, atque Nervorum propagines, quæ in carnem ac pellem diffunduntur, & quæ continuis ductibus invicem communicant. Ut dictum est de pulpa fructuum. Quapropter in quacumque parte pungitur caro, ex ea sanguis erumpit.

Objic. 20. Si daretur sanguinis circulatio, sequeretur sanguinem cedere non posse in alimentum tam multis corporis partibus, quæ tamen hoc alimento indigent ad sui reparationem, & conservationem; absurdum conseq. Ergo &c.

Resp. neg. sequel. Cum enim Animalis corpus nihil aliud sit, quàm compositum ex variis innumerisque fibrarum tubulis; necesse est ut sanguis præterfluens omnibus

CAP. III. DE SANGUIN. CIRCUL. 55

partibus , conveniens alimentum relinquat : nisi fortè immoderatus sit in Animali calor , quo fiat ut nimia sit evaporatio.

Objic. 3^o. Si sanguis ex Arteriis in venas , & ex venis in Arterias commearret ; nullum esset discrimen inter sanguinem arteriosum , & venosum , nec inter Arterias , & venas : falsum consequ. Ergo & ant.

Resp. neg. sequel. Nam sanguis arteriosus , utpotè immediatè procedens à corde , calidior est , atque velocior sanguine venoso ; tum aliquanto impurior per totum ex commistione Chyli : & quia plures illius partes cedunt in alimentum corporis ; in venis jam purior , & magis percolatus existit. Arteriæ quoque , quia magis constringuntur , minùs dilatantur , & confertiores fibras emittunt. Hinc arteriæ duplici tunicâ constant : cùm venæ unicâ tantum gaudeant tunicâ.

Instabis. Non deberent esse plures , & majores venæ , quàm Arteriæ ; cùm totus venarum sanguis ex Arteriis fluat : sed constat venas esse plures , atque majores Arteriis ; Ergo &c.

Resp. neg. sequel. Cùm enim venæ minùs constringantur , quàm Arteriæ ; venas magis dilatari , atque in plures ramulos diffundi necesse est ob minorem resisten-
tiam. Undè motus rectus sanguinis minuitur in venis , quia magis ad circun-

ferentiam diffunditur proportionaliter. Hinc vena nihil aliud est, quàm Arteria recurrens ad cor, quæ minùs constricta magis diffunditur, & dilatatur.

Sic ossa, quia locum interiore occupant, & magis adhuc constringuntur, quàm Arteriæ, duriora, & confertiora evadunt; Quia nempe ex interioribus nervorum, & arteriarum fibris, iisdemque magis constrictis, adeoque confertioribus prodeunt: licet eodem sanguine coalescant. Nam omnes corporis partes eodem sanguine nutriuntur, & crescunt diversimodè percolato; omnesque illarum differentia ex majori vel minori constrictione prodeunt: ut dictum est de nucleo, & pulpâ fructuum.

Constat igitur sanguinem perpetuò circulare; sed quâ ratione, & quâ de causâ id fiat, explicari non potest: nisi perspetis organis, è quorum dispositione sanguinis circulatio dependet; quod sequentibus duobus capitibus præstabimus.

C A P U T I V.

De Organis ad Sanguinis circulationem Comparatis.

CORPUS hominis, & cujuscumque Animalis dividi solet à Medicis in qua-

CAP. IV. DE SANGUIN. CIRCUL. 57

tuor partes præcipuas, nempe, in summam, Mediam, infimam, & extremam.

Summa pars extenditur à vertice ad Claviculas, quæ sunt duo ossa infra collum hinc, & inde posita, quibus pectus quasi clauditur desuper; atque hanc partem vulgò appellant animalem: eò quòd in capite contineantur organa sensuum; sitque in eo sedes, & origo nervorum, qui in omnes corporis partes distribuuntur, quique sunt organa operationum animalium.

Media pars, seu pectus à claviculis porrigitur usque ad Diaphragma, quòd musculus est infra cor, & pulmones constitutum, quo tanquam firmo muro, septo: medio pars hæc ab infima, scilicet pectus à ventre dirimitur; continetque oesophagum; pulmones, & cor: atque hanc partem vocant vitalem, eò quòd in ea contineatur cor præcipuum organum facultatum vitalium, cum pulmonibus, & diaphragmate, ex quibus ut plurimum pendet sanguinis circulatio, in qua Animalis vita consistit.

Infima pars à diaphragmate porrigitur usque ad crura, continetque intestina omnia ad naturalem, ut vocant, facultatem instantia.

Extrema pars nomine artuum, vel extremorum comprehensa continet crura, pedes,

58 PARS.III. PHYS. TRACT.II.

brachia , & manus , de quibus infra sigillatim agemus. Nunc verò de pulmonibus , de corde , & diaphragmate , quæ ad circulationem sanguinis præcipuè spectant.

Primò itaque in faucibus duo sunt observandi meatus , qui sunt quasi ostia , vel initia duorum canalium , seu fistularum , quarum posterior dicitur œsophagus , qui per posteriorem thoracis Regionem perforato diaphragmate in ventriculum desinens triplici membranâ , fibrisque multis constat tum rectis , tum obliquis ad cibum in stomachum , seu ventriculum adducendum , & aliquando ejiciendum comparatis.

Secundò. Anterior in pulmones desinens trachea , vel aspera Arteria dicitur ad respirationis , vocisque usum comparata ; hujus ostiolum Larynx ; seu caput tracheæ vulgò appellatur , suoque obducitur operculo , quadam , scilicet , cartilagine linguae radici adhærente , quæ Epiglottis nominatur , estque adinstar pontis ductarii ad alimentum traducendum versùs meatum posteriorem œsophagi : ne quid alimenti interglutiendum decadat in pulmones. Ac si quid fortè cibi debitâ semitâ aberret , adest gemina cellula ad Laryngem utrimque parata , quâ illud excipitur : moxque aliquo tussis nisu foras extruditur. Præterea Epiglottis est præcipuum vocis organum , quana velut plectrum quoddam moderatur.

CAP. IV. DE SANGUINE CIRC. 59

Tertiò. Truncus asperæ Arteriæ ex multis velut annulis conflatur, qui ex quâ parte trachea œsophagum tangit, ne deglutitionem ciborum impedian, suos circulos non absolvunt; sed in membranam carneam abeunt, quia ex illa parte minùs constringuntur: illosque devinciunt quædam membranæ, quas omnis generis vasa, venæ, scilicet, Arteriæ, Lymphæ ductus, imò & nervi irrigant. Hinc tracheæ sensus adeo est exquisitus, ejusque motus ex nervis proficiscitur, & fibris tum rectis, tum circularibus, quæ rectis subjiciuntur, & contractæ cavitatem tracheæ angustiores efficiunt. Rectæ verò, dum contrahuntur, circulares, & cartilagineam adducunt, simulque expirationi inserviunt: præsertim cum quid incommodi vel tussi, vel sputo ejicitur.

Quartò. Truncus asperæ Arteriæ, cum pectoris cavitatem subit, in duos calamos producit in pulmonum substantiam diffusos, qui duos pulmonum lobos, vulgò *branchia* dictos constituunt, quique in plures furculos dividuntur, hique rursus in lobulos pene innumeros abeunt racemis vuarum non dissimiles. Hujusque calami structura ab ipsius trunci fabrica non dissidet, nisi quod annulos habeat sic aptatos, ut annulus inferior, & à trunco remotior superiorem subeat in expiratione. Eò namque

58 PARS.III. PHYS. TRACT.II.

brachia, & manus, de quibus infra sigillatim agemus. Nunc verò de pulmonibus, de corde, & diaphragmate, quæ ad circulationem sanguinis præcipuè spectant.

Primò itaque in faucibus duo sunt observandi meatus, qui sunt quasi ostia, vel initia duorum canalium, seu fistularum, quarum posterior dicitur œsophagus, qui per posteriorem thoracis Regionem perforato diaphragmate in ventriculum desinens triplici membranâ, fibrisque multis constat tum rectis, tum obliquis ad cibum in stomachum, seu ventriculum adducendum, & aliquando ejiciendum comparatis.

Secundò. Anterior in pulmones desinens trachea, vel aspera Arteria dicitur ad respirationis, vocisque usum comparata; hujus ostiolum Larynx; seu caput tracheæ vulgò appellatur, suoque obducitur operculo, quadam, scilicet, cartilagine linguae radici adhærente, quæ Epiglottis nominatur, estque adinstar pontis ductarii ad alimentum traducendum versùs meatum posteriorem œsophagi: ne quid alimenti interglutiendum decadat in pulmones. Ac si quid fortè cibi debitâ semitâ aberret, adest gemina cellula ad Laryngem utrimque parata, quâ illud excipitur: moxque aliquo tussis nisu foras extruditur. Præterea Epiglottis est præcipuum vocis organum, quam velut plectrum quoddam moderatur.

CAP. IV. DE SANGUINE CIRC. 59

Tertiò. Truncus asperæ Arteriæ ex multis velut annulis conflatur, qui ex quâ parte trachea œsophagum tangit, ne deglutitionem ciborum impediunt, suos circulos non absolvunt; sed in membranam carneam abeunt, quia ex illa parte minùs constringuntur: illosque devinciunt quædam membranæ, quas omnis generis vasa, venæ, scilicet, Arteriæ, Lymphæ ductus, imò & nervi irrigant. Hinc tracheæ sensus adeo est exquisitus, ejusque motus ex nervis proficiscitur, & fibris tum rectis, tum circularibus, quæ rectis subjiciuntur, & contractæ cavitatem tracheæ angustiores efficiunt. Rectæ verò, dum contrahuntur circulares, & cartilagineam adducunt, simulque expirationi inserviunt: præsertim cum quid incommodi vel tussi, vel sputo ejicitur.

Quartò. Truncus asperæ Arteriæ, cum pectoris cavitatem subit, in duos calamos producit in pulmonum substantiam diffusos, qui duos pulmonum lobos, vulgò *bronchia* dictos constituunt, quique in plures furculos dividuntur, hique rursus in lobulos pene innumeros abeunt racemis vuarum non dissimiles. Hujusque calami structura ab ipsius trunci fabrica non dissidet, nisi quod annulos habeat sic aptatos, ut annulus inferior, & à trunco remotior superiore subeat in expiratione. Eò namque

60 PARS III. PHYS. TRACT. II.

minores sunt annuli, quò magis à trunco removentur. Contra verò, dum aërem inspiramus in longum, & latum producuntur.

Quintò. Venæ, & Arteriæ sic tracheæ furculos, seu Bronchia comitantur; ut tracheæ fistulæ medium, Arteriæ interiorem, & venæ exteriorem locum semper occupent. Nam Arteria pulmonaris è dextro cordis sine exiens in duos pulmonum lobos duos primum ramos enittit, qui in minores divisi ramulos in omnes pulmonum lobulos, atque cellulas diffunduntur, ibique prodeunt in ramulos venæ pulmonaris, quæ in sinistrum cordis ventriculum se exonerat. Hæc quidem Arteria tunicâ musculari fibris nimirum, rectis, & circularibus instructa cernitur: uti de trachea dictum est, Eadem fibræ in vena pulmonari sunt conspicuæ, & in Aorta etiam; nisi quòd latiores sunt in vena pulmonari, eò quòd minùs constringantur.

Caterum plures nervorum furculi in pulmones distribuuntur, qui tum tracheæ, tum venarum, & Arteriarum tunicas stringunt; ac demum communi pulmonum membranâ pariter obvolvuntur; ita ut pulmones nihil aliud sint, quàm quoddam ex Nervorum, Arteriarum, atque venarum fibris compositum.

CAPUT V.

De Structura Cordis, & Diaphragmatis.

INtra thoracis cavitatem, & quasi inter duos pulmonum lobos super diaphragma medium cor dependet; ita ut cordis basis medio thoraci respondeat, & mucro illius ad laevam declinet. Cor enim nucis pineæ figuram imitatur, atque basis illius sursum, mucro autem, seu apex deorsum vergit.

Cor duos habet sinus, seu cavitates interiores, quas vulgò cordis ventriculos vocant, nempe unum dextrum, & alterum sinistrum medio inter se pariete, seu septo crassissimo diremptos, quibus desuper adjuncti sunt duo sinus alii, quos cordis auriculas vocant, nempe, dextram, per quam vena cava in dextrum cordis ventriculum sese exonerat; alteram sinistram, per quam vena pulmonaris in sinistrum cordis ventriculum pariter se exonerat.

Nam omnes tam venæ, quam Arteriæ revocantur ad quatuor velut truncos, ex quibus duo sunt venarum, qui ex innumeris venarum surculis per totum corpus diffusis, atque in cor confluentibus efformantur, nempe, vena cava, & vena pulmonaris.

62 PARS III. PHYS. TRACT. II.

Duo item sunt Arteriarum, qui è corde prodeunt, atque in varios furculos divisi per totum corpus distribuuntur. Primus arteriæ truncus est Aorta, quàm vulgò Arteriam magnam vocant, è sinistro cordis ventriculo prodiens, atque per totum corpus se diffundens: alter dicitur Arteria pulmonaris è dextro cordis ventriculo erumpens, atque pulmones tantùm irrigans.

Accuratiores cordis fabrica ex inspectione ovini, vel porcini cordis clariùs innotescet. Nam detractâ primùm illius capsulâ, quæ pericardium vocitatur; quæque liquorem quemdam serosum continet è corde exundantem, quo exterius cor perfunditur, ne rugas contrahat, vel nimium exsicceetur; detractâ etiam primâ cordis pelliculâ intueri licebit illius fibras, præsertim si prius coctum fuerit, instar helicis, aut cochleæ contortas, quæ à læva in dexteram partem obliquè descendunt; ac plures ex iis per mucronem cordis sursum revolvuntur, eaque in cordis basim velut in tendinem desinunt: sic tamen ut plures fibræ inde ad cordis mucronem perveniant.

Jam ubi hunc Cordis velut corticem detraxeris, aliud quasi fibrarum stratum cernes, quæ contrario ductu, à dextra nimirum in lævam obliquè descendunt, & à cordis mucrone reflexæ in basis itidem tendines desinunt: ita tamen ut quæ exterio-

CAP. V. DE SANG. CIRCUL. 63

res sunt in uno latere, fiant interiores in altero, atque ita contingit in quolibet cordis ventriculo. Utriusque siquidem ventriculi ostia tendinoso cinguntur margine, qui duplex est in unoquoque ventriculo exterior nimirum, & interior; pleræque etiam fibræ in columnas carneas ventriculorum interiores abeunt, & in fibras valvularum, quæ tricuspides dicuntur. Nam ventriculorum ostia, suas habent valvulas, quæ modò clauduntur, postea referantur: ut explicabitur sequenti capite.

Ad structuram cordis pertinent duæ illæ auriculæ, quæ nihil aliud sunt quàm duo muscoli, quorum quilibet in duplicem tendinem desinit; horum utique tendinum unus est cum basi cordis communis, seu cum tendine ostii ventriculi cordis: alter, quæ venam cavam, aut venam pulmonarem spectat, in circuli modum tornatur. Similis est utriusque auriculæ structura, atque ambæ simul dilatantur, & constringuntur alternis vitibus cum cordis ventriculis; ita ut cum cordis ventriculi constringuntur, dilatentur auriculæ: eæque constringantur, cum cordis ventriculi dilatantur.

Cor itaque, quod præcipuum est vitæ organum, atque primum vivens, & ultimum moriens vulgò appellatur, est adinstar insignis cujusdam musculi ex quatuor musculis compositum, innumerisque fibris in-

64 PARS III. PHYS. TRACT. II.

vicem implexis, quæ ex arteriarum, & venarum sibi invicem occurrentium truncis ita prodeunt; ut sinister ventriculus nihil aliud sit, quàm textura fibrarum ex Aortæ tunicis prodeuntium. Similiter ventriculus dexter contextitur fibris prodeuntibus ex tunicis arteriæ pulmonaris. Septum medium ex utriusque arteriæ lateribus simul coeuntibus prodit: idque propterea crassissimum, est. Auricula dextra tunicæ venæ cavæ, sinistra pulmonaris venæ fibris componitur: hisque omnibus nervorum truncus innumeras fibras inferit. Ita ut cordis structura, & ventriculorum, auricularumque differentia ex vario nervorum, arteriarum, atque venarum sibi occurrentium situ, & variâ crassitie repetenda sit.

Superest ut de diaphragmate disseramus, quod quidem non parùm confert ad circulationem sanguinis promovendam. Diaphragma igitur est tanquam firmus murus, septumque medium, quo Pectus clauditur, atque ab infima corporis parte dirimitur. Duplici constat musculo, inferior à vertebra Lumborum, superior à costis oritur: uterque in tendinem latum definit, qui instar membranæ perlucidæ, & firmæ, Diaphragmatis medium occupat. Œsophagus, seu gula Diaphragma penetrat; adeo ut illius foramen sit in Diaphragmatis parte carneâ: sicut vena cava illius partem membranoseam pervadit.

CAP. V. DE SANG. CIRCUL. 65

Est autem Diaphragma ex parte superiori costis pectoris, & mediastino, ex parte inferiori lumborum vertebriis, jecori, & Lieni illigatum; ne plus æquo deprimatur, cum aerem inspiramus: aut ocyus, quam par sit, resiliat, dum expiramus; ac pulmones, & cor ipsum lædat. Unde quia in suspiriis magna est Diaphragmatis depressio, ea vim quandam affert subjectis visceribus. Mediastinum autem vocant membranam illam, quæ duos pulmonum Lobos abinvicem dirimit. Diaphragma itaque velut in sui motus centro constitutum sive attollatur, dum expiramus, sive deprimatur dum inspiramus, tenditur. His ita suppositis explicanda nunc est sanguinis circulatio; sed primum referendæ sunt Recentiorum opiniones de duplici cordis motu.

C A P U T V I.

De Cordis Motu Recentiorum Opiniones.

CArtesium existimat sanguinem ab utraque vena in utramque cordis Auriculam, atque inde in utrumque cordis ventriculum guttatim illabi; tum præinsito igne vitali, quem naturæ conditor utrique cordis cavitati inseruit, statim intumescere. Ex illa effervescentia cordis ventriculos resera-

66 PARS III. PHYS. TRACT. II.

tis valvulis simul & arterias dilatari; diastolem cordis fieri, tumque cor mucrone suo pectus ferire. Sed detumescente illà sanguinis guttâ arterias deprimi, claudi earum valvulas; cor ipsum relaxari, & mucrone depresso quiescere: tumque esse cordis systolem.

Cùm autem non major percipiatur calor in corde, quàm in aliis visceribus; neque guttatim sanguis è corde in arterias, sed ubertim propellatur: nihilque sit, quod prohibere possit, ne sanguis ab utraque vena in utrumque cordis ventriculum immediate defluat; perspicuum est prædictam hujusce motûs causam esse fictitiam. Confirmatur ex eò quòd, si aqua frigida per venam jugularem canis vivi injiciatur, motus cordis crebrior futurus est: neque tamen sanguis aquæ infusione magis accenditur, aut fortius exploditur.

Harveus, qui primus circulationem sanguinis aut apprehendit, aut firmis rationibus munivit; sic motum cordis fieri existimat; nempe sanguinem ex utraque vena in cordis auriculas, quæ sunt quasi venarum Appendices, & partes omnium primæ in animali efformatæ, copiosum exundare: Tumque auriculas dilatari; deinde ex contractæ, inquit, sese in cordis ventriculos exonerant. Ac proinde cor dilatatur, quia impletur sanguine: non quod ex subita

CAP. VI. DE CORDIS MOTU. 67

guttæ effervescencia intumescat. Cor itaque, ut cæteri muscoli, dilatatum sese contrahit; & arctatis ventriculis mucrone suo pectus ferit: valvulas arteriarum aperit, & dilatantur arteriæ; tumque fit cordis systole.

Obijci verò potest pro Cartesio contra Harveum, quod cum majori vi sanguis e corde in arterias protrudatur, quàm e venis in cor influat, (nam velocius movetur sanguis in arteriis, quàm in venis) necesse est ut fiat aliqua in corde sanguinis effervescencia. Præterea cum cor in systole coarctetur, & deprimatur; videtur quod non possit tunc pectus mucrone suo ferire: sed potius cum dilatatur in diastole, & globosius evadit. His adde quod explicandum superest quâ vi constringantur cordis ventriculi. Denique cum motus cordis, quem vocant diastole, à motu sanguinis in cor decidentis deriveetur; superest etiam explicandum quemodò conservetur perpetuus ille sanguinis motus ex arteriis in venas. Unde tota (ut vides) adhuc sub iudice lis est.

CAPUT VII.

*Motus Cordis , & Sanguinis Circulatio
Explicantur.*

VT clariùs innotescat cordis motus, tum circulationis sanguinis causa; ad sua principia resolvenda est quæstio, atque ad motuum leges reducenda.

Primò igitur. Impossibile est, ut cor constringatur; nisi priùs fuerit dilatatum. Unde prior est dilatatio cordis ejusdem constrictione, atque ex majori, vel minori dilatatione sequitur major, aut minor constrictionis motus.

Secundò. Impossibile est ut majori copia sanguis per cordis constrictionem in arterias propellatur, quàm è venis in cor influat: Tum quòd è venis in cor influat, nisi simul refluat ex arteriis in venas. Æqualis est igitur copia sanguinis in cor decidentis, & è corde erumpentis: Tum motus dilatationis motui constrictionis.

Tertiò. Manifestum est quòd motus spirituum animalium à cerebro in cor confluentium est à motu reflexo sanguinis arteriosi è corde in cerebrum propulsi, atque inde per orificia nervorum in cor reflexi; atque ita motus spirituum animalium à ce-

CAP. VII. DE SANG. CIRCUL. 69

rebro in cor, eorundemque motus à corde in cerebrum abinvicem dependent: sicut motus sanguinis ex venis in arterias, & ex arteriis in venas.

Quartò. Læso pulmone, aut Diaphragmate læditur sanguinis circulatio; alterutro autem totaliter deficiente brevi deficit cordis, tum sanguinis motus: deficiente pariter cordis motu statim deficit tum pulmonis, tum Diaphragmatis motus.

Quintò. Si sanguis aut nimio calore, aut nimio frigore corripitur; cessabit tum cordis motus, tum sanguinis circulatio vel in parte, vel in toto: si ex parte, vel totaliter alterutrum sanguini contingat.

Ex his perspicuum est neque cordi tantum, aut sanguini; neque pulmoni tantum, aut Diaphragmati, neque venis, vel arteriis, nervisque tantum tribuendam esse sanguinis circulationem: sed omnibus simul conjunctim, atque harum partium motus à se invicem dependere; ita ut omnes illæ partes sint in æquilibrio inter se constitutæ.

Fit itaque cordis dilatatio tum à decedente in illius ventriculos sanguine, tum ab illius constitutione fibrarum, quæ instar cochleæ ex basi versùs mucronem circumvolutæ ope spirituum animalium per nervorum propagines in cor confluentium facile volvuntur, & revolvuntur. Dum enim

70 PARS III. PHYS. TRACT. II.

sanguis in cordis ventriculos decidit , turgentibus ventriculis simul constringuntur nervi , & spiritus animales versùs originem suam resiliunt : sicque fit cordis dilatatio ; sed quia spiritus animales à corde resilientes à supervenientibus in cordis nervulos repelluntur : ideò turgentibus nervulis , & coarctantibus sese necesse est ut cordis ventriculi constringantur. Atque ita sicut decedente in cordis ventriculos sanguine sursum propelluntur spiritus animales : sic decedentibus in cor Spiritibus animalibus sursum propellitur sanguis.

Propterea ligato in cervice canis trunco nervorum, qui in cor influunt ; statim com-meatu spirituum animalium intercepto cordis motus fit tremulus , & palpitans ; quia propulsionis , & reflexionis spirituum animalium motus minuitur ; Tumque per unum , aut alterum diem Canis miseram vitam agit , donec stagnante in ventriculis cordis sanguine expiret.

Similiter in quibusdam insectis in quibus non est tanta partium dependentia propter fibrarum nodos idemtidem occurrentes , & in quibus minor est spirituum animalium evaporatio ; quia compactiores sunt eorum fibræ , & minus porosæ ; motus cordis semel inceptus aliquandiu perseverat ope spirituum animalium in cordis fibris inclusorum dumtaxat , qui ex una parte in

CAP. VII. DE SANG. CIRCUL. 71

aliam alternis vicibus propelluntur, & reflectuntur. Sic cor exemptum è vipera interdum per quinquaginta horas pulsat; pulsare verò tandem desinit: quia spiritus animales sensim effluunt.

Cæterum cordis motus hoc ordine perficitur. Primò ex utraque vena in utrumque cordis ventriculum sanguis decedit. Nihil est enim, quòd prohibere possit, ne sanguis in ventriculos decadat priusquam auriculæ intumescant. Tuncque fit cordis dilatatio, seu diastole; turgentibusque ventriculorum parietibus valvulæ tricuspides referantur, & cordis mucro propius accedit ad basim. Deinde fit systole, seu cordis constrictio, quâ sanguis ex utroque ventriculo in utramque arteriam propellitur; & quod reliquum est sanguinis extrusi in auriculas protruditur: atque inde per diastolem in ipsos ventriculos recidit. Ut liquet ex eò, quòd detumescantibus ventriculis intumescant auriculæ, illisque intumescantibus auriculæ detumescant.

Interim dum cordis ventriculi constriunguntur, cor durius evadit; illiusque mucro recedens à basi in pristinum statum restituitur: Tuncque mammæ sinistræ costas pulsat, dum tantisper attollitur. Atque ita simul arteriæ omnes pulsant, dum cor ipsum pectus ferit: Ut experiri quisque potest. Neque enim arteriæ pulsare possunt,

nisi cum in Systole sanguis in eas propellitur. Quia verò cordis, & sanguinis motus à se invicem dependent; motusque sanguinis è corde in Arterias populi sensim minuitur: explicandum est quomodo motus sanguinis circulando minuatur, ac postmodum in pristinum statum restituatur. In quo non modica superest difficultas.

CAPUT VIII.

Sanguinis Motus Explicatur.

Primò. Necessè est ut sanguis humidus sit, ad hoc ut fluere possit, ut autem actualiter ex arteriis in venas, ac rursus ex venis in Arterias circulando fluat, moderatè calidus esse debet. Cum enim calor sit motus corpusculorum ignis à centro corporis calidi ad illius circumferentiam, si motus caloris in sanguine moderatus existat: illius ope juxta venarum, & arteriarum ductus sanguis diffundetur à corde propulsus; in quam scilicet, partem minor est resistentia. Si nimius fuerit calor in sanguine, is magis ad circumferentiam diffundetur: atque per poros corporis effluet: contra si nimium remissus fuerit caloris motus, sanguis fluere non poterit.

Secundò. Certum est quod liquor fluidus

CAP. VIII. DE SANG MOTU. 73

dus tubulis inclusus velociori motu cieri
 non potest in una, quàm in altera tubuli
 parte; dummodò æqualis sit tubuli crassi-
 ties. Cum enim liquor hujusmodi sit cor-
 pus impenetratum, is intra tubulum move-
 ri nequaquam potest; nisi eodem tubulo
 inclusus liquor æquale spatium relinquat
 subsequenti liquori. Hinc in æquali tubulo
 præcedens liquor æquali velocitate necesse-
 riò propellitur à subsequenti: sic enim
 æquale spatium ipsi relinquit. Si verò ma-
 jor in ea parte fuerit tubulus, minori: si
 minor, majori velocitate cietur. Ut perspi-
 cum est.

Tertiò. Liquor fluidus tubulis inclusus
 tantum ascendit ex una parte, quantum
 innatâ gravitate descendit ex alia. Ut mul-
 tiplici constat experienciâ, atque evidenti
 ratione demonstratur. Cum igitur sanguis
 fluidus Venis, & Arteriis velut tubulis in-
 clusus moveatur; non potest motus illius
 minui ex eò, quòd longius à corde rece-
 dat: neque ex eò, quòd è corde per Arte-
 rias descendens per venas in cor ascendat;
 aut è corde per Arterias ascendens alicubi
 per venas in cor descendat. His ita suppo-
 sitis.

Tota ratio cur sanguinis arteriosi motus
 minuat, est quia pars illius per poros eva-
 poratur; alia pars cedit in alimentum omni-
 bus corporis partibus: quæ autem remanet, in

omnes arteriarum fibras capillares, ac fere insensibiles protrusa indè per plures ac majores venas ad cor refluit. Sic enim fit ut motus, qui priùs totus simul cùm sanguine in arteriæ trunco existens valdè sensibilis erat, dum simul cùm sanguine arteriis capillaribus distribuitur, fere insensibilis evadat: tum ut minùs intensus fiat in venis majoribus, quàm in arteriis minoribus.

Eadem verò proportionè crescit sanguinis per venas ad cor redeuntis motus, quâ decrevit ejusdem sanguinis ex arteriis in venas subeuntis velocitas. Quæ siquidem evaporantur sanguinis partes, tum quæ in alimentum cedunt per ciborum digestionem, & novi sanguinis præparationem refarciuntur; quæ verò remanent, dum per arterias capillares in venas item capillares propelluntur: atque ex his in majorem venæ truncum, priorem motum sensim recuperant; ita ut quò sanguis per majorem venæ truncum magis ad cor appropinquat, eò magis augeatur illius motus: sitque magna ex parte restitutus in ea venæ parte, ex qua immediatè sanguis in cor influit. Cùm enim præcipua ratio cur minuatur illius motus sit, quia ex Arteriæ trunco in arterias capillares distribuitur; manifestum est quòd, si ex arteriis, & venis capillaribus in unum majorem venæ truncum simul protrudantur

CAP. VIII. DE SANG. MOTU. 75

illius partes , eadem proportionē motum illius augeri necesse sit.

Verū quia venæ , quæ minùs constringuntur , majores sunt Arteriis ; quòd in venis ob minorem resistantiam sanguis ad circumferentiam magis diffundatur , quàm in Arteriis : idè non potest totaliter in venæ trunco sanguinis motus restitui ; sed necesse est ut è vena in cor decidat , atque indè in Arteriam , nempe , in minorem tubulum sanguis protrudatur. Sic enim necessariò augetur motus tum propter gravitatem sanguinis in cor decidentis : tum quòd ex ampliori spatio in minus spatium protrudatur æqualis portio sanguinis.

Id autem non statim , sed successivè perficitur. Nam sanguis è vena cava in dextrum cordis ventriculum altero debiliorem decidit ; atque indè per systolem in Arteriam pulmonarem propellitur : sicque primū augetur illius motus ; sed dum per venam pulmonarem quasi per declivē fertur in sinistrum cordis ventriculum , atque indè protruditur in Aortam , plenè illius motus restituitur.

Propterea crassioribus , & compactioribus instructus est parietibus sinister cordis ventriculus ; ut decidentis è vena pulmonari sanguinis impetum sustinere possit : illumque validiùs propellere in Aortam , ex qua per totum corpus diffunditur innume-

ris ramis, ac furculis tum ascendentibus, tum descendentibus ad extremas usque corporis partes. Undè tandem relicta ubique portione ad nutritionem necessariâ refluit in venam cavam per plurimos illius furculos toto corpore propagatos: sicque ad dextrum cordis ventriculum revertitur peractâ unâ circulatione ad aliam priori similem inchoandam.

C A P U T IX.

Pulmonis & Diaphragmatis Motus Explicantur.

AD peragendam sanguinis circulationem necessarius est pulmonis motus, quo idemtidem attollitur, & deprimitur? alioquin cessante hujusmodi motu brevi cessat sanguinis circulatio: nisi in fœtu, qui quandiu in utero existit non respirat; eò quòd motum simul cum sanguine ab utero materno accipiat.

Dum enim attolluntur, ac dilatantur pulmones per aëris inspirationem sanguis arteriosus in omnes arteriarum furculos per pulmonum substantiam diffusos, atque inde in furculos omnes venarum pulmonis facile diffunditur, ex parte propulsus à subeunte pulmonem aëre. Interim dum fla-

CAP. IX. DE MOTU PULM. &c. 77

tus, & fuligines, quæ sanguinis motum minuunt, ex ipso sanguine per pulmonum poros erumpunt; subtiliora tum aëris, tum ignis corpuscula in aëre diffusa per pulmonum itidem poros sanguinem subeunt: ipsumque mobiliorem efficiunt.

Dum autem in expiratione deprimuntur pulmones, sanguis è venis capillaribus in venæ pulmonaris truncum, indeque in sinistram cordis ventriculum protruditur; simulque flatus, & fuligines cum aëre per tracheam expelluntur. Arteriæ quoque capillares quasi versùs cor adducuntur ad excipiendum sanguinem è corde erumpentem.

Pulmonum itaque dilatatio ab erumpentis è corde in arteriam pulmonarem sanguinis sufficienti copiâ proficiscitur: atque à subeunte simul per Tracheam aëre promovetur. Hinc non quolibet cordis pulsu, sed quarto tantum, aut quinto circiter dilatantur pulmones; atque si majori intervallo impediatur respiratio, eadem proportionem augetur postea: sicque refarcitur damnum, quod ab illa interruptione emerfit. Nam aut diutius producitur succedens inspiratio validior; aut crebrius repetitur debilior urgente sanguine arterioso: donec motus sanguinis per illam interruptionem fractus sensim restituatur. Eadem est ratio expirationis, quæ fit in contractione pul-

monum ; nisi quòd pulmonum contractio ope spirituum animalium per nervorum propagines in pulmonum substantiam diffusas perficiatur. Sed ut hæc clariùs percipiantur.

Notandum quòd tam pulmones , quàm Arteria intra pulmonum cavitatem diffusa, & vena pulmonaris in convexa eorundem pulmonum parte distributa fibris , ut jam dictum est , tum rectis , tum annularibus constant, quæ simul in æquilibrio existunt adinvicem ; dum sine motu considerantur. Dum autem sanguis è corde in Arteriam pulmonarem propellitur , atque indè in venam itidem pulmonarem ; necesse est ut omnibus arteriæ , atque venæ furculis sanguine turgentibus pulmo globosior evadat : tum ut omnes fibræ annulares abinvicem recedant ; simulque omnes fibræ rectæ cum nervorum furculis in pulmonum substantiam diffusis , quantum fieri facillè potest , distendantur , & constringantur : sicque spiritus animales constrictis nervorum tubulis versùs originem suam resiliant.

Sic dilatari pulmones incipiunt , pectusque simul attollitur per exteriores musculos intercostales , qui , dum eorum fibræ omnes arteriosi sanguinis appulsu fiunt turgidæ , contrahuntur ; & costas sursum adducunt : simulque nervorum propagines sibi insertas constringentes spiritus anima-

CAP. IX. DE MOTU PULM. &c. 79

les versùs originem suam similiter repellunt.

Cùm igitur incipit dilatari pectus simul cum pulmonibus, aërem externum, cujus locum occupat, in pulmonum cavitatem per Tracheam simul impellit; & quia ex ampliori spatio per angustius, atque declive spatium aër protruditur: illius motus augetur. Sicque conjunctus aër cum sanguine arterioso pulmonum dilatationem promovet, quantum faciliè eorum fibræ, tum nervi distendi possunt. Ibiq; desinit pulmonum dilatatio, eorumque incipit contractio; dum à nervorum origine repulsis spiritibus animalibus, nervi priùs distenti, atque constricti, fiunt turgidi, atque secundùm longitudinem contrahuntur: fibrasque pulmonum sanguine turgidas vicissim constringunt, atque ex illis sanguinem exprimunt in sinistrum cordis ventriculum.

Similiter dum exteriorum Musculorum intercostalium nervi priùs constricti spirituum animalium appulsu fiunt turgidi; musculorum fibras, inter quas inseruntur, vicissim constringunt: unde muscoli secundùm longitudinem priùs coarctati distenduntur; tuncque sanguis arteriosus in antagonistas musculos intercostales interiores confluit: ipsique turgescunt, & secundùm longitudinem coarctantur; simulque costas,

80 PARS III. PHYS. TRACT. II.

& pectus introrsum adducunt. Ita ut oppositorum musculorum motus à se invicem dependeant ; & successive moveantur Musculi ad vitalem facultatem pertinentes.

Sic Diaphragma per musculum superiorem sursum , & per inferiorem deorsum adducitur ; eoque motu promovetur sanguinis circulatio. Enim verò dum Diaphragma deprimitur , jecur , & Lien , ventriculus , & intestina omnia comprimuntur ; totumque abdomen cum pectore dilatatur : sanguis arteriosus deorsum ex arteria descendente quasi exprimitur ; vena etiam cava deorsum adducitur ad excipiendum sanguinem ex arteriis refluxum. Tunc è compresso jecore sanguis per venam portæ in venam cavam exprimitur ; vesicula felle in duodenum gutatim se exonerat, in quod etiam Chimus è ventriculo compresso delabitur , sicut succus pancreaticus è compresso pancreate. Chilus pariter è duodeno cæterisque intestinis compressis in venas lacteas propellitur ad hoc maximè conducente abdominis dilatatione , excrementa quoque inferius sensim protruduntur : sanguis denique in Liene compresso è venis capillaribus in venam splenicam quasi emulgetur.

Dum verò Diaphragma sursum attollitur ; venam cavam ascendentem cum sanguine refluxo sursum versus cor adducit , simulque arteriam descendentem ad exci-

CAP. IX. DE MOTU PULM. &c. & recipiendam sanguinem è corde erantropentem; omniaque Diaphragmati subiecta viscera, & intestina, quæ prius compressa planam utcumque figuram sortiebantur, ope nervorum, atque fibrarum rectarum, quæ prius erant distentæ, in pristinum statum restituantur: atque in ipsa faciliè confluit sanguis arteriosus. Tunc Chilus è venis lacteis sursum propellitur per ductum Chiliferum, & ramos subclavios in venam cavam, indeque in dextrum cordis ventriculum conducente ad hoc subsidente abdomine. Hæc autem omnia æquabili dilatationis, tum contractionis motu faciliè perficiuntur: quod viscera omnia sint quasi in æquilibrio invicem constituta. Siquidem ex pulmonum dilatatione promovatur Diaphragmatis depressio, & subsectorum viscerum compressio: sicut ex viscerum, & Diaphragmatis restitutione adjuvatur pulmonum contractio.

C A P U T X.

*De Partibus ad Chili, & Sanguinis
preparationem spectantibus.*

CUM sanguis inter circulandum aliquam sui partem alendo corpori impertiat, dum pars illius altera per insensibi-

82 PARS III. PHYS. TRACT. II.

bilem , atque continuam transpirationem diffatur : aut in urinam , sudores , & alia facessit excrementa ; necesse est ut novo commeatu ex alimentis identidem reparatur. Quàpropter quænam sint organa ad ciborum digestionem , & sanguinis præparationem spectantia explicandum est.

1^o. Itaque præter fauces, in quibus occurrunt dentes, quorum alii sunt secantes, hique anteriores; alii perforantes, qui etiam canini dicuntur : alii denique molares, sive tundentes , quibus variè cibus comminuitur , adest Œsophagus , per quem cibus decidit in ventriculum ab Œsophago pendentem sub Diaphragmate inter Jecur , & Lienem constitutum adinstar cucurbitæ membranis crassioribus constantem , multisque fibris carneis , nerveisque tum rectis, tum obliquis ad egestionem sursum , deorsumque faciendam dispositis , innumerisque venis , & arteriis , quibus media illius tunica , quæ tota nervosa est , quasi reticulo obducitur. Intima verò illius tunica : tota rugosa , & crispata est , innumerisque referta glandulis ex arteriis prodeuntibus in parte convexa , quarum glandularum ostiola patent ex ejusdem tunicæ parte concava : atque ex ipsis humor quidem paulò viscidior effluit in ventriculum ad ciborum digestionem.

2^o. Ventriculi duo sunt orificia , una

CAP. X. DE PART. AD DIG. & C. 83

superius ad levam positū, & cum Œsophago continuatum, per quoddam alimenta subeunt; alterum ad dexteram priori paulò inferius, quoddam est caput, seu principium intestinorum, & Pylorus dicitur, per quoddam cibus in ventriculo digestus in intestina per duodenum ingeritur.

3°. Pyloro adhærent intestina inter se continuata, & per multos gyros convoluta, quæ sex numerantur, nempe, *Duodenum*, quoddam ventriculo immediatè adhæret ad Pylorum; deinde *Iejunum*, postea *Ileon*, hoc sequitur *Cæcum*, mox *Colon*, seu crassum: ac denique *Rectum*, quoddam instar Duodeni aliquanto spatio recta exporrigitur; servitque excrementis foras extrudendis, quæ etiam ope valvulæ inter Colon, & rectum constitutæ prohibentur in Colon regredi.

4°. Tria prima intestina dicuntur tenuia, quoddam tenuioribus membranis constant, Tria verò ultima vocantur crassa crassioribus nimirum membranis constantia. Intestinorum autem membranæ ventriculi tunicis ex quibus suam ducunt originem, sunt penè consimiles. Intima nempe eorum tunica rugosa est, & crispata innumeris conspersa glandulis; hanc excipit nervosa: venis itidem, & arteriis conspersa, omnique fibrarum genere instructa: huic succedit carnosa duplici constans ordine fibrarum,

84 PARS III. PHYS. TRACT. II.

quarum inferiores sunt annulares, superiores verò rectæ; extrema denique tunica est ut in ventriculo toto membranosa.

5º. Intestina omnia Mesenterii vulgò (*la Fraize*) margini rugoso, & in plicas collecto connectuntur, & coarctantur, dorsoque illigata sustentur. Ex ipsis venæ tenues prodeunt innumerae, quas lacteas vocant, & in quas Chilus ex intestinis protruditur; ac inde in receptaculum, quod in Mesenterii velut centro prope lumbos constitutum ab inventoris nomine *Pecqueti* receptaculum dicitur: unde Chilus ad instar lactis albescens per ductum Thoracicum Chiliferum dictum, perque subclavios ramos in venam cavam, atque inde in dextrum cordis ventriculum prætermisso jecore propellitur.

6º. Habet Mesenterium plures glandulas ad Chili ex intestinis propulsi percolationem, quibus videlicet discernitur humor: quidam aqueus, qui recidit in intestina cum facibus postmodum abigendus. Porro intestina teguntur omento vulgò (*la Coiffe*): membrana scilicet tenui, & pingui, quæ duabus tunicis constat pluribusque venis, & arteriis, quibus innatus intestinorum fovetur calor.

7º. Ventriculo immediatè subjacet Pancreas Glandula Conglomerata, ex innumeris, videlicet, Glandulis, tanquam vva ex

CAP. X. DE PART. AD. DIG. & C. 85

acinis, constans; æque inter se per vasa capillaria, & tenues admodum membranulas nectuntur. Per illius longitudinem ductus quidam amplius producitur, qui canalis *Virsungi* ab inventoris nomine appellatur, aut Canalis Pancreaticus, ex quo humor quidam, velut saliva ex oris glandulis expressa, tenuis, & diaphanus e sanguine arterioso secretus in intestinum duodenum gustatim influit, quo Chilus diluitur ut venas lacteas subire possit.

89. Ventriculo imminet jecur situm sub Diaphragmate, & mucronata pectoris Cartilagine juxta costas spurias in dextro Hypochondro. Ejus substantia adinstar sanguinis concreti sanguine tamen solidior est; constatque innumeris penè glandulis, velut vua ex acinis, conglomerata, quibus e sanguine arterioso humor quidam subviridis, vulgò bilis dictus, secernitur: atque inde propellitur in vesiculam fellis jecori adhærentem, unde sensim in duodenum defluit, quò pariter succus Pancreaticus delabitur ad Chilum diluendum.

90. Vasa Hepatis præter nervum, & Lymphæ ductum multum in ea parte conspicuos, & Arteriam hepaticam, quæ pro visceris mole videtur exigua, sunt venæ, per quas sanguis reflus ex jecore in dextrum cordis sinum transmittitur, scilicet, venæ cavæ ingens ramus, cujus prop. gines per totam

86. PARS.III. PHYS. TRACT.II.

jecoris substantiam diffunduntur : tum vena portæ , per quam sanguis ex ino ventre refluus in ipsum perpetuò influit ; atque ibidem venam cavam subiens indè ad dextrum cordis ventriculum dirigitur.

100. Ventriculo pariter imminet lien , seu splen sub Diaphragmate in sinistro Hypochondro juxta costas spurias. Ejus substantia jecore mollior subnigra est innumeris constans glandulis , velut vva ex acinis, conglomerata , quibus humor quidam subflavus secernitur à sanguine arterioso per multos Arteriæ cæliacæ ramos è sinistro cordis ventriculo in Lienem influentes, quique indè per venæ splenicæ ramos in venam portæ , tum ad jecur traducitur. Ex Liene autem humor ille subflavus per specialem canalem in intestina delabitur ad Chili præparationem; ut de succo Pancreatico , & de bili jam dictum est.

Hinc patet Lienem , & Jecur eidem muneri inservire , nimirum ut sanguis expurgetur ; atque humor secretus ad intestina traducatur ad Chili præparationem : idemque faciliùs , atque commodiùs per utrumque simul perficiatur , quòd per alterutrum tantùm difficiliùs , aut minùs commodè fieret ; tum ut unum alteriùs defectum suppleat , idque experimentis in canibus factis confirmatur. Nam cum his Lien excisus est , aut vasis splenicis colligatis

pene evanuit ; hepar quidem plus solito augmentum est , quòd Lienis munus objerit. Tunc enim sanguis arteriosus , qui parcius per arteriam hepaticam exilem prius in jecur influebat ; cò quòd major illius pars lienem subiret , copiosius in Jecur influit : sed dissecto post longum tempus abdomine nihil vitii aut in vasis , aut in circumjectis partibus apparuit.

Demique sub Jecore infra ultimam costam ad lumborum musculos positi sunt duo Renes intra Peritonæi membranas ; ita ut sinister paulò altior dextro existat. Horum substantia innumeris constat tubulis , qui nihil aliud sunt præter glandularum vasa excretoria , quibus sanguis arteriosus ab Aorta in Emulgentem, atque indè in renum substantiam protrusus inutili sero, sive urinâ expurgatur. Nam innumeræ in ipsis cernuntur glandulæ arterioli appendæ, in quas serosus sanguinis liquor protruditur ; indeque per tubulos membraneos deducitur in pelvim, ex quo sensim stillat in vesicam per canales duos membranosos commodis valvulis ad regressum impediendum instructos, quos Ureteres vocant. Porro diversum est serum pro varia Renum, & sanguinis affectione: undè solent Medici ex urinæ conspectu de valetudine, aut invaletudine judicare.

CAPUT XI.

De Digestione.

Digestionis vulgò triplex assignatur actio, nempe, Chymosis, Chylotis, & Hematosis.

Prima est, quâ cibus dentibus comminutus, atque in ventriculum trajectus, ibique dissolutus in substantiam cinerei coloris convertitur, quæ à Medicis dicitur Chymus.

Secunda est, qua Chymus è ventriculo in intestina propulsus, ibique ope succi pancreatici, humorisque è vesicula felle in duodenum decidentium dilutus, atque in lactei coloris substantiam, quæ Chylus à Medicis vocatur, conversus in lacteas venas propellitur.

Tertia est, qua Chylus in dextro cordis ventriculo sanguini admistus variâ, & multiplici percolatione in sanguinem convertitur. His suppositis.

Queritur 1^o. Utrum digestio ciborum in ventriculo fiat vi solius caloris.

Resp. Non solo calore, sed humore sufficienti, & leni calore perficitur digestio.

Probatur concl. à priori. Quia dissolutio ciborum in ventriculo ita fieri debet, ut in

CAP. XI. DE DIGESTIONE. 89

partes heterogeneas corpori animalis, quod heterogeneum est, adjiciendas: abeat atque vi solius caloris non potest ita fieri ciborum dissolutio, ut in partes heterogeneas abeant: nam calor per se ita resolvit, ut particulæ humoris in corpore resolvendo contenti sensim avolent per rarefactionem; sicque, ut aiunt, homogenea congregentur & disgregentur heterogenea. Ergo non solo calore fit ciborum digestio in ventriculo.

Confirmatur à posteriori. Quia solo calore panis, & caro, cibique solidiores sensim indurantur, ut multiplici constat experientiâ: atque panis, & caro, aliaque alimenta ad instar viscosæ pultis in ventriculo dissolvuntur; tum in liquidiorē substantiam lactei coloris abeunt in intestinis. Ergo non solo calore fit ciborum digestio, eaque proinde leni calore, & humore sufficienti perficitur.

Quæritur 2^o. Cur, aut quomodo leni calore, & sufficienti humore in ventriculo canis brevi dissolvantur ossa, quæ in lebetē ferventi neque per multos menses dissolvi possent: & in ventriculo piscis pisces integri digerantur, sicut Bufones in ventriculo serpentis.

Respondent recentiores Medici cum Philosophis id fieri opē humoris acidi tum è Liene in ventriculum decidentis, tum è ventriculi glandulis expressi, qui etiam pe-

actâ digestionem residuus velut fermentum quoddam in ventriculo asservatur. Sed præterquàm quòd semper explicandum superest quomodò illius humoris ope perficiatur digestio ; manifestum est quòd humor ille nihil aliud esse potest , quàm compositum quoddam aquâ , & igne constans , quòd ex ciborum digestionem , & variâ sanguinis percolationem procedit. Tum quòd arescente canis ventriculo , is non humorem acidum in ventriculum immitat ; sed aquam puram , cuius ope dissolvuntur ossa. Et sic integra , atque intacta remanet quæstio , quomodò sufficienti humore , & leni calore dissolvantur ossa in ventriculo canis.

Respondeo itaque quòd in olla , vel in lebate dum aqua fervet , ea celerius agitur à centro lebetis ad circumferentiam ; ut autem fiat ciborum dissolutio debet aqua sensim per poros eorum subire simul ex omni parte à circumferentia ad centrum : tum leniter à centro ciborum moveri ad circumferentiam ; ut illorum particulae abinvicem dividantur. Hinc in minori lebate optimè clauso, & obturato cibi benè còpacti faciliùs ac citius dissolvuntur cum humore sufficienti, & moderato calore , quàm in majori lebate aperto cum vehementiori calore: idque faciliùs adhuc perficitur , ac longè citius in ventriculo cum minori calore.

Cum enim ventriculus cibis ingestis di-

CAP. XI. DE DIGESTIONE. 91

stentus ope fibrarum, atque nervorum, in quos continuò confluunt spiritus animales, sensim coarctetur; cibos ingestos circumquaque constringit, atque humoris leni calore rarefacti particulas per eorum poros sensim magis, ac magis circumquaque impellit à circumferentia ad centrum: quia verò humor in ciborum poros impulsus leni calore agitur; ideo ciborum particulas facillimè dividit, ossaque ipsa quandoque brevi dissolvit in ventriculo canis. Quòd etiam sine calore sensibili fieri potest.

Hinc qui molliorem habent carnem, & latiores poros minùs digerunt, quòd ignis corpuscula faciliùs evaporentur, minùsque cibos constringat ventriculus: econtra qui solidiori carne, & poris angustioribus præditi sunt, citiùs, atque faciliùs digerunt. Similiter hyberno tempore, quia pori occluduntur à comprimente circumquaque aëre tunc graviori, ac frigidiori; citiùs atque faciliùs fit digestio, quàm æstivo tempore, in quo apertiores sunt pori.

In his autem magna contingit diversitas ex variâ, scilicet, ciborum, atque ventriculorum constitutione. Undè fit ut idem cibus quibusdam animalibus noxius, aliis optimus, deprehendatur; & quòd uni venenum est, alteri cibum præbeat optimum: idemque sæpè contingat variis temporibus in eodem ventriculo respectivè ad eundem cibum, ita

92 PARS III. PHYS TRACT. II.

ut varii sæpè in eo generentur humores excrementitii, qui nihil aliud sunt, quàm cibi malè digesti. Cùm enim ventriculi deficit vigor, & caloris motus remissior est, subtiliora duntaxat ciborum corpuscula, nimirum ignis, & aquæ particulæ in vesiculas, & flatus excitantur, quibus obstruuntur intestina, cæteraque corporis organa: crassioribus verò ciborum corpusculis deficiente caloris motu remanentibus oneratur ventriculus.

Propterea, si major fuerit in ventriculo humorum hujusmodi copia ex cibis malè digestis; hi vomitu ejiciuntur. Quia nimirum cùm sensim, & continuò priùs distensus coarctetur ventriculus ex appulsu continuo spirituum vitalium, & animalium in fibrarum, atque nervorum, quibus refertus est, tubulos; nec possint humores hujusmodi ventriculo innatantes per Pylorum obstructum protrudi: necesse est ut sursùm protrudantur, dum circumquaque ex omni parte simul impelluntur à constringente se ventriculo; quòd certè primò impetu non perficitur.

Priùs siquidem aliquantulùm sursùm protruduntur humores, qui deindè recedentes majori impetu ventriculum distendunt; atque spiritus vitales, & animales versùs nervorum, atque fibrarum originem propellunt. Hi verò æquali vi repulsi ventriculum

CAP. XII. PRÆC. COROLL. 93
constringunt magis, quam amea, sicque
sensim augetur motus: ac tandem ejcien-
tur humores superflui; simulque cum ipsis
aliquando cibi male digesti.

CAPUT XII.

Precedentis Corollarium.

Peractâ digestionē, atque in statum sibi
connaturalem restituto Ventriculo ex-
citatur ciborum appetitus ex appulsu cor-
pusculorum ignis, & aquæ, sive humoris
acidi, qui a sanguine arterioso in varias
glandulas arteriolis appennas, tum in ven-
triculum ipsum protruditur: atque inte-
riorem illius tunicam caloris motu corrodit,
& vellicat. In hoc siquidem motu confi-
stit fames, seu ciborum appetitus, quo
etiam dormiens animal excitatur ad man-
ducandum.

Hic enim motus à Ventriculo per nervo-
rum fibras in totum corpus ope spirituum
animalium propagatur; præsertim in cere-
brum, ubi sunt nervorum origines: ma-
ximè verò in fauces; quia interior Venti-
culi tunica continuata os ipsum totum ob-
ducit cum faucibus, & linguâ. Crescit-
que sensim motus ille, faneque augetur;
nisi longiori inedia nimium evaporentur

94 PARS III. PHYS. TRACT. II.

ignis corpuscula. Tunc enim languore tamescit ventriculus cum toto corpore. Sitis autem in eodem caloris motu consistit, sed intensiori; cum scilicet major est notabiliter corpusculorum ignis, quàm aquæ copia in ventriculo. Unde sitis sedari nequaquam potest nisi aquæ, vel humidi saltem liquoris potu.

Cibus itaque alendo corpori conveniens prius dentibus comminuitur humorem ad hoc necessarium subministrantibus glandulis salivalibus toto ore respersis, præsertim maxillaribus, quæ, dum cibus atteritur, comprimuntur: atque ex illis saliva exprimitur. Cibus dentibus comminutus sublata linguâ, Laryngis parte summâ occlusâ, per illius operculum cartilagineum, seu Epiglottidem tanquam per pontem ductarium in ostiolum Œsophagi in modum infundibuli conformatum impellitur.

Perfusus igitur salivâ cibus, atque in ostiolum Œsophagi operâ linguæ impulsus superiorem ostioli partem leniter distendit, & aperit; tali motui faciliè consentientibus Laryngis, & faucium musculis, quibus contortæ detorquentur, ac simul dilatantur Œsophagi fibræ. Aperto autem ostiolo Œsophagus tanquam saccus dilatatur, & ad implendum attollitur: postea, dum Œsophagi fibræ, & musculi ope spirituum animalium in pristinum statum restituuntur.

CAP. XII. PRÆCED. COROL. 95
tur cibum ipsum in ventriculum protrudunt.

Enimverò secunda *Æsophagi* membrana, quæ tota carnosæ est, & muscularis, spirâlibus fibris ita est instructa, ut in ea duplex ordo fibrarum sese interfecantium appareat, quæ duas velut cochleas efficiunt: adeò ut sit duplex series interiorum, quæ descendunt; duplex item ordo exteriorum, quæ ascendunt. Ex illis itaque fibris spirâlibus tum ascendentibus, tum descendentibus clauditur utrumque gulæ simul, & ventriculi orificium.

Hinc dum aperitur *Æsophagi*, aut ventriculi ostiolum fibris hujusmodi spirâlibus clausum; necesse est ut fibræ, quæ priùs in spirarum modum contortæ *Æsophagum* tam secundum longitudinem, quàm secundum latitudinem contraherent, ad lineam rectam magis accedant: Sicque dilatetur, atque simul attollatur *Æsophagus*; postea verò contrahatur, ac simul deprimatur, dum clauditur ostiolum: quòd certè facillimè peragitur, ut ex ipsa *Æsophagi* structurâ perspicuum sit.

CAPUT XIII.

De Chyli, & Sanguinis Preparatione.

Cibus in Ventriculo digestus tenacis, & viscosæ pultis formam induit, & Chymus dicitur; isque sensim per coarctationem Ventriculi, & Diaphragmatis depressionem protruditur in Duodenum intestinum, in quod humer, bilis dictus, ex vesica Fellis, quæ Jecori adhæret, & succus pancreaticus tenuis, & diaphanus guttatim per speciales ductus exprimuntur per eandem Diaphragmatis depressionem. Ibi autem ulterius, atque perfectius per partes sensim digeritur tum innato intestinorum calore; tum prædicti humoris è Jecore defluentis, qui plurimo igne constat, & succi pancreatici opera. Dum enim per intestinorum constrictionem, simul miscentur Chymus, & bilis, cum succo pancreatico; nova fit partium dilutio, & lenis effervescencia: ita ut subtiliores partes, atque facilius mobiles leni calore moveantur à centro ad circumferentiam; crassiores verò, ac minùs mobiles in centro remaneant.

Hinc fit ut, cum depressione Diaphragmatis omnes simul ex Duodeno in alia successivè intestina sensim protruduntur; dilatatiōes

CAP. XIII. DE CHY. ET SANG. 97

tiores partes, quæ adinstar lactis crassioribus innatant, in venas lacteas intestinis resperfas, quibus occurrunt, impellantur: atque inde in commune receptaculum, tum in ductum Thoracicum, & venam cavam, dextrumque cordis ventriculum trajiciantur; crassiores autem inæstimatorum ductum sequentes ut fæces, & excrementa inutilia tandem ejciantur.

Chylus itaque sanguini admixtus intensiorem illius motum caloris frangit, & moderatur; ita ut is nutritioni partium fiat idoneus, quousque multiplici percolatione in sanguinem convertatur Chylus. Hinc largior passus somnum faciliè inducit propter remissiorem sanguinis motum: animûmque functionibus suis ineptum reddit. Cum enim corporis partes nutrantur ex eò, quòd Chyli, aut sanguinis partes minimæ ipsis per quietem uniantur, & adhæreant; manifestum est quòd per intensiorem sanguinis motum corpus nutriri, vel augeri nullo modo possit: sed potiùs minui, dum partes minimæ priùs quiescentes excutiantur per intensiorem sanguinis motum. Unde brevi macilescunt jejunantes.

Convertitur autem Chylus in sanguinem percolatione multiplici, quâ Lympha segregatur in variis innumerisque glandulis toto corpore resperfis; pluresque illius particulae poris omnibus totius corporis impli-

R. P. Bern. Carp. Phys. Pars III.

E

98 PARS III. PHYS. TRACT. II.

cata adherent. Sic enim simul crescunt partes omnes, novique exurgunt pori plures prioribus. Unde si quatuor, aut quinque horis post largiorem pastum detraxeris sanguinem; is multo lacte seu Chylo abundabit: quod si longius tempus expectes; is ferè totus in Serum commeabit. Quia plures illius partes cedunt in alimentum omnibus corporis partibus.

Id tamen utrique liquori commune est, ut leni admotus igni concreascit. Nempe sanguis, & Serum sunt mista ex elementis vulgaribus, quæ ex eodem Chylo educuntur; nec inter se differunt, nisi secundum magis, & minus: neque differt Chylus à sanguine, nisi quod in Chylo major est aquæ, & minor ignis copia. Econtrà verò in sanguine major est ignis, & minor aquæ copia.

Unde multiplici aquæ segregatione Chylus in sanguinem convertitur, & per aquæ additionem sanguis in Chylum, vel in lac mutatur. Nam in mammis nutricis lactescit sanguis, dum leni calore cum aqua miscetur, quam Lymphæ ductus mammis suppeditant; Lac etiam in puero Lactente mutatur in sanguinem per Lymphæ segregationem. Similiter si quispiam coctum animalis sanguinem comederit, & aquam biberit, in Chylum mutabitur sanguis hujusmodi per aquæ tantum additionem cum leni calore intestinorum: ut perspicuum est.

CAP. XIII. DE CHYLO ET SANG. 99

Idem verò efficit in Chylo aqua copio-
rior cum minori calore, quòd efficit in san-
guine minor aquæ copia cum majori calore.
Nam Chylus aquosior facilè fluit per venas
lacteas exiles, atque inde in omnes corporis
partes distribuitur. Hinc quâ proportionem
per continuam circulationem motus caloris
augetur in Chylo, aqua minuitur. Nam in
Fuligines evaporatur in pulmonibus, & per
poros omnes corporis; tum in sudores, &
urinas segregatur in glandulis innumeris to-
to corpore resperfis, atque arteriis, è qui-
bus oriuntur, appensis: præsertim in Cere-
bro, in utraque Axilla, in Mesenterio, &
Omento, in Pancreate, & Liene, in Je-
core, & in Renibus, atque intestinis om-
nibus.

Ex iis glandulis oriuntur Lymphæ du-
ctus, per quos Lympha ex omnibus ferè cor-
poris partibus in intestina, tum in venas
lacteas refluit, ut sit novo Chylo vehicu-
lum. Propterea cum venæ lacteæ, & du-
ctus Chyliferus Chylo sunt vacua, Lym-
pham perlucidam in ductum Thoracicum
devehunt. Hinc obstructis Lymphæ ducti-
bus ex qua parte influunt in intestina, ori-
tur Hydropisis, & sitis illa continua, quâ
laborant Hydropici.

Chylus itaque multiplici percolatione,
& aquæ segregatione calidior fit, & in san-
guinem mutatur; tuncque nutritioni minùs

400 PARS III. PHYS. TRACT. II.

idoneus, sed ciborum digestionem, & functionibus animalibus aptior evadit. Segregatur autem Lympha ex Chylo eodem modo, quo Chylus ipse in intestinis segregatur à facibus, & Bilis à sanguine in Liene, & jecore. Nimirum dum Chylus cum sanguine in arterias capillares protruditur; aquosiores, ac fluidiores ipsius particulae calore rarefactae in glandulas arteriolis appensas impelluntur per ostiola exilia, per quae subire non possunt crassiores, & minus fluidae.

Cæterum ex his perspicuum est non in jecore Chylum in sanguinem converti, ut voverunt Antiqui; sed in omnibus corporis partibus: præsertim cum Chylus e venis lacteis non in jecur, sed in dextrum cordis ventriculum per ductum Thoracicum prætermisso jecore trajiciantur.

C A P U T XIV.

De Nutritione.

Nutritio est alimenti in substantiam viventis conversio, quæ scilicet digestionem alimenti, & partium illius unionem cum partibus viventis perficitur eo modo, quo jam dictum est.

Accretio est digesti alimenti plurimum

CAP. XIV. DE NUTRITIONE. IOI
partium unio , quàm è corpore viventis innato calore decedunt. Undè nutritio , & accretio non differunt nisi secundùm magis , & minùs. Quapropter qui calidioris , & siccioris sunt temperamenti minùs crescunt , quàm qui calidiorem simul , & humidiores habent constitutionem. Ut pueri , & adolescentes. In his siquidem plures per nutritionem adduntur materiæ partes , quàm innato calore effluunt propter maiorem humiditatem. In aliis verò aut totidem , aut plures effluunt , quàm per nutritionem adduntur propter maiorem calorem innatum. His suppositis.

Quæritur 1^o. Utrùm nutritio sit omni Animali necessaria.

Resp. Nutritio est omnibus Animalibus naturaliter necessaria major quidem , aut minor pro varia illorum constitutione.

Prob. concl. Quia vita Animalis in perpetua sanguinis circulatione consistit , quæ perfici nequaquam potest sine motu caloris ; ut perspicuum est : atqui motu caloris , qui fit à centro ad circumferentiam , è corpore Animalis continuò effluunt corpuscula ; Ergo nutritio , quæ partes , quæ effluunt refarciuntur , est omni Animali naturaliter necessaria , ut vivere possit.

Cùm autem in quibusdam Animalibus major , in aliis minor sit caloris motus cum magna differentia ; hinc aliis major , aliis

minor est necessaria nutritio cum eadem proportionem. Unde quædam sunt Animalia, quæ cum modico prædita sint calore, sine cibo tota hyeme perseverant, inertia quidem illa, & gravi sopore quasi oppressa; cujusmodi sunt Erucæ, Serpentes, Bufones, & Testudines, atque insecta ferè omnia, quæ per totam hyemem suis inclusa ergastulis, aut humo infossa delitescunt. Quamvis enim sine motu existant, ac proinde nec vivere dici debeant; integra tamen eorum organa conservantur: ita ut revertente sole verno tempore externo calore agitata quasi suscitentur, & reviviscant. Fieri etiam potest, ut Bufones, Testudines, & alia, quæ humo infossa delitescunt hyberno tempore, vivant ut plantæ, nimirum è succo sursum erumpente, & per poros eorum subeunte.

Quæritur secundò. Utrum ex puro elemento fieri possit nutritio.

Resp. Cum Animal sit corpus mixtum, partibusque heterogeneis constans; atque per nutritionem subrogari debeant partibus heterogeneis, quæ calore diffillantur, novæ partes heterogeneæ: ex uno tantum elemento non potest fieri nutritio.

Objic. Quædam Animalia unico tantum elemento nutrirî videntur, ut Pîces aquâ; Chamæleon, & vipera solo aëre, Salamandra, & Pyrausta solo igne: Ergo, &c.

CAP. XIV. DE NUTRITIONE. 103

Resp. neg. ant. Nam præterquam quòd Pisces alimentis in aquæ fundo , aut litore inventis , ac sæpè aliis vescuntur Piscibus , reperiunt in aqua prætercurrente sufficiens alimentum ; eò quòd aqua sit aliorum Elementorum , atque etiam mistorum particulis admista. Nam aqua est Elementorum vehiculum. Undè cum in vasis sola aqua plenis conservantur Pisces, hi brevi macilefcunt defectu cibi convenientis.

Idem dicendum de Chamæleone, & quibusdam serpentibus. Nam præterquam quòd hi calore modico præditi sunt ; ita ut minori nutritione indigeant : sufficiens in ipso aëre aliorum Elementorum , atque mistorum particulis facto reperiunt alimentum. Halitus enim heterogenei è terra, atque ex varia mistorum resolutione mista etiam continuò erumpunt corpuscula , quæ per poros eorum lubeant ab aëre compressa , aut per Æsophagum ex quacunque enim parte, sive per poros sive per Æsophagum subeant huiusmodi corpuscula ; ea nutrire possunt : ut dictum est de plantis.

Quamvis autem Chamæleon aliquando appropinquantès muscas exertâ Promuscide rapiat ; iis tamen in totum vesci non potest : cum multo etiam tempore sine muscis permaneat. Duos ipse vidi , unum quidem muscas appropinquantès rapientem , & alterum , qui nunquam rapere visus est. Quòd

104 PARS III. PHYS. TRACT. II.
autem Salamandra, & Pyrausta igne nutrian-
tur fabulæ sunt.

Cæterum mistum quodcumque non potest
esse cibus animalium, sed illud tantum,
quod digeri potest, in Ventriculo, atque in
substantiam Animalis abire. Undè nec lapi-
des, nec metalla possunt animalibus ali-
menta præbere, nisi fortè in alicujus ani-
malis Ventriculo ea digeri possint: ut di-
citur de ferro in ventriculo Struthionis.

C A P U T X V.

De Pilis, Unguibus & Dentibus.

Pilli nascuntur è succo exudante ab ex-
tremis nervorum fibris in cute desinen-
tibus, qui succus à fibris circumstantibus,
undique compressus figuram Sphæricam in-
duens adinstar Bulbi primum concrescit;
rum superveniente succo ex iisdem nervo-
rum fibris, è quibus oritur, quibusque ad-
heret, sensim in culmum porrigitur adin-
star furculi, vel capreoli: & scutim per-
vadens foras erumpit ex qua parte minor
est resistentia, & succi motus dirigitur.
Hinc pili obliquè cutim pervadunt à capite
deorsum respicientes: ut videre est in setis
porcorum.

Varia est pilorum constitutio pro varie-

tate succi in pilorum substantiam abeuntis. Undè in aliis leniores, asperiores in aliis, in quibusdam longiores, & breviores in aliis cernuntur. Figura quoque pilorum varia, variusque color existit à vario ejusdem succi temperamento, à quo varia profluit pilorum textura, variæque adeò ratio superficiei ad lumen alio modo reflectendum, in quo nimirum diversitas colorum consistit. Ut suo loco declarabitur.

Eadem est ratio plumarum in avibus, & squamarum in piscibus; nisi quòd cum aves bibant, & non mingant: plumæ pilis crassiores evadunt, ac in plures ramulos multiplicantur; eò quòd major humoris copia in plumas derivetur. Squamæ verò latiores fiunt, ac breviores, quia magis ab aqua circumstante comprimuntur, quam pili ab aëre.

Quia verò pili sicut plantæ omnes moderato calore simul & humore sufficienti nutriuntur, & crescunt, ideo immoderato calore, quo fit ut humor nimium evaporetur, tabescunt: sicque inducitur calvities. Similiter contingit deficiente calore: tunc enim succus per pilorum poros subire nequaquam potest deficiente motu. Propterea qui nimium calido, aut nimium frigido præditi sunt temperamento pauciores pilos emittunt; atque ibi ut plurimum generantur pili, ubi viget calor moderatus.

106 PARS III. PHYS. TRACT. II.
cùm sufficienti humore. Ut sub utraque
axilla.

Pili etiam facilè avelli possunt aquæ ca-
lidæ affusione , sicut ungues , & plumæ ;
quia scilicet aquâ calidâ laxantur pori; tum
fibræ cutis, quæ pilorum radículas constrin-
gunt : solviturque succus concreescens, quo
tanquam glutine pili cum fibris cutis con-
nectuntur. Hinc verno tempore flante au-
stro calido, & humido aves deplumescunt.

Ungues nascuntur ex succo ab extremis
artuum nervis exudante eodem ferè modo ,
quo pili ; ita ut ii sint quasi plantæ anima-
libus adnatæ. Eorum figura varia est à variâ
texturâ nervorum in extremis artubus desi-
nentium , & ossibus ibi existentibus occur-
rentium. Hi aquâ calidâ affusi decidunt ,
ut de pilis jam dictum est, propter eandem
rationem. Porro maximum parit dolorem
unguium avulsio , quia fibræ , ac præser-
tim nervi , quibuscum sunt connexi, avul-
sione tenduntur, distrahunturque.

Dentes oriuntur pariter è succo exudante
ab extremis nervis arteriolisque in maxillis
desinentibus. Varia illorum figura , tum il-
lorum durities ex vario fibrarum , à quibus
oriuntur , situ , atque majori constrictione
oriuntur. In animantibus cornigeris supe-
rior maxilla dentibus caret ed quòd succus
ille transeat in cornua : undè & ruminatio
illis necessaria est.

Dentes cadunt aut accessu dentium aliorum, à quibus sensim succrescentibus priores extruduntur; ut in pueris: aut acris, & mordacis humoris appulsu, quo nodus eorum cum nervis soluitur; vel denique defectu succi alimentitii nimium calidi, vel frigidi. Maximus aliquando percipitur dolor in dentibus, quod nimirum tenuis sit quædam membrana nervorum fibris contexta, & cavitati dentium obducta, vel ipsorum radici adhærens, quam malè afficit, & corrodit humor quidam acris, & mordax è cerebro defluens. Undè avulso dente cessat dolor; quia humor ille ab ipso dente non retinetur amplius: sicque facillè foras effluit.

Pulsato organo dentibusque apprehenso etiam obstructis auribus sonus percipitur propter nervorum hujusmodi cum nervis auditoriis communicationem. Hinc etiam fit ut sonus stridulus dentes plerumque torqueat; quia membranam illam delicatissimam malè afficit appulsus acris crebris vibrationibus concisi.

Porro stuporem dentibus creant fructus immaturi, dum duriores, & malè digestæ eorum particule intimas gingivas subeunt, præsertim cum dentes premuntur. Tunc enim simul premuntur & nervi, atque interceptis hujusmodi particulis vellicantur. Tollitur autem dentium stupor afflicta qua-

rumdam præsertim herbarum, ut Portulacæ, Oxylapathi, & aliis, quarum succcus lentior gingivas subjens particulis, illis imprægnatus foras erumpit.

C A P U T XVI.

De Partibus ad Sensationem Pertinentibus.

PRimò. Inter partes, quæ ad sensationem pertinent, principem locum obtinet Cerebrum, quòd quidem Cranio, cujus totam implet cavitatem, tanquam lapideo muro undique cingitur; duabusque membranis, quæ Meninges vocantur, obvolvitur. Harum extima, asperior duriorque cum sit, dura mater appellatur; interior verò, quæ lenior, ac mollior est, pia mater dicitur.

2^o. Crassa Meninx, seu dura mater omnes Cranii partes succingit, omnes illius recessus adit, foramina, & sinus implet; nervisque è cerebro exeuntibus, sicut & pia mater, membranam impertit. Cerebrum quoque à cerebello, quòd occipitis osse concluditur, discriminat, & utrumque simul ex omni parte involvens Cranio, connectit, ne loco suo moveri, aut concuti facile possit.

CAP. XVI. DE PARTIBUS, &c. 109

3^o. Hæc membrana quatuor nacla est sinus superiores reducendo sanguini destinatos, qui nihil aliud sunt, quam dura mater sui duplicaturâ in canales amplos convoluta. Horum maximus secundum cerebri convexam longitudinem ad cerebelli confinium porrectus falcis nomen obtinuit; ibique in duos laterales abit, qui scilicet cerebelli lateribus hinc & inde superponuntur, ipsique cerebello postea subjiciuntur, atque ductu flexuoso partim in venas vertebrales, partim in jugulares internas desinunt.

4^o. Quartus sinus, qui sanguinem à cervicalibus arteriis, & penitioribus cerebri partibus exceptum in venas itidem jugulares revehit, à glandula pineali rectè intra cerebrum usque ad communem priorum concursum porrigitur, ubi nimirum longitudinalis in duos dividitur laterales. Horum sinuum, ac præsertim longitudinalis, cavitas variis ligamentis transversim positis instructa est: ne videlicet copiosioris sanguinis appulsu nimium distendatur.

5^o. Quatuor etiam hæc membrana sinus habet interiores, qui in Cranii basi cerebro: calvaria exempto cernuntur sellæ equinae adjacentes, illiusque receptaculis glandulâ pituitariâ interpositâ distinctis inhiantes. Horum duo sunt superiores, & minores, qui in sinus laterales abeunt, ubi scilicet

LIBRO PARS III. PHYS. TRACT. II.
ii in Calvariæ Basim deflectunt. Alii duo inferiores , & majores venas jugulares internas subeunt , ubi sinus ipsi laterales desinunt.

6°. Dura mater insignibus multis arteriarum carotidum, & Vertebraliū ramis irrigatur , qui perpetuo Diaſtoles , & Syſtoles motu agitantur ; & quorum quædam etiam propagines in longitudinalem , & laterales sinus aperiuntur , ſimilēque iſis motum impertiunt. Arterias autem hujusmodi comitantur venæ , quæ reſſuum ex arteriis ſanguinem in eoſdem ſinus revehunt. Idcirco verò quædam arteriarum propagines in ſinus ipſos immediate influunt, quia ſanguis copioſior affluens breviorē ſibi viam aperuit. Omnes quoque arteriæ ita invicem communicant , ut ſi aliqua earum caſu quodam obſtruatur, ſanguis ex aliis arteriis in eam ſubeat.

7°. Pia mater cerebri , & cerebelli mollem acutiſſimè complectitur , ne mollis ſubſtantia facilè concuti , aut ſuo loco poſſit dimoveri ; venas omnes è cerebri ſubſtantia emergentes ſuffulcit, innumeris-que irrigatur arteriis : quarum tenuiſſimæ propagines mirum in modum ubique ſerè ſimul implicatæ in retiſormes plexus abeunt, Maximè in cerebri ventriculis, eaque piæ meningi ſubtenduntur , & ſanguini uni-verſo in cerebri corticem , & partes illius,

CAP. XVI. DE PARTIBUS, & C. III

interiores præbent commineatum. Ipsa anfractus omnes, & convolutiones subit, summas, & extantes partes connectit: cerebri ventriculos obducit; sanguinem denique gignendis spiritibus animalibus, & succo cerebri nutritio exquisitiori percolatione præparat.

80. Pia matre, seu tenui membranâ detractâ cerebrum sese videndum exhibet, cujus quidem duplex distinguitur substantia, cinerea, nempe, & medullaris. Cinerea cerebri substantia innumeris constat glandulis miliaribus ovalem figuram emulantibus, in quas ex arteriis capillaribus, quarum extremitati adnascuntur, & adherent, succus lymphidus nervorum & cerebri nutritius protruditur, qui inde in medullarem cerebri substantiam, tum in nervos omnes diffunditur. Cinerea hujusmodi substantia, quatenus exteriorem cerebri, & cerebelli ambitum occupat, ubi in mille anfractus, & gyros, qui intestinorum convolutiones imitantur, convolvitur, modò cortex cerebri, modò substantia corticalis, aut cinerea dicitur. Ubi verò cerebri partibus interioribus inest: cinereæ tantum, aut glandulosæ substantiæ nomen retinet.

90. Alba seu medullaris cerebri substantia innumeris fibrillis oblongis, varièque inflexis constat, quæ è glandulis cinereæ:

112 PARS III. PHYS. TRACT. II.

cerebri substantiæ tanquam tubuli prodeunt; atque invicem ita communicant, ut veluti speciem spongiosi corporis exhibeant. Hæc durior est alterâ, angustioribusque poris prædita; nihilque Sanguinis, quem Arteriæ cinereæ cerebri substantiæ exterius effundunt, & quem totum venæ excipiunt, in medullaris substantiæ fibrillas dilabitur. Licet venæ quædam sanguinem refluxum devehentes per ipsam transeant: ut patet ex punctis quibuldam sanguineis, dum ea secatur, apparentibus.

10. Sublato cerebri cortice, seu cinereâ exteriori substantiâ, ejusdem cerebri medullaris substantia cernitur, quæ cum ovalem figuram utcumque imitetur, ovale centrum vocitatur. Ex cinerea corticali substantia medullares quidam tractus in eam idemtidem circumquaque derivantur; ex ipsa vero medullares etiam tractus innumeri cinereis tractibus distincti ad cerebri centrum, & medullam oblongatam deducuntur, qui derivantur inde ad spinalem medullam. Antequàm autem tractus medullares ad cerebri centrum perveniant, in duplicem tractum semicircularem diducuntur, qui ideo geminum semicirculare centrum appellatur.

Cerebrum siquidem est adinstar cujusdam arboris in duos truncos divisæ, quæ succum nutritium haurit à foliis constitu-

CAP. XVI. DE PARTIBUS, &c. 113

tis in extremis partibus ramorum, quorum alii minores, ac humiliores existunt: alii majores minoribus eminent. Nam glandulæ miliares, quæ corticalem, seu cineream cerebri substantiam constituunt, foliorum locum obtinent; substantiæ medullaris fibrillæ, seu tubuli, quorum extremitatibus adherent glandulæ, furculos imitantur, è quibus prodeunt rami: Ex minoribus ramis proficiſcuntur depressiores, ac sinuosæ cerebri partes; extantes verò partes majores rami constituunt. Indèque fit ut medullares tractus idemtidem cinereis distinguantur tractibus, qui à minoribus ramis prodeunt. Antequàm rami in duos caudices dividantur, ovalem figuram exhibent; & medullaris substantiæ ovale centrum constituunt: post divisionem verò geminum semicirculare centrum videndum præbent. Denique ex concursu ramorum dextri caudicis oritur dexter cerebri Ventriculus, sicut sinister ex sinistro: tertius autem Ventriculus ex utriusque caudicis concursu proficiſcitur.

IIº. Cerebri Ventriculi sunt quædam cavitates seu Receptacula, in quæ succus nervosus cerebri nutritioni superfluous ex omnibus ejusdem cerebri fibris medullaribus exudat; tum ex plexibus Choroïdeis, quæ nihil aliud sunt quàm innumera Venulæ, arteriolæque in modum retis ita con-

textæ, ut singulis arteriis sint appen-
 glandulæ, quibus succus Limpidus e san-
 guine segregatur. Quatuor autem sunt Ven-
 triculi, tres videlicet in cerebro, & quartus
 in cerebello.

12^o. Primus, & secundus Ventriculi
 sunt in parte dextra, & sinistra anterioris
 partis cerebri ovalem quadantenus figu-
 ram imitantes; Tertius verò utrique subje-
 ctus in medio cerebri existit tanquam com-
 munis cavitas, in quam primus, & secun-
 dus duorum foraminum *vulva*, scilicet, &
ani interventu influunt: indeque succus
 per infundibulum tertio Ventriculo inhians
 delabitur in glandulam pituitariam; ex qua
 in receptacula sellæ equinæ lateribus ap-
 posita sensim influit: Unde tandem in si-
 nus inferiores cerebri, & venas jugulares,
 tum vertebrales derivatur.

13^o. Quartus denique Ventriculus intra
 cerebellum existit in ipso medullæ spinalis
 ortu; ubi, videlicet, duo cerebelli caudi-
 ces concurrunt, In ipsum inaeus quidam
 ex tertio propagatur Ventriculo. Sicut au-
 tem in longitudinalem, & laterales cerebri
 sinus arteriæ quaedam immediate influunt.
 ne copiosiori sanguine cerebrum obrua-
 tur, ita in Ventriculos cerebri plexus
 Choroides dicti succum cerebri nutritium
 immediate devehunt, ne pariter copioso-
 ri succo cerebrum opprimatur aliquando.

CAP. XVI. DE PARTIBUS, & C. 115

obstructis nimirum quibusdam illius fibris.

14^o. Cerebellum cinereâ pariter, & medullari substantiâ constat, sicut & cerebrum; atque cum ipso per speciales fibrarum processus communicat. Dum cerebellum per processus vermiformes geminum veluti per Polum secatur, alba illius substantia in plures tractus divisa conspicitur, qui adinstar ramorum arboris ex corticali substantia spinalem medullam versùs tanquam ad duplicem arboris truncum deducuntur: atque inde quidam ex ipsis ad cerebri centrum versùs testes derivantur.

15^o. Ex duobus cerebri, atque duobus cerebelli caudicibus in unum simul coëuntibus derivatur medulla spinalis dicta intra Vertebrae in modum spinarum contextas descendens usque ad os sacrum, seu dorfi finem in duos velut truncos sibi cohærentes divisa. Horum quilibet suâ membranâ seu tunicâ, quæ piæ matris propago est, involvitur; & ambo communi membranâ, quæ propago est duræ matris. Ex illa medullæ spinalis divisione in duos velut truncos, à quibus nervorum, qui spinales dicuntur, triginta paria in totum corpus distribuuntur, fit ut media pars corporis in Paralyfim, aliâve pravâ affectione incidere possit alterâ parte salvâ remanente.

Porro ex eadem medulla spinali adhuc intra Cranium constitutâ ad cerebri, & cere-

belli basim, seu ex quatuor cerebri, & cerebelli caudicibus, & ramis decem oriuntur nervorum pari, quæ omnia ferè tendunt in organa sensuum in capite residentium, nisi quòd quorundam propagines in viscera omnia distribuuntur. Quilibet verò nervus substantiâ medullari constat, duplici quoque tunicâ involvitur. Interior ex pia matre proficiscitur, sicut exterior ex dura matre. Sed de his satis. Hæc enim clariùs ex inspectione Anatomica, quàm ex profuso sermone innotescunt.

C A P U T X V I I.

De Succis Nervosi, & Spirituum Animalium Productione.

Quatenus ignis corpuscula motu caloris agitata succo nutritio cuicumque similem motum impertiunt, quò is in omnes corporis partes distribuitur, spiritus vitales dicuntur: quatenus verò intra nervorum tubulos, & succum nervorum nutritium speciali motu agitata toti corpori, aut illius partibus motum specialem communicant, spiritus animales appellantur.

Cùm itaque succus cerebri, atque nervorum nutritius, & spiritus animales non nisi è Chylo, & sanguine arterioso educi, & se-

CAP. XVII. DE SPIR. ANIM. 117

gregari possint ; solaque cinerea cerebri, & cerebelli substantia tam exterior, quàm interior arterioso sanguine irrigetur : manifestum est quòd in cinerea tantum cerebri, & cerebelli substantia succus nervorum nutritius, & spiritus animales præparentur, & segregentur.

Confirm. Quia, ut jam dictum est, cinerea tantum cerebri substantia tam interior, quàm exterior innumeris constat glandulis miliaribus arterioliis appensis, in quas cum crassiores sanguinis partes subire non possint ; necesse est ut subtiliores tantum, ac fluidiores illius partes calore rarefactæ in eas protrudantur. Sicque fit ut limpidus quidam succus nervorum nutritius ignis corpusculis sufficienter imprægnatus à sanguine arterioso segregetur, & in substantiæ medullaris fibrillas, quæ velut tubuli è prædictis glandulis prodeunt ; continuò protrudatur à superveniente simili succo.

Ita verò disposita est cerebri substantia medullaris, ut innumeros tractus, quasi totidem circuli, aut Sphæræ radios, emittat ad cerebri centrum, qui inde ad medullam spinalem quasi per declive feruntur, tum ad nervos sensuum in capite residentium. Similiter cerebelli substantia medullaris à circumferentiâ ad spinalem medullam velut ad centrum, aut ad arboris truncum, ramos emittit, quorum anteriores ad cerebri centrum feruntur.

118 PARS III. PHYS. TRACT. II.

Unde perspicuum est succum nervorum nutritium cum spiritibus animalibus à cinerea cerebri substantia ad medullam spinalem, & ad nervorum originem ob appulsuum continuum similis succi supervenientis protrudi; ex ipsa verò spinali medullâ per omnes corporis partes, & nervos diffundi, quibus succum alimentitium subministrat: atque ex his deindè venas subeuntem in cor revchi. Similiter qui in Ventriculis cerebri exudat succus nervosus per venas tam jugulares, tum vertebrales ad cor reducitur. Nam is ex primo, & secundo in tertium Ventriculum per vulvam, & anum influit; ex hoc autem partim in sinus cerebri inferiores delabitur, partim per venas in sinum quartum superiorem revchitur: atque ita perpetua circulatione alimentum, & motum omnibus corporis partibus impertit.

Idem dicendum de succo nervoso cerebelli. Nam maxima illius pars ad spinalem medullam derivatur, reliqua ad nervos sensuum in capite residentium, tum in quartum Ventriculum, unde per venas resorbetur. Qui verò succus nervos sensuum in capite residentium subit, per venas nervorum illorum comites regreditur.

Sic ergo fit succi nervosi, & spirituum vitalium seu animalium distributio, & perpetua circulatio etiam in animali dormiente ad illius nutritionem. Dormit enim ani-

CAP. XVII. DE SPIR. ANIM. & C. II.

mal cum motus caloris remissior est, ita ut succi nervosi leni distributioni tantum sufficiat. Vigilat autem cum motus caloris est intensior; cum scilicet post multiplicem circulationem, & percolationem plures succi nervosi partes minus mobiles poris nervorum implicatae liberiora relinquunt ignis corpuscula.

Hinc quamvis somnus definiatur sensuum quies; non differt tamen à vigilia, nisi secundum magis, & minus. Unde cum varii sint caloris gradus. Non tantum inter somnum, & vigiliam; verum etiam inter somnum & somnum multiplex contingit differentia.

Est itaque vigilia spirituum animalium in organa sensuum diffusionis motus intensior; sicut somnus est eorumdem diffusionis motus remissior? ex quo sequitur animalis nutritio. In primo consistit sensationis potentia. Nam sensationes nihil aliud sunt, quam speciales ejusdem motus modificationes, quae à varia diversorum objectorum impressione in organa sensuum proficiuntur. Natura siquidem nihil aliud est, quam principium motus, & quietis in eo, in quo est; sicut causa efficiens est principium motus, & quietis in alio. Sed de his fusiùs sequenti capite.

CAPUT XVIII.

De Sensu Purè Corporeo in Comuni.

IN omni sensatione reperitur 1º. Sensationis principium 2º. Objectum sensibile 3º. Objecti sensibilis in organum sensus impressio, quæ dicitur species impressa 4º. Denique sensatio actualis, quæ dicitur species expressa objecti. De quibus breviter agendum per singula.

1º. Sensationis principium, quod sentire potest, Animal est; idque nihil aliud est quàm corpus organicum perpetuâ sanguinis, vel succi alimentii, atque spirituum vitalium, & animalium circulatione præditum. Sensationis autem principium, quo animal sentire potest, seu sensationis potentia est circulationis motus, quo succus alimentitius, & spiritus animales in organa sensuum diffunduntur; qui motus verè dici potest universalis respectivè ad speciales sensationum motus, quibus modificari potest. Isque motus essentialis est animali, sine quo corpus organicum sensitivum esse nequaquam potest.

Enimverò nullus est sanæ mentis homo, qui aliquam substantiam spirituales, & incorpoream inelle brutis animalibus audeat affirmare;

CAP. XVIII. DE SENSU CORP. 127

affirmare; cum id nullâ prorsus ratione probari possit. Omnes siquidem animalium actiones, seu motus ope spirituum animalium necessariò perficiuntur; ut fatentur omnes Philosophi: Neque enim est ulla libertas in brutis animalibus. Unde præter certam organorum dispositionem, quâ spirituum animalium motus varii necessariò determinantur, frustra esset omnis alia substantia, sine qua iidem motus omnes similiter fierent; & cum qua, vel à qua prohiberi, aut immutari nullo modo possent.

2°. Objectum sensibile est omne corpus impenetratum. Nullum est enim corpus, quòd aliquem sensum mediatè, vel immediatè non possit afficere. Cum sensus potentia sit spirituum animalium diffusionis motus in organa sensuum. Motus autem variè modificari possit tum à corpore jam moto, tum à corpore quiescente reflecti.

3°. Species impressa objecti in sensum est quædam specialis modificatio motûs universalis spirituum animalium in organis, quæ ab objecto procedit. Cum autem varii sint non solum diversorum corporum, verùm etiam ejusdem corporis modi essendi, quorum alii in quiete, alii verò in motu; alii denique partim in motu, & partim in quiete partium minimarum consistunt: cujusmodi sunt lumen, & color, odor, & sapor, calor, & frigus, humiditas, & siccitas.

tas, durities, & mollities, asperitas, & lævitas; Variæque fit organorum dispositio. Hinc fit ut non tantum à variis corporibus, sed etiam ab eodem corpore variis sensus affici possint. Sic idem pomum Visum, Olfactum, Gustum, & Tactum afficere potest: sicut campana visum, auditum, & tactum.

Quia verò impossibile est ut sensus organum, quod quidem corpus est, & spiritus animales, seu ignis corpuscula, in quorum motu sensus omnis consistit, specialiter moveantur, aut reflectantur, nisi ad aliqujus corporis contactum; hinc etiam fit ut omnis sensus, ut ait Aristoteles, sit quidam tactus mediatum, scilicet, vel immediatus. Ita ut sensus omnes inter se non differant, nisi secundum magis, & minus; notabiliter tamen. Quæ differentia tota repetenda est à speciali organorum dispositione. Nempè visus subtilior est tactus, quàm auditus, & auditus quàm odoratus, qui gustu subtilior est: gustu denique sensus tactus obtusior est.

Præterea obtusioribus sensibus tactu, nimirum, & gustu immediatè tangitur corpus sensibile; subtilioribus verò sensibus auditu videlicet, olfactu, & visu mediatè dumtaxat tangitur, mediantibus, nimirum, vibratis, aut reflexis corpusculis. Sicut enim cæcus lapidem baculo tangens illius duritiem, figuram, asperitatem, aut lævitatem

CAP. XVIII. DE SENSU CORP. 123

mediatè percipit ; ita videntis oculus mediantibus corpusculis lucidis à lapide in oculum reflexis non solum figuram, asperitatem, aut levitatem ; verum etiam pororum, atque corpusculorum in ejusdem lapidis superficie dispositionem, à qua certa quædam proficiscitur luminis reflexio, seu color, percipit. Similiter Olfactus mediantibus corpusculis à pomò in nervos Olfactorios per caloris motum vibratis pomum odoratur, & sentit. Sicut auditus tremulum campanæ motum mediantè aëre interjecto per eundem campanæ motum in aurem Vibrato percipit.

4^o. Species expressa objecti est motus ab objecto spiritibus animalibus in exteriori organo impressi, & in cerebrum derivati reflexio à cerebro in omnes corporis partes. Atque ita sicut species impressa est quidam motus impressus : ita species expressa est motus expressus, seu reflexus.

Cum enim sensationis potentia sit motus quidam universalis, ac perpetuus spirituum animalium, quo sine interruptione in omnia sensuum organa, seu nervos toto corpore dispersos continuâ circulatione diffunduntur ; sive per contactum alicujus corporis comprimatur, aut percutiatur nervus ; sive immediatè à subeuntibus per poros nervorum corpusculis percutiantur spiritus animales intra nervorum tubulos, & succi ner-

vosi poros existentes sibi contigui; necesse est ut eodem instanti spiritus animales magis, aut minus pro majori, vel minori compressione, vel percussione factâ in exteriori sensûs organo, refluant in cerebro, ubi est origo, & prompruarium, ac præcipua sedes spirituum animalium, & ubi nervorum omnium patent Orificia.

Necesse est etiam ut majori copiâ, quàm prius, atque intensiori motu confluant in aliorum nervorum tubulos; in eos præsertim, in quos pro varia illorum dispositione motus ille dirigitur. Unde specialis quidam oritur in cerebro motus reflexus, qui cùm à compressione, vel percussione prædictâ, quæ species impressa objecti dicitur, tum à motu spirituum animalium, qui à cerebro in omnes corporis partes propagatur, ortum habeat, & à varia organorum dispositione; species expressa objecti appellatur, seu actualis sensationis motus, qui nihil aliud est, quàm prioris motûs reflexio. Hinc cerebrum est quasi centrum utriusque motûs in ipsam enim derivatur motus exteriori organo impressus, atque inde eodem instanti reflectitur. Hæc omnia sequentibus exemplis clariùs innotescunt.

Enimverò dum Canis v. g. Leniter in latere percutitur, aut perfricatur; in eo placidus quidam, & specialis excitatur motus spirituum animalium, qui ad cerebrum de-

riyatus inde in omnes corporis nervos placide reflectitur: Unde varii sequuntur motus speciales pro varia nervorum, & musculorum dispositione. Nam caput illius spirituum animalium motu reflexo leniter impellitur ad perfricantis manum, quam leni suæ linguæ motu lambit; tum placido motu caudæ, oculorum, & totius corporis, quæ simul versùs ejusdem perfricantis manum undulatione quadam identidem inflectuntur, perfricanti adulatur: & placidum motum impressum, placido motu reflexo exprimere dicitur. Cum enim spirituum animalium motus à sanguinis motu oriatur; isque undulatione quadam è corde in cerebrum propellatur: ita placidus spirituum animalium motus per totum corpus Undulatum quodammodò propagatur.

Dum autem Canis hujusmodi suprà dorsum manu fortiùs percutitur; tunc humili dorso, & depressâ caudâ fugit, atque torvis oculis, & ejulatu dolorem, seu perturbatum motum impressum perturbato item motu exprimit. Quia nimirum spiritus animales fortiori percussione versùs cerebrum velociùs protruduntur; atque inde in nervos omnes simul reflectitur motus intensior: Unde Canem fugere necesse est dorso, & caudâ depressis; quia per illam percussionem spirituum animalium diffusio versùs dorsum, & caudam prohibetur. Motus enim

126 PARS III. PHYS. TRACT. II.

semel impressus spiritibus animalibus aliquandiu perseverat ; magis tamen, aut minus pro majori , vel minori percussione.

Ex his perspicuum est non solum quid sit species impressa , tum species expressa objecti ; verum etiam quid sit dolor , & voluptas , seu potius qui dicatur doloris, aut voluptatis motus. Nempè voluptas est placidus spirituum animalium motus undulatione quadam in totum corpus æqualiter diffusus , ac temperamento conveniens. Dolor econtrà est spirituum animalium motus velocior , & perturbatus , seu inæqualiter diffusus ; ac proinde temperamento disconveniens. Hinc grata est Musica, quæ placidâ vocis , acrisque undulatione placidum quoque motum spiritibus animalibus mediante auditûs organo impertit : ingrata verò est , quæ perturbatum motum excitat , quæ scilicet proportionem non servat. Unde causa doloris , & causa voluptatis non differunt inter se, nisi secundum magis , & minus : Sicut voluptas à dolore, ut patet.

Manifestum est etiam sensationem in exteriori sensûs organo inchoari , & in cerebro perfici ; eamque simul consistere in specie impressa , seu motu compressionis , aut percussionis impresso exteriori organo , & in specie expressa ; seu ejusdem motûs impressi reflexione, quæ fit in cerebro. Quamvis

CAP. XVIII. DE SENSU CORP. 127

autem in homine propter conjunctionem animæ rationalis cum corpore doloris, & voluptatis, omnisque sensationis motus fit conjunctus cum idea, seu cognitione ejusdem motus, & cum affectu, seu motu convenienti animæ rationalis: in brutis tamen animalibus nihil est dolor, aut voluptas, omnisque sensatio præter certum quemdam motum spirituum animalium, ut jam dictum est.

Cæterum in refellenda eorum opinione, qui species quasdam intentionales, quæ sint formæ, seu entitates absolutæ ab objectis productæ, sibi finxerunt, diutius immorari videtur inutile cum ex iis, quæ dicta sunt de qualitatibus elementaribus, illas esse prorsus Chimæricas clarè sit demonstratum: maxime cum Philosophorum de hujusmodi speciebus intentionalibus tractatus legere sufficiat; ut eæ Chimæricæ prorsus appareant.

C A P U T X I X .

De Tactu.

Nomine Tactus intelligitur potentia tactus, seu potentia tactiva, quæ variæ corporum affectiones, nempe, figura, durities, & mollities, asperitas, &

lævitas, calor, & frigus, humiditas, & siccitas, motus, & quies per contactum immediatum corporis sensibilis percipiuntur; quamvis calor sine contactu immediato corporis calidi etiam sentiri possit per effluvium, scilicet, corpusculorum ignis. Tactûs autem potentiam constat per totum corpus esse diffusam. Nam aliorum etiam sensuum organa tactivâ potentiâ donantur; ut oculus, auris, & reliqua: easdemque corporum affectiones percipiunt, si immediate tangantur.

Hic notandum quòd, cùm omnis potentia sensitiva consistat in circulationis motu, quo spiritus animales in sensuum organa diffunduntur; neque enim possunt spiritus animales cum succo nervorum nutritio à sanguine arterioso in cerebrum continuò propulsi non circulare; licet nervi valvulas non habeant, quibus regressus in cerebrum prohibeatur; id siquidem necessarium est, ut omnis sensationis motus ope spirituum animalium in cerebrum derive- tur. Potentia tactiva consistit in circulationis motu, quo spiritus animales diffunduntur in nervos toto corpore resperfos.

Quàpropter nervi sensûs istius actibus edendis dicati, cùm membranas totius corporis partes subeunt, quasi in membranas explicantur. Qui enim nervi per cutem disseminantur, sub ipsa in fibrillas in-

numeras dividuntur ; quæ invicem implicatæ retiformes efformant velut plexulos , qui cùm brevissimos , & perexiguos furculos in glandulas miliares cuticulæ substratas emiserunt : tenuium membranularum formam induunt , & in cutim ipsam desinunt. Ita ut cutis , & aliæ membranosæ totius corporis partes ubique nerveis hujusmodi propaginibus instructæ spiritibus animalibus perviæ sint. Propterea in quacumque corporis parte corpus tactile applicetur , spirituum animalium circulationis motum sive comprimendo , sive percutiendo modificat. In qua modificatione speciei impressæ natura consistit. Ut jam dictum est.

Omnis autem affectio impressa tactui grata est , vel ingrata magis , aut minus , vel indifferens. Nempè grata est magis , aut minus quæ spirituum animalium circulationis motum placidè promovet ; dum videlicet remissiorem hujusmodi motum placidè auget , vel intensiorem placidè minuit. Ingrata verò est magis , aut minus , quæ circulationis motum magis , aut minus prohibet , vel perturbat ; dum scilicet motum hujusmodi placidum nimium auget , vel nimium minuit. Indifferens denique ea est ; quæ circulationis motum nec prohibet , nec promovet sensibiliter. Hinc nimius calor , & nimium frigus ingrata sunt , quia prædictum motum perturbant , ac pro-

130 PARS.III. PHYS. TRACT.II.

habent ex parte. Nimum siquidem frigus motum circulationis reprimat per nimiam compressionem : nimius verò calor per immoderatam corpusculorum ignis evaporationem. Undè necessariò sequitur perturbata spirituum animalium circulatio.

Hinc pro varia non solùm diversorum animalium , verùm etiam ejusdem animalis constitutione idem tactui gratum , & ingratum perhibetur. Dum enim vehementiori calore astat animal ; gratus est ei frigidiorum corporum tactus : econtra verò dum frigore corripitur. Sic dum obstructione facta in aliqua corporis parte continuus in eandem partem spirituum animalium ap- pulsus , vel nifus pruriginem conciliat , grata est perfricatio paulò vehementior, quàm prædictus motus sedatur per spirituum animalium effluvium. Ut norunt hi , qui scabie laborant : quæ perfricatio ingrata esset aliter constituto animali.

Eodem autem modo movetur animal ad perfricationem hujusmodi , quo dictum est de cane , dum is in latere leniter perfricatur. Nam prohibiti per illam obstructionem spiritus animales in cerebrum refluunt ; unde quasi reflexi in cæteras partes aut pedem , aut caput undulatione quadam impellunt versùs illam partem , ubi adest prurigo. Nam sicut sanguis è corde in totum corpus undulatione quadam propellitur ; ita

CAP. XIX. DE TACTU 131

etiam spiritus animales cum succo nervoso à cerebro in alias corporis partes undatim propeilant.

Cùm igitur voluptas in placido spiritum vitalium, & animalium circulationis motu consistat; gratus est omnis tactus, omnisque grata est affectio, quæ placidum huiusmodi motum conservat: aut excedentem ad mediocritatem reducit; placidè augendo remissum, aut minuendo intensum. Undè cùm impossibile sit, ut longiori tempore intensior motus remittatur, aut remissior augeatur; nisi ultra mediocritatem augeatur, vel minuat: hinc fit ut nulla sit nisi brevis voluptas, aut valde moderata; & ut voluptatem omnem sequatur dolor, nisi (ut jam dictum est) ea valdè moderata existat.

C A P U T XX.

De Gusu.

Nomine gustus intelligitur potentia illa, quæ in faucibus viget, ac præsertim in lingua, & gurgulione circa summum Œsophagi orificium, quâ variæ ciborum affectiones, seu saporis per contactum immediatum percipiuntur. Hinc gustus à tactu non differt, nisi quod gustus subtilior, & delicatior sit tactus. Non so-

132 PARS III. PHYS. TRACT. II.
lūm enim corporum figura , durities , &
mollities , asperitas , & lævitas , calor, &
frigus , humiditas , & siccitas , motus ,
& quies gustu sicut & tactu percipiuntur
crassiori modo , & in crassioribus corpo-
rum partibus ; verū etiam hæc eadem in
minimis ciborum corpusculis gustu subtilius
percipiuntur , quæ proinde alio nomine
sapores dicuntur. Cujuslibet enim cibi sa-
por ex varia illarum qualitatum combina-
tione oritur.

Propterea cibus solidus dentibus commi-
nui, & salivâ dissolvi debet ; ut suo sapore
gustum afficiat. Unde insipidus est omnis
cibus , qui salivâ sufficienter dilui non po-
test , idque respectivè ad diversorum ani-
malium , vel diversam ejusdem animalis
constitutionem. Cibus verò dentibus com-
minutus , & salivâ dilutus , ut panis , ca-
ro , & alia , eandem affectionem imprimi-
t manui , si applicetur , ac linguæ , &
odoratui. Ut attentius consideranti expe-
rientiâ multiplici fiet manifestum. Nec aqua
ipsa , quæ arescenti linguæ affusa omni
melle dulcior apparet , alio modo afficit
manum calore æstuantem ; nisi quòd obtu-
fior sit sensus in manu , quàm in lingua, &
odoratu : quia in his delicatior , ac mollior
est fibrarum textura.

Gustus itaque , cū sit medius quidam
sensus inter odoratum , & tactum , habet

aliquid cū utroque commune. Nam præter contactum crassiorum corpusculorum, in quo non differt à tactu; afficitur etiam subtilioribus ciborum corpusculis, quæ, dum cibi comminuuntur, & salivâ diluuntur, motu illo, tum faucium calore agitata linguæ poros pervadunt: & exquisitiorem, ac subtiliorem tactum, seu gustum efficiunt; in quo certè non differt ab odoratu: eadem quippe membrana, quæ est interior Æsophagi, tum ventriculi tunica, præter fauces, & linguam, narium etiam cavitationem obducit; atque in ea viget odoratus organum. Hinc languens Stomachus vini, aut aceti effluvio recreatur, statim ac ea Palato, vel naribus admoventur. Hinc etiam exquisitioris sunt saporis cibi illi, qui calidioris sunt temperamenti, nam minima eorum corpuscula facilius agitantur in faucibus: insipidi verò sunt frigidi magis, aut minùs pro minori corpusculorum mobilitate.

Sapores autem simplices sunt acer, & amarus; salsus, & fortis; dulcis, & pinguis, acidus, & austerus, atque acerbus; qui omnes ex majori, vel minori corpusculorum ignis copiâ, & variâ cæterorum elementorum combinatione, atque partium minimarum compositione magis, aut minùs exquisitâ oriuntur: innumeri sunt ex his cõpositi magis, aut minùs participantes;

234 PARS III. PHYS. TRACT. II.

1^o. Igitur acria sunt ea, quæ linguam, & palatum urunt magis, aut minùs. Ut herba dicta Flamula, Eruca, Allium, Piper, & alia quamplurima, propter maiorem corpusculorum ignis copiam, & caloris motum intensiorem, quem concipiunt, dum saliva diluuntur, & dentibus comminuuntur. In his siquidem ignis corpuscula excitata aliorum elementorum corpuscula crassiora, & minùs mobilia relinquunt.

2^o. Alia sunt amara, velut Absinthium, propter corpusculorum ignis copiam, & motum remissiorem; eò quòd sicciora terræ corpuscula, quibus abundant, cum ignis corpusculis simul agitata lentius moveantur: cùmque minùs mobilia sint; eorum impetum frangunt. Hinc amara abstergunt, & stomachum corroborant.

3^o. Salia sunt, quæ linguæ fibras pungunt, & lancinant, ut sal. Quia in his excitata ignis corpuscula aquæ corpuscula, quibus interceptantur, celerè motu concepto idemtidem excutiant, & claustra disrumpunt: sicque linguam Lancinant.

4^o. Alia sunt fortia, ut Vinum, & Cinnamonum, ob vegetiorem motum corpusculorum. Vinum enim ignis, & aquæ corpusculis abundat. Undè cùm mobilia sint aquæ, quàm terræ corpuscula, corpusculorum ignis motum minùs frangunt: simulque cum ipsis motu caloris celerius agitan-

tur ; & vegetiorem motum sensui imprimunt. Idem contingit proportionaliter in Cinnamomo , quodd licet magis siccum existat ; dum tamen dentibus comminuitur , subtiliora tantum corpuscula cum ignis corpusculis agitantur. In his omnibus dominatur ignis , quapropter appetitum ea provocant , & sitim atque spirituum animalium motum augent intensiorem excitando calorem magis , aut minus.

5°. Dulcia sunt quæ æquali , & exquisitâ constant elementorum temperie ; atque ideo moderatè sumpta lenem , & æquabilem motum spiritibus animalibus imperitiunt : ut mel , & saccharum , quamvis febricitantium linguam urant , aut amaritudinem afficiant. Id enim provenit ex eò , quodd eorum lingua jam ardeat ; undè quilibet motus superadditus , nisi sit remissior , excedit.

6°. Dulcibus multum affinia sunt pingua , ut Oleum , & Butyrum ; nisi quodd hæc paulò humidiora existunt : & caloris motum remissiorem habent. Undè lentore suo fibras laxant , & minus exquisitum saporem , & gustum obtusiores efficiunt.

7°. Pinguibus succedunt acida , ut acetum , & fructus maturitati jam proximi , in quibus aqua dominatur cum minori corpusculorum ignis copia , nam vinum aciescit per aliquod corpusculorum ignis efflu-

136 PARS III. PHYS. TRAGT. II.

vium. Undè quia ignis corpuscula in humido facilè excitantur, ea linguæ fibras penetrant, sed sine calore sensibili, quòd rariora sint, & aqua temperentur. Idcirco acida moderatè refrigerant, & sine periculo; dummodò moderatè sumantur. Quòd aquæ puræ non convenit. Hæc enim frigida cum sit, & humida, non solum intrigidat, verùm etiam gravi sua fluiditate fibras laxat: nec sine periculo bibitur ab eo, qui calore æstuat.

80. Post hæc se offerunt austera, quæ paucioribus adhuc constant ignis corpusculis cum partium crassitie, & rigiditate; quòd caloris defectu humoris particulæ terræ corpuscula nondum benè subjerint. Undè profluit partium rigiditas. Hæc igitur linguæ fibras exasperant, simulque refrigerant, & astringunt, id est, spirituum animalium motum intercipiunt.

Austeris denique succedunt acerba, id est, magis austera, in quibus major est caloris defectus, & major partium rigiditas. Omnes enim fructus humidiores primùm duri sunt, & graves, atque acerbi caloris defectu, quo fit ut rigidiore, & compactiores sint eorum partes; tum crescente calore sensim minùs duri, & austeri fiunt: deindè molles, & acidi, ac tandem molliores, & dulces evadunt, & odoriferi. Quia per caloris motum exquisitior fit ele-

mentorū permistio , & partium configuratio , ex crassiori , rigidā , & asperā , tenuis , mollis , & lævis efficitur. Hinc si fructus acidi , & maturitati jam proximī coquantur , aut inter digitos compressi mollescant , dulces evadunt. Ut cernitur in Prunis , Malis Persicis , & aliis quāplurimis.

Gratus est autem cibus , qui placidum spirituum vitalium , & animalium circulationis motum conservat ; aut excedentem ad mediocritatem reducit , augendo , scilicet , remissum , & placidè minuendo intentum : ut dictum est de tactu respectivè ad cujusque animalis temperiem. Hinc idem cibus gratus est , & ingratus non solum diversimodè constitutis animalibus ; verum etiam eidem animali pro varia illius constitutione. Dum enim calore animal astat , ingrata sunt calida omnia sive acra , sive salsa , vel amara ; gratus est verò cibus , tum potus frigidus acetosus , vel acidus , quo caloris motus intensior placidè remittitur : sed his parcè , & moderatè utendum , ne ultra mediocritatem remittatur ; & voluptatem sequatur dolor.

Dum autem remisso calore languet animal , gratus est cibus calidus , & exquisiti saporis ; maximè vinum generosum , quò statim deperditi reparantur , ac reficiuntur spiritus animales : sed his quoque parcè

utendam , ne ultra mediocritatem motus augeatur , quòd sæpè contingit. Quàprop-
ter alternis uti delectabile est , ut scilicet
calidis idemidem augeatur motus ; & fri-
gidis , seu minùs calidis minuatur.

Cæterùm placidum circulationis motum
spirituum vitalium , & animalium conser-
vat cibus moderatè sumptus , qui medium
fortitur temperamentum inter durum , &
molle , inter crassum , & tenue , inter
falsum , & dulce , inter calidum , & frigi-
dum , & inter humidum , & siccum ; cu-
jusmodi sunt panis benè oculatus , caro ,
piscès , ova , & fructus temperati , ut ficus
recentes , vux passæ , & vinum generosum
aqua sufficienti delibutum. Hæc & his si-
milis sanitatem tuentur ; & voluptatem
moderatam procreant , ac diuturnam : dum-
modò , ut jam dictum est , ea moderatè su-
mantur.

C A P U T XXI.

De Odoratu.

Tanta est inter gustum , & odoratum &
inter sapores , & odores cognatio ; ut
nihil aliud sit odoratùs perceptio , quàm te-
nuis quædam , & subtilis ciborum præli-
batio : nec aliud sint odores , quàm eadem
saporum corpuscula , quæ dum motu calo-

CAP. XXI. DE ODORATU. 139

ris è corporibus sapidis effluunt ; cum ipso aëre narium interiora in inspiratione subeunt , & odoratus organum spirituum animalium motum modificando afficiunt : eodem ferè modo , quo lingua , & palatum afficiuntur , dum ore aperto ciborum calidiorum excipiuntur fumi ; ut multiplici constat experientiâ. Odoratus itaque gustus est quidam subtilior : Odor autem est saporis effluvium. Hinc eadem sunt saporum , & odorum species , atque eadem origo : ejusdemque nervi quinti paris propagines gustui pariter , & odoratui inserviunt.

Quòd autem omnis odor in quodam corpusculorum effluvio consistat , confirmatur ex eò , quod vento contrario diffatur odor ; vento secundo advehitur : quæque odora sunt , nisi arctiori custodiâ servantur , brevi suum odorem amittunt ; flores , & fructus odoriferi citiùs marcescunt , & corrugantur : cùmque aquâ frigidâ perfunduntur , vel frigore corripuntur , aut nullum omninò , aut modicum odorem spargunt.

Præterea leni calore excitatur odor ; sic enim simul effluunt elementorum particulae , quibus constant odorum corpuscula : nimio calore dissipatur ; nam sic abinvicem dividuntur elementorum corpuscula , dum ea , quæ subtiliora sunt , & magis mobilia intensiorem motum concipiunt : minasque mobilia relinquunt , & excutiunt.

140 PARS III. PHYS. TRACT. II.

Hinc flores oriente sole , vel occidente suavem odorem emittunt , & fortius redo- lent ; mediâ verò die vix sensibilem odo- rem efflant : quique calidiores sunt , ut tu- berosæ per totam noctem suum odorem dif- fundunt. Hinc etiam patet cur flores ipsi, dum naribus propius admoventur , herbam redoleant. Quia nimirum crassiores etiam particulæ , quæ simul effluunt cum subti- lioribus , priusquàm ab illis dividantur, na- rium interiora subeunt. Porro idem odor gratus est , vel ingratus pro vario cujusque temperamento (ut dictum est de sapore) nam eadem est omninò ratio , eadèmq- proportio.

Quamvis autem constet odoratus orga- num esse in naso ; non modica tamen est inter Medicos , & Philosophos recentiores controversia quænam potissimum pars nasi sit proprium odoratus organum : quibus- dam asserentibus illud esse Apophyses cere- bri , seu processus mamillares dicti ; aliis econtra contendentibus illud esse tenuem quandam membranam , quæ narium an- fractus , seu canaliculos obducit. Quòd ut clariùs intelligatur.

Notandum quod narium cavitates innu- meris propè lamellis cartilagineis ; quæ in plures alias tanquam in totidem folia diducuntur , distinctæ apparent ; atque hæ lamellæ ad radices narium positæ sunt nu-

CAP. XXI. DE ODORATU. 141

merosiores, sed angustiores: & ossi cribroso omnes adhærescunt quasi totidem canaliculi, per quos succus lymphaticus nutritioni cerebri superfluus sensim exudans partim ex processibus mamillaribus, qui ossis cribriformis foraminula implent, partim ex oculis per puncta lachrymalia, atque ex auribus per Lymphæ ductum ad perpetuò irrigandum odoratûs organum derivatur; ne continuâ inspiratione, & expiratione aëris illius fibræ sicciore, ac duriores evadant, & ad odorum perceptiones ineptæ.

Ex naribus verò partim egeritur cum aëris expiratione, partim per ingentem hiatus in fauces, & per angustum fretum in oris cavitatem cum aëris inspiratione delabitur; tum per Œsophagum in Ventriculum, & intestina, indeque per venas lacteas, & ductum chyliferum in cor regrediens suam circulationem absolvit quidquid sputo non ejicitur.

In extremam denique nasi partem internam plures nervorum furculi tum ex quinto pari, tum ex processibus mamillaribus, tum ex postica cerebri parte derivantur, qui quasi in membranas explicati extremam nasi partem magna ex parte constituunt; eamque præ cæteris notabiliter delicatior, atque multò sensibiliorem efficiunt: Ut videre est præsertim in cani-

141 PARS III. PHYS. TRACT. II.

bus ; qui si in extrema nasi parte percussantur , semimortui aliquandiu remanent , aut occiduntur. His ita suppositis sit.

Concl. Proprium Olfactus organum non in processibus mamillaribus intra cranium constitutis , ut multi asserunt cum Avicenna , nec in tenui membrana , quæ lamellas cartilagineas obducit , ut contendunt alii : sed in extrema nasi parte interiori constitutum est ; ibique incipit , ubi prædictæ lamellæ cartilaginossæ , seu canaliculi desinunt.

Prob. Concl. Quia illa pars nasi est proprium Olfactus organum , in quam plures nervorum surculi derivantur , quæ præ cæteris delicatior , ac mollior existit , quæ prima odorum corpusculis obvia occurrit , quæ sola ab illis percuti , vel affici potest , & in qua sola percipiuntur odores ; atqui omnes istæ proprietates soli extremæ nasi parti interiori convenient : non autem lamellis cartilagineis durioribus , quæ nihil aliud sunt cum membrana , quâ obducuntur , quàm canaliculi , per quos odoratus organum irrigatur ; neque processibus mamillaribus intra cranium constitutis , ad quos pertingere , neque deferri possunt odorum corpuscula , quæ ab aëre delata cum ipso per inspirationem non ad narium radicem , sed ad palatum per patentem meatum deferuntur : Ergo extrema nasi pars

CAP. XXI. DE ODORATU. 143
interior, seu nasi globulus est proprium
Olfactus organum.

Minor multiplici patet experienciâ, atque ipsis oculis clarè cernitur, quòd nimirum illa pars nasi, quæ dicitur nasi globulus, sit præ cæteris mollior, delicatior, atque sensu exquisitiori prædita; quòd prima odorum corpusculis obvia sit, & sola ab illis afficiatur; atque in illa sola percipiuntur odores. Nam pulvis omnis odoriferus naribus exceptus ibi sistitur, aut in palatûm abit; ut norunt hi, qui tabaci pulvere utuntur: ibi pruritus percipitur, atque illa sola pars perfricatur, ut molesta tollatur impressio etiam à Brutis animalibus, quæ solo instinctu necessariò determinantur. Hinc illa animalia vegetiorem habent odoratum, quæ præ cæteris partem illam humidiorè, majorem, & delicatiorè habent; ut canes præsertim venatici. Unde manifesta est Conclusio.

CAPUT XXII.

De Auditu.

Auditûs nomine intelligitur potentia, quâ soni percipiuntur, cujus organum in utraque aure constat esse constitutum. Cujuslibet autem auris duæ sunt par-

tes, una nempe externa auricula dicta, quæ constat quadam præsertim cartilagine adinstar cochleæ conformata, in qua est ductus quidam flexuosus in specum anteriorem desinens. Specus foramen osseum, & circulare nervus auditorius mollior in membranam, quam tympanum vocant, explicatus obducit, & claudit. Tympanum excipit pars auris interna, quæ quidem specus interior, vel concha, seu pelvis appellatur, in cuius extremo pariete foramen ovale cernitur nervi auditorii mollioris ramo in membranam pariter explicato obductum. Atque ita ex duplici membranâ prædictâ, & antro interiori fit quasi vulgare tympanum.

Antrum interiùs duplici ostiolo, sive meata instruitur. Unus in palatum ipsum patet, ut novum ex ea parte aërem, cum opus est, excipiat: Huic Porro aptata est valvula, quam ingressus aër occludit. In eodem antro interiori tria sunt ossicula exteriori tympano interiùs adhzrentia, atque ita inter se, & cum ipso tympano annexa; ut tympanum laxius, aut tensius efficiant pro varia sonorum impressione, nimirum, malleolus, incus; & stapeda: ac malleus quidem annexus est immediate tympano per tendinem musculi tympano inserti.

Incus verò annexa est malleo, & stapeda incudi. Ad Stapedam autem adherent fibræ

fibræ multæ per nervum auditorium ab ipsa cerebri basi propagatæ. Præterea tympanum exterius decurrit ramus nervi auditorii durioris adinstar chordæ tympano militari subtendi solitæ, qui tum in muscolum malleoli, tum in auris musculos exteriores, & interiores, atque per canalem, qui ex aure in os patet, spargitur in oris, & linguæ musculos, & maxillam inferiorem. Unde fit ut tanta sit inter auditus, & vocis organa connexio; & ut animantes ad insperatum, aut insolitum sonum aures erigant, & vocem quandoque inconditam emittant. His ita suppositis.

Quæritur quid sit sonus.

Resp. Sonus est tympani auricularis percussio, ex qua oritur motus spirituum animalium tali percussioni conformis.

Dicitur autem sonus tympani auricularis percussio, ex qua oritur motus spirituum animalium tali percussioni conformis; Quia etiamsi percutiatur tympanum auriculare: si tamen inde non sequatur prædictus spirituum animalium motus, ut fit in surdis animalibus propter viciatum auditus organum; nullus erit sonus respectivè ad eadem animalia surda. Quod quidem aliorum quoque sensuum affectionibus impressis commune est.

Tympani auricularis percussio fieri potest multipliciter, nimirum à pulice in viscido

R. P. Bern. Carp. Phys. Pars III.

G

auriculæ humore implicato ; dum ab eo sen-
 nitur expedire : & hic sonus majoris etiam
 Tubæ superat reboatum. Vel dum humor
 leniter defluens auriculare tympanum ferit :
 unde tinnitus aurium profuit. Vel dum
 manûs auriculam fortiùs obturantis calore
 agitur aer auriculæ internus , qui sonus
 magno impetu defluentium aquarum stre-
 pitum imitatur. Fieri etiam potest ab aqua
 percussâ , aut collisa. Nam Pisces in aqua
 sonum percipiunt.

Vulgò tamen fit sonus, seu tympani au-
 ricularis percussio mediante aëre. Cùm sci-
 licet , ab aliquo corpore , vel inter duo
 corpora collisus , aut percussus aer auris
 tympanum percutit. Sic enim à corpore
 sonoro ad auris usque tympanum mediante
 aëre undulatione quâdam Sphæricâ propa-
 gatur percussiois , aut collisionis motus ;
 cum qui primò percussus est aer subsequen-
 tem circumquaque impellit , & hic alium
 pariter subsequentem : quòd quidem fa-
 cillimè , atque celerrimè peragitur in aëre
 fluido , ac facilè mobili.

Quamvis autem circumquaque in orbem
 soleat propagari sonus in libero aëre ; ma-
 gis tamen propagatur in quam partem di-
 rigitur percussiois motus. Quapropter
 multò faciliùs percipiuntur voces obversâ
 facie loquentis , quàm aversâ ; maximè si
 muri circumjecti in eandem partem ape-

riantur. Cùm enim à circumstantibus partibus prohibeatur sonus, seu percussus àër in orbem diffundi; tantò magis, atque celerius porrigitur in longitudinem. Quidquid enim detrahitur propagationi Sphæricæ, necessariò superadditur propagationi rectæ. Nam àër undequaque reflexus majore vi propellitur in quam partem patet exitus. Hinc vento secundo longius spargitur sonus: vento contrario prohibetur.

Hinc etiam si quis alterum per tubum alloquatur; licet tubus ad unum, vel plura milliaria excurrat; qui alteri ejusdem tubi extremitati aurem applicuerit: eodem instanti sonum, & verba percipiet. Quia nimirum, cùm àër tubo inclusus liberum Vagandi spatium non habeat; nec alio prorsus motu agitetur: nec ab externo aëre prohibeatur; non potest percuti, vel impelli in una tubi extremitate, nisi subsequens eadem celeritate impellatur ratione contiguitatis, & impenetrationis: & hoc quantum in longitudinem tubus porrigitur.

Secùs verò contingit in libero aëre, in quo edò tardius, quò longius propagatur sonus; quamvis reverà celerrima sit soni propagatio. Nam in minori spatio eodem instanti, quo editur, sonus percipitur; ad spatium autem ducentarum triginta exape-

darum non nisi intra unius horæ minutum secundum diffunditur : ut quidam experti sunt Recentiores. Licet non modica possit in hoc contingere varietas , ratione scilicet aëris crassioris , aut subtilioris , tum magis , aut minus agitati. Cujus rei ratio est quod , cum aër in libero spatio continuo agitetur vincenda est tum hujus agitationis resistantia , quæ eadem proportionem crescit , quâ spatium longius porrigitur , tum aëris ipsius minor mobilitas.

Porrò sonus alius est instantaneus , simplex , & indivisibilis , qualis est sonus , qui editur , dum una tantum litera pronunciat ; ut B. C. D. vel una tantum syllaba , ut Ba. Be. Bi. Alius verò continuus , & compositus , qui pluribus constat sonis simplicibus sibi immediate succedentibus , ut (dominus) hinc illa corpora magis sonora dicuntur , quæ cum vi elastica prædita sint semel percussa diutius tremunt ; atque repetitis ictibus aërem quatiant , ut Campana , instrumentorum musicorum fides tensæ , & alia quàm plurima.

Præterea sonus sive simplex , sive compositus alius est acutus , alius gravis. Acutus est , quo minor , gravis , quo major aëris portio percutitur. Sonus autem sive gravis , sive acutus alius est intensus , alius remissus. Intensus est , quo majore , remissus , quo minore vi percussus aër auriculare tympanum percutit.

CAP. XXII. DE AUDITU. 149

Sonus denique alius est gratus, alius ingratus pro vario cuiusque animalis temperamento, ejusdemque variâ constitutione. Hinc dicitur *Musica in luctu importuna narratio.*

Gratus est autem sonus, qui placidum circulationis motum spirituum vitalium, & animalium promovet, vel excedentem ad mediocritatem reducit augendo, videlicet, remissum, & placidè minuendo intensum. Hinc grata est Musica, quâ sonus sensim, & per gradus placidâ quadam undulatione attollitur; postea verò sensim deprimitur. Sic enim primò placidè augetur motus spirituum animalium, tum sensim, ac placidè minuitur. Ingratus verò sonus est semper uniformis; quia nimirum motum spirituum animalium semper auget, aut semper minuit ultra mediocritatem; tum is, qui sine proportionem crescit, vel minuitur.

CAPUT XXIII.

Solvuntur Objectiones.

OBjic. Primò. Potest esse aëris motus ad aurem appulsus absque eò, quòd sonus audiatur: Ergo sonus non consistit in tympani articularis percussione, quæ fit mediante aëre.

148 PARS III. PHYS. TRACT. II.

darum non nisi intra unius horæ minutum secundum diffunditur : ut quidam experti sunt Recentiores. Licet non modica possit in hoc contingere varietas , ratione scilicet aëris crassioris , aut subtilioris , tum magis , aut minus agitati. Cujus rei ratio est quod , cum aër in libero spatio continuo agitetur vincenda est tum hujus agitationis resistentia , quæ eadem proportionem crescit , quâ spatium longius porrigitur , tum aëris ipsius minor mobilitas.

Porrò sonus alius est instantaneus , simplex , & indivisibilis , qualis est sonus , qui editur , dum una tantum litera pronunciat ; ut B. C. D. vel una tantum syllaba , ut Ba. Be. Bi. Alius verò continuus , & compositus , qui pluribus constat sonis simplicibus sibi immediate succedentibus , ut (dominus) hinc illa corpora magis sonora dicuntur , quæ cum vi elastica prædita sint semel percussa diutius tremunt ; atque repetitis ictibus aërem quatunt , ut Campana , instrumentorum musicorum fides tensæ , & alia quàm plurima.

Præterea sonus sive simplex , sive compositus alius est acutus , alius gravis. Acutus est , quo minor , gravis , quo major aëris portio percutitur. Sonus autem sive gravis , sive acutus alius est intensus , alius remissus. Intensus est , quo majore , remissus , quo minore vi percussus aër auriculare tympanum percutit.

Sonus denique alius est gratus, alius ingratus pro vario cuiusque animalis temperamento, ejusdemque variâ constitutione. Hinc dicitur *Musica in luctu importuna narratio.*

Gratus est autem sonus, qui placidum circulationis motum spirituum vitalium, & animalium promovet, vel excedentem ad mediocritatem reducit augendo, videlicet, remissum, & placidè minuendo intensum. Hinc grata est Musica, quâ sonus sensim, & per gradus placidâ quadam undulatione attollitur; postea verò sensim deprimitur. Sic enim primò placidè augetur motus spirituum animalium, tum sensim, ac placidè minuitur. Ingratus verò sonus est semper uniformis; quia nimirum motum spirituum animalium semper auget, aut semper minuit ultra mediocritatem; tum is, qui sine proportionem crescit, vel minuitur.

CAPUT XXIII.

Solvuntur Objectiones.

OBjic. Primò. Potest esse aëris motus ad aurem appulsus absque eò, quòd sonus audiatur: Ergo sonus non consistit in tympani articularis percussione, quæ fit mediante aëre.

150 PARS III. PHYS. TRACT. II.

Resp. conc. ant. neg. conseq. Neque enim omnis motus aëris est motus percussionis, ut perspicuum est. Cum enim aër æquabiliter, ac leniter fluit in auriculam, tympanum auriculare non percutit sensibiliter.

Inst. Illa percussio tympani auricularis non potest à corpore sonoro mediante aëre, vel aquâ ad aurem usque propagari nisi undulatione quadam; ut cum lapidis injectu aqua stagnans varios circulos delineat: sed hæc aëris undulatio ejusdem soni perceptionem confunderet; cum ejusdem soni innumeri velut ictus auris organum percellerent, ut lapidis in aquam injectu vatii circuli ad litus appellant: ergo &c.

Resp. neg. maj. Non enim simili undulatione propagatur sonus in aëre, vel in aqua; sed eâ tantum undulatione celeri, quâ percussus aër, vel aqua subsequentem impellit, ac statim restituitur, sive sit sonus directus, sive sonus reflexus ut in Echo- ne contingit. Nam pisces etiam in aqua percussa accurrunt, aut fugiunt, priusquam hujusmodi undulationes appareant; quæ ideo formantur in aqua, quod dum ipsa percutitur, circa lapidem assurgat: tum proprio pondere recidat, atque à litore reflectatur; non ratione percussionis dumtaxat. Maxime cum hoc in aëre, qui omni ex parte corpora premit, contingere non possit. Licet percussus aër variè reflecti possit.

Objic. Secundò. Auditur sonus foris factus in cubiculo undique clauso ; auditur etiam sonus pilæ ferreæ intra Sphæram ferream agitatz , & sonus horologii in recipiente vitæ — clusi : atqui aer percussus non potest cubuli parietes , vel Sphæram ferream , aut vas vitreum penetrare ; Ergo sonus non potest mediante aëre propagari.

Resp. dist. maj. Auditur sonus foris factus in cubiculo undique clauso ; si cubiculum ita fuerit clausum , ut nullus omnino supersit meatus , nec parietes ab aëre percusso aliquantisper concuti possint : neg. si aliquis supersit meatus, aut parietes ab aëre percusso aliquantulum concuti possint ; conc. & concessâ minore neg. consequ. Nam tormenti bellici , & tonitruï bombæ , & currus agitati non solum fenestras vitreas , sed parietes etiam vicinarum ædium concutunt. Et quando cuniculus ducitur , ad singulos fossoris ictus tota rupes concutitur : ut patet ex eò , quòd lapilli tympano militari supra rupem constituto superpositi subsultare videantur.

Objic. denique. Constat sonum è diversis , ac simul contrariis partibus venientem simul percipi eodem tempore ab eadem aure ; atqui nec idem aer , nec idem tympanum auriculare possunt simul diversis modibus percuti : Ergo sonus non consistit in percussione tympani auricularis à corpore

52 PARS III. PHYS. TRACT. II.
sonoro mediante aëre, aut aliâ substantiâ
usque ad aurem propagatâ; sed in aliqua
qualitate absolutâ capace penetrationis cum
corpore, & cum simili qualitate.

Resp. conc. maj. dist. min. Atqui nec
idem aër, nec idem tympanum auriculare
possunt diversis motibus percuti secundum
eamdem sui partem conc. secundum diver-
sas neg. & neg. consequ. Licet non rarò con-
tingat, ut diversi soni simul emissi con-
fundantur, & in unum quemdam tertium
sonum abeant. Et ideò dicitur, *Pluribus
intentus minor est ad singula sensus.*

C A P U T XXIV.

Varia Explicantur soni Phenomena.

PRimum soni Phænomenon est Echo,
quæ nihil aliud est, quàm percussus aë-
ris motus ab aliquo pariete, vel alio cor-
pore in aurem reflexus. Ubi notandum quodd,
si spatium inter aurem, & corpus refle-
ctens, & objectum sonorum interceptum
non fuerit sufficiens ad hoc, ut soni motus
reflexus ad aurem successivè perveniat post
ejusdem soni motum directum; tunc idem
sonus non poterit bis percipi distinctè, sed
tantum confusè ut quidam reboatus ex
utrôque sono confusus: qualis in quibus-

dam montium antris percipitur. Si verò nimia fuerit corporis reflectentis ab aure, vel à corpore sonoro distantia sonus directus tantummodò percipietur.

Potest autem idem sonus pluries percipi, & non solum septies, ut nonnulli asserunt; sed & vigesies, ac multò pluries pro numero scilicet, corporum sonum reflectentium, debitoque inter se intervallo distantium. Sic constat in castello, quod *Symonetam* vocant, propè mediolanum sito, quod quidem duabus præsertim ædibus inter se parallelis constat, si quis ex una quadam fenestrâ vocem aliquam emittat; echo nem illicò fieri, quæ prolatam vocem innumeris ferè vicibus repetit propter innumeras scilicet, aëris percussi reflexiones inter duos illos parietes parallelos successivè, & alternatim, ac reciprocè factas.

Secundùm Phænomenon est soni propagatio ex una arcûs, vel fornicis extremitate ad alteram ejusdem fornicis, vel arcûs extremitatem; ita ut sonus non percipiatur ab illis, qui sunt in spatio intermedio. Idque fit ex eò quòd, cum aër tantum arcui contiguus obversâ nimirum ad arcum loquentis facie percutiatur; atque à circumstante aëre contra fornicem, vel arcum percussus comprimatur aër necesse est ut is fornicis ductum sequatur. Quapropter sonus hujusmodi eodem instanti percipitur.

154 PARS III. PHYS. TRACT. II.
ac si percussus aër tubulo esset inclusus.
Eodem modo propagatur sonus ab una tra-
bis extremitate in aliam ; & propter eam-
dem rationem alterutâ aure terræ admotâ
Equorum vel procul existentium pedum so-
nitus percipitur. Similiter propagatur so-
nus in una fluminis præsertim tranquillioris
ripa factus voce etiam submissâ.

Ex dictis perspicuum fit cur tanta fiat
soni intensio , tum propagatio ope illius
tubæ anglicanæ , quæ ex ferro albo , vel
cupro lavigato conflata sensim in circulos
secundum longitudinem , & latitudinem
proportionaliter excrecentes diducitur ; ita
ut vulgaris hominis vox ad duo , vel tria
milliaria diffundatur. Nempè sonus , qui
in oris exitu totus in orbem circumquaque
diffunderetur , ope illius tubæ totus in di-
rectum propellitur ; atque ita quidquid pro-
pagationi Sphæricæ detrahitur , superaddi-
tur propagationi rectæ cum multò minori
aëris resistentia , cujus una tantum pars in
directum impellitur.

Hic tandem queri potest utrum duplex
sit auditio pro duabus videlicet , auribus , &
quomodo fiat vox.

Resp. ad primum. Quoties eadem aëris
percussio ab eodem objecto , atque ab eo-
dem loco , eodemque tempore in utram-
que aurem dirigitur : toties unicus tantum
sonus ab utraque simul aure percipitur.

CAP. XXIV. DE SONO, &c. 155

Quoties verò non ab eodem loco, aut non eodem tempore in aurem dirigitur percussio; toties unus, & idem sonus duplex, aut multiplex percipitur etiam ab una, & eadem aure: ut in Echone contingit; idemque proportionaliter intelligendum de aliis sensibus.

Resp. ad secundum. Vox fit per variam percussionem, & collisionem aëris, qui è pulmonibus per asperam arteriam ad laryngem Epiglottidis, & nervorum recurrentium ope modò majori, modò minori copîa in os immittitur labiis, & linguâ variè percutitur, & colliditur contra dentes, & palatum. Ubi notandum quòd, ut sonus variè modificetur, debet utcumque anhelitus retineri, ut quasi stagnans aër in ore variè percutiatur. Ut in variis avium, hominumque cantilenis manifeste perhibetur.

C A P U T XXV.

De Visu.

Visus nomine intelligitur potentia, quâ lumen, & colores percipiuntur. Constat autem visus organum in utròque oculo esse constitutum. Quàpropter oculi fabrica imprimis consideranda nobis est.

1^o. Ex ipsa cerebri basi tanquam duo

G vj

156 PARS III. PHYS. TRACT. II.

rami prodeunt duo nervi optici, qui postquam non longè ab origine citra ullam confusionem decussati coierunt ab invicem recedentes tendunt separatim in cujusque oculi velut centrum, atque in tres tunicas, quibus constat quilibet oculus, velut in orbem explicantur.

2^o. Prima, seu exterior oculi membrana omnium durissima, quæque ab exteriori tunica nervi optici ducitur, estque duræ matris propago, densa est admodum, & firma; parte posteriori sclerotica seu dura nominatur: ut pars illius anterior cornea dicitur. Hæc musculorum, qui oculi motibus inserviunt, tendinibus, arteriis, & venulis conspersa, & tanquam albumine obducta oculum suæ orbitæ alligat.

3^o. Secunda, seu media oculi membrana ex nervi optici tenui tunica, seu pia matre suam ducit originem; parte sui anteriore vasa dicitur: cùmque sit perforata, foramen illud pupillæ nomen accepit. Posteriori sui parte Coroides appellatur obvarium fibrarum plexum, cùmque varium sortiatur colorem in variis animalibus: hinc fit ut in quibusdam pupilla nigra, in aliis alterius coloris appareat. Hujus etiam tunicæ pars anterior, quæ pupillam circumjacet ad processus usque ciliares propter miram colorum varietatem iris vocitatur.

4^o. Tertia, & intima oculi tunica ex ipsa nervi optici medullari substantiâ in tenuissimas, innumerâsque fibrillas explicatâ oritur adinstar retis contexta: proindeque oculi retina dicitur. Eam esse proprium visûs organum constat ex eò quòd, cum omnis sensatio in quodam motu spirituum animalium intra nervorum tubulos consistat; ipsa sola tota sit nervorum fibrillis contexta. Hæc producitur ab oculi fundo adinstar dimidiæ Sphæræ concavæ usque ad ejusdem oculi medium, ubi vix adhæret per processus ciliares dictos.

5^o. Processus ciliares sunt innumeræ fibrillæ à retina procedentes circa medium oculi interiùs in modum coronæ contextæ, quibus simul connectuntur tres oculi tunicæ, atque in duas partes anteriorem scilicet, & posteriorem determinantur. Hæc tum ad oculi circumferentiam interiorem, tum ad ejusdem oculi centrum explicantur: hisque nigris velut ciliis cingitur humor crystallinus in oculi centro constitutus. Quapropter hujusmodi fibræ adinstar coronæ oculi medium occupantes processus ciliares dicuntur; hisque nimio corpusculorum lucidorum appulsu turgentibus, & sese contrahentibus, contrahitur simul uvea cum pupilla, & cornea cum sua protuberantia paululum globosa coarctatur. Sicque pauciores admittuntur radii intra pupillam, & oculi fundum.

158 PARS III. PHYS. TRACT. II.

60. Tres item sunt oculi humores. Primus est aqueus, qui tunicâ corneâ, & uveâ inclusus totam oculi cavitatem anteriorem implet usque ad processus ciliares, & oculi centrum; estque liquidus adinstar aquæ ad faciliorem, scilicet, contractionem, & expansionem corneæ, simul & uveæ, quam & in situ debito continet: ne subsidens adhiereat crystallino.

70. Secundus est crystallinus in oculi centro, ac medietate constitutus adinstar lentis optice, cujus ope luminis radii refringuntur in ipso transitu, & quantum ad distinctam, & claram objecti imaginem in oculi fundo, seu retinâ delineandam sufficit, colliguntur. Hujus substantia clara, & perlucida ut crystallus mollis est, ut comprimi, & dilatari facile possit: ac ne diffluat tenui membranulâ, quam araneam vocant, involvitur, atque in humoris vitrei excavato sinu tanquam gemma in annulo continetur.

80. Tertius humor oculi est vitreus in fundo ejusdem oculi intra retinam contentus, quo ipsa retina, aliæque tunicæ retinæ obductæ in situ debito explicatæ continentur; radiique luminis in crystallino refracti, & collecti in debito situ conservantur: ne simul coeant, priusquam ad oculi fundum, seu retinam perveniant; unde aut nulla succederet visio, aut inverte-


CAP. XXV. DE VISU, &c. 159

sa objecti imago in retina delinearetur. Quapropter in iis animalibus, in quibus crystallini pars anterior minùs convexa, & magis complanata reperitur; ita ut radii luminis tardiùs concurrant: major est copia humoris vitrei, ut in homine, & quadrupedibus; minor verò proportionaliter in piscibus, & avibus, in quibus crystallinus est glöbosior. Hujus humoris substantia ut vitrum duriùs perlucida, mollis est ut vitrum fufum, tenuique membranâ, quàm vitream vocant, obducitur.

Cæterùm sex sunt musculi suis nervis tum ex quinto, tum ex septimo pari propagatis instructi ad diversos oculi motus. Primus in oculi vertice constitutus, dum spirituum animalium appum turgescens contrahitur, oculum attollit. Secundus huic oppositus eum deprimit. Unde ille superbi, hic humilis nomen adeptus est. Tertius, qui dicitur bibitorius oculum ad interiorem adducit angulum. Huic oppositus, qui indignatorius vocatur, eum ad exteriorem angulum adducit: duo reliqui eum obliquè circumducunt; undè & alacriorii vocantur.

Oculi autem fabrica clarità innotescet ex sequenti figura, in qua n. denotat nervum opticum, i. i. tunicam interiorem, e. tunicam externam; C. C. corneam; u. v. uvicam; r. r. retinam; A. A. humorem

160 PARS III. PHYS. TRACT. II.
 aqueum ; B. Crystallinum ; t. t. vitreum ;
 P. P. P. P. processus ciliares.



C A P U T XXVI.

De Coloribus.

DE lumine jam satis dictum est in tractatu de elementis, tum de coloribus dum de iride ; sed quia non modica est inter Philosophos de natura colorum controversia : hanc quæstionem fusiùs pertractare, & quænam sit colorum natura clariùs explicare ; atque adversariorum objectionibus respondere necesse est.

Constat ex Prismatico crystallino, ut demonstratum est dum de iridis coloribus, colorem in genere nihil aliud esse præter lumen modificatum ; variòsque hujusmodi colores oriri ex eò, quòd luminis radii in corpus diaphanum, ut est prisma crystallinum, obliquè cadentes magis, aut

CAP. XXVI. DE COLORIBUS. 161

minùs dispergantur : ficque dispersi, & rariores magis, aut minùs ad oculum, vel ad corpus reflectens trajiciantur. Undè colores hujusmodi præ cæteris splendidiores non differunt inter se nisi secundùm magis, & minùs, notabiliter tamen : nihilque aliud sunt, quàm variæ radiorum luminis dispersiones, seu radii magis, aut minùs dispersi. Nempè albedo, quæ prima est coloris species ex eo profluit, quod minùs dispersi, & confertiores luminis radii ad oculum perveniant. Albedini succedit color flavus secunda species coloris ex radiis magis dispersis prodiens. Tertia species est color croceus, deindè ruber, postea viridis; huic succedit ceruleus : ac tandem niger, qui ex radiis præ cæteris magis dispersis, & rarioribus prodit ; nisi sit purè niger, qui scilicet in totali privatione luminis consistit : neque color, sed coloris privatio est.

Septem itaque sunt colorum species præcipuæ, inter quas plures sunt aliæ intermediae magis, aut minùs participantes. Sic sol ex nubis tenuioris interpositione flavus apparet ; si crassior fuerit nubes, croceus : deindè ruber ex crassioris adhuc nubis interpositione ; ex eò nimirum, quod pauciores, & rariores perveniant ad oculum luminis radii.

Sicut autem colores, qui ex obliqua ra-

diorum in corpus diaphanum incidentiâ oriuntur, in trajectione radiorum magis, aut minùs disperforum consistunt, ita colores, qui ex radiorum in corpus opacum incidentiâ profluunt, in reflexione radiorum magis, aut minùs disperforum positi sunt: quæ certè differentia est merè accidentalis coloribus. Nam sive per trajectionem, sive per reflexionem radiorum oriuntur colores, semper remanent colores.

Ubi notandum quòd in corporibus multùm diaphanis, in quibus plures, & confertiores trajiciuntur luminis radii, purum lumen exhibetur; ut in aëre, tenuique ac nitido vitro, debilitis quidem in hoc, quàm in illo, propter minorem diaphaneitatem. In aliis verò corporibus minùs diaphanis, in quibus rariores, & magis dispersi trajiciuntur luminis radii, ut in nubibus, varii colores exhibentur.

Similiter corpora opaca, quæ valdè lævem, ac tersam habent superficiem, ut specula sive crySTALLINA, sive ænea, ita ut plures, & confertiores luminis radios reflectant: ea purum quoque lumen exhibent. Quæ verò minùs tersam, & crassioribus poris distinctam superficiem habent, ex his varii prodeunt colores, quia rariores, & magis dispersos ad oculum radios reflectunt. Ita ut varii colores in corporibus opacis ex varia illorum superficiei constitutione orientur.

CAP. XXVI. DE COLORIBUS. 163

Id experientiâ multiplici confirmari potest. Nam ut nos ipsi experti sumus ope Microscopii in liliis convallium vulgò (*Magnets*) albis, flavis, & ceruleis, constat hujusmodi flores albos præ cæteris minùs asperam, & magis æqualem habere superficiem minoribus corpusculis, & poris exilioribus constantem. Undè fit ut plures, & confertiores radios ad oculum reflectant. Hinc corpora magis alba oculorum aciem perstringunt. Econtra verò magis asperam habent superficiem, crassioribusque corpusculis, & poris constantem flores hujusmodi flavi quàm albi, & cerulei quàm flavi; ut quilibet poterit experiri.

Ex his perspicuum est ex varia elementorum combinatione, tum ex varia eorumdem permistione magis, aut minùs exquisitâ varios prodire colores, seu variam pororum, atque corpusculorum constitutionem, quâ fit ut variè lumen reflectatur, & varius succedat color. Quia verò omnis elementorum permistio, est à colore; idè quorum exquisitior est corpusculorum compositio, ea calidiora existunt cæteris paribus. Hinc rosæ albæ calidiores sùnt flavis, & flavæ rubris. Similiter racemû albi calidiores, & delicatiores sùnt rubris, & hi nigris.

Hæc est itaque conclusio jam demonstrata. *Color in genere est radiorum dispersio,*

quæ fit in traiectione luminis per corpus Diaphanum, & in ejusdem luminis reflectione per corpus opacum. Ita ut varii colores in varia dispersione radiorum consistant.

Confirmatur conclusio specialiter de coloribus in corporibus opacis existentibus. Quia color est illud, quo mediante lumine visûs organum moveri potest; atqui nihil est in corpore opaco v. g. in pariete albo, quo mediante lumine visûs organum moveri possit præter specialem ejusdem luminis, seu lucidorum corpusculorum reflectionem à speciali dispositione superficiæ profluentem: Ergo color corporis opaci nihil est aliud, quàm specialis quædam luminis, seu lucidorum corpusculorum à corpore opaco reflexio.

Prob. Min. Quia impossibile est naturaliter corpus quiescens (quale est visûs organum) moveri nisi ab alio corpore jam moto; sed paries albus v. g. non movetur, nec est aliud corpus, quod à pariete moveatur ad oculum præter lucida corpuscula à pariete reflexa: Ergo nihil est in pariete albo, quo mediante lumine visûs organum specialiter moveri possit præter specialem ejusdem luminis, seu lucidorum corpusculorum reflectionem.

Confirmatur iterum Concl. Quia color corporis opaci est illud, quo mediante lu-

CAP. XXVI. DE COLORIBUS. 165

mine corpus opacum est visibile ; sed posita speciali ejusdem luminis reflexione corpus opacum visibile est , hac sublata non est visibile : Ergo color corporis opaci , nihil est aliud , quàm specialis quædam luminis reflexio , quâ videlicet lucida corpuscula notabiliter magis , aut minus dispersa ad oculum reflectuntur.

Dices primò. Color est illud , quo corpus opacum est visibile non actu , sed potentiâ tantum : fit autem visibile actu mediante actuali luminis reflexione.

Sed contra. Corpus opacum per se non est actu visibile nisi per actualement luminis reflexionem : Ergo non est potentiâ visibile nisi per potentiam lumen reflectendi. Ac proinde si color est illud , quo corpus opacum est visibile potentiâ tantum , is nihil erit præter specialem impenetratæ superficiæ dispositionem , quâ solâ lumen specialiter reflecti potest.

Dices Secundò. Colores alii sunt merè apparentes , & facilè variabiles , iique consistunt dumtaxat in varia luminis trajectione , aut reflexione ; alii verò sunt reales , & constantes , neque ita variabiles , & hi sunt qualitates speciales à varia luminis trajectione , tum reflexione distinctæ.

Sed contra. Quia tota colorum essentia in sola consistit apparentiâ , seu visibilitate , quâ fit ut realiter ab oculo percipiantur.

tur : Ergo nulla est illa colorum distinctio in apparentes , & reales. Verùm quidem est quòd alii aliis constantiores , ac minùs variabiles sunt ; sed hoc non ex ipsa colorum ratione præcisè , sed ex varia subjeçti dispositione oritur.

Enimverò colores , qui in speciali traiectione luminis per poros corporis diaphani consistunt ; sive lumine moveatur , aut corpus diaphanum ; necesse est ut varientur. Quemadmodùm cernitur in nubibus, quarum idcirco colores maximè variabiles sunt ; quia non solùm nubes ipsæ moventur , verùm etiam mutantur secundùm pororum , & corpusculorum dispositionem : Sol quoque perpetuò movetur ; atque ita ex vario solis aspectu , & variâ nubis constitutione necesse est , ut varia quoque succedat luminis traiectio, vel reflexio.

Idem contingit in Prismate crystallino. Nam sive Sol , sive Prisma ita moveatur ; ut radii obliquè in latus ejus cadentes , & variè dispersi traiciantur : varii exurgunt colores. Si verò radii rectà incidant in latus ejus , nullus color , sed purum lumen exhibebitur.

Similiter contingit in corporibus opacis, quæ variis constant superficiebus , & facile moventur ; ut in collo Columbæ cernere est, cujus quælibet pluma innumeris plumulis constat , & facieculis : Unde varii exur-

gunt colores, seu luminis reflexiones variæ, & maximè variabiles; eò quòd Columba ferè continuò moveatur.

Quæ verò corpora opaca immota consistunt, colores minùs variabiles sortiuntur; Quia nimirum minor contingit varietas in luminis reflexione, quæ fit in extrema tantum superficie: præsertim si ea minùs aspera fuerit. Quamvis nullus sit color in quocumque subjecto, qui non alius, atque alius apparere possit pro diverso luminis accessu, diversoque oculi aspectu.

Sic de nocte color viridis modico (ut fit) lumine illustratus apparet ceruleus; & hic de die obliquè conspectus apparet violaceus: Tum lineæ candidæ cretæ descriptæ in nigra tabula, si obliquè spectentur, apparent rubræ; & sic de aliis, ut multiplici constat experienciâ.

Corpus verò quodcumque sive diaphanum, sive opacum, si eundem perpetuò situm respectu luminaris, & oculi retineret, eundem perpetuò præ se ferret colorem. Unde perspicuum est colores à varia radiorum luminis dispersione, quæ fit in traiectione luminis in corporibus diaphanis, & in ejusdem luminis reflexione in corporibus opacis non distingui.

CAPUT XXVII.

Solvuntur Objectiones.

OBjc. Primò. Colores sunt inter se diversæ speciei, non verò lumina; tum color unus est contrarius alteri, ut albus nigrò: lumen verò non est contrarium lumini; Ergo colores sunt aliquid distinctum à lumine.

Resp. Dist. Ant. Lumina non sunt diversæ speciei, si lumen absolutè consideretur, Conc. Lumen variè modificatum, neg. Nam sicut una luminis modificatio est diversa notabiliter ab altera; ita & unus color est ab alio notabiliter diversus: & neg. consequ. cum eadem distinctione. Quamvis autem color niger vulgò dicatur contrarius albo; non est tamen ipsi contrarius. Nam ita se habent adinvicem ut magis, & minùs, & ut relativa: non autem ut contraria.

Instabis. Sequeretur quòd sublato lumine tollerentur colores; atque ita in meris tenebris nullus remaneret color: sed falsum consequens, ergo & Ant.

Resp. Conc. Mai. Neg. min. Neque enim ullà ratione, vel experiencià probari potest sublato omni lumine remanere colores formaliter; sed tantùm materialiter, & funda

CAP. XXVII. DE COLORIBUS. 169

fundamentaliter, quatenus eadem remanent in subiecto dispositiones ad lumen eodem modo trajiciendum, aut reflectendum. Sicque verum est illud Poëtæ (*rebus non abstulit atra colores*) & quod canit Ecclesia (*rebusque jam color redit vultu nitentis sideris*).

Obijc. Secundò. Constat esse diversos colores in marmore æqualiter lævigato, & æqualis superficiei; ut videre est in marmore variegato: Ergo colores in corporibus opacis non profluunt ex varia luminis reflexione. Cum enim æqualis sit superficies in toto marmore; deberet idem omninò color per totum exhiberi.

Resp. Neg. Ant. Neque enim est æqualis in toto marmore etiam lævigato superficies, seu pororum, atque corpusculorum dispositio. Nam ubi est color albus, ibi exiliora sunt corpuscula, & minores pori. Econtrà verò ubi nigredo apparet, crassiora sunt corpuscula, & majores pori: Unde fit ut magis dispergantur radii. Hinc magis aliquantulum ponderat marmor album, quàm nigrum sub æquali mole.

Obijc. Tertio. Color seu species impressa in organo visus est repræsentativa objecti visi; sed lumen in oculum incidens non est repræsentativum objecti visi: Ergo lumen non est color, seu species ab objecto impressa.

Resp. Conc. Mai. Dist. Min. Lumen absolutè sumptum non est repræsentativum objecti visi, Conc. Lumen ab objecto modificatum, neg. Nam luminis radii eodem modo movent spiritus animales in retina; quo ipsi ab objecto reflectuntur pro varia superficie dispositione.

Instabis. Constat esse multa animalia, quæ melius vident de nocte, quàm de die; ut feles, & noctuæ: Ergo species impressa oculo est aliquid aliud à lumine reflexo ab objecto.

Resp. Conc. Ant. Neg. Conseq. Nam sive lumen solis incidens in objectum inde reflectatur in oculum; sive lumen egrediens ab oculo felis, aut noctuæ, & in objectum incidens inde pariter in eundem oculum reflectatur: semper est lumen ab objecto reflexum, & modificatum. Quamvis reverà feles, & noctuæ non videant in meris tenebris nisi objectum sit valdè propinquum. Vident autem à longè etiam de nocte clariùs, quàm de die; quia copiosius lumen externum oculorum innato lumini occurrens eorum aciem perstringit: debilius verò lumen de nocte occurrens magis est accommodatum, & contemperatum.

Obijc. Denique Chalybs è fornace eductus primùm candens, postea flavus, hinc croceus, deinde ruber, tum ceruleus efficitur; sed non ex varia luminis trajectio-

CAP. XXVII. DE COLORIBUS. 171

ne (non enim est corpus Diaphanum) neque ex varia luminis reflexione id oritur. Cum enim persistat immotus , idque brevè perficiatur , priusquàm sol sensibiliter moveatur ; tam varia reflexio fieri nequaquam potest tam modico temporis intervallo : Ergo color in varia luminis traiectione , vel reflexione non consistit.

Resp. Conc. Mai. Neg. Min. Nam etiam si lucida ignis corpuscula non aliundè eveniant ab externo , scilicet , luminari ; ab intima tamen Chalybis substantiâ , in quam priùs subierunt , tanquam à centro ad circumferentiam moventur : atque inde per poros circumquaque variè effluunt primum quidem copiosius , deindè parcius sensim. Undè varii prodeunt hujusmodi colores partim ex prædicto lucidorum ignis corpusculorum effluvio , partim ex luminis externi reflexione. Cum autem ruber , aut ceruleus remanet Chalybs , tunc ex solâ externi luminis reflexione id contingit. Et neg. Conseq.

Cæterum gratus est color vel ingratus pro vario cujusque animalis temperamento , & variâ ejusdem constitutione. Cum enim oculorum morbo laborat animal ; tunc ingrati sunt colores omnes splendidiores , grati econtrà obscuriores. Gratus est enim color , qui placidum spirituum animalium motum conservat , vel excedentem ad me-

diocritatem reducit augendo, scilicet, remissum, & minuendo intensum. Ut dictum est de sono, & sapore, cæterisque sensibilibus. Hinc uniformis semper color ingratu est. Quia nimis auget, vel minuit spirituum animalium motum. Grata verò est splendidiorum simul cum obscurioribus coloribus variâ cum proportionem facta mistura. Sic enim idem idem augetur motus prædictus proportionaliter, ac sensum minuitur.

CAPUT XXVIII

Visio, & Visionis Modus Explicantur.

Visio est motus spiritibus animalibus è cerebro in retinam confluentibus impressus à radiis, qui ab objecto viso in oculi pupillam incidunt. Hic motus in homine conjunctus est cum idea, seu cognitione objecti visi; secus autem in brutis animalibus; ac per illum spiritus animales è cerebro in retinam confluentes eodem prorsus modo in retina reflectuntur à corpusculis lucidis ab objecto reflexis; ac si objectum visum ipsum attingerent cum æquali motu.

Fit enim visio, cum spiritus animales è cerebro in oculum conflunt per nervum

opticum. Tunc enim ope musculorum ad objectum pupilla dirigitur; ipsaque cum crystallino simul & retinâ ampliatur: ut plures radii à qualibet objecti parte diffusi ad totidem retinæ puncta colligantur; sicque clara fiat objecti visio. Nisi fortè copiosioris luminis appulsu fibrillæ retinæ, simul cum processibus ciliaribus, lucidis corpusculis advenientibus nimium inturgescant. Tunc siquidem retina cum uveâ, & pupilla cum crystallino, & corneâ necessario coarctantur. Ut jam dictum est.

Alia est clara, seu distincta objecti visio: alia confusa.

Clara objecti visio est ea, quæ fit per radios perpendiculares à singulis objecti visis punctis per corneam, & pupillam, humorisque oculi rectâ incidentes in retinam; adjuvantibus obliquis radiis, qui à singulis ejusdem objecti punctis in corneam, & crystallinum obliquè incidentes ita franguntur ad perpendicularum: ut in eodem retinæ puncto uniantur cum radio perpendiculi ejusdem puncti objecti visi.

Quapropter globosa est oculi figura, ut plures radios obliquè cadentes colligere possit: Tum ut plures radii perpendiculares ex diversis objecti punctis rectâ in pupillam incidere valeant. Quodd fieri nequaquam posset, si plana esset illius figura. Ratio est quia radius perpendicularis fortissi-

mus est : obliqui verò debiles sunt magis, aut minùs pro majori, vel minori obliquitate. Undè necesse est visionem perfectam fieri radiis perpendicularibus ad oculi superficiem : ut ita figura, situs, color, & ordo visibilis ritè percipiantur ab oculo. Hinc vulgò dicitur visio fieri per lineam rectam.

Ut ista clariùs intelligantur, notandum quodd ex quolibet puncto luminoso, vel illuminato, si illud in libero aëre, vel alio corpore diaphano supponatur, innumeri diffunduntur in orbem radii : ita ut circumquaque videatur ex omni parte. Si verò punctum illud in alicujus corporis planâ, vel convexâ existat superficie; hemisphæraliter tantùm ex eo diffunduntur innumeri radii, quorum unus duntaxat rectâ, seu perpendiculariter potest in pupillam, atque inde in retinam sine fractione incidere. Qui enim rectâ incidit, radius non frangitur. Plures autem obliquè in oculum incidunt.

Cùm igitur obliquè incidentes radii ita franguntur, ut cum ejusdem puncti radio perpendiculari coïncidant in retinam; tunc fit visio clara, seu distincta ejusdem puncti. Cùm autem ex pluribus objecti visi punctis radii perpendiculares cum obliquis in retinam coïncidunt: tunc fit clara objecti visio. Sed quia propter angustum pupillæ

foramen ex paucioribus dumtaxat objecti visi punctis radii perpendiculares in retinam incidunt; hinc fit ut, licet apertis oculis magnum videatur spatium: distinctè tamen non percipiatur, nisi objectum directè oppositum; idque non totum simul, sed successivè dumtaxat, ac per partes pupillæ proportionales.


Hinc visio confusa est, cum totum simul objectum percipitur eodem tempore; vel cum visio fit per radios obliquos dumtaxat: vel per pauciores radios perpendiculares; aut cum obliqui cum perpendiculis non coincidunt in eodem retinæ puncto, vel propter oculi dispositionem, vel propter nimiam objecti distantiam. Cum enim à quolibet puncto radii diffundantur in orbem, eò magis divaricantur, & oblique cadunt in oculum, quò longius distat objectum. Unde in magna objecti distantia necesse est uti Telescopio, quo radii colliguntur, priusquam in oculum incendant. Præterea minimum objectum distinctè non percipitur; quia visio fit per pauciores radios, quàm par sit ad visionem distinctam: nisi ope Microscopii plures colligantur radii.

CAPUT XXIX.

Visionis Explicantur Phenomena.


Quæritur Primò. Quomodo fiat ut duobus oculis unicum dumtaxat videatur objectum, aliquando verò duplex.

Resp. Primò. Duobus oculis unum objectum apparet unum, cum ambo oculi ita diriguntur in objectum ut ambæ lineæ rectæ per utriusque oculi centrum transeuntes, quæ axes optici naturales appellari possunt, coeunt in eodem objecti puncto: tunc enim unum tantum videtur objectum, quia in eodem loco cernitur ab utroque oculo. Ut in prima figura linea A. B. oculi A. & linea C. B. oculi C. coeunt in eodem puncto B. objecti B.



Resp. Secundò quoties ita diriguntur, ac distorquentur oculi, ut prædictæ lineæ mi-

nimè coëant in eodem objecti puncto ; toties objectum apparet duplex : quia non videtur in eodem loco ab utroque oculo. Nam visio fit per lineam rectam , ut jam dictum est. Ut cernitur in hac Secunda figurâ , in qua linea recta A. B. oculi A. terminatur in puncto B. objecti P. ac proindè oculus A. videt objectum constitutum in B. linea verò recta C. D. oculi C. terminatur in puncto D. objecti P. quòd proindè oculo C. constitutum apparet in D. ut distinctum objectum à præcedenti.




Id autem contingere solet Strabomibus, quibus nempe musculi motibus oculorum inservientes non consentiunt ; sed abeunt in diversa : nec axes opticos dirigunt in idem objecti punctum. Itémque ebriis, qui geminas lucernas pro unica , aut gallinas cum duplici capite vident. Eò quòd vino aut alio humore turgentes oculi non dirigantur in idem objecti punctum. Idem quoque contingit si quis in festucam , aut digi-

tum inter oculos , & lucernam positum figat obtutum. Sic enim oculorum axes decussantur priùs, quàm ad lucernam perveniant : undè duplex apparet lucerna.

Quaritur 2^o. Quomodò percipiantur objectorum magnitudo , atque distantia.

Resp. Primò. Majora videntur objecta, quorum radii majus in Retina spatium occupant , seu quòd idem est , quæ sub majori angulo cadunt in Retinam : minora verò, quorum radii minus in Retina spatium obtinent , id est , sub minori angulo cadunt in Retinam. Hinc illa Opticæ axiomata (*Quæ sub majori angulo videntur, apparent majora*) (*quæ sub minori, minora*) *quæ sub æquali æqualia*. Visio nempe fit per pyramidem radiosam , cujus basis est in re visa : conus autem , sive angulus in oculo.

Hinc illa porticuum , & ambulacrorum apparentia , quorum latitudo sensim coarctari videtur , quòd radii sub minori angulo cadant in oculum. Ut cernitur in sequenti figura , in qua. O. denotat oculum. A. & B. radios remotiores , qui sub minori angulo cadentes in oculum minus in Retina spatium occupant , quàm radii propinquiore. E. & F.



Resp. Secundò. Propinquiora videntur objecta eadem, quæ majora, aut si æqualia appareant vegetiores eorum radii spiritibus animalibus in Retina vegetiorem motum impertiunt. Remotiora verò apparent eadem, quæ minora; aut si æqualia fuerint eorum radii debiliores Retinam debilius afficiunt. Sic splendidiora quæque corpora, ut alba, cæteris propinquiora videntur in æquali distantia constituta, præsertim si majora fuerint. Ut norunt Pictores, qui corpora alioquin magna obscuris, & confusis coloribus, ac mole imminuta depingunt: ut remotiora videantur. Aliàs vera distantia non nisi per discursum, & comparisonem cum objecto in nota distantia constituto dignoscitur.

Quæritur Tertio. Quomodo motus visu percipiatur.

Resp. Motus percipitur ex eò, quod oculo immoto radii ab objecto venientes diversas Retinæ partes successivè, & sensibilibiter afficiant. Undè si quis in navi con-

stitutus terram immotis respiciat oculis, montes, & colles moveri sibi videntur. Quapropter si nimis lentè, ut index Horologii, aut nimis velociter, ut globus tormento bellico explosus, objectum moveatur: non poterit illius percipi motus; quia sensibilem affectionem Retinæ non imprimit. Potest tamen percipi motus quicumque. comparatione cum corpore prorsus immoto, aut saltem lentius moto post aliquod tempus.

Quæritur Quartò. Cur alii, ut senes, objecta nisi aliquantulum remotiora non videant: alii verò nisi propius oculis admota. Isti Myopes, illi Presbytæ dicuntur.


Resp. Myopes oculum habent globosorem. Undè objecta non vident remota nisi valdè confuse, quòd radii nimium refringantur, & citius coeant, priùsquàm ad Retinam perveniant, in qua proindè nullam, aut nimium confusam objecti speciem imprimunt. Objecta verò proprius oculis admota radios emittunt in oculum sub majori angulo; ita ut coire tam citè non possint. Econtra quibus oculi superficies caloris defectu magis complanata, & flaccida est, pupillæque contracta; ita ut radii obliquè incidentes minùs refringantur, quàm par sit; paucioresque radii per pupillam subire possint: hi objecta non vident distinctè, nisi ea sint aliquantulum remo-

CAP. XXIX. VISION. PHÆN. 181
tiora. Sic enim radii sub minori angulo in
oculum incidentes pupillam subeunt omnes,
quorum plurimi extra pupillam exciderent
sub majori angulo.

Quæritur Quintò. Cur si in speculum sub-
jectum, vel in aquam subjectam respiciat-
ur, objecta omnia appareant inversa, si-
mulque cælum deorsum appareat. Similiter
si respiciatur in speculum supra oculos po-
situm, terra sursum apparebit, omniæque
simul inversa: ut arbores, & cætera.

Resp. Horum omnium eadem est ratio,
nimirum quia objecta videntur in speculo
non per radios directos; sed per radios à
speculo in oculum reflexos. Undè cum vi-
sio fiat tantum per lineam rectam, neces-
se est ut res infra speculum oculis imminens
constituta sursum appareat inversa: econ-
tra res speculo subjecto imminens deorsum
appareat pariter inversa; ut patet ex se-
quenti figura. Sit v. g. speculum planum
subjectum. A. B. C. Res visa. D. E. ocu-
lus. F. Et à re visa incidant in speculum ra-
dii. D. C. & E. B. qui reflectantur ad ocu-
lum per radios reflexos. C. F. & B. F. quo-
niam visio fit per lineam rectam punctum
D. videbitur in G. & punctum. E. in H. sub
æquali angulo, ac proinde in eadem distan-
tia infra speculum, si tamen illud fuerit
planum. Jam si concipias figuram inverti,

182 PARS III. PHYS. TRAGT. II.
 ita ut speculum oculo immineat eadem sa-
 gitta sursùm videbitur inversa.



Quæritur denique cur, si quis ex altissi-
 mo loco deorsùm respiciat, statim vertigi-
 ne corripiatur, & facîle in præceps ruat.
 Similiter si quis demisso in terram capite
 cælum respiciat.

Resp. Quia cùm consueverimus terram è
 propinquo respicere, atque radii è terra
 reflexi validiùs reflectant spiritus animales
 è cerebro in Retinam, & in oculum con-
 fluentes; quando ab altiori loco, & à lon-
 gè respicitur terra, radii à terra reflexi mul-
 tò debiliùs reflectunt spiritus animales ad
 oculos confluentes: undè ipsi majori copia,
 & majori impetu in oculos conflunt, at-
 que inconsuetè vagantur in cerebro; undè

CAP. XXX. DE SENSU INT. 183;
vertiginem efficiunt, simulque caput deorsum impellunt. Eadem est autem ratio cum demisso in terram capite cælum respicitur..

C A P U T X X X .

De Sensu Interno.

PRædicti quinque sensus, de quibus hactenus loquuti sumus, vocantur externi; quod eorum organa exterius pateant: atque in ipsa confluentibus è cerebro spiritibus animalibus pro speciali cuiusque organi, tum objecti constitutione speciales extrinsecus imprimantur motus, qui inde ad cerebrum tanquam à circumferentia ad centrum derivantur; tum à cerebro tanquam à centro ad circumferentiam per totum corpus diffunduntur.

Cùm autem sensatio non in sola specie impressa, id est, non in solo motu spiritibus animalibus impresso in exteriori sensus organo, atque inde in cerebrum traducto consistat; verùm etiam in specie expressa, id est, in quadam prædicti motus reflexione, quæ fit in cerebro, atque inde in alias etiam corporis partes propagatur (ut fusiùs explicatum est) hinc patet nullum esse sensum sine cerebro: ita ut ex cerebro, & oculo simul fiat sensus visus; ex cerebro,

mus est : obliqui verò debiles sunt magis, aut minùs pro majori, vel minori obliquitate. Undè necesse est visionem perfectam fieri radiis perpendicularibus ad oculi superficiem : ut ita figura, situs, color, & ordo visibilis ritè percipiantur ab oculo. Hinc vulgò dicitur visio fieri per lineam rectam.

Ut ista clariùs intelligantur, notandum quòd ex quolibet puncto luminoso, vel illuminato, si illud in libero aëre, vel alio corpore diaphano supponatur, innumeri diffunduntur in orbem radii : ita ut circumquaque videatur ex omni parte. Si verò punctum illud in alicujus corporis planâ, vel convexâ existat superficie ; hemispharaliter tantùm ex eo diffunduntur innumeri radii, quorum unus duntaxat rectâ, seu perpendiculariter potest in pupillam, atque inde in retinam sine fractione incidere. Qui enim rectâ incidit, radius non frangitur. Plures autem obliquè in oculum incidunt.

Cùm igitur obliquè incidentes radii ita franguntur, ut cum ejusdem puncti radio perpendiculari coïncidant in retinam ; tunc fit visio clara, seu distincta ejusdem puncti. Cùm autem ex pluribus objecti visi punctis radii perpendiculares cum obliquis in retinam coïncidunt : tunc fit clara objecti visio. Sed quia propter angustum pupillæ

foramen ex paucioribus dumtaxat objecti visi punctis radii perpendiculares in retinam incidunt; hinc fit ut, licet apertis oculis magnum videatur spatium: distinctè tamen non percipiatur, nisi objectum directè oppositum; idque non totum simul, sed successivè dumtaxat, ac per partes pupillæ proportionales.


Hinc visio confusa est, cum totum simul objectum percipitur eodem tempore; vel cum visio fit per radios obliquos dumtaxat: vel per pauciores radios perpendiculares; aut cum obliqui cum perpendiculis non coïncidant in eodem retinæ puncto, vel propter oculi dispositionem, vel propter nimiam objecti distantiam. Cum enim à quolibet puncto radii diffundantur in orbem, eò magis divaricantur, & oblique cadunt in oculum, quò longius distat objectum. Unde in magna objecti distantia necesse est uti Telescopio, quo radii colliguntur, priusquam in oculum incendant. Præterea minimum objectum distinctè non percipitur; quia visio fit per pauciores radios, quàm par sit ad visionem distinctam: nisi ope Microscopii plures colligantur radii.

C A P U T XXIX.

Visionis Explicantur Phenomena.


Quæritur Primò. Quomodo fiat ut duobus oculis unicum dumtaxat videatur objectum, aliquando verò duplex.

Resp. Primò. Duobus oculis unum objectum apparet unum, cum ambo oculi ita diriguntur in objectum ut ambæ lineæ rectæ per utriusque oculi centrum transeuntes, quæ axes optici naturales appellari possunt, coeunt in eodem objecti puncto: tunc enim unum tantum videtur objectum, quia in eodem loco cernitur ab utroque oculo. Ut in prima figura linea A. B. oculi A. & linea C. B. oculi C. coeunt in eodem puncto B. objecti B.



Resp. Secundò quoties ita diriguntur, ac distorquentur oculi, ut prædictæ lineæ mi-

nimè coëant in eodem objecti puncto ; toties objectum apparet duplex : quia non videtur in eodem loco ab utroque oculo. Nam visio fit per lineam rectam , ut jam dictum est. Ut cernitur in hac Secunda figurâ , in qua linea recta A. B. oculi A. terminatur in puncto B. objecti P. ac proindè oculus A. videt objectum constitutum in B. linea verò recta C. D. oculi C. terminatur in puncto D. objecti P. quòd proindè oculo C. constitutum apparet in D. ut distinctum objectum à præcedenti.




Id autem contingere solet Strabomibus, quibus nempe musculi motibus oculorum inservientes non consentiunt ; sed abeunt in diversa : nec axes opticos dirigunt in idem objecti punctum. Itémque ebriis, qui geminas lucernas pro unica , aut gallinas cum duplici capite vident. Eò quòd vino aut alio humore turgentes oculi non dirigantur in idem objecti punctum. Idem quoque contingit si quis in festucam , aut digi-

tum inter oculos , & lucernam positum figat obtutum. Sic enim oculorum axes decussantur prius, quàm ad lucernam perveniant : undè duplex apparet lucerna.

Quæritur 2^o. Quomoddò percipiantur objectorum magnitudo , atque distantia.

Resp. Primò. Majora videntur objecta, quorum radii majus in Retina spatium occupant , seu quòd idem est , quæ sub majori angulo cadunt in Retinam : minora verò, quorum radii minus in Retina spatium obtinent , id est , sub minori angulo cadunt in Retinam. Hinc illa Opticæ axiomata (*Quæ sub majori angulo videntur, apparent majora*) (*quæ sub minori, minora*) *quæ sub æquali æqualia*. Visio nempe fit per pyramidem radiosam , cujus basis est in re visa : conus autem , sive angulus in oculo.

Hinc illa porticum , & ambulacrorum apparentia , quorum latitudo sensim coarctari videtur , quòd radii sub minori angulo cadant in oculum. Ut cernitur in sequenti figura , in qua. O. denotat oculum. A. & B. radios remotiores , qui sub minori angulo cadentes in oculum minus in Retina spatium occupant , quàm radii propinquiore. E. & F.



Resp. Secundò. Propinquiora videntur objecta eadem, quæ majora, aut si æqualia appareant vegetiores eorum radii spiritibus animalibus in Retina vegetiorem motum impertiunt. Remotiora verò apparent eadem, quæ minora; aut si æqualia fuerint eorum radii debiliores Retinam debilius afficiunt. Sic splendidiora quæque corpora, ut alba, cæteris propinquiora videmur in æquali distantia constituta, præsertim si majora fuerint. Ut norunt Pictores, qui corpora alioquin magna obscuris, & confusis coloribus, ac mole imminuta depingunt: ut remotiora videantur. Aliàs vera distantia non nisi per discursum, & comparisonem cum objecto in nota distantia constituto dignoscitur.

Quæritur Tertiò. Quomodò motus visus percipiatur.

Resp.. Motus percipitur ex eò, quod oculo immoto radii ab objecto venientes diversas Retinæ partes successivè, & sensibilibiter afficiant. Undè si quis in navi con-

stitutus terram immotis respiciat oculis, montes, & colles moveri sibi videntur. Quapropter si nimis lentè, ut index Horologii, aut nimis velociter, ut globus tormento bellico explosus, objectum moveatur: non poterit illius percipi motus; quia sensibilem affectionem Retinæ non imprimit. Potest tamen percipi motus quicumque. comparatione cum corpore prorsus immoto, aut saltem lentius moto post aliquod tempus.

Quæritur Quartò. Cur alii, ut senes, objecta nisi aliquantulum remotiora non videant: alii verò nisi propius oculis admota. Isti Myopes, illi Presbytæ dicuntur.


Resp. Myopes oculum habent globosiorum. Undè objecta non vident remota nisi valdè confuse, quòd radii nimium refringantur, & citius coëant, priusquam ad Retinam perveniant, in qua proindè nullam, aut nimium confusam objecti speciem imprimunt. Objecta verò proprius oculis admota radios emittunt in oculum sub majori angulo; ita ut coïre tam citò non possint. Econtra quibus oculi superficies caloris defectu magis complanata, & flaccida est, pupillæque contracta; ita ut radii obliquè incidentes minus refringantur, quàm par sit; paucioresque radii per pupillam subire possint: hi objecta non vident distinctè, nisi ea sint aliquantulum remo-

CAP. XXIX. VISION. PHÆN. 181
tiora. Sic enim radii sub minori angulo in
oculum incidentes pupillam subeunt omnes,
quorum plurimi extra pupillam exciderent
sub majori angulo.

Quæritur Quintò. Cur si in speculum sub-
jectum, vel in aquam subjectam respiciat-
ur, objecta omnia appareant inversa, si-
mulque cælum deorsum appareat. Similiter
si respiciatur in speculum supra oculos po-
situm, terra sursum apparebit, omniâque
simul inversa: ut arbores, & cætera.

Resp. Horum omnium eadem est ratio,
nimirum quia objecta videntur in speculo
non per radios directos; sed per radios à
speculo in oculum reflexos. Undè cum vi-
sio fiat tantum per lineam rectam, neces-
se est ut res infra speculum oculis imminens
constituta sursum appareat inversa: econ-
tra res speculo subjecto imminens deorsum
appareat pariter inversa; ut patet ex se-
quenti figura. Sit v. g. speculum planum
subjectum. A. B. C. Res visa. D. E. ocu-
lus. F. Et à re visa incident in speculum ra-
dii. D. C. & E. B. qui reflectantur ad ocu-
lum per radios reflexos. C. F. & B. F. quo-
niam visio fit per lineam rectam punctum
D. videbitur in G. & punctum. E. in H. sub
æquali angulo, ac proinde in eadem distan-
tia infra speculum, si tamen illud fuerit
planum. Jam si concipias figuram inverti,

ita ut speculum oculo immineat eadem sagitta sursum videbitur inverfa.



Quæritur denique cur, si quis ex altissimo loco deorsum respiciat, statim vertigine corripiatur, & facile in præceps ruat. Similiter si quis demisso in terram capite cælum respiciat.

Resp. Quia cum consueverimus terram è propinquo respicere, atque radii è terra reflexi validius reflectant spiritus animales è cerebro in Retinam, & in oculum confluentes; quando ab altiori loco, & à longè respicitur terra, radii à terra reflexi multò debilius reflectunt spiritus animales ad oculos confluentes: undè ipsi majori copia, & majori impetu in oculos confluent, atque inconsuetè vagantur in cerebro; undè

CAP. XXX. DE SENSU INT. 183;
vertiginem efficiunt, simulque caput deorsum impellunt. Eadem est autem ratio cum demisso in terram capite cælum respicitur.

C A P U T XXX.

De Sensu Interno.

PRædicti quinque sensus, de quibus hactenus loquuti sumus, vocantur externi; quod eorum organa exterius pateant: atque in ipsa confluentibus è cerebro spiritibus animalibus pro speciali cuiusque organi, tum objecti constitutione speciales extrinsecus imprimantur motus, qui inde ad cerebrum tanquam à circumferentia ad centrum derivantur; tum à cerebro tanquam à centro ad circumferentiam per totum corpus diffunduntur.

Cùm autem sensatio non in sola specie impressa, id est, non in solo motu spiritibus animalibus impresso in exteriori sensus organo, atque inde in cerebrum traducto consistat; verùm etiam in specie expressa, id est, in quadam prædicti motus reflexione, quæ fit in cerebro, atque inde in alias etiam corporis partes propagatur (ut fusiùs explicatum est) hinc patet nullum esse sensum sine cerebro: ita ut ex cerebro, & oculo simul fiat sensus visus; ex cerebro,

& aure sensus auditus : ex cerebro , & naribus sensus odoratus ; ex cerebro & lingua cum palato sensus gustus : ex cerebro denique , & nervorum fibrillis per totum corpus exterius , interiùsque diffusis sensus tactus. Propterea cerebrum dicitur , & est sensus communis , & aliorum omnium commune centrum , per quòd invicem communicant. Dum enim patitur unum membrum , cætera omnia compatiuntur membra : quasi unicus esset in toto corpore sensus interiùs , exteriùsque diffusus.

Cerebrum itaque dicitur sensus communis , quatenus actualiter concurret ad sensationem cum aliis sensibus sua objecta percipientibus. Si verò non concurrentibus actualiter aliis sensibus similes motus spirituum animalium , quales aliorum sensuum organis antea fuerunt impressi , & in cerebrum traducti , de novo excitentur in cerebro , aut alii ex iis compositi magis , aut minus participantes : tunc cerebrum dicitur sensus internus , dicitur imaginatio , seu Phantasia , quæ rerum jam perceptarum imagines , seu Phantasmata aliæque ex illis efformat , ac variè componit , aut dividit.

Dicitur etiam memoria , quatenus ex motu priùs impresso spiritibus animalibus in exteriori organo , & in cerebrum traducto remanet in eo certa quædam dispositio , quâ deinde similis motus iterum faciliè ex-

CAP. XXX. DE SENS. INT. 185

citari potest : licet exteriori organo idem non imprimatur. Sic Canis baculo semel cum clamore percussus, sive deindè videat baculum attolli ; sive similem tantum clamorem audiat : eodem modo fugit, ac si de novo percuteretur ; locum etiam non amplius adit, in quo percussus est, diciturque præteritæ percussione habere memoriam.

Quia nimirum tres illi motus, nempe, clamoris, visionis baculi, & loci, tum percussione simul fuerunt in ejus cerebrum traducti ; atque simul in unum quemdam motum ex ipsis compositum abjecerunt. Undè quolibet ex ipsis excitato exterius idem resultat interiùs in cerebro, ac si omnes simul excitarentur. Quamvis eò minor sit ille motus, quò minor est clamoris, aut visionis, quàm percussione motus impressus.

Vocatur quoque æstimativa potentia, quatenus objectum ut bonum, aut malum, sive ut conveniens, aut disconveniens repræsentat, idque fit quadam motus impressi reflexione, quæ fit in cerebro, atque in alias corporis partes propagatur. Ut cum canis v.g. majore vi percussus fugit, aut leniter percussus adulatur: ut alibi explicatù est.

Dicitur denique reminiscendi potentia, seu reminiscencia, quæ cum sit memoria cum ratiocinatione conjuncta, irrationalibus non convenit animalibus, aut sensibus pure corporeis, de quibus nunc agimus. Nem-

pè cùm quispiam v. g. sua peccata in memoriam revocare voluerit, ordinatâ, & rationali inquisitione id perficit, cogitat nimirum quid primo manè egerit, in quo loco fuerit, quem fuerit alloquutus: deinde post prandium, ac similiter post cœnam. Et sic de cæteris.

Constat igitur apud omnes sensûs communis, imaginationis, & memoriæ organum esse in cerebro; in qua verò cerebri parte existat, magna est, ac multum intricata inter Philosophos controversia. Aliis videlicet existimantibus illud esse in substantia cinerea cerebri; aliis in substantia medullari, seu in tractibus cerebri medullaribus: aliis cum Cartesio in glandula pineali; aliis in rete mirabili, seu plexu coroïdeo innumeris arteriis, venulisque, & glandulis contexto: aliis in cerebri ventriculis; quidam arbitrantur sensum communem esse in sincipite, memoriam in occipite intra cerebellum, Phantasiam, & imaginationem hinc, & inde juxta cerebri ventriculos: alii denique censent harum facultatum sedem esse in ipsa origine, seu principio immediato nervorum toto corpore propagatorum, adeoque in ipsa cerebri basi. Hæc autem quæstio clarè, breviterque resolvetur sequenti capite.

CAPUT XXXI.

*De sensûs Communis, Imaginationis,
& Memoriae Sede.*

PRima concl. Eadem est sensûs communis, imaginationis, & memoriæ sedes, seu idem organum.

Prob. concl. Idem prorsus eodémque modo repræsentant imaginatio, & memoria, quòd sensus communis, scilicet, species impressas, seu motus cerebro impressos ab objectis mediante organo exteriori: ut perspicuum est; atqui species hujusmodi non possunt in cerebro repræsentari, nisi ubi primùm ab objecto fuerunt impressæ, scilicet, in sensu communi: Ergo eadem est sensûs communis, imaginationis, & memoriæ sedes. Ac proindè hæc inter se non differunt, nisi quod debiliores plerùmque sunt motus in imaginatione, & memoriâ, quàm in sensu communi; eò quòd ad sensum communem simul concurrat cum cerebro sensus externus actualiter ab objecto affectus.

Secunda concl. sensûs communis, ac proindè imaginationis, & memoriæ sedes est in tractibus cerebri medullaribus omnibus, maxime ubi concurrunt nervorum orificia.

Prob. concl. Quia cùm omnis sensatio in speciali quodam spirituum animalium motu consistat, non possunt spiritus animales specialiter moveri per sensationem actualem, nisi priùs naturâ idoneè præparati, & à sanguine arterioso segregati universali quodam circulationis motu (in quo sensûs potentia consistit) moveantur: atqui in omnibus, & solis tractibus cerebri medullaribus idoneè præparati moventur universali quodam circulationis motu, ut patet ex ipsâ cerebri structurâ priùs descriptâ: Ergo in omnibus, & solis tractibus cerebri medullaribus est sensûs communis, imaginationis, & memoriæ sedes præcipuè ubi concurrunt nervorum orificia.

Confirm. Quia in nulla alia cerebri parte potest esse sensus communis: ergo, &c. Prob. Ant. Nam in substantia cinerea cerebri, quæ innumeris constat glandulis miliaribus arterioliis appensis, præparantur dumtaxat spiritus animales, dum à sanguine arterioso segregantur, & ex glandulis miliaribus in tractus medullares propelluntur. In glandula pineali segregantur ab humore superfluo: nam omnis glandula ad segregationem dumtaxat, est comparata. In rete mirabili, & plexibus aliis coroïdeis nihil est præter venulas, arteriolasque, & glandulas, in quibus etiam segregatur succus lymphaticus à sanguine arterioso. In.

CAP. XXXI. DE IMAGIN. &c. 139

ventriculis cerebri nihil est præter succum lymphaticum nutritioni cerebri superfluum, qui per venas jugulares resorbetur.

Cerebelli denique structura non est apta, ut sit sensus communis, imaginationis, & memoriæ sedes; quippè in eo feruntur spiritus animales motu nimium præcipiti, quàm ut imaginationis, & memoriæ motibus remissioribus modificari possint: tum quod minùs sit in cerebello spatium; tum quod spiritus animales rectà ferantur deorsum in spinalem medullam; ut manifestum est ex illius structurâ.

In cerebro autem multò amplius est spatium, ampliores sunt tractus medullares; varique sunt eorum sinus, ac multiplices anfractus. Undè in eo remissior est, & placidior spirituum animalium motus, ita ut facilè, atque distinctè debiliores, & multiplices imaginationis, & memoriæ motus suscipere possint, præsertim in homine, in quo multò majus est cerebrum, quàm in ullo genere animalium.

Quia nempe cerebrum in homine comparatum est ad judicium, seu Ratiocinationem, ad quam multò placidior, quàm ad memoriam, spirituum animalium requiritur motus; ut singula valeat judicium ritè perpendere. Undè qui præstant memoriâ, judicio minùs pollent, & e contra: quia idem est organum corporeum utriusque.

Propterea cerebellum actibus vitalibus, & naturalibus, respirationis videlicet, cordis, diaphragmatis, & præcordiorum motibus, qui continuò nobis etiam dormientibus, & quandoque invitis peraguntur, præcipuè præsidet; atque per ipsum variæ præcordiorum affectiones in cerebrum, à quo fluunt motus animales, & spontanei, traducuntur: tum à cerebro spiritus animales, variæque sensûs communis impressiones mediante cerebello in præcordia transmittuntur; sicque perpetuum inter ipsa continuatur commercium.

Hinc secto in animali cerebro cordis motus, & respiratio aliquandiu perseverant; sed ubi cerebello cultum adhibueris, etiam intacto cerebro statim vitales motus omnino cessabunt. Quia videlicet spiritus animales, nervique vitalibus addicti functionibus à cerebello maiori ex parte dependent: sicut hi, qui animalibus, & spontaneis motibus interserviunt, à cerebro derivantur. Unde manet evidens nostra conclusio.

C A P U T XXXII.

De Speciebus Rememorativis.

Constat inesse brutis animalibus imaginationem, & memoriam; quid

CAP. XXXI. DE IMAGIN. & C. 191
verò sint species illæ cerebro impressæ, quarum virtute bruta recordantur eorum, quæ antea perceperunt, variæ sunt Philosophorum opiniones. Multi siquidem communiter asserunt illas esse signa quædam, seu rerum imagines ab objectis cerebro impressæ: velut cum sigillo characteres ceræ imprimuntur.

Alii cum Cartesio asserunt eas nihil aliud esse præter vestigia quædam adinstar semitarum cerebro impressa à spiritibus animalibus per externas objectorum impressiones variè determinatis. Undè si hujusmodi semitæ fuerint magis tritæ, spiritus animales eò facilius per illas transeunt; sicque facilius perceptorum objectorum excitantur species, seu motus similes iis, qui prius fuerunt ab objectis impressi. Hæc autem Cartesii sententia, quam veram existimamus, sequentibus rationibus demonstratur, & explicatur.

Prob. Concl. Quia omnis sensatio in speciali quodam motu spirituum animalium organo exteriori sensus impresso, & in cerebrum traducto consistit; atqui nullus fieri potest in cerebro specialis spirituum animalium motus, nisi simul efformetur in eo specialis quædam semita spiritibus animalibus specialiter motis, ut perspicuum est: nam sensationis motus à cerebro per totum corpus propagatur: Ergo

omnis species cerebro impressa , quâ fit ut
 perceptorum prius objectorum species seu
 motus similes prius ab objecto impressis
 denuò excitentur , nihil aliud est præter ve-
 stigia adinstar semitarum cerebro im-
 pressa.

Major est certa , & evidens ex iis , quæ
 dicta sunt de sensibus externis ; minor etiam
 per se patet : Ergo evidens est conclusio.
 Nam quantumvis signa maneant cerebro
 impressa velut characteres , ut arbitrantur
 alii ; semper necessarius est specialis motus
 ad quamcumque sensationem : ex hoc au-
 tem nihil aliud sequitur , quàm specialis
 spirituum animalium semita.

Confirmatur à posteriori. Quia si canis
 v. g. Qui transeuntes mordere solet , gravi-
 ter percutiatur , dum mordere nititur , non
 mordebit amplius ; præsertim si sæpius fue-
 rit similiter percussus : tuncque dicetur
 quòd non mordeat , quia recordatur præte-
 ritæ percussione. Atqui id non aliter con-
 tingit , nisi quia spiritus animales , qui
 prius in eo casu ad faucium , maxillarum-
 que musculos tendere solebant ; prædictâ
 percussione reiteratâ sæpius concussi alias
 sibi vias , & semitas paraverunt in cerebro,
 per quas non jam ad faucium , & maxilla-
 rum musculos , sed ad alias corporis partes
 tendere solent.

Idem similiter contingit in aliis anima-
 libus,

libus, quæ simili modo docentur, & emendantur. Quapropter minùs docilia sunt ea, quorum cerebrum angustius existit; eò quòd spiritus animales nimium præcipiti motu ferantur: nec varias semitas efformare possint. Econtrà dociliora sunt, quæ ampliori cerebro sunt prædita proportionally, ut simiæ.

Ut ista clariùs intelligantur, notandum quòd in omni animali recens nato nullus est spirituum animalium motus, præter illum, quo in omnia sensuum organa perpetuò circulando diffunduntur; atque in eo consistunt sensuum potentia, sive appetitus sentiendi. Cùm igitur animal primùm incedere incipit, circumcursando investigat, quidquid occurrit, & quidquid videt, odoratur, videlicet, aquam, lignum, lapides, panem, ossa, ignem, &c. Unde jam varii motus speciales imprimuntur in ejus cerebro mediantibus organis sensuum exteriorum; diversæque spiritibus animalibus specialiter motis, aut reflexis efformantur semitæ magis, aut minùs tritæ. Nempe si motus impressus, aut reflexus fuerit intensior, magis trita erit semita; si remissus fuerit, minùs erit trita: nisi sæpiùs reïteretur.

Hujusmodi verò motus speciales impressi, vel grati sunt, vel ingrati, vel indifferentes pro variâ ejusdem animalis constitutione. Grati sunt (ut sæpè jam dictum

est) qui placidum spirituum animalium motum conservant, vel remissum placide augment, aut placide minuunt intensum. Ingrati sunt qui prædictum motum perturbant nimium augendo, vel minuendo sine proportionem. Indifferentes denique sunt qui nullam spiritibus animalibus sensibilem affectionem imprimunt.

Supponamus itaque canem motu appetitûs excitatum investigando occurrere igni, quem simul videt, & odoratur; profectò ignis corpuscula intensiori motu agitata intensiorem motum spiritibus animalibus in odoratûs organo impertient: qui motus ab odoratu velocius in cerebrum propagatus, nec inde reflexus (quia nimirum intensior est, quàm ut à supervenientibus spiritibus animalibus reflecti possit) caput illius, totumque corpus in partem oppositam impellet. Unde retrocedet canis, nec amplius odoratum ad ignem admovebit. Quia cum motus ille specialis cum motu visionis ignis fuerit, in ejus cerebro conjunctus; & utriusque semitæ pariter conjunctæ: statim ac ignem videbit, spiritus animales non ad odoratum accurrent; sed similis motus excitabitur priori tamen remissior.

Si verò lapidem obvium odoretur canis; quia lapis non potest sensibilem motum imprimere odoratu, prætergredietur; & similiter faciet, quoties eundem lapidem vi-

debit. Si autem oblatum ab aliquo panem, aut carnem odoretur; tunc quia panis, aut carnis corpuscula, quæ odoratum eius subeunt, intensiorem spirituum animalium, & appetitus motum placidè reflectunt: Ibi sistitur canis. Tum spiritus animales placidè impulsæ ex odoratu in cerebrum mox vegetius reflectuntur à continuo supervenientibus è cerebro in palatum, & fauces, maxillarumque mûsculos versùs panem, aut carnem impellant.

Hinc canis manducat, placidusque motus spirituum animalium per totum corpus propagatur. Unde caput, & caudam, oculos, & linguam, totumque corpus placido quodam undulationis motu circumagit: & panem porrigenti festinus adulatur. Quotiescumque igitur hominem, qui ei porrexit panem, aut carnem, videbit; similis in eo motus excitabitur: maximè si is esuriens panem ostendat. Quia motus visionis panis, & olfactionis, & manducationis fuerunt simul in illius cerebro conjuncti; tum illorum motuum semitæ. Quoties etiam famem patietur, in eundem locum properabit; præsertim si sæpius in eo panem invenerit.

Si verò postmodum in eodem loco percutiatur, idque sæpius reiteretur; tunc à tali loco fugiet: quia per illam percussione spirituum animalium oritur motus præ-

cedenti oppositus. Idem intelligendum de aqua, cum sitit: tum de cæteris. Sic ergo instruitur animalis cerebrum variis, & specialibus semitis; variisque, & specialibus spirituum animalium motibus, qui eodem, quo fuerunt impressi, ordine postea recurrunt: atque in his consistit animalis memoria.

Cum enim motus secundus sit quædam modificatio motus prius impressi; & tertius secundi, sicut quartus tertii, & sic cæteri subsequentes respectu præcedentium: hinc fit ut secundus non excitetur, nisi prius excitetur primus. Hoc autem semel excitato successivè excitantur alii eodem ordine, quo fuerunt impressi: ut norunt hi, qui orationem memoriter discunt, aut recitant.

Hinc qui bruta instruunt, v. g. Qui Psittacos docent, hi pauca verba eodem ordine sæpius repetunt; præsertim de nocte feriantibus aliis sensibus præter auditum: ne variis objectorum impressionibus simul afficiatur, & confundatur cerebrum. Sicque facilius, atque distinctius imprimitur semita motus specialis verborum, qui ab aure in cerebrum, tum à cerebro in linguæ musculos reflectitur propter specialem auris, & linguæ nervorum connexionem.

Ex his colligitur cerebri fibras nec nimis molles, nec nimium duras esse debere; nec cerebrum nimis amplum, aut nimis angu-

CAP. XXXIII. DE SOMNO &c. 197

stum : ad hoc ut ad memoriam sit idoneum. Si enim fibræ duriores fuerint , difficilius imprimuntur speciales hujusmodi semitæ ; si molliores fuerint , illæ facilius delebuntur : si cerebrum fuerit angustius , inter se confundentur ; si fuerit amplius , quàm par sit , semitæ impressæ nimium vagæ , & incertæ erunt , incertique motus , & tarda memoria.

C A P U T XXXIII.

De Somno , & Insomniis.

Somnus est sensuum quies profluens ex motu spirituum animalium remissiori , quàm par sit ad sensationem , & ad motus animales. Hic autem spirituum animalium motus remissior provenit vel ex majori copia chyli , sive Lymphatici humoris in cerebrum , atque inde in nervos , & sensuum organa confluentis ; vel ex corpusculorum ignis , seu spirituum animalium majori effluvio per nimiam defatigationem , aut diuturniorem vigiliam facto. Unde sua sponte concidunt palpebræ , caput , & brachia , totumque corpus : quamvis motus ille remissior nutritioni , & augmento animalis sit convenientissimus.

Neque enim , ut multi arbitrantur , som-

nus ex cerebri obstructione, atque totali spirituum animalium quiete profuit. Nam sic totaliter extingueretur motus sanguinis, & animal moreretur. Cum enim per somnum nunquam cesset motus cordis; nunquam pariter sanguis cessat à corde in cerebrum protrudi: tum spiritus animales cum succo cerebri nutritio cerebri tractus medullares subire; atque inde perpetuò circulare. Sed motus circulationis tam in cerebro, & nervis, quàm in venis, & arteriis remissior sit admistione Chyli cum sanguine, vel spirituum animalium effluvio. Quapropter somnus, & vigilia (ut alibi jam dictum est) non differunt inter se nisi secundum magis, & minus: & inter somnum, & somnum multiplex est differentia.

Alius siquidem tranquillus, & quietus est somnus: alius verò inquietus, & somniorum ferax magis, aut minus. Tranquillus est somnus cum motus spirituum vitalium, & animalium æqualiter, & moderatè remissus est in toto corpore benè constituto, & moderatis cibis refecto. Inquietus est magis, aut minus ex motu spirituum vitalium, & animalium magis, aut minus inæqualiter, vel immoderatè remisso. Quod quidem vel ex nimio frigore, vel calore, vel ex majori inedia, vel ciborum præsertim calidiorum immoderantia, vel denique ex prava magis, aut minus corpo-

ris constitutione , seu morbo provenire potest.

Cùm enim omnis morbus naturalis in quadam fibrarum obstructione consistat (ut demonstrabitur suo loco) necesse est ut spiritus vitales, & animales hujusmodi obstructionibus prohibiti magis, aut minùs refluant , aut alios reflere cogant versùs originem , scilicet , in cor , & in cerebrum. Unde motuum inæqualitas profluit, & somniorum varietas.

Fit siquidem somnium , cùm spirituum animalium motus excitantur in cerebro similes iis , qui ab objectis mediante sensùs externi organo imprimi solent. Hinc somnia ferè sunt tantùm de rebus antea perceptis , ac præsertim de iis , quæ majorem, aut sæpiùs reiteratam impressionem fecerunt in sensum. Quippè cùm remaneant in variis cerebri fibris vestigia , seu semitæ præcedentibus spirituum animalium specialibus motibus tritæ ; necesse est ut excitati spiritus animales jam tritas cerebri semitas subeant , ac modo simili moveantur.

Quia verò in majori parte cerebri remissior est motus spirituum animalium, quàm par sit ad sensationem, & ad varios animalis motus exerendos ; hinc fit ut motus illi speciales variè frangantur, aut reflectantur, aut præcludantur : sicque novi exurgant motus diversi , aut dimidiati, aut variè mi-

sti, & compositi ex iis, qui prius fuerunt impressi. Sic aliquando quis somniat se velociter currere, & tamen in eodem semper loco remanere. Quia nimirum specialis ille motus, ex quo aliàs sequeretur cursus, non potest ad tibiæ nervos, & musculos propagari propter succi nutritii debiliorem motum in nervis hujusmodi.

Somnium itaque, quoddam specialis est quidam sensationis motus in dormientis cerebro excitatus, aliud est naturale, quoddam fit modo prædicto de rebus antea perceptis juxta cujusque constitutionem, ciborum temperiem, humorumque prædominium. Sic qui humidioris sunt temperamenti, aut qui humidioribus quandoque cibis se ingurgitarunt, propter copiosorem humoris in cerebrum affluxum, se capite in aquam immerso natæ somniant; & propter motuum analogiam pluvias, diluvia, inundationes, & his similia.

Qui siti æstuant potationes somniant, fontes, rivulos, hortos irriguos, balnea. Nam motum sitis sequutus est sapissimè potationis motus. Alii verò excitantur propter connexionem naturalem. Similiter qui famem patiuntur comestiones somniant, convivia, varios exquisitorum ciborum apparatus. Qui calidioris sunt temperamenti, cibisque calidioribus ventriculum infarciunt, somniant rixas, pugnas, seditiones,

CAP. XXXIII. DE SOMNO. & C. 207

tumultus, bella, effusiones sanguinis, incendia, fulgura, fulmina, & his similia.

Qui siccioris, & minùs calidi sunt temperamenti, ut qui vulgò melancholici dicuntur, tristia somniant, nempe mortes parentum, & amicorum, persecutiones, carceres, vincula, luctus, deserta, & solitudines. Temperati denique amæniora somniant ut convivia, risus, ludos, harmonias musicas, & alia hujusmodi.

Porro similiter somniant bruta, & homines cum hac tamen differentia, quòd pauciora contingunt brutis animalibus somnia; eò quòd angustius habeant cerebrum: nihilque aliud sunt eorum somnia præter motus hujusmodi speciales spirituum animalium, qui ipsis dormientibus in eorum cerebro excitantur. In hominibus verò, qui multò ampliori cerebro præditi sunt, variisque, & multiplicibus curis implicantur, varia, & multiplicia contingunt somnia: atque variæ, & multiplices animæ rationalis ideæ, & cogitationes specialibus hujusmodi motibus congruentes, & conjunctæ cum aliqua ratiocinatione imperfectâ.

Alterum somnium soli homini contingens vocatur supernaturale, vel præternaturale, quòd scilicet profluit ab impressione divinâ, vel angelicâ, vel etiam demoniacâ spiritibus animalibus in cerebro factâ.

Divino , & angelico admonentur in somnis homines : dæmoniaco illuduntur. Hæc plerumque Symbolica sunt , iisdemque signis vera discernuntur à falsis , quibus visiones , & revelationes.

C A P U T XXXIV.

De Appetitu , & Passionibus Brutorum.

Appetitus nomine intelligitur potentia illa, quæ bonum sibi conveniens Animal prosequitur , & malum fugit. Ex his verò , quæ jam dicta sunt , perspicuum est appetitum à sensu non distingui ; ita ut sicut datur sensus communis in cerebro, quæ cum variis exteriorum sensuum organis conjunctus speciales sensus constituit ; ita datur appetitus communis in cerebro constitutus, qui cum specialibus sensuum organis speciales constituit appetitus.

Nempè motus spirituum animalium à cerebro in oculum derivatus dicitur appetitus videndi. Quia nimirum prædicto spirituum animalium appulsu oculus appetitur , & in objectum dirigitur. Similis motus in aurem derivatus appetitum audiendi constituit ; in nasum appetitum odorandi ; in fauces , & linguam appetitum gustandi ; in nervorum fibrillas per totum corpus diffusas appeti-

CAP. XXXIV. DE APPET. & C. 203.
tum tangendi : in partes denique illas bru-
torum , quæ ab omnipotenti Deo propter
bonum universi , & specierum conservatio-
nem fuerunt ad generationem sapientissi-
mè conformatæ , appetitum constituit ge-
nerandi.

Quia verò motus spirituum animalium à
perpetuo sanguinis , & spirituum vitalium
motu , cujus præcipuum organum est cor ,
derivatur ; hinc appetitus à motu perpetuo
sanguinis , & cordis pulsu suam ducit ori-
ginem : ita ut si sanguinis , seu cordis mo-
tus fuerit intensior , ut in junioribus ple-
rùmque contingit ; intensior sit appetitus.
Econtra remissior , si prædictus motus re-
missior fuerit : ut in senioribus. Tantus est
enim concentus inter motum sanguinis , &
spirituum animalium motum , tantæque in-
ter ipsos connexio , seu dependentia : ut
ex utroque unus consurgat appetitus.

Tanta est etiam connexio , seu dependen-
tia inter organa sensuum , seu appetituum ;
ut omnes sensus in idem simul conspirent ,
& concurrant : ita ut , quamvis motus uni-
versalis spirituum vitalium , & animalium
in omnes sensus pariter distribuatur ; ubi
tamen uni sensui specialis motus imprimatur ,
statim motus universalis cum prædicta mo-
dificatione , seu speciali determinatione in
omnes corporis partes propagetur.

Si v. g. vehementius percutiatur canis ;

statim fugiet in idem concurrentibus pariter omnibus corporis partibus, & sensibus: inquam verò partem fugiet, si liberum fugiendi spatium habeat: in partem oppositam ei, in qua facta est percussio. Quia nempe per illam percussione[m] motus universalis in omnes partes celerius propagatur cum tali modificatione, videlicet à latere dextro in sinistrum: si percussus fuerit canis in latere dextro. Idem intelligendum proportionaliter de specialibus ceteris motibus sensui impressis: ut clariùs patebit inferiùs.

Ex appetitu itaque, seu motu universali spirituum vitalium, & animalium, tum ex varia objectorum impressione tam circa bonum, quàm circa malum varii profluunt, & speciales in animali motus, seu passionnes, quarum profectò perdifficilis est cognitio propter mirabilem prorsùs earumdem varietatem. Non enim solum ex varia diversorum animalium, verùm etiam ejusdem animalis constitutione, neque ex varia tantùm diversorum objectorum, verùm etiam ejusdem objecti impressione majori, vel minori varii notabiliter exurgunt passionum motus diversimodè compositi, tum magis, aut minùs intensi. Unde ingentes procedunt, & innumerae difficultates. Præcipuas igitur passionnes breviter, & clare

CAP. XXXIV. DE APPET. & C. 209
explicabimus, quibus intellectis reliquæ facile innotescunt.

Passiones præcipuæ aliæ sunt simplices, aliæ compositæ, seu mixtæ. Simplices aliæ vulgò dicuntur passiones appetitûs concupiscibilis, quæ scilicet respiciunt bonum, aut malum minimè arduum, id est, nullis difficultatibus conjunctum. Hujusmodi autem sunt sex, tres videlicet circa bonum, nempe, voluptas, seu gaudium, amor, & desiderium; & totidem circa malum, nimirum dolor, seu tristitia, odium, & fuga.

Aliæ vocantur passiones appetitûs irascibilis, tum quia ira est una ex illis; tum quia respiciunt bonum, aut malum arduum, id est, cum difficultate conjunctum; atque ita in intentioni motu consistunt, suntque totidem numero, scilicet, Spes, & Desperatio, Audacia, & Metus, ira denique, & contemptus.

Reliquæ verò dicuntur mixtæ, quod ex aliis compositæ sint; suntque Commiseratio, Indignatio Invidia, Zelotypia, Æmulatio, & Admiratio. Omnes istæ tam simplices, quàm compositæ brutis, & hominibus pariter conveniunt; nisi quod in brutis animalibus nihil aliud sunt præter motus speciales spirituum vitalium, & animalium. In hominibus verò propter unionem animæ rationalis cum corpore singulis prædictis motibus conjuncti sunt necessario speciales, &

congruentes animæ circa idem objectum affectus nequaquàm liberi, in quibus quæ vulgò dicitur pars inferior animæ consistit: & in quibus moderandis ejusdem animæ pars superior occupatur.

Quamvis reverà non sint duæ partes reales in anima rationali. Nam eadem anima, quatenus etiam involuntariè, seu necessariò afficitur ab objecto sensibili mediante corpore, cui conjuncta est, dicitur pars inferior animæ: quatenus verò per ratiocinationem, & liberam voluntatem prædictos affectus, & passionem motus moderatur, dicitur pars superior.

Præterea prædictis passionibus addi possunt Pudor, & Impudentia, Risus, & Pœnitentia, quæ cum aliquam ratiocinationem involvant, soli homini propriæ sunt. Quinam verò sint speciales spirituum animalium motus in passionibus explicabitur quatuor sequentibus capitibus.

C A P U T XXXV.

*Explicantur Passiones simplices
circa bona.*

Primò. Voluptas, seu gaudium in vegero, & placido spirituum vitalium, & animalium motu per totum corpus æqua-

CAP. XXXV. DE PASS. & C. 207

biliter diffuso consistit. Hinc profluunt placidi motus in animali, nempe, in capite, in oculis; in ore, & lingua; in corde, & diaphragmate; in pulmone, & voce; in tibiis, & cauda, ceterisque corporis partibus. Ut cernitur in canibus simul colludentibus. Ad voluptatem prona sunt animalia præsertim juniora, quæ vegeto, & placido calore, ac temperatâ humiditate prædita sunt. His jocosa placent, & quæcumque placidum hujusmodi motum conservant, vel impertiunt augendo videlicet remissum, vel placidè minuendo intensum. Hæc eadem amantur omnia, & quæ cum ipsis aliquam habent connexionem; ita ut sensum simul afficiant.

Secundò. Amor in placido, atque vegeto spirituum vitalium, & animalium motu versùs objectum, à quo prodiit, reflexo consistit. Nam motus placidus ab objecto sensui impressus in cerebrum traducitur, atque indè in nervos omnes, ac præcipuè in cor propagatur; tum propter continuum cordis pullum placidè in cerebrum, atque indè in sensum per eandem viam versùs objectum reflectitur: tum ab objecto iterum in cerebrum, & cor reflexus simili modo reflectitur à corde, & cerebro in objectum. Hinc placidi motus in cane versùs herum, quem modò tibiis amplectitur, & osculatur; modò illius manus leniter

lambit : modò circa illius tibias totum suum corpus placidâ quâdam undulatione circumagit nunc ex uno latere , postea ex alio leniter perfricando. Canis autem exemplo utor , quòd experimentum sit omnibus notissimum.

Hinc qui vehementiùs amant , cùm placidos hujusmodi motus circa rem amatam , & præsentem exerere non possunt , amore , & languore tabescunt , quod metu , vel pudore interiùs cohibitus motus in corde quasi præfocetur. Amantibus placet imprimis objecti præsentia , quâ spiritus animales per easdem semitas priùs cerebro impressas , ac sæpè tritas , per quas nimirum jam tendere , ac reflecti consueverunt , placidè reflectuntur ; tum crebra colloquia : hisque dormientibus congruentia passioni contingunt somnia. Ex his verò perspicuum est cur in amante exurgant motus , & inclinationes similes iis , quæ sunt in amato : cùm amor in motu ab amato in amantem , & ab amante in amatum reflexo consistat.

Tertiò. Desiderium ex ejusdem objecti amati absentiâ oritur , atque in eodem motu spirituum vitalium , & animalium per easdem nimirum semitas jam in cerebro tritas in organum sensus exterioris tendentium , nec ampliùs ab eodem objecto reflexorum consistit. Cùm enim ab eodem

objecto , à quo solo specialiter , & placide reflecti possunt , non amplius reflectantur ; necesse est ut intensiori motu , & majori copiâ illuc profluant : simulque totum animalis corpus in illam partem impellant. Necesse est enim ut specialiter moveatur animal in quam partem intensior est spirituum animalium specialis motus.

Sic igitur redditur Animal inquietum & ad inquirendum excitatur , donec objecto prædicto occurrat ; omnesque illius motus inquieti sunt , & intensi : atque sine ulla requie in omnem partem agitur ; ac præcipuè ubi priùs idem objectum reperire consueverat. Illuc siquidem sæpiùs recurrit propter speciales spirituum animalium semitas cum præcedentibus in cerebro connexas ; inodò oculos , nunc odoratum in omnem partem versat ad quemlibet sonum arrigit aures , crebra emittit suspiria , idque magis , aut minùs pro majori , vel minori desiderio.

His brevis pastus , & somnus parcus , sæpiùsque interruptus , & varia contingunt somnia circa idem objectum ; eò quòd spiritus animales magis ad cerebrum , & ad sensuum organa , quàm ad stomachum tendant. Quapropter hi brevi macilescunt. Ex his manifestum est desiderium esse rei amate inquisitionis motum profluentem à dolore , seu perturbato spirituum animalium motu.

qui ex rei amata absentia procedit; eò quòd spiritus animales ab objecto non reflectantur amplius, ut consueverant. Undè non semel contigit, ut canis cùm Herum defunctum non inveniret perseverante dolore cùm desiderio lamentabili tandem ejulatu vitam finierit deficientibus viribus.

Quartò. Spes est idem motus, sed minùs intensus, & minùs inquietus; ex eò quòd v.g. canis Herum sapius amissum facile, ac citò repererit. Hinc enim factum est, ut minùs intensus, & minùs inquietus fuerit desiderii motus, similisque iterum exurgat. Crescit enim desiderii motus eadem proportionem, quàm crescit desiderantis inquisitio: nisi ea excedat.

Quintò. Desperatio est desiderii motus repressio, quæ fit per notabiliter majorem, aut sapius repetitum inquisitionis, & fatigationis motum. Cùm enim intensior est, qui ex inquisitione oritur, fatigationis motus, aut certè æqualis; tunc desiderii motus extinguitur: cessatque tandem canis Herum suum inquirere; atque primo occurrenti, aut adulanti adhæret. Desperatio itaque versatur circa bonum. Nam licet quispiam desperet de malo vitando, non tamen desperat de malo; sed de mali fugâ, quæ bona est, & quam ut bonam prosequitur.

CAPUT XXXVI.

*Explicantur Passiones simplices
circa malum.*

Primò. Dolor, seu tristitia est inæqualis, & perturbatus spiritum vitalium, & animalium circulationis motus. Hinc fluunt in animali perturbati motus omnes, inæquales, interrupti, & inquieti, in oculis lacrymæ, in voce crebra suspiria, frequentes gemitus & quærimoniæ magis, aut minùs pro majori, vel minori dolore. Hinc etiam fluit motus ille, quo molesta impressio, quantum fieri potest, removetur. Odiosa sunt omnia, quæ similem motum impertiunt, & quæ aliquam cum ipsis connexionem habent: ita ut sensum simul afficiant.

Secundò. Odium est idem motus à corde, & cerebro reflexus in objectum à quo primum prodiit. Undè fit ut sine simili perturbatione videri nequaquam possit is, qui doloris causa fuit, neque vox ejus audiri. Hinc perturbatis, ac torvis oculis, & pallidâ facie ob perturbatum sanguinis motum obliquè respicitur objectum: illiusque desideratur exterminium.

Tertiò. Fuga est idem motus intensior ab

objecto impressus , & à corde , & cerebro in objectum nequaquam reflexus. Eò quòd, cùm cordis motus impar sit ad sustinendum impetum spiritibus animalibus ab objecto impressum: necesse sit ut animal convertatur in fugam. Quàpropter in bello tympanis concrepatur ; ut intensiori sono , vel crepitu , cordis pulsus , sive sanguinis motus augeatur : atque ad resistendum fortior evadat.

Quartò. Metus est idem motus cum præcedenti , scilicet , perturbatus motus intensior ab objecto impressus , & à corde , & cerebro in objectum nequaquam reflexus ; ubi fuga difficilis , aut longiori fugæ non datur locus. Tunc enim animal fugit, quantum potest , & latebras quærit : canis oculos , caput , dorsum , totumque corpus ad terram usque inflectit. Neque enim potest à terribili objecto magis recedere , ut supponitur. Pueri manibus oculos tegunt, aut velamine : Perdices viso accipitre caput in buxum inmittunt. Intercepto sanguinis motu pallent ora , tremor invadit artus, & sudor frigidus. Nam deficiente calore per circumstantis aëris compressionem exprimitur lympa è glandulis , per universam cutim respersis.

Tantus autem potest esse metus, ut omnino extinguatur sanguinis motus ; & moriatur animal. Potest etiam aliquando fieri ,

CAP. XXXI. DE PASS. &C. 213

ut metus ingens in rabiem, & furorem convertatur præsertim in generoso animali. Cum videlicet metu, & timore nimium compressus sanguis totus accenditur & inardescit. Id verò ita contingit, cum nulla patet omnino via ad malum imminens vitandum. Ad metum proni sunt pueri, & fæminæ, & quicumque minùs intensum habent sanguinis motum, & cordis pulsus. Porro meticulosi nunquam liberâ Marte, atque directè, sed obliquè tantum in hostem insurgunt, ac per cuniculos. Neque enim possunt sustinere impressionem sensui factam ab hoste è directo occurrente. Hi ad mendacia, simulationes, & perjuria proclives existunt.

Quintò. Ira est motus ille, qui ex mutuo sanguinis, & spirituum animalium sibi ex opposito occurrentium conflictu oritur. Cum enim spiritus animales è sanguine arterioso à corde in cerebrum propulso continuò deriventur, & indè in omnia sensuum organa diffundantur; necesse est ut, dū ab impressione dolorifera intèrior motus spiritibus animalibus in cerebro mediante organo exteriori imprimatur: ipsi contra suam originem propellantur; simulque sanguinem arteriosum, & spiritus vitales in cerebrum confluentes præpediant, & in cor refluerè cogant. Undè oritur ille sanguinis è corde erumpentis, & in cor refluentis

CAP. XXXVI. DE PASSION. 215

unus canis, modò alius in alterum irruat; atque ita efferantur aliquando, ut abinvicem divelli vix possint. Porro victoria gaudium parit, & audaciam. Nam sic odiosa impressio extinguitur, & deletur prævalente motu in objectum reflexo: placidusque redit sanguinis motus vegetior. Econtrà dolorem parit, & metum amissio victoriæ, dum perturbatus sanguinis, & spirituum animalium motus perlevertat.

6°. Audacia est, cùm motus sanguinis, seu pulsus cordis prævalet motui impresso spiritibus animalibus ab objecto odioso. Tunc enim canis inflato collo caput obfirmat; elatis superciliis, & corrugatâ fronte, ac demùm defixis oculis, vultu truculento, & minaci sine ulla prorsus hæsitazione, sine multo strepitu, & liberâ marte, atque directè in alium insurgit. Hinc vulgò dicitur, *minùs mordet canis, qui multum latrat*. Audaces insolentes sunt, & temerarii, erectâ cervice incedunt; alios sibi humiliter subijci gaudent: impudentes etiam sunt, qui nullius faciem verentur; excussòque omni infamiæ metu quidvis aut dicunt, aut moliantur, nisi majori terrore coërceantur.

7°. Contemptus, seu generositas est vegeta, & placida sanguinis, & spirituum animalium circulatio imperturbata manens in præsentia objecti aliàs odiosi, quòd qui-

dem nullam in sensum notabilem facit impressionem propter specialem sanguinis, & succi nervoli, organorumque constitutionem, quâ sit ut organa facile concuti nequaquam possint: nec placidus spirituum animalium motus perturbari. Sic Molossus parvum canem sibi oblatrantem, atque etiam acriter instantem contemnit. Generosi magnamini sunt, veraces, & honorabiles, atque ad omnem virtutem proclives: nec nisi atroci injuriâ affecti irascuntur, facillimèque placantur. Ad hos pertinet *parcere subjectis, & debellare superbos.*

Cæterum ex Physiognomia facile dignosci potest ad quam passionem quilibet inclinatur, nempe, ex varia partium configuratione, & vario earumdem colore; tum ex specialibus motibus. Qui enim sæpè motus exerunt alicui passioni addictos, eisdem sunt, vel fiunt obnoxii: & ab eâ fiunt immunes per actus contrarios. Si quis etiam alicujus animalis speciem quadantenus præse ferat in vultu ad ejusdem animalis passiones inclinatur. Cum varii spirituum vitalium, & animalium motus ex variâ organorum dispositione oriantur.

CAPUT XXXVII.

Miste Passiones Explicantur.

Explicatis jam specialibus simplicium passionum motibus nulla ferè superest amplius difficultas; cum passiones mistæ nihil aliud sint, quàm motus ex duarum, vel plurium passionum specialibus motibus compositi.

1^o. Itaque commiseratio est amor cum dolore, seu tristitiâ conjunctus. Cum enim amor sit motus placidus ab amato in amantem, & ab amante in amatum reflexus; hinc sequitur quodd, si in amato aliqua fuerit tristis affectio; ea simul cum placido motu in amantem reflectatur, & similiter ab amante in amatum, mistusque resultet amor dolore.

2^o. Indignatio est amor cum ira conjunctus, vel odium cum ira. Nam similiter quis indignatur, si ipsimet, vel amico immerenti atrox inferatur injuria; vel odioso, & indigno magna gratia conferatur: contra authorem gratiæ, vel injuriæ.

4^o. Invidia est dolor, seu tristitia de bono alterius cum desiderio illud auferendi.

5^o. Zelotypia est amor cum dolore, aliquando etiam cum metu, vel cum ira conjunctus.

junctus. Nam uxor v. g. Dum maritum alienis amoribus implicatum novit, simul amat, & dolet, aliquando simul metuit, & quandoque irascitur. Potest autem fieri sicut & in aliis passionibus mistis, ut unus ex omnibus exurgat motus compositus, atque confusus; vel ut quælibet suo ordine passio suam scenam agat, & alteri prævaleat pro varia objectorum impressione.

5^o. *Æmulatio* est amor alicujus motûs, seu qualitatis, quæ in alio existit, cum desiderio imitandi, seu similem consequendi. Unde alia est bona, alia verò mala æmulatio. Sæpè namque non solum virtutes, sed etiam vitia Magistrorum, aut amicorum amant, & imitantur discipuli, vel amici. In brutis quoque æmulatio tota procedit ab amore; cum amor sit motus placidus ab amato in amantem reflexus: hinc enim fit ut similes motus in amante exurgant.

6^o. *Admiratio* est motus quidam confusus ab objecto impressus vel metûs, vel lætitiæ cum desiderio distinctius percipiendi objectum. Animalia siquidem præsertim meticulosa ad quemlibet sonum, vel motum inexpectatum cum metu arrigunt aures, oculôlque in eandem partem dirigunt, & attentè respiciunt, auscultantque quid rei sit. Sic cum objectum quoddam præfulgidum, & speciosum inopinatò sensum percellit; grata quædam, ac lata oritur

CAPUT XXXVIII.

Explicantur Passiones Homini Proprie.

10. **P**UDOR est dolor ab honoris, seu estimationis læsione procedens, vel metus imminentis infamiæ. Unde cum honor sit solius rationis objectum soli homini convenit pudor. In pudore facies rubore, & oculi caligine suffunduntur. Ubi notandum quòd in amore gratus quidam, & placidus rubor totam faciem occupat incipiendo à fronte; in ira ingratus quidam rubor incipit ab oculis: in pudore autem ab extremis genarum, & auricularum. Cujus differentiæ ratio est, quia in amore placidus spirituum animalium motus ab objecto impressus à motu sanguinis, & cordis pulsu aliquantulum vegetiùs reflectitur in objectum; vegetior autem motus necessariò superiorem partem occupat: sicque in amore rubor incipit à fronte.

In ira quia æqualis est uterque motus ab objecto impressus, & in objectum reflexus; dimidiam partem frontis, oculorum, & genarum rubor occupat ordinariè: si verò aliquantulum prævaleat motus ab objecto

impressus motui reflexo ; tunc rubor non à fronte sed ab oculis incipit. In pudore autem quia major est motus ab objecto impressus ; necesse est ut magis inferiorem partem occupet motus reflexus : sicque rubor in pudore ab extremis genarum , & auricularum incipit.

Secundò. Impudentia est motus indecorus , & inhonestus sine metu imminentis , vel sine dolore præsentis infamiae. Impudentia ex defectu iudicii profluit ; honor siquidem , & infamia nisi à rectâ ratione percipi nequaquam possunt. Hinc bruta omnia sunt prorsus ad pudorem inepta. Oritur etiam persæpè impudentia ex desperatione amissæ jam famæ in posterum recuperandæ. Quapropter conservanda est proximi fama quantum fieri potest , & quandiù correctionis spes aliqua superest.

Tertiò. Risus est gratus ac celer lætitiæ motus homini ex improvisò , ut plurimum , nec expectanti impressus. Risus itaque est sine admiratione. Nam admiratio risum prohibet , dum ad objectum clariùs percipiendum intentum reddit animum. Celerior est autem lætitiæ motus , quia cùm ex improvisò sit impressus ; majorem quamvis placidam efficit impressionem in sensum , organa concutiens. Minus enim jacula feriunt , quæ prævidentur , & expectantur. Siquidem Spiritus animales ad expectatam

CAP. XXXVIII. DE PASSION. 221

impressionem recipiendam disponuntur ; dum per attentionem majori copiâ , & intensiori nisu ad sensus organum confluunt : sicque fit ut minor objecti succedat impressio.

Cùm igitur Rîsus sit celerior lætitiæ motus ; is per totum corpus propagatur ; maximè verò viget in iis partibus , quæ mobiliores sunt , atque continuò moventur , qualia sunt viscera omnia : præcipuè verò cor cum pulmone , & diaphragmate , quod quidem pulmones velut repetitis urget ictibus. Unde aër sæpè cum strepitu eliditur , & subsultim excussus sonum illum in ridentibus usitatum efficit. Hinc subsultans ille labiorum , oculorûmque , & totius faciei motus exultantis lætitiæ effectus.

Dices. Cùm aliquis jucundam fabulam narrat , sæpè ridet ipse cum auscultantibus : Ergo risus non est motus inexpectanti impressus.

Resp. Dixi ut plurimùm , non autem semper ; idque intelligendum de risu notabili. Nam aliquando quis ridet , quia aliàs risit , similisque exurgit motus ad ejusdem objecti impressionem. Hinc qui seriò jucundam aliquam fabulam narrat , risum magis excitat , quàm qui narrando ridet : quia scilicet auditorum expectationem magis fallit. Aliàs omnis lætitiæ motus , nisi is sit cum admiratione conjunctus , homini risum pro-

222 PARS III. PHYS. TRACT. II.

vocat, aut ad ridendum illum inclinat magis, aut minus. Licet prudens homo ita suas moderetur Passiones; ut aliquando pro variis circumstantiis etiam in magna lætitia risum contineat: aut leviter tantum subrideat; imò, si opus fuerit, tristitiam simululet pro libito.

Pœnitentia denique est dolor de culpis præteritis cum desiderio emendationis, & cum spe veniæ conjunctus.

Hic notandum quod passiones in homine aliquando à sensibus originem ducunt, atque inde in animam rationalem derivantur propter utriusque unionem; ut cum objectum sensibile afficit sensum. Aliquando vero ab anima derivantur in corpus; quoties, videlicet, objectum sola ratione apprehenditur. Ut cum v. g. quispiam verbis injuriolis impetitur, aut patrem suum esse mortuum audit: tunc enim tristitiæ affectus in mente oritur, & in sensum derivatur.

Cæterum quoties magnus est, ac vehemens in animali passionis motus; toties quidquid videt, & quidquid tangit, vel audit animal: id totum eadem passione agitari sibi videtur. Quia nimirum variæ objectorum impressiones, cum eæ minores sunt passionis motu jam excitato, ab ipso modificantur; atque in ipsum degenerant. Hinc si quis vehementius amet, omnia sibi

CAP. XXXIX. DE MUSCULIS. 223
videntur amare, nempe arbores, & Plantæ,
fontes, & flumina, stellæ etiam cum sole,
& lunâ, & alia quæcumque. Hæc omnia
verò videntur tristia, & quasi plangentia, si
quis vehementiori tristitia sit affectus. Et
sic de cæteris.

C A P U T XXXIX.

De Musculis ad Motum comparatis.

DUplex est animalis motus. Alius nempe est universalis, seu perpetuus sanguinis, & spirituum vitalium, & animalium circulationis motus, qui dicitur vitalis, & naturalis; quod in eo animalis vita consistat: quique perpetuum cordis, diaphragmatis, & respirationis motum complectitur. Alius est specialis, qui animalis, & spontaneus appellatur, quique à speciali aliqua impressione in sensum sive internum, sive externum factâ derivatur. Quales sunt sensationum, & passionum motus omnes, de quibus jam loquuti sumus: tum speciales, & varii membrorum motus, qui ex variis passionibus oriuntur.

Sicut autem perpetuus, & universalis spirituum vitalium, & animalium motus muscutorum, nempe, thoracis, abdominisque, Cordis, & Diaphragmatis ope perficitur.

citur ; nam Cor , & Diaphragma duo sunt n. jores musculi : ita & motus omnis specialis. Nihil est enim motus specialis, quam motus universalis modificatus : ut sæpè jam dictum est.

Propterea in ossium articulationibus varii sunt musculi ad varios membrorum motus peragendos instructi , quorum quilibet constat ligamine , fibris carnosiss, venâ, arteria , nervo , membranâ , & tendine ; solètque distingui in tres partes , videlicet, in caput , ventrem , & caudam. Caput musculi est pars habens ligamentum , quo musculus ossi superiori annectitur ad firmitatem.

Ligamento musculi succedit Venter. Ligamentum siquidem in varias , & multiplices fibras explicatur , quarum principes, seu majores , quæ tendinosæ dicuntur , ad caudam usque , seu tendinem musculi porriguntur. Minores verò , quæ carnosæ vocitantur , & ex majoribus oriuntur , ab una tendinosa transversim , & paululùm obliquè tendunt in aliam sibi mutuò parallelæ. Unde fit ut sensim ampliètur musculi venter , ac deinde sensim coarctetur ; simulque tandem cœant omnes fibræ principes , seu tendinosæ , & musculi caudam , seu tendinem constituent : quo tanquam fune valido musculus ulteriori parti , seu ossi moyendo inferiori adhæret ; ipsumque mo-

CAP. XXXIX. DE MUSCULIS. 225
vet diversimodè pro varia musculi constitu-
tione, sitúque.

Varia siquidem est musculorum figura..
Nam alii sunt adinstar muris, unde mus-
culi nomen; alii adinstar piscis: quidam
ut lacerti, alii ut Zona in longum exporre-
cta; quidam sunt orbiculares, alii triangu-
lares, aut quadrati; totque numerari pos-
sunt, quot sunt motus diversi.

Sicut autem ex fibris majoribus, seu ten-
dinosis oriuntur fibræ carnosæ sibi mutuò
parallelæ; ita ex istis oriuntur aliæ minores
innumerae, quæ transversim etiam, & obli-
què porriguntur ab una carnosa in aliam.
Sed & fibræ omnes membranâ quâdam, ut
communi involucro, teguntur, arteria quo-
que, vena, & nervus musculi medio ven-
tri ita inseruntur; ut venæ, & arteriæ pro-
pagines per carniū interstitia ubique spar-
gantur: nervus autem minutiores tantum
surculos circa medium musculi ventrem
emittat.

Musculus siquidem ab extremis arteria-
rum, atque nervorum fibris prodit; ubi exu-
dans sanguis arteriosus, tum succus nervo-
rum nutritius concrescunt in fibras musculi
carneas, & tendinosas: per quas ex arteriis
sanguis, & ex nervis succus eorundem
nutritius sibi viam aperiunt in venas; quarum
extremæ propagines ex fibris carneis deinde
prodeunt, ipsisque adherent. Neque enim

dantur immediatæ arteriarum, atque venarum Anastomoses; nisi paucæ admodum, atque in præcipuis dumtaxat partibus; ut in cerebro, & in jecore, aliisque quibusdam, ubi faciles, & periculosæ sunt obstructions.

Fit itaque musculus dum arteriæ propagines adhuc molliori superioris ossis substantiæ occurrentes eam pervadunt; ibique propter ossis, quod quidem, quia magis constringitur, durius evadit, resistantiam non solum indurantur in ligamentum: verum etiam in alias propagines abeunt, quæ in os inferius inferuntur; & musculi tendinem constituunt ligamento duriorum. Eo quod arteriæ propagines magis constringantur inferiori ossi insertæ, quàm superiori. Nam os superius majorem, atque latiorrem habet superficiem: unde ligamentum latius, tendo autem globosior, atque confertior evadit.

Sed quia medio inter ligamentum, & tendinem spatio minùs constringuntur arteriæ propagines; ibi exudante sanguine arterioso molliores fibræ carneæ concurrentibus ad hoc nervi propaginibus multiplicantur, & magis intumescunt: ventremque musculi constituunt. Quod autem id ita fiat confirmatur ex eo, quod musculorum labiis movendis inservientium tendines, & ligamenta carnea sunt, & mollia; quia vi-

CAP. XXXIX. DE MUSCULIS. 227
delicet durioribus ossibus ea non inferuntur.

Quilibet denique musculus (exceptis tantum laryngis, & ani musculis) suum habet oppositum, seu Antagonistam, ut vocant, qui idem membrum in partem oppositam inflectit, & cum quo ita est in æquilibrio constitutus; ut quantumvis modica vis alterutri superaddita ipsum moveat. Hinc si alteruter in paralysem incidat, alius perpetuam contractione corripitur. Ligato quoque musculi nervo, vel arteriam ligatam compertum est musculum manere inertem, omnique virtute motrice destitutum. Quippe musculi motus non solum à spiritibus animalibus, verum etiam à sanguine arterioso in musculum influente profluit: ut explicabitur sequenti capite.

C A P U T X L.

De Motu Animalium in communi.

ANimalium motus omnis ope musculorum perficitur, ut jam dictum est, omnis autem musculi motus in dilatatione, & contractione consistit. Nam vel dilatatur musculus secundum longitudinem, vel contrahitur: aut contractus manet, vel dilatatus. Dum is secundum longitudinem

dantur immediatæ arteriarum, atque venarum Anastomoses; nisi paucae admodum, atque in præcipuis dumtaxat partibus; ut in cerebro, & in jecore, aliisque quibusdam, ubi faciles, & periculosa sunt obstructions.

Fit itaque musculus dum arteriæ propagines adhuc molliori superioris ossis substantiæ occurrentes eam pervadunt; ibique propter ossis, quoddam quidem, quia magis constringitur, durius evadit, resistantiam non solum indurantur in ligamentum: verum etiam in alias propagines abeunt, quæ in os inferius inferuntur; & musculi tendinem constituunt ligamento duriores. Eò quoddam arteriæ propagines magis constringantur inferiori ossi insertæ, quàm superiori. Nam os superius majorem, atque latiorrem habet superficiem: unde ligamentum latius, tendo autem globosior, atque confertior evadit.

Sed quia medio inter ligamentum, & tendinem spatium minus constringuntur arteriæ propagines; ibi exudante sanguine arterioso molliores fibræ carnea concurrentibus ad hoc nervi propaginibus multiplicantur, & magis intumescunt: ventremque musculi constituunt. Quoddam id ita fiat confirmatur ex eò, quoddam musculorum labiis movendis inservientium tendines, & ligamenta carnea sunt, & mollia; quia vi-

CAP. XXXIX. DE MUSCULIS. 227
delicet durioribus ossibus ea non inferuntur.

Quilibet denique musculus (exceptis tantum laryngis, & ani musculis) suum habet oppositum, seu Antagonistam, ut vocant, qui idem membrum in partem oppositam inflectit, & cum quo ita est in æquilibrio constitutus; ut quantumvis modica vis alterutri superaddita ipsum moveat. Hinc si alteruter in paralysem incidat, alius perpetuam contractione corripitur. Ligato quoque musculi nervo, vel arteriam ligatam compertum est musculum manere inertem, omnique virtute motrice destitutum. Quippe musculi motus non solum à spiritibus animalibus, verum etiam à sanguine arterioso in musculum influente profluit: ut explicabitur sequenti capite.

C A P U T X L.

De Motu Animalium in communi.

ANimalium motus omnis ope musculorum perficitur, ut jam dictum est, omnis autem musculi motus in dilatatione, & contractione consistit. Nam vel dilatatur musculus secundum longitudinem, vel contrahitur: aut contractus manet, vel dilatatus. Dum is secundum longitudinem

contrahitur, os, cui muscoli tendo adhaeret, adducit; & membrum inflectit: idémque membrum laxat, dum secundum longitudinem dilatatur. Contrahitur verò musculus secundum longitudinem; cum illius venter turgentibus fibris carnosiss intumescit, ac secundum latitudinem dilatatur. Econtra secundum longitudinem dilatatur: cum venter illius constringitur, & detumescit.

Porro musculus intumescit, simulque secundum longitudinem contrahitur; cum sanguis copiosus in ventrem illius confluit. Interim dum inturgescunt fibræ carnosæ, nervi in muscoli ventrem influentis fibræ constringuntur, atque paululum detorquentur; & spiritus animales versùs originem suam refluunt: ac mox inde à supervenientibus repulsi fibras carnosas, & muscoli ventrem constringunt; sicque musculus detumescit, & secundum longitudinem dilatatur æquabili sanguinis, & spirituum animalium motu. Unde perspicuum fit, cur ligatâ arteriâ, vel nervo in musculum influente ligato, ipsive obstructis musculus omni virtute motrice destituatur: aut difficile moveatur magis, aut minùs, ipsis magis, vel minùs obstructis.

Sic itaque necessariò, atque continuò moventur cor, & pulmones cum diaphragmate; dumque pulmones attolluntur, si-

mul intumescunt omnes musculi, qui pectus, & abdomen attollunt. Et dum pulmones deprimuntur, ipsi pariter detumescunt; simulque intumescunt eodem modo musculi eorum oppositi, qui pectus, & abdomen deprimant. Ita ut unius musculi motus ab oppositi musculi motu dependeat, & adjuvetur. Idque necessario fit in prædictis musculis, qui perpetuè sanguinis circulationi inserviunt; quòd sanguis è corde, & spiritus animales è cerebello in ipsos uberius, atque continuò confluant æquabili motu: tum quòd hi duplici tantùm motu dilatationis nimirum, & contractionis moveantur.

Quapropter expirationis, & inspirationis motus prohiberi nequaquam possunt, nisi modico temporis intervallo; accedente, videlicet, aliquà speciali spirituum animalium determinatione factà in cerebro, quâ spiritus animales in musculorum, qui Pectus, & Abdomen attollunt, & deprimunt, nervos copiosius influant, & contrahantur aliquandiu. Sic enim prædicti musculi non possunt intumescere, donec prævaleat motus sanguinis in musculum influentis continuo nilui spirituum animalium. Undè si id contingat in musculis, qui pectus, & abdomen attollunt; cessabit aliquandiu inspiratio: e contra cessabit expiratio, si in musculis oppositis even-

niat, qui pectus, & abdomen deprimunt.

Reliqua verò totius corporis membra, quia longiùs à corde remota, maximè quia pluribus motibus contrariis moveri possunt, pluribùsque eorum quodlibet musculis oppositis instructum est, impossibile est ut per solum motum universalem sanguinis, & spirituum animalium moveantur. Nam cùm motus hujuscemodi æqualiter diffundatur remissiùs in omnes cujusque membri musculos, qui idem membrum sursum, vel deorsum, dextrorsum, vel sinistrorsum, vel motu circulari inflectere possunt; perspicuum est, quòd nulla sit ratio, cur per motum universalem dumtaxat membrum aliquod moveatur potius in unam partem, quàm in aliam.

Cùm igitur arteriosi sanguinis influxus in musculos, qui spontaneo motui inserviunt, non sufficiat ad eorundem contractionem; necesse est, ut specialis accedat aliqua determinatio, quâ spiritus animales priùs in omnes ejusdem membri musculos æqualiter confluentes majori copiâ in unum, aut alterum ei oppositum successivè confluant, & minori copiâ in alios. Sic enim necesse est ut, dum musculi nervus copiosiori spirituum animalium influxu turgescit, & secundum longitudinem contrahitur, musculus pariter contrahatur adjuvante sanguine arterioso in ejusdem musculi ventrem simul.

CAP. XL. DE MOT. ANIM. 235

influente ; ac postea distendatur spiritibus animalibus in muscoli oppositi nervum eodem modo confluentibus : aut certe contractus maneat eadem perseverante determinatione.

Varia est siquidem spirituum animalium determinatio pro varia impressione in sensum sive internum , sive externum facta ; tum pro varia organorum dispositione , & spirituum animalium, musculorumque constitutione ut patet ex his , quæ dicta sunt de variis passionum motibus. Ad hoc autem ut musculus moveatur pro varia spirituum animalium determinatione in cerebro facta , non est necesse ut spiritus animales in cerebro existentes immediate confluant in muscoli nervum ; sed ut sibi contiguos impellant, & isti alios usque ad musculum : quod uno , & eodem instanti , soloque nisu dumtaxat perficitur ; idemque intelligendum de sanguine in musculum influente.

Cæterum speciales omnes membrorum motus prædicti contingunt in brutis necessario propter specialem cuiusque objecti impressionem. In homine vero aliquando necessario , sæpissime tamen liberè propter conjunctionem animæ rationalis cum corpore , quâ fit ut secundum statutas à Deo, leges tali unioni congruentes ad motum corporis anima moveatur à Deo ; & ad motum animæ rationalis , quæ liberè se de-

232 PARS III. PHYS. TRACT. II.
terminat, moveatur corpus, & specialiter
determinentur à Deo spiritus animales. Ma-
nifestum est igitur quomodò animalium
motus tum naturalis, tum spontaneus per-
ficiantur.

C A P U T XLI.

Explicantur speciales Motus Animalium.

PRimò, Gressus animalis est motus com-
positus ex pluribus circuli portionibus
super diversa centra. Motus enim mem-
brorum citra flexionem aliquam fieri non
potest. In omni autem flexione est punctum
quoddam immotum, circa quòd tanquam
circa centrum pars, quæ flectitur, transit à
recto situ in curvum sic femur inter progredi-
endum circa coxendicem immotam, &
pedem terræ innixum vertitur cum pede al-
tero. Undè corporis motus undulosus quo-
dammodò est, dextrorsum, scilicet, & si-
nistorsum; dum pes elatus in pedem alte-
rum illud reclinat. Gressus enim ita fit al-
ternis pedibus, ut uno stante alius transfe-
ratur; ac neuter totus quiescat. Nam uter-
que ab extremo calcaneo ad extremos di-
gitos successivè movetur; cùmque posterior
terram summis digitis attingit: tum pes ul-
terior calce terram ferit motu composito.

CAP. XLI. DE MOTIB. &c. 233

ex recto deorsum, & recto ad Horizontem retrorsum.

Hinc propter resistantiam terræ motus reflectitur in partem oppositam cum eadem proportionē. Sicque non modò corpus rectum fertur super terram; verum etiam antroorsum impellitur cum aliqua inclinatione, majori tamen, vel minori pro majori, vel minori motu. Unde inter currendum fallente vestigio facile cadimus proni. Quædam animalia per saltus gradiuntur, quod utroque pede simul terram æqualiter premant; eoque major est saltus, quo majori nisu premitur terra: nam vi æquali reflectitur motus spirituum animalium, atque totius corporis simul.

Secundò, Natatus, & volatus simili ferè modo fiunt, ac saltus; nam aves, & pisces utrâque alâ simul aërem, vel aquam feriunt motu composito ex recto deorsum, & recto ad horizontem retrorsum. Unde propter resistantiam aquæ, vel aëris in partem oppositam feruntur; eisque rostrum inservit, ut prora navibus, ad scindendam aquam, vel aërem: cauda verò pro temone est. In piscibus cauda non solum gubernaculi rationem habet; verum etiam alæ versatilis, quæ modò in unam, modò in oppositam partem celeriter inflexa aquam retrorsum impellit: sic enim piscis corpus propter aquæ resistantiam antroorsum eo-

promover. Aves autem caudâ expansâ facilius in aëre sustentantur.

Tertiò. Sternutatio fit cùm spiritus animales in odoratûs organum confluentes ab acris odoris, vel humoris corpusculis odoratûs fibras subeuntibus, & vellicantibus intûs repelluntur, atque postmodum in eandem partem reflectuntur. Hinc primùm dilatantur pulmones, & diaphragma deprimitur, musculique, qui pectus, & abdomen attollunt, quantum fieri potest, contrahuntur ope spiritum animalium in eorundem nervos copiosius confluentium, interim motus impressus eadem proportionem sensim remittitur, ac tandem majore vi reflectitur in partem oppositam. Hinc etiam fit, ut prius caput retrorsum, ac deindè majore vi antrorsum impellatur. Contingit pariter sternutatio si quis solaribus radiis nares obvertat propter eandem rationem.

Quartò. Tussis fit, cùm humor acris, aut frigidus in laryngem, & tracheam decidens spiritibus animalibus viam præcludit; hique indè reflexi versùs originem illuc iterum repelluntur, & tracheam concutiunt: aut factâ in pulmonibus obstructione sanguis calidior à corde protrusus indè reflectitur, iterumque protruditur illuc. Undè concuti pulmones necesse est, & cum ipsis diaphragma propter communicationem. Rubor etiam in facie spargitur, quòd pulmones

CAP. XLI. DE MOTIB. &c. 235

cor intermedium repetitis ictibus urgeant.

Quintò. Singultus fit cùm diaphragma deprimi sufficienter non potest, qu. nùm, videlicet, requiritur ad solitam respirationem; idque propterea quòd in eodem musculo facta sit obstructio, aut in ventriculi, vel lienis, aut jecoris nervis propter communicationem. Nam indè spiritus animales propter obstructionem refluentes à supervenientibus majore vi reflectuntur: undè vehementiùs concutitur diaphragma.

Sextò. Simili modo sunt oscitatio, & pandiculatio. Facta nimirum obstructione in nervis pulmonum, & maxillæ inferioris, vel in nervo inferiori diaphragmatis propter communicationem, aut in nervis musculorum, qui pectus, & abdomen attollunt; spiritus animales indè refluentes intensiori nisu illuc reflectuntur à supervenientibus: undè majori nisu os diducitur, pulmones dilatantur, & diaphragma deprimitur. Cùm reliquorum musculorum nervi similem patiuntur obstructionem, fit pandiculatio ob eandem rationem. Hinc si animal intempestivè à somno excitetur priusquam perfecta fuerit chyli digestio; frequentes contingunt oscitationes, & pandiculationes, præsertim si morbo aliquo laboraverit: maximè verò dum febris imminet frigus. Tunc enim obstructiones fiunt quamplurimæ.

Septimò. Denique stupor, seu formicatio fit; cum plurimæ fiunt obstructions in eodem membro; ita ut sanguinis, & spirituum animalium circulatio magna ex parte in eo prohibeatur. Undè spiritus vitales, & animales præclusis organorum ductibus in eorum latera resiliences impingunt, & formicarum adinstar membrum vellicant. Hinc si quis hyberno tempore cubito innitatur, stupor contingit in manu. Similiter contingit in tibiis, & pedibus, si quis decussatis tibiis humi sedeat. Sic enim prohibetur liberior sanguinis, & spirituum animalium fluxus, motusque remittitur; ac plurimæ fiunt obstructions. Idem evenit cum humore superfluo sanguinis motus, & calor notabiliter minuantur; undè etiam provenit aliquando paralytis.

C A P U T XLII.

De Vita, & Morie.

De Sanitate, & Morbo.

PRimò. Vita animalis in actu primo in perpetua sanguinis, & succi nervosi circulatione consistit. Hinc quandiu perseverat hujusmodi circulatio, vivit animal, quâ totaliter cessante statim moritur. Fluit

us autem debet esse sanguis, tum succus nervosus, ut perpetuò circulari possint: atque organa ritè disposita esse debent. Sed quia omnis fluiditas in organis à motu corpusculorum ignis profluit, tum à mobilioribus aliorum elementorum particulis præsertim aëris, & aquæ; sanguis, & succus nervosus moderatè calidi, ac sufficienter humidi esse debent: ut fluere possint. Hinc vita, ut vulgò dicitur, in humido, & calido consistit.

Secundò. Mors est cessatio totalis circulationis sanguinis, & succi nervosi, quæ quidem contingere potest, si nimio frigore totaliter reprimatur sanguinis motus: aut nimio calore ignis, & aquæ corpuscula nimium evaporentur, vel dissipentur organa. Sic enim sanguinis circulationem cessare totaliter necesse est.

Tertiò. Sanitas est placida, atque vegeta sanguinis, & succi nervorum nutritii per totum corpus æquabiliter diffusa circulatio. Hinc vitam, & sanitatem tuentur, vel restituant quæcumque placidam, atque vegetam hujusmodi circulationem conservant, vel restituant moderatè, videlicet, augendo remissam, & placidè minuendo intensam, ubi ea intensior est.

Quartò. Morbus est perturbata, & inæqualis sanguinis, & succi nervorum nutritii circulatio perseverans. Si enim brevè

238 PARS III. PHYS. TRACT. II.

restituatur circulatio in statum pristinum, non erit morbus, sed passio. Hinc omnis passio vehemens, si perseveraverit, morbus est, qui sanitatem evertit, & sanguinis circulationem perturbat. Ut patet ex his, quæ jam dicta sunt de passionibus. Hinc versus illi toties à Medicis decantati.

Si vis incolumem, si vis te reddere sanum;

Curas tolle graves: irasci crede profanum.

Omnis siquidem passio vehemens motum spirituum vitalium, & animalium nimis auget, vel minuit. Unde placida tollitur circulatio naturalis, ac necessariò perturbatur. Perturbata siquidem dicitur circulatio, quæ in quibusdam partibus intensior, in aliis remissior est. Cum igitur ea non possit in omnibus simul partibus intensior esse, vel remissior; necesse est ut, si ea in quibusdam intensior sit, in aliis remissior existat: & econtrà.

Ibi enim ea intensior est, ubi spiritus vitales, & animales majori copiâ confluunt; unde necesse est, ut minori copiâ confluant in alias corporis partes: & econtrà. Quòd quidem perseverare nequaquàm potest, nisi facta sit in organis obstructio; Nam reserari organis necesse est, ut perturbata brevè restituatur æqualis per totum corpus san-

guinis, & spirituum animalium circulatio; definatque motus contra naturam impref-
sus: cum nullum adsit impedimentum.
Morbus igitur est perturbata sanguinis, &
succorum nervorum nutritii circulatio ab orga-
norum obstructione procedens: ut fufius
explicabitur fequenti capite; ita ut pro-
prium illius fit, quod ab obstructione pro-
cedat.

C A P U T XLIII.

Præcedentis Corollarium.

QUOD Morbus fit perturbata sanguinis,
& succorum nervorum nutritii Circula-
tio perfeverans, & ab organorum obstru-
ctione procedens clariùs innotefcet; fi confi-
deretur animal fanum, in quo nimirum
placida viget sanguinis circulatio. Cum
enim placida huiusmodi circulatio non nifi
à calore vegeto, & moderato, ac per to-
tum corpus æquabiliter diffuso proficifca-
tur; manifestum est, quod nullo modo læ-
di possit, aut labefactari fanitas naturali-
ter, nisi frigoris, aut caloris excessu. Ne-
que enim de morbo violento hic agimus,
qui ex vulnere inflicto, aut ossium fractu-
rà, vel dislocatione oritur.

Atqui frigoris excessu, seu caloris motu

deficiente obstru. Et ones fieri necesse est, ut patet. Si verò caloris motus excedat, impossibile est, ut mobilia sanguinis, & succi nervosi corpuscula intensiorem motum non concipiant; & minùs mobilia non relinquunt, quibus organa pariter obstrui necesse est segregatione jam factâ: Ergo morbus omnis ab organorum obstructione procedit; & in ipsa consistit.

Confirm. Nam caloris, aut frigoris excessus vel extrinsecùs advenit; ut cum aura frigidior, aut aër humidior, aut Sol ardentior afficit corpus: vel intrinsecùs ex cibo nimirum, & potu frigidioribus, vel humidioribus, vel denique calidioribus; sed quocumque tandem modo id fiat, necessariò sequuntur obstructiones in organis perturbatâ sanguinis circulatione perseverante: cum hac tamen differentia, quòd obstructiones nimio calore partas præcedat, nimio frigore ortas subsequatur segregatio, seu effervescentia; ergo &c.

Probatur min. Nam Primò frigus externum efficit ut caloris motus intensior sit interiùs in corde, & in stomacho, quàm in membris exterioribus; nisi tam ingens sit frigus, ut calorem nativum penitus extinguat. Hinc perturbata sanguinis circulatio, quæ si brevè restituatur cessante frigore externo, passio est; si verò perseveraverit, morbus est, qui aliundè proficisci

non

non potest : nisi ex eò, quòd plurimæ factæ sint obstructions in organis per frigus externum.

Factis enim obstructionibus necesse est, ut sanguinis circulatio ex illa parte prohibeatur ; atque inde sanguis in cor refluat, aut refluere nitatur magis, aut minus. Ex illa verò sanguinis è corde erumpentis, & in cor refluentis collisione ignis corpuscula cum subtilioribus sanguinis corpusculis, quæ cum aliis permista moventur, intensiorem caloris motum necessario concipiunt : Unde sequitur effervescencia. Hinc varii morbi pro vario sanguinis temperamento, & variâ obstructionum naturâ, variòque situ, ac multitudine procedunt.

Cùm siquidem plurimæ fiant obstructions, ut in feбри contingit ; tunc frigus, atque horror toto corpore diffunduntur : sanguis prohibitus majori copiâ in cor refluere nititur ; unde pulsus cordis debilior, & interruptus : donec per illam collisionem sanguinis, & cordis motus sensim evadat intensior crescente calore. Tunc enim majori impetu erumpens è corde sensim obstructions ex parte solvit ; intensusque calor per totum corpus diffunditur : donec exentibus ex parte ignis corpusculis, apertâque latiori viâ, & reſeratis organis sanguis conquiescat, & placidè moveatur, qui ite-

rum simili modo redeuntibus obstructionibus postea effervesceat.

Hinc in febris aestu, cordis pulsus est interruptus propter obstructiones, sed concitior propter intensiorem calorem; æger etiam fit semper debilior propter spirituum animalium, & vitalium evaporationem. Quod si intensiori concepto calore obstructiones sufficienter solvi non possint, erit tunc febris continua. Sanguinis autem, & stomachi calor, magis, aut minus remissus efficit, ut tardius, aut citius redeant obstructiones, quas fibrarum etiam angustiae promovent. Quapropter ab extremis artubus, ubi fibræ minores sunt, incipit horror in febribus.

Secundò. Cibus, & potus frigidiores idem efficiunt interius, quod aura frigidior exterius; præsertim si in magna quantitate sumantur. Sic enim Ventriculi calor quasi præfocatur. Aër humidior fibras laxat, & caloris motum reprimat, sicut & humidiores cibi. Unde plurimæ contingunt obstructiones, præsertim in Ventriculo, & pyloro, in intestinis omnibus, & venis lacteis, unde in cæteras corporis partes propagantur. Hinc puellarum oppilationes, & prohibiti fluxus menstrui.

Si præterea contingant obstructiones in pulmonibus, aut sanguis interceptus effervesceat ex ore saliet, aut Pulmonum in-

inflammatio subsequetur. Si in cerebro, dolores capitis, aut Vertigines, vel Epilepsia insultus; Catharrus, aut Rheuma, vel humoris distillatio: aut si sanguis humidior effervescat Apoplexia. Si in renibus arenosus, vel glareosus calculus, aut stranguria: Si denique in manuum, aut pedum articulis contingat obstructio, podagra subsequetur. Pro vario nimirum cujusque temperamento, & variâ obstructionum naturâ, varioque earumdem situ, varii, & speciales contingunt morbi: ut jam dictum est.

Tertiò. Calor externus ardentior calorem nativum dissipat, dum sudorem ciet, & spiritus vitales, & animales, seu ignis corpuscula foras cogit erumpere majori copiâ. Hinc perturbata sanguinis circulatio profluit, & cordis deliquium aliquando; cum major fuerit caloris interni dissipatio, & in membris exterioribus intensior caloris motus. Unde tunc temporis abstinendum à potu frigidiori, confortandus est stomachus: neque quiescendum ubi spirat aura frigidior. Sic enim brevè restituetur placida sanguinis circulatio in pristinum statum: nec erit morbus, sed passio.

Si verò tunc quispiam potum hauriat frigidiorum; aut humidiorum, vel frigidiorum auram patiatum aliquandiu: tunc varii solent contingere morbi, pro vario sanguinis temperamento, & variâ obstructionum

naturâ. Equidem ab aurâ , vel potu frigidiori modicus , qui in corde , & stomacho residuus est , calor quasi præfocatur , ac ferè extinguitur. Undè plurimæ fiunt obstructions internæ , quas sequitur sanguinis effervescencia specialis major , aut minor.

Quartò. Cibus denique , & potus calidiores , si in notabili quantitate sumantur , idem efficiunt , ac calor externus ; sudorem enim cient , & corpusculorum ignis effluviû : nisi ab aurâ frigidiori , ut priùs , fiat obstructio ; aut jam facta supponatur vel à cibus frigidioribus , vel ab humore viscido poros , & fibras obstruente. Nam calor immoderatus obstructions præcedens generalem , subsequens specialem parit effervescenciam ; nisi aliquod speciale membrum immoderato calore afficiatur. Ut cum sol ardentior imminet capiti. Tunc enim specialis fit in capite effervescencia, ex qua sequuntur obstructions speciales.

Cùm igitur ex generali effervescencia succedente frigore sequantur obstructions , quæ specialem pariunt effervescenciam ; & ex speciali effervescencia oriantur speciales obstructions : perinde est siue obstructions præcedat , siue subsequatur sanguinis effervescencia. Semper enim morbus ab obstructione procedit , & in ea consistit ex parte. Omnis autem obstructio , tam ea , quæ

ex remissiori caloris motu proficiscitur, de qua nullum prorsus est dubium, quàm illa, quæ ex nimio calore, & sanguinis effervescencia procedit, ex debilitate profluit: ut perspicuum est.

Enimverò dum sanguis effervesceat, ignis, & aquæ corpuscula, à quibus aliorum motus, & fluiditas oriuntur, intensiori motu concepto, utpotè mobilia, ab ipsis magna ex parte segregantur. Unde minus intensa fit, ac perturbata sanguinis circulatio, plurimæque succedunt obstructions, quas stomachus debilior inde evadens plurimum auget, ac multiplicat. Nam sicut, dum coquitur hordeum in olla modico igni impositâ, quia remissior est caloris motus, quàm ut crassiores hordei particulas simul agitare possit; subtiliores tantum cum ignis, & aquæ corpusculis in ballas, & flatus erumpunt: ita in Ventriculo debiliore ex cibis ingestis innumeri flatus exurgunt, quibus distenduntur intestina; atque inde per venas lacteas in venam cavam, & in cor, tum in pulmones, & cæteras corporis partes propagantur.

Hinc distenta flatibus intestina Ventriculum, & diaphragma, ut constat ex cadaverum dissectione, sursum contra pulmones impellunt in Peripneumonia, & Pleuritide, quæ etiam teste Galeno à flatuum obstructionibus generantur; sicut & laterum do-

naturâ. Equidem ab aurâ , vel potu frigidiori modicus , qui in corde , & stomacho residuus est , calor quasi præfocatur , ac ferè extinguitur. Undè plurimæ fiunt obstructions internæ , quas sequitur sanguinis effervescencia specialis major , aut minor.

Quartò. Cibus denique , & potus calidiores , si in notabili quantitate sumantur , idem efficiunt , ac calor externus ; sudorem enim cient , & corpusculorum ignis effluviû : nisi ab aura frigidiori , ut priùs , fiat obstructio ; aut jam facta supponatur vel à cibus frigidioribus , vel ab humore viscido poros , & fibras obstruente. Nam calor immoderatus obstructions præcedens generalem , subsequens specialem parit effervescenciam ; nisi aliquod speciale membrum immoderato calore afficiatur. Ut cum sol ardentior imminet capiti. Tunc enim specialis fit in capite effervescencia , ex qua sequuntur obstructions speciales.

Cum igitur ex generali effervescencia succedente frigore sequantur obstructions , quæ specialem pariunt effervescenciam ; & ex speciali effervescencia oriuntur speciales obstructions : perinde est siue obstructions præcedat , siue subsequatur sanguinis effervescencia. Semper enim morbus ab obstructione procedit , & in ea consistit ex parte. Omnis autem obstructio , tam ea , quæ

ex remissiori caloris motu proficiscitur, de qua nullum prorsus est dubium, quàm illa, quæ ex nimio calore, & sanguinis effervescencia procedit, ex debilitate profluit: ut perspicuum est.

Enimverò dum sanguis effervesceat, ignis, & aquæ corpuscula, à quibus aliorum motus, & fluiditas oriuntur, intensiori motu concepto, utpotè mobilia, ab ipsis magna ex parte segregantur. Unde minùs intensa sit, ac perturbata sanguinis circulatio, plurimæque succedunt obstructions, quas stomachus debiliior inde evadens plurimùm auget, ac multiplicat. Nam sicut, dum coquitur hordeum in olla modico igni impositâ, quia remissior est caloris motus, quàm ut crassiores hordei particulas simul agitare possit; subtiliores tantùm cum ignis, & aquæ corpusculis in bullas, & flatus erumpunt: ita in Ventriculo debiliiori ex cibis ingestis innumeri flatus exurgunt, quibus distenduntur intestina; atque inde per venas lacteas in venam cavam, & in cor, tum in pulmones, & cæteras corporis partes propagantur.

Hinc distentâ flatibus intestina Ventriculum, & diaphragma, ut constat ex cadaverum dissectione, sursum contra pulmones impellunt in Peripneumonia, & Pleuritide, quæ etiam teste Galeno à flatuum obstructionibus generantur; sicut & laterum do-

lores, ut mihi certâ constat experienciâ. Quapropter in hujuscemodi morbis flatibus interceptus in pulmone sanguis Putrescit, & in saniem convertitur.

Manifestum est igitur quòd morbus in genere sit perturbata sanguinis, & succi nervorum nutritii circulatio perseverans, & ab organorum obstructione procedens: specialis verò morbus specialis ejusdem circulationis perturbatio à speciali organorum obstructione, atque speciali sanguinis temperamento profluens. Ita ut ea sit remissior in una parte, & intensior in alterâ. Quòd etiam multiplici experienciâ evidentissimè confirmatur ab effectu. Nullus est enim ægrotus quantolibet calore accensus, qui in aliqua, vel pluribus sui corporis partibus, ac præsertim circa Ventriculum gravedinem, & languorem non sentiat: quòd videlicet sanguis, & spiritus vitales, & animales obstructis organis inæqualiter distribuuntur.

C A P U T XLIV.

De Morborum Remediis in Communi.

CUm itaque morbus omnis ab organorum obstructione procedat, atque in organorum obstructione ex parte consistat;

omnisque organorum obstructio ex debilitate præsertim ventriculi proficiatur, quæ permanente obstructio perseverat : nam si vigeret ventriculi calor moderatus , aut nulla fieret , aut jam facta brevi solveretur obstructio ; debilitas quoque corporis cum ex intensiori , tum ex remissiori caloris motu suam ducat originem. Manifestum est quod morborum omnium remedium in communi sit placida obstructionum solutio , & organorum reseratio , atque stomachi placida confortatio respectivè ad diversa temperamenta. Sublatâ enim causâ , necessariò tollitur effectus , quâ permanente effectum quoque perseverare necesse est.

Quia verò caloris excessu , vel defectu fit omnis obstructio ; ut jam dictum est. Nam deficiente caloris motu ignis , & aquæ corpuscula , quæ crassiores sanguinis partes simul movere non possunt , ab ipsis resiliendo eas relinquunt , atque in flatibus erumpunt cum subtilioribus tantum partibus : dum interim crassiores deficiente motu fibras obstruunt. Similiter caloris excessu ignis , & aquæ corpuscula , utpote mobilia , intensiori motu concepto segregantur ab aliis , crassioresque sanguinis partes humore pariter , & calore deficientibus compactæ fibras obturant. Perspicuum est etiam non posse tolli placidè obstructionem quamcumque nisi vegeti , atque hu-

midī caloris ope, qualis est in animalī sano, ac optimè constituto. Nempe humore sufficienti dilui debet materia obstruens, atque vegeti caloris motu, impelli, & protrudi.

Primò igitur aut nunquam, aut rarò secanda est vena in morbo, & subducendus sanguis, in quo animalis vita, roburque consistunt. Cum enim totus sanguis simul non potuerit prohibere obstructiones ne fierent, neque possit jam factas solvere: quomodò poterit imminutus. Neque enim aquæ ductus aperiri potest, cum fuerit obstructus, per aquæ subductionem: ut perspicuum est.

Dices, Venæ, & Arteriæ turgent sanguine:

Resp. Quia sunt obstructæ. Neque enim turgere possunt, nisi obstruantur; cum extrema venarum, Arteriarumque orificia sibi sint invicem proportionata; reseratisque organis quidquid supereffluit foras ejiciatur. Tolle igitur obstructiones, ac statim turgere desinent. Nam cum prius animal esset sanum, non erat nimia sanguinis copia in toto corpore; neque frigus superveniens, vel obstructio sanguinem auget.

Dices. Nimia est sanguinis effervescencia.

Resp. Propter obstructiones id contingit. ac proindè placidè sublatīs obstructionibus

CAP. XLIV. DE MORB. REM. 149

pacabitur sanguis. Verùm quidem est quòd, si præstò non adsit remedium conveniens; notabilisq; appareat effervescentia specialis: vena tunc secari debet, ne morbus crescat, & sanguis effervescens majorem stragem edat. Sed postmodùm solvendæ sunt obstructiones; cùm primùm fieri poterit: neque subducendus est sanguis ampliùs. Nam sæpiùs reïterata flebotomia laniena potiùs dicenda est, quàm medicina. Simili modo subducendus est sanguis, si repentino casu ita constringantur, & obturentur organa, ut periculum sit, ne remissioris sanguinis, ac nimium coarctati motus totaliter extinguatur, vel notabiliter minuat: antequàm aliud oportunum remedium adhiberi possit; ut cùm quis nimio terrore corripitur. Sic enim apertâ venâ sanguis erumpens ampliorem locum relinquit sanguini residuo.

Dices. Quidam sanantur per venæ sectionem reïteratam: ut constat experientia.

Resp. Multi occiduntur, robustiores quidam morbo resistunt, & remedio aliàs noxio præsertim faventibus astrorum influxibus. Quidam verò sanantur à speciali morbo: nec tamen sani dicendi sunt iisdem remanentibus obstructionibus. Cùm enim specialis morbus à specialibus obstructionibus, & à speciali sanguinis constitutione oria-

CAP. XLIV. DE MORB. REM. 251

Resp. Hujusmodi humores in ventriculo, & intestinis exundantes nihil aliud sunt, quàm cibi perperam digesti, quibus obstruuntur organa. Undè illos in ventriculo exundare necesse est. Hinc quidquid manducat ægrotus in varios hujusmodi humores abit, qui in corpore sano nequaquam reperiuntur. Quàpropter stomachum placidè confortata, & obstructions solve, nullumque aderit periculum. Nam statim ac ventriculus sufficienter fuerit corroboratus, prædictos humores in chylum convenientem convertet: superfluaque egeret excrementa.

Tertiò. Nèc moderatis cibis congruentibus, nec moderato vino abstinendum, quando fieri potest. Etenim cùm morbus omnis ex corporis debilitate procedat; non nisi cibo, potuque congruentibus confortari potest corpus, & prævalere morbo. Quàpropter perperam agunt Medici, qui feбри laborantem statim ad jusculum solum, & ad ptisanam refrigerantem sine vino redigunt. Sic enim præter nauseam intolerabilem, quæ necessariò contrahitur, stomachi vires omnes brevi dissipantur; laxatissimæque fibræ organorum, ac nimium refrigeratis multiplicantur obstructions. Undè morbus semper magis, ac magis ingravescit.

Dices. Non est subministranda igni ma-

teria; cūque propter nimiam ciborum copiam in febrim quispiam inciderit: videtur à cibis solidis abstinendum; præsertim cū debilis ægri ventriculus solidos cibos digerere minus possit.

Resp. Neque corporis vires sunt extinguendæ; alioquin morbus non nisi simul cum ægri vita peribit: sed potius placide confortandus est stomachus. Itaque post unius diei abstinentiam ad summum porrigendi sunt ægro cibi congruentes, & moderati. Enim verò cū sanitas in placido, atque vegeto sanguinis calore per totum corpus æquabiliter diffuso consistat; is placide ad mediocritatem reducendus, cū excesserit vel remissior factus, vel intensior. Aliàs cū immoderatus calor perseverare nequaquam possit, nisi factæ fuerint obstructions organorum: eæ solvendæ sunt congruenti remedio, id est; vegeti, atque humidi caloris ope: ut jam dictum est.

Hinc conijcere licet quantum hallucinentur illi Medici, qui ad quamlibet effervescentiam refrigerandum esse corpus arbitrantur; præsertim cum ad hunc effectum hordeum, vel ptisanam ex hordeo, & aliis hujuscemodi confectam præcipiunt ægro porrigi per novem, aut quindecim dies: quasi fornacem accensam vellent extinguere. Nam præterquàm quod hæc non refrigerant, sed infrigidant corpus; atque pro-

CAP. XLIV. DE MORB. REM. 253
pterea flatus, & obstructions pariunt, etiam
teste Galeno : corpus non frigidis , sed mi-
nùs calidis respectivè refrigerari debet; ne-
que pluribus quàm duobus , aut tribus ad-
summum diebus , idque cum magna mo-
deratione. Econtra cùm stomachum esse
confortandum existimant , calidioribus re-
mediis utuntur , idque pluribus vicibus ,
pluribusque diebus : quasi fornacem accen-
dere peroptarent. Si enim antiquum illud
adagium (*ne quid nimis*) observandum vi-
detur in omnibus : maximè in conservanda,
vel in recuperanda sanitate.

C A P U T X L V.

De Morborum Remediis in speciali.

QUoniam omnis morbus specialis à spe-
ciali organorum obstructione majori,
vel minori , & à speciali sanguinis tempe-
ramento magis , aut minùs calido, vel hu-
mido procedit ; obstructio autem in genere
solvi nequaquam potest , nisi vegeti , at-
que humidi caloris ope , qualis est in ani-
mali sano , & optimè constituto : necesse
est ut idem remedium , si verè bonum , &
aptum illud sit ad stomachum placidè con-
fortandum , simulque ad obstructions sol-
vendas ; omnibus morbis specialibus cu-

randis pariter idoneum existat doſi proportionaliter auctâ , vel imminutâ reſpectivè ad varios animalium morbos , diverſaque eorundem temperamenta. Quòd quidem fieri poteſt cùm in ipſo uſu ; ita ut ſapiùs , aut rariùs ſumatur in majori , vel minori quantitate : tum in ipſa remedii confectione ; ita ut humiditas , aut calor , augeatur , vel minuatur. Plura ſiquidem ſunt ſpecialia remedia ſpecialibus dumtaxat morbis curandis deputata , quibus Animal quidem ſanatur à ſpeciali morbo: nec tamen à morbo curatur. Quia videlicet obſtructiones ea non ſolvunt , aut ſufficienter ſolvere nequeunt.

Quid igitur , inquires , faciendum , & quo remedio placidè ſimul confortandus eſt ſtomachus , & obſtructiones ſolvendæ.

Reſp. Plura ſunt huiusmodi remedia , ut docti Medici norunt. Unum tibi tradere volo , idque præ cæteris optimum , ut innumeris conſtat experimentis , quòd facilè reperiri , & facilè ſumi poteſt , ac ſine periculo ; idque conſiſtit in juſculo , vel in ptilana mox deſcribendis.

Ad juſculum præparandum accipe Berulæ vulgò (Berle) quæ in aqua creſcit , & tuſſilaginis mediocrem manipulum unum ex utraque ſimul , in juſculi jam confeſti , & ferventis ſcutellam plenam illum immitte : tum juſculum ab igne vehementiori paulatim

CAP. XLV. DE MORB. REMED. 255

lũm retrahe , ne bulliat ampliũ ; sed calidum conservetur horã circiter dimidiã , vel paulò ampliũ : postea jusculum colo eliquatum sume , cui poteris citrei , vel aurati mali , aut alterius rei succum , vel succi tantisper immiscere , ut faciliũ sumatur.

Ad ptisanam conficiendam earundem herbarum manipulum paulò majorem in cucumam , dum aqua fervet , immitte ; & cucumam suo clausam operculo ab igne similiter remove : postea ptisanam frigidatam , & colo eliquatam in vase idoneo ad usum necessarium serva. uño , aut altero die.

Hoc remedium optimum est contra oppilationes puellarum , & fluxus menstruos prohibitos . vel excedentes , ventris constipationem , & profluvium , ac dissentiam , colicos dolores , calculum , & stranguriam , morbum ictericum , rheumatismum ; & hydropisim , asthma , obstructions pulmonum , & sanguinis excreationem , gravedines , & dolores capitis , vertiginem , epilepsiam , & hemicraniam , contra phthisim , & hecticam febrim , & alias quascumque , morbumque immodico æstu procreatum vulgò (*morsondement*) inflammationes , & sanguinis effervescentias sedat ; peripneumoniã , & pleuritidem , laterumque dolores sanat: membrorum frigiditatem.

fovet, & stomachum placidè confortat; fluxiones sistit, Lienis, & Jecoris oppilationes solvit: iisque inservit, qui bilem, aut pituitam identidem evomunt; tum iis, qui podagrâ laborant. Illius autem usus varius est in variis morbis: ut sequitur.

Primò. Contra opilationes puellarum, morbum ictericum, phthisim, & hæcticam febrem prædictum jusculum sumendum est manè quatuor, vel tribus horis ante prandium novem, aut quindecim diebus continuis; vel si ptisanâ uti volueris: ex ea bibe cum moderato vino bis, aut ter in prandio, totidemque circiter vicibus in cœna. Si siccioris fueris temperamenti, semel tantum in prandio, & semel in cœna, vel berulæ dosim minue, & tussilaginem auge: quòd in aliis proportionaliter servandum. Pauperes poterunt cum oleo prædictum jusculum conficere.

Secundò. Contra fluxus menstruos prohibitos, ventris constipationem, & profluvium, podagram, & stranguriam morbumque immodico æstu procreatum duobus, aut tribus diebus, vel pluribus, si opus est, similiter facies. Cum enim varii sint obstructionum gradus, diversaque earum natura; aliquando citius, aliquando tardius curatur morbus: præsertim faventibus astris, vel prohibentibus malignis eorum influxibus. Quapropter si tempore

CAP. XLV. DE MORB. REM. 257

convenienti non fiat curatio ; transactis aliquibus diebus idem remedium adhibe : idque serò ante cubitum hyberno tempore , potius quàm manè ; quia frigus externum curationem ex parte prohibet : nisi in lecto decumbat æger.

Tertiò. Contra fluxus menstruos excedentes, & dissenteriam idem facito ; sed priùs in iusculum jam paratum , vel in ptisanæ scyphum tria , vel quatuor Cochlearia succi plantaginis infunde ; vel unum digitale plenum semine plantaginis. Qui verò sanguinem excreare solet ; primò sanguinem sistat succum plantaginis in scypho expressum hauriendo , vel semen illius (ut jam dictum est) in communi iusculo. Deindè ptisanâ ex sola tussilagine confectâ utatur tribus saltem , aut quatuor diebus in qualibet hebdomada, cui poterit interdum pauca folia papaveris erratici , seu rubri vulgò (*Coquelicog*) immittere donec perfectam sanitatem adipiscatur.

Quartò. In Peripneumonia , Pleuritide , & laterum dolore statim unum , & si opus fuerit , duo iuscula sume modico temporis intervallo ; vel tres , aut quatuor ptisanæ scyphos. Quòd in colicis doloribus , & calculi morbo , tum in erisipelari , & in quolibet alio urgenti morbo , ac subito exurgenti pariter faciendum est. Et quia colici dolores , peripneumonia , & pleuritis,

cum doloribus laterum ex flatibus oriuntur; poteris jusculo, dum conficitur, vel ptisanæ pugillum anisi, vel fœniculi immiscere: ut facilius succedat curatio. Interim, quantum poteris, ad ructandum te provoca, quantum pectoris dolorem senties. Nam flatus illi non nisi per os exire possunt. Si morbus continuaverit jusculo utere, vel ptisanâ horis consuetis.

5°. In Asthmate, tum in Rheūmate tribus, aut quatuor diebus ptisanâ utere (ut jam dictum est) in prandio, & in cœna. In hemicrania, vertigine, & capitis doloribus, si bilim evomas, aut pituitam uno, aut altero die; nisi prius sanitatem consequaris. In Epilepsia longo tempore idemtidem ptisanâ utendum ad perfectam sanitatem consequendam. Similiter in asthmate, in hemicrania, & vertigine: si hujusmodi morbi fuerint habituales. Nam difficilius curantur obstructions in cerebro factæ propter molliorem, ac subsidentem cerebri substantiam.

6°. In rheūmatismo, & hydropisi jusculo, & ptisanâ utere continuo. In febris quartana manè jusculum sumè singulis diebus, & in febris æstu ptisanam bibe. In tertiana utere in febris æstu ptisanâ, cui poteris aliqua papaveris erratici folia immiscere. In febris continua jusculo idemtidem, & ptisanâ utendum; & si hæc non suffi-

CAP. XLV. DE MORB. REM. 259

ciant : transactis sex circiter diebus febris continuæ copiosus excitandus est sudor per totum corpus. Sic enim facili negotio solvuntur obstructions omnes; & morbi etiam gravissimi curantur ipsâ docente naturâ, quæ morbos hujuscemodi non nisi cum sudore copioso expellit.

Porro sudorem copiosum sine ullo prorsus ægri periculo excitabis; si Berulæ coctæ fasciculum Ventriculo imposueris, tum in ea parte ubi viget morbus: alterumque renibus supposueris; & prædictum ægro porrexeris jusculum. Idque poterit reiterari, si opus fuerit, duobus, vel tribus transactis diebus. Similiter facies in Paralyâ, Rheumatismo, morboque immodico æstu procreato; tum in Peripneumonia, & Pleuritide jam inveteratis. In apoplexia verò id statim, & quamprimùm fieri debet. Sicque non difficile curabitur æger; nisi deficient omninò vires illius. Quapropter conservandæ sunt semper, quantum fieri potest, vires ægroti: & abstinendum à flebotomia, & à purgantibus remediis.

Prædictum remedium brutis etiam animalibus, ut equis, & bobus, aliisque tribui poterit dosi proportionaliter auctâ, vel imminutâ, ipsâque Berula cocta, & applicata tumores, scabiem, & Ischiadem sanat: lentiginésque in cute solvit; præsertim si dum exterius applicatur, etiam ore sumatur, ut jam dictum est.

Præterea si hoc remedio usus fueris statim ac quidpiam incommodi senseris ; vel idemtidem utaris , cum sanus fueris , facile sanitatem conservabis : quod tibi consulo. Nam sæpè contingunt morbi , qui brevè insanabiles , aut vix sanabiles evadunt. Poteris itaque prædictas herbas in umbra extensas , & exsiccatas diu servare futurae necessitati.

Si quæras cur, aut quomodo tot, & tanta mirabilia hoc remedium operetur ; ratio in promptu est : quia nimirum placido, ac vegeto calore , qualis est in animali sano, & optimè constituto , stomachum confortat ; & flatus omnes , obstructionesque solvendo , organaque referando placidam , ac per totum corpus æquabilem sanguini circulationem restituit. Hoc igitur utere remedio , si sapis ; & facili negotio salvâ tuâ pecuniâ sanitatem consequeris. Noli timere, ne formidaveris ; demonstranti acquiesce , experto crede : nisi velis cum tuo damno post mortem credere.

Uso ipso , & propriâ experientiâ magister evades sine ullo periculo ; dummodo lentè procedas , præsertim ubi morbus non est periculosus : neque velis statim ab omni simul incommodo liberari , quod fieri nequaquam potest. Nullus est enim Medicus , qui tuum possit nosse temperamentum melius , quàm tu propriâ experientiâ.

Sed cave ne cum hoc remedio alia simul, ac præsertim purgantia medicamenta adhibeas; nisi fortè, si opus fuerit ad confortandum debiliorem stomachum, duobus, aut tribus diebus absinthii vino interdum utaris semel quolibet die manè, vel serò: aut nucem sacharo, vel melle conditam sumas.

Poteris autem vinum absinthii sic præparare; absinthii pugillum serò in scyphum immitte, vinumque infunde manè sumendum: vel manè id facias, scyphumque operias; si vespere sumere volueris optimum certè in multis morbis remedium. Si dolorem Ventriculi sentias; emplastrum ex nucibus conditis Ventriculo applica: statimque dolor sedabitur.

Siccioris temperamenti si fueris; quales sunt hi, qui nunquam, aut rarò excreant: aut si casu id tibi contingat; ptisanà ex sola tussilagine confectà interdum utere, & lactucas, & sariolas in communi iusculo adhibe. Vel unum, aut duos Scyphos matutino tempore sumas aquæ frigidæ, vel aquæ cichorii vespere duobus, vel tribus ad summum diebus. Noli autem acetaria cruda manducare, nisi modicum, & rarò: neque in potu glaciem adhibere soleas. Non enim ista refrigerant; sed infrigidant. Interim sobrius esto cù iuscumque sis temperamenti: & multa vitabis incommoda.

Cæterum hoc remedium Philosophis omnibus libentissimè trado ; tum quòd sublatâ sanitate stare nequaquam possit studium Philosophiæ : Tum quòd maximè deceat Philosophum cœli motus, siderumque leges nosse ; in quo autem sanitas, & morbus consistant, aut quomodò sanitas conservari, vel amissa recuperari possit, ignorare. Cæteris etiam hominibus hæc scribo ; quòd multi passim reperiuntur, qui miseram in continuis doloribus vitam ducunt convenienti remedio destituti. Cùm tamen facili negotio sanitatem consequi possint.

C A P U T XLVI.

De Anima Brutorum.

Magna, & gravis est inter antiquiores, & recentiores Philosophos de animâ brutorum quæstio. Antiqui, nempe, Thomistæ, & Scotistæ asserunt eam esse specialem substantiam cùm corpore compenetratam, quæ tamen non est substantia spiritualis ; atque à corpore dependentem in fieri, & conservari : ita ut destructo corpore illa naturaliter desinat ; neque possit, nisi divinitus, existere à corpore separata. Thomistæ autem existimant brutorum sal-

CAP. XLVI. DE ANIMA BRUT. 263

tem perfectorum animam, tametsi materialem, esse prorsus indivisibilem. Econtrà Scotistæ eam esse divisibilem, alii quidem in partes homogeneas, alii in partes heterogeneas arbitrantur.

Recentiores verò ut Gassendus, Cartesius, & alii negant animam brutorum esse specialem substantiam corpori compenetratam; ajuntque illam nihil aliud esse, quàm subtiliores præsertim sanguinis partes: quales sunt spiritus vitales, & animales, qui pro diversa organorum ratione, diversaque objectorum impressione diversos motus illos exercent, qui in brutis passim observantur; ita ut ea nullam habeant cognitionem ab hisce variis motibus distinctam. Quamquàm inter eos non desint, qui aliqualem cognitionem brutis attribuant ab iisdem spiritibus animalibus elicitam.

Prima opinio, quæ asserit animam sensitivam esse substantiam corpoream ab omni materia realiter distinctam, est falsa, & Chimærica; ut evidentissimè demonstratum est dum de forma corporea, & alibi multis in locis. Secunda veritati quidem propinquior est; licèt perfectam, & accuratam animæ sensitivæ definitionem ea non tradat. Cùm enim omnes actiones vitales brutorum: sint quidam motus speciales, qui tum ab objecti impressione, tum ab ipsa anima proficiuntur tanquam actus secun-

di ab actu primo ; neque possint motus speciales , sive actus secundi ab eadem anima elici : nisi inquantum ea præexistit in quodam motu universali , sive in actu primo ; perspicuum est animam sensitivam non esse spiritus vitales , & animales præcisè : sed esse motum quemdam perpetuum , & universalem spirituum vitalium , & animalium in organis , à quo speciales omnes brutorum motus vitales derivantur.

Præterea dici non potest motum universalem spirituum vitalium , & animalium in organis esse animam sensitivam. Cum spiritus vitales , & animales nihil aliud sint , quàm subtiliores sanguinis , & succi nervorum nutritii partes , seu ignis corpuscula ; quæ si sola moverentur in organis : neque vivere , neque sentire posset corpus organicum ; ut perspicuum est. Ad hoc si quidem necessaria est perpetua succi nutritii , seu sanguinis , & succi nervosi circulatio.

Verum quidem est quòd à motu corpusculorum ignis , nempe , à caloris motu perpetua sanguinis , & succi nervosi circulatio proficiscitur ; non tamen in ipso præcisè consistit brutorum anima , quæ simul est vegetativa , & sensitiva sub diverso respectu : sed in ipsa sanguinis , & succi nervosi circulatione in organis ; quæ sanguinem , & succum nervorum nutritium , atque

CAP. XLVI. DE ANIMA BRUT. 265

que spiritus vitales & animales simul, cum motu caloris essentialiter includit.

Confirmatur. Quia positâ sanguinis circulatione in organis vivit animal; eâ verò sublatâ, etiam si cætera omnia remaneant, videlicet, sanguis, & succus nervosus, cum motu caloris, cum spiritibus vitalibus, & animalibus: statim perit animal; ut. ceruitur in his, qui in corde vulnerantur. Ergo anima sensitiva in perpetua sanguinis, & succi nervorum nutritii circulatione formaliter consistit.

Concl. Anima itaque sensitiva, est perpetua succi nutritii, seu sanguinis, & succi nervorum nutritii circulatio in organis.

Hæc Conclusio insuper evidentissimè demonstrata est ab effectu in isto tractatu ferè per totum. Nam ex hac animæ sensitivæ definitione omnes brutorum motus, actiones, scilicet, atque passionès clarè demonstravimus: ut attentius consideranti fiet manifestum. Sed quia hæc definitio mirabilis fortasse videbitur iis præsertim, qui cætera omnia ex suis moribus dimetiuntur; cùmque videant bruta similibus passionibus commoveri, ac homines: similesque sensationum motus exterius exercere, qui in homine cum actionibus animæ rationalis sunt necessariò conjuncti; iisdem brutis animalibus aliqualem cognitionem, seu ratiocinationem imperfectam attribuunt: atque

R. P. Bern. Carp. Phys. Pars III. M

ita seipſos beſtiis aſſimilare non verentur. Si enim bruta quantumvis imperfectè ratiocinentur, illa rationalem animam habent. Cùmque corpus omne ſit tantùm capax motûs, & quietis; nullùmque omninò corpus ſit capax cognitionis, ſeu ratiocinationis: necellè eſt ut Brutorum animæ ſint ſubſtantiæ ſpirituales, & immortales, atque liberæ, capaces meriti, & ſupplicii; ut patet. Idcirco hanc Concluſionem pluſibus argumentis, & authoritatibus confirmare operæ pretium eſt. Quòd ſequenti capite Deo dante præſtabimus.

CAPUT XLVII.

Anima Sensitive Definitio Confirmatur.

10. **C**ONfirmari poteſt animæ ſenſitivæ definitio jam tradita authoritate ſcripturæ ſacræ aſſerentis animam Brutorum eſſe in illorum ſanguine. Ut cùm Levitici capite 17. dicitur (*ſanguinem univerſæ carnis non comedetis, quia anima carnis in ſanguine eſt*) atque idem ter in eodem capite repetitur. Hîc autem nomine carnis manifeſtum eſt ex contextu ſola Bruta intelligi, quòd etiã exprimitur Deuteronomii cap. 12. & 15. *hoc ſolùm cave ne ſanguinem comedas, ſanguis enim eorum,*

CAP. XLII. ANIMÆ SENS. DEF. 267
scilicet Brutorum, quæ comedere licet,
pro anima est.

Secundò. Ex divo Augustino in Leviticum quæst. 57. Ubi sic loquitur (*nunquid si animam pecoris sanguinem dicimus, etiam anima hominis sanguis putanda est: absit*) præterea in libro de spiritu, & anima sic ait: *Spiritum corporeum voco aerem, vel potius ignem, qui pro sui subtilitate videri non potest; & corpora interius vegetando vivificat: quedam autem vivificat tantum, & non sensificat. Sicut arbores, & herbas, & universa in terra germinantia. Quedam autem sensificat, & vegetat: sicut omnia bruta animalia.*

Tertiò. Confirmari potest ex eò quòd, cum ovum nullum vivat animâ sensitivâ; si tamen incubanti gallinæ supponatur, aut calido fimo cooperiatur: animâ sensitivâ donabitur. Atqui manifestum est ope solius caloris id fieri. Cum à gallina incubante, vel à fimo cooperiente nihil aliud in ovum subire possit præter ignis corpuscula cum motu caloris, quo nimirum succus nutritius ovo inditus excitatur in pulli organis jam inchoatis, & adhuc imperfectis. Atque ita motu illo sensim perficiuntur organa; simulque in ipsis excitatur succi nutritii circulatio, quæ proinde est actus primus corporis organici potentiâ vitam sensitivam habentis, seu anima sensitiva. Ni.

hil enim aliud ullâ mentis agitatione concipi unquam potest. His adde quòd frustra prorsus esset omnis anima cognoscitiva in brutis ; cùm omnes illorum actiones necessariò perficiantur : ut omnes ultrò fatentur Philosophi. Ad quid enim inserviret anima cognoscitiva , quæ nec actiones moderari , neque prohibere posset.

Obijc. Primò. Bruta differunt inter se specie , & substantialiter ; atqui ea non possunt inter se differre substantialiter per materiam : Ergo differre debent per formam notabiliter diversam , quæ sit specialis quædam substantia distincta à materia.

Resp. Conc. Mai. Dist. Min. Atqui bruta non possunt inter se differre per materiam nudam , Conc. Per materiam specialiformâ præditam , quæ sit specialis modus essendi materiæ , neg. & neg. Conseq. Nam. modus essendi materiæ , quæ est substantia , dicitur , & est modus essendi substantialis , seu forma substantialis , essentialis composito. Hinc bruta essentialiter inter se differunt per succi nutritii notabiliter diversam circulationem in organis notabiliter diversis ; indeque profluunt varii motus illorum specialiter diversi : variique , & speciales omnes eorum instinctus.

Obijc. Secundò è scriptura sacra , in qua dicitur *cognovit Bos possessorem suum*,

CAP. XLVII. DE ANIMÆ, &c. 269

& Asinus præsepe domini sui: Ergo bruta cognoscunt.

Resp. Conc. Ant. Dist. Conseq. Ergo bruta cognoscunt, & cognoscere dicuntur; quatenus à specialibus objectorum impressionibus excitantur in ipsis speciales motus (ut fusiùs explicatum est) Conc. aliâ cognitione, neg. Alioquin ea rationalem, & spirituales animam habere dicenda essent; quòd quantum sit absurdum, & Scripturæ sacræ oppositum nemo non videt.

Sed quia hoc præjudicium altè inhæret multorum mentibus, qui, ut jam dictum est, ex iis, quæ ipsimet percipiunt, eadem brutorum sensationibus inesse dijudicant; ac proindè aliquam cognitionem, seu ratiocinationem imperfectam ipsis tribuunt; necessarium videtur, quantum in nobis est, hoc præjudicium prorsus eradicare à mentibus Philosophorum; nullamque cognitionem, seu ratiocinationem quantumvis imperfectam inesse bratis animalibus demonstrare sequentibus argumentis.

Primò. Manifestum est omnia ejusdem speciei animalia, etiamsi non instructa, vel edocta, similes instinctus habere, similisque passionum motus ad similibus objectorum impressionem exercere; quòd autem omni, & soli convenit speciei necessarium est: ac proindè non alicui cognitioni, seu ratiocinationi imperfectæ, quæ frustra om-

ninò esset, illud tribuendum est; sed speciali cujusque animalis organisationi, quâ fit, ut illud necessariò eveniat. Unde quæ mirabilia videntur in animalibus omnia referenda sunt ad Authorem naturæ, cujus admirabili sapientiâ ordinata sunt varia brutorum organa. Hinc omnes Philosophi opus naturæ, inquit, opus intelligentiæ non errantis: Bruta etiam omnia non agere, sed agi propter finem ab Authore naturæ asseverant. Quia nimirum ea non possunt agere propter finem sine cognitione finis, quam ipsa non habere ultrò fatentur omnes.

Secundò. Idem confirmatur exemplis, quæ passim occurrunt, & quæ præ cæteris ratiocinationem aliquam saltem imperfectam præ se ferre videntur. Nam feles, & canes v. g. qui postquàm ventrem exonerarunt, terram pedibus, & unguibus scalpere solent, & excrementa humo cooperire; idem in pavimento lapidibus, aut lateribus strato, vel in rupe viva non sine pedum detrimento, & ungulum jacturâ inutiliter faciunt: quod certè nequaquam facerent; si aliqualem quantumvis imperfectam illius, quòd agunt, cognitionem haberent, ut perspicuum est. Sed quia id totum profluit necessariò ab eorum certâ quadam organisatione, qua fit ut ex motu, quò egeruntur excrementa necessariò sequatur

alius, quo terra pedibus scalpitur; propterea illud idem in nuda, ac in strata lapidibus humo efficiunt: donec sæpius repetitis actibus pavimenti resistentiâ prædictus extinguatur motus; eique oppositus exurgat. Unde neque deinde in nuda, neque in strata lapidibus humo id efficiunt fœles.

Similiter taurus incitatus, si ei quaecumque provocantis phantasma obijciatur; ut saccus paleâ repletus, & pileo adornatus: ipsum cornu ferire, & ventilare non cessabit; præsertim si fune ita suspendatur saccus, ut cornibus impetitus solo semper rectâ insistat. Si verò taurus provocantem insequatur, isque in terram se proijciat; eum taurus immotus, atque ignem; & furorem spirans odorabit: quem, si quantulumcumque cognitionem haberet; vel uno pede obrueret. Motus enim spirituum vitalium, & animalium, qui iræ competit, in tauro incitato ad caput, & cornua dirigitur, non verò ad pedes; sicut in Leone, Tigride, Fele, & aliis ad ungues: in Scorpione, Ape, & Vespâ ad caudam, & ad stimulum.

Præterea omnia insolita, ac præsertim magna objecta, si ea moveantur, omnibus animalibus timorem magis, aut minùs incutiunt. Si verò immota persistant; nullum eis terrorem procreant. Canes projectos lapides insequuntur, & mordent; cæteraque

272 PARS III. PHYS. TRACT. II.
animalia, si baculo percutiantur, non in
percutientem, sed in baculum, aut aliud
quodcunque, quod primum cum motu
occurrit, dentes, stimulum, vel ungues
exerunt. Quod certè nequaquam face-
rent, si quantulamcunque cognitionem ha-
berent.

Confirmatur denique. Quia inter ho-
mines quidam ad pigritiam proni sunt,
alii ad impudicitiam; quidam ad timo-
rem, alii ad audaciam, alii astuti, vel
prudentes sunt: alii naturaliter fatui, &
imprudentes, variisque passionibus obno-
xii. Atqui variae hujusmodi affectiones non
ab Anima rationali, & cognoscente suam
originem ducunt; quippè quæ in omni-
bus hominibus similis existit: nec ad pi-
gritiam, vel impudicitiam, cæterasque
hujusmodi passiones carnales prona dici
potest; cum ea sit spiritualis: sed à va-
ria cujusque organisatione, diversoque
temperamento. Undè fit, ut variis pas-
sionum motibus sint obnoxii. Ergo idem
à fortiori sentiendum de brutis animalibus.
Nam eadem est ratio de omnibus.

CAPUT XLVIII.

De Animalium generatione.

ANimalium generatio alia dicitur univoca, quæ vulgò definitur (*processus viventis à vivente in similitudinem naturæ*) alia verò æquivoca, quæ non est in similitudinem naturæ, atque tum à vivente, tum non vivente procedit. Univoca igitur generatio est, cum à sibi similibus animalia procreantur: ut sunt ea omnia, quæ vulgò animalia perfecta dicuntur. Æquivoca est, cum non à sui similibus, sed ab aliqua causa alterius speciei, vel generis originem ducunt: qualia sunt ea, quæ ex putri vulgò dicuntur generari.

Sic quælibet planta specialem generat vermem in intimis etiam visceribus; ubi scilicet succus nutritivus propter fibrarum, aut corticis dūritiem foras emergere non valens tumorem quemdam procreat: ibique à coeuntibus interiùs fibris intercipitur; & quasi ovum in vulva includitur. Simili modo generantur vermes in arborum foliis, & fructibus, in stomacho, aliisque animalium partibus internis; tum ex caseo, & carne: quando ea putrescunt.

Omnis siquidem putredo ex remisso ca-

lore oritur in corpore humido. Nam calor remissus subtiliores quidem misti, quòd corrumpitur, partes minimas excitat, sed cum eas non possit foras expellere à crassioribus circumstantibus interceptas: illæ tumorem quemdam quasi ovum efformant, ex quo specialis deindè oritur vermis pro speciali corporis putrescentis temperamento. Sic in poris cutis obstructis formantur aliquando & excluduntur ova pediculorum in animalibus. Undè profluit quandoque morbus pedicularis: diversique oriuntur in variis animalibus pediculi. Nam gallinarum pediculi volant: cum alii pedibus incedant.

Sic denique in quercuum gallis ex succo nutritio intercepto in cujusque gallæ centro tanquam in cellula, & quasi in vulva oritur, & formatur ovum, quòd unà cum galla perducitur ad maturitatem; adeò ut ex ovo musca exurgat, quæ gallam ad maturitatem perductam rodendo sibi exitum parat. Non rarè in ejusdem gallæ circumferentia interiori plures cernuntur muscæ minuscule totidem cellulis distinctæ. Quòd si gallam detraxeris, priusquam ad maturitatem ea perducatur: ad maturitatem musca non perveniet. Quia videlicet eodem succo formatur, & adolescit, ac galla, quique è gallæ pedunculo in eam derivatur.

Cum igitur muscæ, vermes, & pedicu-

CAP. XLVIII. DE ANIM. GEN. 275

li; aliaque multa primum ex putri sic oriuntur, ac deinde similia ova pariant, unde similia excluduntur animalia: manifestum est quod siue ex putri, siue à similibus animalibus generentur; eodem prorsus modo fiat eorum generatio. Nisi quod, cum ex putri generantur; ibi excluduntur ova, ubi formantur. Cum autem à similibus generantur, tunc in vulva formantur ova: & extra vulvam excluduntur. Quia nimirum plantæ, aliaque corpora putrescentia vim ova pariendi non habent, sicut animalia viva. Unde necesse est ut quæ ex putri formantur ova, ibidem exclusa sibi in ipsis viam aperiant.

Hinc vides quod, quamvis prædictorum animalium generatio siue ex putri, siue ex similibus animalibus, eodem modo fiat; nam sicut succus plantæ nutritius undique interclusus in ovum concrescit: ita semen ex mare, & foeminâ in vulvam decisum, ibique conclusum pariter in ovum concrescit; plantæ tamen, & alia corpora putrescentia specialem habere videntur præ illis animalibus prærogativam in eo, quod vivos foetus edant: ac proinde viviparæ sint. Cum illa animalia sint tantum ovipara.

Omnis itaque generatio siue æquivoca, siue univoca, siue imperfectorum animalium, siue perfectorum, quæ non nisi

276 PARS III. PHYS. TRACT. II.

fui similibus generantur ; quod materiam copiosiore , locumque ampliorem , scilicet , vulvam requirant : ab ovo incipit. Nam sicut semen in vulvam gallinæ decisum in ovum concrescit testâ , & membranâ obductum , ita in aliis animalibus viviparis ovum , seu fœtus duabus involvitur membranâ , quarum una chorion , & altera amnion appellatur.

Sicut autem succus nutritius plantæ in ovum concrescens per fibras tenues , atque per poros , cum planta matrice communicat ; ut videre est in muscæ ovo gallæ adnato : ita semen in vulvam decisum , & in ovum concrescens per fibras tenues , atque per poros cum utero communicat ; ipsiusque vulvæ carunculis adhæret. Succus nimirum exudans è vulvæ carunculis , ubi semen decisum , & conclusum tangit , simul cum ipso exterius concrescit : & in quemdam quasi fructûs pedunculum efformatur. Isque deinde sensum crassior , ac longior evadit eâdem proportionem , quâ succus nutritius uberius per ipsum in ovum infunditur.

Dum itaque succus nutritius in ovum , seu semen in vulvam decisum ibique conclusum subit , is sibi metipsum viam in eo aperit : variâque sibi efformat organa pro vario ejusdem succi temperamento , diversoque caloris motu. Unde ovum prius vivit vitâ plantæ , quousque ad justam magnitudinem.

CAP. XLVIII. DE ANIM. GEN. 277

pervenerit; neque ulla est in eo arteriarum, & venarum differentia: neque ulla sanguinis, aut succi nutritii circulatio; usquequod perfecta fuerint organa. Sed sanguis in illud subjens ex uteri arteriâ continuo niscum per arterias, tum per venas ad circumferentiam tendit.

Sic autem simul formantur organa omnia sibi mutuò proportionata. Quòd quidem alio modo fieri nequaquam potest. Idque manifestè probatur ex eò, quòd in fœtu sanguis ex vena cava feratur immediatè in venam pulmonarem per Anastomosim sub dextra cordis auricula patentem: sicut ex arteria magna fertur immediatè in arteriam pulmonarem per similem Anastomosim. Quousque perfectis jam organis incipiat circulatio ex qua parte intensior est sanguinis motus, videlicet, ex arteriis, quæ magis constringuntur, in venas.

Quòd si ovum exterius nimium induretur, priusquàm incipiat in eo succi nutritii circulatio; ut contingit in avibus, & aliis oviparis propter calidiorem, vel sicciorum eorum temperiem: necesse est ut ovum è vulva decidat eodem modo, quo semen è planta decidit, vel fructus ex arbore, ac postea extra vulvâ positum vel incubantis matris, vel alterius rei calore animâ sensitivâ donetur, id est, ut in eo excitetur succi nutritii circulatio. Donec perfectus

pullus claustra dirumpat , & ovum excludatur. Id autem totum in utero perficitur in viviparis. Nam in his perfectum jam Animal disruptâ, quâ obvolvitur , membranâ, in lucem exit.

Ovum siquidem est velut plantæ semen, quod quidem nihil aliud est , quàm nova plantula suâ constans radiculâ , duobusque foliis minusculis jam expansis , atque duobus majoribus intumescens, quæ duos seminis lobos constituunt. Nam ovum est primum pulli rudimentum , seu animalis exordium, primâque illius organisatio, quæ, quia humidioris ea est temperamenti , solo deinde calore perficitur.

Ex his perspicuum est non solum quid sit animalis generatio, & quomodo ea perficiatur ; verum etiam quod nulla sit notabilis differentia inter generationem univocam , & æquivocam : nec inter ovipera, & vivipara ; cum plantæ sint viviparæ respectu animalium , quæ dumtaxat ovipara sunt : nec denique inter animalia , quæ imperfecta vocantur , & ea , quæ dicuntur perfecta. Neque enim Pediculorum , aut Muscarum , vel Culicum fabrica minùs est exquisita , quàm Leonum, & Elephantum. Quamvis ea verè dici possint aliquo modo imperfecta , quæ aliquo sensu carent ; ut Talpæ visu : & alia , quæ insecta dicuntur ; ut vermes.

CAPUT XLIX.

*Quadam de generatione quæstiones:
Explicantur.*

QUæritur Primò. Quænam sit generationis animalium causa.

Resp. Primò. Tanta est in quolibet vel minusculo animali organorum multitudo; tamque mirabilis eorum structura, atque inter illa ordinata connexio, ac mutua dependentia: ut non solum ex totius Animalis fabricâ universim consideratâ; verum etiam ex singularum illius partium, ut cordis, cerebri, oculi, aliarumque structurâ speciali, ac prorsus mirabili, quæ omnem cunctorum hominum superat captum, manifestum sit infinitam dumtaxat Omnipotentis Dei sapientiam Animalis fabricam adinvenire, eamque ad exitum perducere potuisse. Ac proindè primum omnis generationis authorem, atque omnium animalium præcipuum patrem, atque parentem esse Deum optimum, à quo omnis paternitas in cælo, & in terra nominatur. Propterea, si quispiam hac de re dubitaverit; hunc ego non Philosophum: sed ignarum prorsus, ac cæcum audacter pronuntio.

Resp. Secundò. Causa generationis ani-

malium exigitiva est certa, & specialis elementorum temperies in loco idoneo, cum caloris motu juxta constitutas, & conservatas à Deo motuum leges, variè reflexo, & modificato. Nempè decrevit Deus v. g. quoties arietis semen in ovis uterum tali modo constitutum decideret, ex eo agnum procreare. Quàpropter his positis dicitur ovis causa exigitiva generationis agni. N in licèt causæ secundæ, quæ habent in se motum, dicantur causæ principales respectu earum, quæ nullum habent in se motum; & quæ idèò instrumentales causæ vocantur: tamen respectu Dei, qui est absolutè prima, & principalis causa omnium effectuum, ex sunt causæ duntaxat exigitivæ, seu causæ secundæ; quatenus, quem à Deo accipiunt, motum variè determinant exigitivè. Ut jam dictum est.

Queritur Secundò. Cur ex uno ovo mas oriatur, ex alio foemina.

Resp. Ex speciali etiam ovi temperamento id exigitivè proficisci. Neque enim est aliqua sexûs differentia in plantis, aliisque corporibus putrescentibus, aut in succo plantæ nutritio: cum is in ovum concrevit. Nihilominus in plantis, & gallis quercuum ex eodem succo nascuntur muscæ mares, & foeminæ, sicut pediculi, & pulices, in animalibus: tum vermes ex eodem casco, vel ex eadem carne putrescente ita-

CAP. XLIX. DE ANIM. GEN. 181

dēm mares , & fœminæ. Eadem est autem ratio de aliis omnibus. Quamvis enim in generatione univoca , cū videlicet agnus ex ove , & ariete generatur ; ibi reperiatur sexûs differentia : nulla tamen est in semine in ovis uterum deciso , cū liquidum , ac fluidum illud sit , ad aliquem sexum pertinens partium configuratio ; quæ postea sensim exurgit , ut jam dictum est. Hinc aliquando ex eodem coitu , eodēque semine duo gemelli , sive duo agni , masculus , & fœmina prodeunt.

Quæritur Tertiò. Cur aliquando monstra , seu partus quidam à solita speciei dispositione degenerantes oriantur.

Respond. ab excessu , vel defectu materiæ vel in quantitate , vel in qualitate , vel ab insolita uteri constitutione id exigitive proficiscitur : effective autem à divina providentia , quæ hujusmodi partibus insolitis aliquid futurum hominibus portendit. Unde à monstrando , & portendendo, hæc monstra , & portenta dicuntur.

Quæritur Quartò. Utrum fœmina , v. g. ovis , concurrat active ad generationem agni : ut solent causæ secundæ.

Respond. Affirmative cū verum semen ovis subministret fluidius quidem , & liquidius arietis semine , quod , cū

CAP. XLIX. DE ANIM. GEN. 283

animales, seu ignis corpuscula in succo nervorum nutritio intra cerebrum, & visus organum existentia offendunt, similem prorsus eis motum impertiunt. Undè idem color in succo nervorum nutritio limpidissimo exurgit, qui in objecto cernitur. Hinc Camaleleo, qui cutim habet tenuem, & transparentem, modicumque sanguinem circa cor, circumstantium corporum colores varios sensim induit: quia motus coloris per totum illius corpus in succo nutritio limido, ac diaphano facilè propagatur.

In matre igitur prægnante & objectum tunc; vel aliàs visum desiderante motus prædictus intenditur; atque ejusdem objecti species, seu color illius cerebro altius imprimitur. Undè si ea aliquam sui corporis partem tunc temporis scalpatur; motus ille spirituum animalium ad similem prolis partem cum eadem modificatione, & cum majori impetu propelluntur; ubi propter molliorem, ac teneriorem prolis constitutionem illius carnem penitus subeunt: atque ibidem motu represso sistuntur. Quapropter in illa parte quædam è spiritibus animalibus, & tenerâ prolis carne resultat compositio objecti visi, atque desiderati temperamento similis.

Ad hoc autem non est necesse, ut spiritus animales in cerebro matris existentes, vel in parte, quæ scalpitur, indè ad prolem per-

umbilicum tendant ; sed ut sibi contigua
 usque ad illam partem impellant : quod
 uno , & eodem instanti perficitur ; eodem
 ferè modo , quo si ex majoris circuli cir-
 cunferentia chordæ per minoris circuli cen-
 trum transeuntes ad totidem ejusdem mino-
 ris circuli circunferentiæ puncta tenderent.
 Tunc siquidem pulsatâ chordâ in majoris
 circuli circunferentiâ , eodem instanti in
 ejusdem chordæ extremitate in minoris cir-
 culi circunferentiâ existente motus impri-
 meretur. Sed de his satis. Hæc enim clarè
 quidem ut cernis , breviter tamen perstrin-
 genda duximus brutorum exempla sumen-
 tes ; ut quantum fieri potest : castæ piæque
 aures minùs offendantur.





PARS TERTIA PHYSICÆ.

TRACTATUS TERTIUS.

De Anima Rationali Prefatio.



N hoc tractatu , qui totius nostræ Physicæ finis , atque coronis est , breviter , & clarè disseremus de anima rationali , nimirum de illius existentia , essentiâ , & proprietatibus ; tum de illius unionem cum corpore , atque de potentiis , & operationibus illius propriis : licque finem physicæ nostræ tandem imponemus.

CAPUT I.

De Existentiâ, Essentiâ, & proprietatibus Animæ Rationalis.

1^a. **C**oncl. Datur in homine anima rationalis.

Prob. Concl. Operari sequitur esse ; at-

qui evidentissimum est hominem cognoscere, cogitare, discurrere, seu ratiocinari, & liberè velle: Ergo evidentissimum est hominem esse cognoscitivum, rationalem, & liberè volitivum. Ac proindè, cùm omne esse sit à forma; datur in homine forma rationalis, seu principium formale quo rationalis est homo, ac liberè volitivus, scilicet, anima rationalis.

2^a. Concl. Datur in homine aliqua substantia, quæ ratiocinatur, & liberè vult; & quæ proindè est etiam principium quoddam ratiocinatur, & liberè vult in homine.

Prob. Concl. Cogitatio, ratiocinatio, & libera volitio sunt accidentia; nam aliquando insunt homini, aliquando non insunt: modò una inest homini, modò alia; atqui omne accidens est quidam modus essendi substantiæ: Ergo datur in homine quædam substantia, cujus modi essendi sunt cogitatio, ratiocinatio, & libera volitio. Ac proindè anima rationalis est quædam substantia.

3^a. Concl. Anima rationalis non est corpus, sed substantia incorporea, seu spiritualis.

Prob. Concl. Cogitatio, ratiocinatio, & libera volitio non sunt modi essendi corporis; nullum enim corpus est capax cogitationis, ratiocinationis, & liberæ volitionis: sed tantùm figuræ, motûs, & quietis; ut evidentissimum est. Ergo anima rationalis

CAP. I. DE ANIMA RATION. 287

non est corpus ; sed substantia incorporea, seu spiritualis. Atque ita in homine præter sanguinis circulationem , & motum illum perpetuum spirituum vitalium , & animalium , qui in aliis viget animalibus , est quædam substantia spiritualis.

Definitio itaque , seu essentia animæ hominis , est *quod ea sit substantia rationalis, & liberè volitiva , qua unita corpori humano constituit hominem.* Definitio namque , seu essentia cujusque rei est illud,quod primum de re quacumque concipitur , & a quo fluunt , aut fluere concipiuntur omnes ejusdem rei proprietates , seu potius proprietatum cognitiones. Primâ verò illius proprietas est quod ea sit spiritualis.

2^a. Illius proprietas est quod sit penetrabilis. Nam in corpore humano ea existit actualiter , & naturaliter penetrata : cum nullus detur in corpore humano , vel in rerum naturâ locus omni corpore vacuus.

3^a. Est quod sit invisibilis , neque affici à corpore , aut corpus ullum afficere possit. Nullum siquidem corpus , aut sensus corporeus affici ullo modo potest naturaliter, nisi per aliquem motum: nullus verò motus imprimi naturaliter potest, nisi substantiæ impenetratæ, & à substantia pariter impenetrata.

4^a. Est quod ea sit una substantia simplex , & indivisibilis in quolibet homine. Si enim partibus componeretur ; vel quæ-

libet esset substantia spiritalis, rationalis, & liberè volitiva: vel alterutra tantum; vel nulla separatim. Si quælibet esset substantia rationalis, & liberè volitiva; frustra essent omnes unâ duntaxat exceptâ, cum per unum tantum constituatur homo essentialiter, ejusque compleatur essentia; Deus autem, & natura nihil faciant frustra. Si alterutra tantum esset rationalis, & liberè volitiva; alia non esset hominis forma. Si nulla denique esset substantia rationalis, & liberè volitiva separatim, neque conjunctim esset: ut patet.

Dices. Etiam si corpus simplex non sit sensitivum; ex multis tamen corporibus simplicibus fieri potest corpus compositum sensitivum: Ergo licet partes animæ rationalis non essent rationales separatim sumptæ; ex possent conjunctim esse rationales.

Resp. Conc. Ant. Neg. Conseq. Idcirco enim fieri potest corpus compositum sensitivum ex corporibus simplicibus; quia potentia sensitiva in quodam motu corpusculorum consistit, nempe, in perpetua sanguinis, & succi nervosi circulatione in organis animalis: omne autem corpus simplex est per se mobile etiam separatim sumptum. Unde si partes animæ rationalis non essent rationales, & cognoscitivæ separatim, neque conjunctim essent.

52. Pro

CAP. I. DE ANIMA RATION. 289

5^a. Proprietas animæ rationalis est quòd ea non sit quanta. Quantitas siquidem est numerus partium : anima verò rationalis nullas habet partes.

6^a. Est quòd ea sit ingenerabilis , & incorruptibilis. Nulla enim substantia produci potest per generationem , aut destrui per corruptionem , nisi ratione partium : quatenus scilicet per generationis motum nova partium compositio exurgit ; aut per motum corruptionis prior partium compositio solvitur. Ut fusiùs demonstratum est in decursu Physicæ. Atqui anima rationalis est vera substantia simplex , indivisibilis , & sine partibus : Ergo neque generabilis , neque corruptibilis est.

7^a. Est quòd ea sit vivens vitâ , nimirum , spirituali , ac nobiliori , nempe , cognitione , ratiocinatione , & volitione , in quorum actu immagentium potentia consistit vita spiritualis in actu primo. Omnis siquidem actio immanens est actio vitalis.

8^a. Est quòd ea sit immortalis. Cum enim ea sit vivens , neque generari , neque corrumpi possit : neque per partium divisionem destrui , cum nullas habeat partes ; necesse est ut ea sit immortalis.

9^a. Est quòd sit substantia completa in ratione substantiæ spiritualis. Nihil siquidem deest illi ad hoc ut sit substantia spiri-

tualis. Nam quodlibet est, vel non est, & quodlibet ens est unum, verum, & bonum, id est, perfectum ens. Est tamen substantia incompleta in ratione hominis, cujus est tantum pars essentialis. Unde licet quando ea existit in corpore, propriam subsistentiam non gaudeat; sed subsistat totius subsistentiam communi: pereunte tamen corpore ea verè subsistit in se, cum sit vera substantia, seu ens per se formaliter existens; tuncque sola, ac separata existat, & operetur.

10^a. Est quod sit substantia finita. Nam operari sequitur esse; atqui omnis animæ rationalis operatio, nempe cogitatio, ratiocinatio, volitio, est finita, & limitata: ut pater. In corpore siquidem humano finito anima ratiocinatur, quandiu in eo existit; non autem extra illud: Ergo anima rationalis est substantia finita, ac per consequens à Deo immediate creata, cum ea per generationem fieri nullo modo possit. Hinc anima rationalis jugi, ac perpetuo influxu Dei indiget, sine quo statim in nihilum redigeretur; immortalis tamen ea est (ut jam diximus) quia Deus nunquam suam subtrahit influxum: nisi ad exigentiam alicujus contrarii; anima verò rationalis nullum habet contrarium.

11^a. Denique illius proprietas est quod sit creata in corpore humano, & ad exi-

gentiam illius. Nam operari sequitur esse, & esse est propter operari; atqui anima rationalis operatur tantum in corpore, & ad exigentiam illius: Ergo creata fuit in corpore humano, & ad exigentiam illius. Hinc eodem instanti, quo corpus humanum vivit vitam sensitivam in actu primo; quo nimirum perfectis organis sanguinis, & succi nervosi circulatione donatur: in ipso creatur anima rationalis, cujus unio cum corpore est actus primus corporis organici sensitivi potentia vitam rationalem habentis. Tunc enim corpus humanum est in potentia vivendi vita rationali in actu primo: & non antea.

Dices. Potuit anima rationalis creari ante corpus, ac postea in illud infundi: sicut percunte corpore conservatur, & operatur non amplius ad exigentiam corporis, quod non existit.

Resp. Potuit quidem anima rationalis creari, antequam corpus humanum existeret; sed nulla tunc erat ratio cur crearetur. Cum enim eo tantum fine creata sit, ut corpus humanum informaret; sicut revera informat: nam finis ex ipso usu clarè cognoscitur; manifestum est quod nulla fuerit ratio, cur ante corpus crearetur. Voluit nempe Deus optimus à creatura etiam corporea, quæ alias omnis cognitionis, & ratiocinationis est expers, cum creatura spi-

rituali, & rationali simul conjunctâ coli, & adorari. Cur verò pereunte corpore illa conservetur, manifesta est ratio. Quia nimirum, cum ea sit ex natura sua immortalis, exigit semper à Deo conservari, cum semel fuerit creata; quòd Deus ipse hanc legem statuerit: atque ita decreverit; in quo consistit omnis creaturarum exigentia.

C A P U T II.

De Unionè Animæ Rationalis cum Corpore.

DE unionè animæ rationalis cum corpore plures fiunt quæstiones, multumque intricatæ. Primum enim quæritur utrum unio illa dicat aliquam entitatem realem præter animam, & corpus. Secundò quid sit entitas illa, & utrum ea sit spiritalis aut corporea. Tertiò utrum anima rationalis sit tota, in toto corpore, & tota in qualibet parte. Hæc autem breviter, & clarè explicabuntur sequentibus conclusionibus.

Prima. Concl. Anima rationalis est unita corpori humano.

Prob. Concl. Illa sunt unita, quæ sunt in eodem loco, simulque moventur, & quiescunt; ut constat ex definitione unionis jam demonstratâ initio Physicæ: atqui ani-

ma rationalis in ipso corpore existit cum illo compenetrata ; simulque cum ipso movetur , & quiescit tum respectivè ad locum , tum respectivè ad sensum. Quidquid enim sensus sentit , anima intelligit : & quidquid anima intelligit , sensus illud idem suo modo sentit : Ergo anima rationalis est unita corpori humano. Hinc unio illa formaliter considerata non est actio productiva , & conservativa animæ rationalis in corpore humano , ut quidam arbitrantur ; sed talis modus essendi à tali actione productiva , & conservativa effectivè resultans , seu respectus ille utriusque ad invicem , quo simul existunt , simulque moventur , & quiescunt. In quo nulla est difficultas.

Secunda Concl. Causa efficiens unionis animæ rationalis cum corpore Deus est.

Prob. Concl. Quia cum anima rationalis sit penetrata in corpore ; neque corpus ea movere potest : nec ab ipso moveri , aut detineri ne abeat ; Ergo unio animæ rationalis cum corpore efficienter à Deo est , qui solus potest animam conservare in corpore : eamque movere ad exigentiam corporis , & corpus ad exigentiam animæ. Ut perspicuum est. Hinc actio unionis hujusmodi conservativa , licet ea entitativè sit unica , multiplex tamen est virtualiter , & respectivè ad diversos terminos.

Tertia Concl. Anima rationalis in cor-

pore humano conservatur, quandiu viget in eo sanguinis circulatio : quâ cessante statim desinit unio utriusque.

Prob. Conc. Quia illa unio à Deo tantum facta est, ut per ipsam animal constitueretur rationale. Ergo pereunte animali per cessationem circulationis sanguinis, quæ est forma animalis ; statim desinit unio animæ rationalis cum corpore humano, in quo tunc anima rationalis desinit conservari à Deo : ubi tunc frustrâ existeret.

Quarta Concl. Anima rationalis non est tota in toto corpore, & tota in qualibet ejus parte ; ut existimarunt antiqui Philosophi : nec in sola glandula pineali, ut sibi finxit Cartesius ; nec in solo corde, vel in solo Ventriculo, ut quidam alii arbitrantur : sed in cerebro, nimirum, in sensu communi tantum.

Prob. Conc. Operari sequitur esse ; atqui anima rationalis operatur tantum in sensu communi : nam ibi tantum intelligit, ratiocinatur, & vult, omniumque sensuum impressionibus, quæ illuc derivantur tanquam ad commune centrum, in quo perficiuntur sensationes, variè afficitur ; indeque dumtaxat totum corpus regere potest. Ergo anima rationalis existit tantum in sensu communi tota, videlicet, in toto, & tota in qualibet ejus parte ; cum ea sit indivisibilis, nec ullas habeat partes : atque

unita esse debeat singulis sensûs communis partibus, in quibus aliqua fit sensationis impressio.

Confirm. Frustra est quod non potest operari; atqui anima rationalis in Pede, in Ano, in Corde, in Ventriculo; aliisque præter sensum communem partibus non potest intelligere, aut velle, aut ratiocinari, vel inde corpus regere: quod hæc organa non sint idonea ad ratiocinationem; per quam dumtaxat ea potest corpus regere. Ergo anima rationalis non est in aliis præter sensum communem partibus: nec in sola glandula pineali, in qua non est, ut jam probavimus sensûs communis sedes. Nam multò amplior esse debet sensûs communis glandula pineali, quæ aliàs ad aliquam segregationem tantum comparata est; ut in ipso innumeræ objectorum species distinctè imprimi, & clarè percipi possint.

Obijc. Anima rationalis est vera hominis forma, ut physicè demonstratur; & ut in Concilio Viennensi definitum est: Ergo ea debet informare omnes corporis partes ad hominis constitutionem pertinentes; suoque subjecto coextendi, exceptis tantum sanguine, pilis, & unguibus.

Resp. Conc. Ant. Neg. Conseq. Cum enim anima rationalis sit vera hominis forma, quâ homo, seu rationalis est; non autem quâ animal est: eas tantum debet in-

formare partes , quæ sunt organa ad rationationem , & ad corpus regendum idonea ; quales sunt sensus communis partes duntaxat.

Instab. Anima rationalis est principium vitæ : Ergo ea debet esse in omnibus corporis partibus, in quibus est vita.

Resp. Dist. Ant. Anima rationalis est principium vitæ rationalis, Conc. est principium vitæ vegetativæ , & sensitivæ, neg. Nam vita vegetativa , & sensitiva formaliter consistunt in perpetua sanguinis, & spirituum vitalium , & animalium circulatione, quæ ab ipsa anima rationali nequaquam proficiscitur ; neque ab ea dependet. Nam etiamsi nolit anima rationalis : non tamen desinit circulari sanguis , ut constat ; similiter dist. Conseq. Ergo ea debet esse in omnibus corporis partibus , in quibus cognoscere, ratiocinari , & velle potest, nimirum, in sensu communi, Conc. in aliis, neg.

Urgebis. Totus homo dicitur , & est rationalis, & quandoque baptizatur infans in pede è vulva primùm egrediente : Ergo anima rationalis totum hominem totumque illius corpus informat, atque in ipso etiam pede inest. Alioquin non posset infans in pede baptizari.

Resp. Conc. Ant. Neg. Conseq. Nam similiter totus homo dicitur , & est videns ; etiamsi oculus , & potentia visiva sint tan-

CAP. III. DE ANIMA RATION. 297
tū in capite : & totus homo dicitur & est
vulneratus ; etiamsi vulnus tantū sit in
pede. Nam actiones , & passionēs sunt sup-
positorum , id est , naturarum subsistentium :
ut dictū est in Metaphysica dum de subsi-
stentia. Atque ita totus homo dicitur ratio-
nalis ; etiamsi ratiocinandi potentia sit in
cerebro , atque in eo dumtaxat perficiatur
ratiocinatio : atque totus homo dicitur bap-
tizatus ; licet in pede baptizatus sit. Quam-
vis id non fiat , nisi sub conditione. Sicut
etiam dicitur totus à parentibus genitus :
Quamvis anima rationalis nequaquam ge-
neretur. Quia videlicet homo est natura sub-
sistens ; non autem anima rationalis , quan-
diu est in corpore : nec oculus , aut pes.
Quapropter beatissima virgo Maria Dei ge-
nitrix verè dicitur ; licet divinam Christi
personam ea non genuerit. Quia natura hu-
mana , quam genuit , in persona divina
subsistit.

C A P U T III.

*Quædam de Anima Rationali Quæstiones
Explicantur.*

QUæritur Primò quomodò anima ra-
tionalis percipiat quidquid sensus sen-
N. v

liber esset substantia spiritualis, rationalis, & liberè volitiva: vel alterutra tantum; vel nulla separatim. Si quælibet esset substantia rationalis, & liberè volitiva; frustra essent omnes unâ duntaxat exceptâ, cum per unum tantum constituatur homo essentialiter, ejusque compleatur essentia; Deus autem, & natura nihil faciant frustra. Si alterutra tantum esset rationalis, & liberè volitiva; alia non esset hominis forma. Si nulla denique esset substantia rationalis, & liberè volitiva separatim, neque conjunctim esset: ut patet.

Dices. Etiam si corpus simplex non sit sensitivum; ex multis tamen corporibus simplicibus fieri potest corpus compositum sensitivum: Ergo licet partes animæ rationalis non essent rationales separatim sumptæ; ex possent conjunctim esse rationales.

Resp. Conc. Ant. Neg. Conseq. Idcirco enim fieri potest corpus compositum sensitivum ex corporibus simplicibus; quia potentia sensitiva in quodam motu corpusculorum consistit, nempe, in perpetua sanguinis, & succi nervosi circulatione in organis animalis: omne autem corpus simplex est per se mobile etiam separatim sumptum. Unde si partes animæ rationalis non essent rationales, & cognoscitivæ separatim, neque conjunctim essent.

CAP. I. DE ANIMA RATION. 289

5^a. Proprietas animæ rationalis est quòd ea non sit quanta. Quantitas siquidem est numerus partium : anima verò rationalis nullas habet partes.

6^a. Est quòd ea sit ingenerabilis , & incorruptibilis. Nulla enim substantia produci potest per generationem , aut destrui per corruptionem , nisi ratione partium : quatenus scilicet per generationis motum nova partium compositio exurgit ; aut per motum corruptionis prior partium compositio solvitur. Ut fusiùs demonstratum est in decursu Physicæ. Atqui anima rationalis est vera substantia simplex , indivisibilis , & sine partibus : Ergo neque generabilis , neque corruptibilis est.

7^a. Est quòd ea sit vivens vitâ , nimirum , spirituali , ac nobiliori , nempe , cognitione , ratiocinatione , & volitione , in quorum actuuum immanentium potentiâ consistit vita spiritualis in actu primo. Omnis siquidem actio immanens est actio vitalis.

8^a. Est quòd ea sit immortalis. Cum enim ea sit vivens , neque generari , neque corrumpi possit : neque per partium divisionem destrui , cum nullas habeat partes ; necesse est ut ea sit immortalis.

9^a. Est quòd sit substantia completa in ratione substantiæ spiritualis. Nihil siquidem deest illi ad hoc ut sit substantia spiri-

R.P. Bern. Carp. Phys. Pars III. N

tualis. Nam quodlibet est, vel non est, & quodlibet ens est unum, verum, & bonum, id est, perfectum ens. Est tamen substantia incompleta in ratione hominis, cujus est tantum pars essentialis. Unde licet quandiu ea existit in corpore, propriam substantiam non gaudeat; sed subsistat totius substantiam communi: pereunte tamen corpore ea verè subsistit in se, cum sit vera substantia, seu ens per se formaliter existens; tuncque sola, ac separata existat, & operetur.

10^a. Est quod sit substantia finita. Nam operari sequitur esse; atqui omnis animæ rationalis operatio, nempe cogitatio, ratiocinatio, volitio, est finita, & limitata: ut patet. In corpore siquidem humano finito anima ratiocinatur, quandiu in eo existit; non autem extra illud: Ergo anima rationalis est substantia finita, ac per consequens à Deo immediate creata, cum ea per generationem fieri nullo modo possit. Hinc anima rationalis jugi, ac perpetuò influxu Dei indiget, sine quo statim in nihilum redigeretur; immortalis tamen ea est (ut jam diximus) quia Deus nunquam summam subtrahit influxum: nisi ad exigentiam alicujus contrarii; anima verò rationalis nullum habet contrarium.

11^a. Denique illius proprietas est quod ea sit creata in corpore humano, & ad exi-

CAP. I. DE ANIMA RATION. 291

gentiam illius. Nam operari sequitur esse, & esse est propter operari; atqui anima rationalis operatur tantum in corpore, & ad exigentiam illius: Ergo creata fuit in corpore humano, & ad exigentiam illius. Hinc eodem instanti, quo corpus humanum vivit vitâ sensitivâ in actu primò; quo nimirum perfectis organis sanguinis, & succi nervosi circulatione donatur: in ipso creatur anima rationalis, cujus unio cum corpore est actus primus corporis organici sensitivi potentia vitam rationalem habentis. Tunc enim corpus humanum est in potentia vivendi vita rationali in actu primo: & non antea.

Dices. Potuit anima rationalis creari ante corpus, ac postea in illud infundi: sicut pereunte corpore conservatur, & operatur non amplius ad exigentiam corporis, quod non existit.

Resp. Potuit quidem anima rationalis creari, antequam corpus humanum existeret; sed nulla tunc erat ratio cur crearetur. Cum enim eo tantum fine creata sit, ut corpus humanum informaret; sicut reverà informat: nam finis ex ipso usu clarè cognoscitur; manifestum est quod nulla fuerit ratio, cur ante corpus crearetur. Voluit nempe Deus optimus à creatura etiam corporea, quæ aliàs omnis cognitionis, & ratiocinationis est expers, cum creatura spi-

rituali, & rationali simul conjunctâ coli, & adorari. Cur verò pereunte corpore illa conservetur, manifesta est ratio. Quia nimirum, cum ea sit ex natura sua immortalis, exigit semper à Deo conservari, cum semel fuerit creata; quòd Deus ipse hanc legem statuerit; atque ita decreverit; in quo consistit omnis creaturarum exigentia.

CAPUT II.

De Unione Animæ Rationalis cum Corpore.

DE unionē animæ rationalis cum corpore plures fiunt quæstiones, multumque intricatæ. Primum enim quæritur utrum unio illa dicat aliquam entitatem realem præter animam, & corpus. Secundò quid sit entitas illa, & utrum ea sit spiritalis aut corporea. Tertiò utrum anima rationalis sit tota, in toto corpore, & tota in qualibet parte. Hæc autem breviter, & clarè explicabuntur sequentibus conclusionibus.

Prima. Concl. Anima rationalis est unita corpori humano.

Prob. Concl. Illa sunt unita, quæ sunt in eodem loco, simulque moventur, & quiescunt; ut constat ex definitione unionis jam demonstratâ initio Physicæ: atqui ani-

ma rationalis in ipso corpore existit cum illo compenetrata ; simulque cum ipso movetur , & quiescit tum respectivè ad locum , tum respectivè ad sensum. Quidquid enim sensus sentit , anima intelligit : & quidquid anima intelligit , sensus illud idem suo modo sentit : Ergo anima rationalis est unita corpori humano. Hinc unio illa formaliter considerata non est actio productiva , & conservativa animæ rationalis in corpore humano , ut quidam arbitrantur ; sed talis modus essendi à tali actione productiva , & conservativa effectivè resultans , seu respectus ille utriusque ad invicem , quo simul existunt , simulque moventur , & quiescunt. In quo nulla est difficultas.

Secunda Concl. Causa efficiens unionis animæ rationalis cum corpore Deus est.

Prob. Concl. Quia cum anima rationalis sit penetrata in corpore ; neque corpus ea movere potest : nec ab ipso moveri , aut detineri ne abeat ; Ergo unio animæ rationalis cum corpore efficienter à Deo est , qui solus potest animam conservare in corpore : eamque movere ad exigentiam corporis , & corpus ad exigentiam animæ. Ut perspicuum est. Hinc actio unionis hujusmodi conservativa , licet ea entitativè sit unica , multiplex tamen est virtualiter , & respectivè ad diversos terminos.

Tertia Concl. Anima rationalis in cor-

pore humano conservatur, quandiu viget in eo sanguinis circulatio : quâ cessante statim desinit unio utriusque.

Prob. Conc. Quia illa unio à Deo tantum facta est, ut per ipsam animal constitueretur rationale. Ergo pereunte animali per cessationem circulationis sanguinis, quæ est forma animalis ; statim desinit unio animæ rationalis cum corpore humano, in quo tunc anima rationalis. desinit conservari à Deo : ubi tunc frustra existeret.

Quarta Concl. Anima rationalis non est tota in toto corpore, & tota in qualibet ejus parte ; ut existimarunt antiqui Philosophi : nec in sola glandula pineali, ut sibi finxit Cartesius; nec in solo corde, vel in solo Ventriculo, ut quidam alii arbitrantur : sed in cerebro, nimirum, in sensu communi tantum.

Prob. Concl. Operari sequitur esse ; atqui anima rationalis operatur tantum in sensu communi : nam ibi tantum intelligit, ratiocinatur, & vult, omniumque sensuum impressionibus, quæ illuc derivantur tanquam ad commune oentrum, in quo perficiuntur sensationes, variè afficitur ; indeque duntaxat totum corpus regere potest. Ergo anima rationalis existit tantum in sensu communi tota, videlicet, in toto, & tota in qualibet ejus parte ; cum ea sit indivisibilis, nec ullas habeat partes : atque

unita esse debeat singulis sensûs communis partibus, in quibus aliqua fit sensationis impressio.

Confirm. Frustra est quòd non potest operari; atqui anima rationalis in Pede, in Ano, in Corde, in Ventriculo; aliisque præter sensum communem partibus non potest intelligere, aut velle, aut ratiocinari, vel inde corpus regere: quòd hæc organa non sint idonea ad ratiocinationem; per quam duntaxat ea potest corpus regere. Ergo anima rationalis non est in aliis præter sensum communem partibus: nec in sola glandula pineali, in qua non est, ut jam probavimus sensûs communis sedes. Nam multò amplior esse debet sensûs communis glandula pineali, quæ aliàs ad aliquam segregationem tantùm comparata est; ut in ipso innumeræ objectorum species distinctè imprimi, & clarè percipi possint.

Obijc. Anima rationalis est vera hominis forma, ut physicè demonstratur; & ut in Concilio Viennensi definitum est: Ergo ea debet informare omnes corporis partes ad hominis constitutionem pertinentes; suoque subjecto coextendi, exceptis tantùm sanguine, pilis, & unguibus.

Resp. Conc. Ant. Neg. Conseq. Cum enim anima rationalis sit vera hominis forma, quâ homo, seu rationalis est; non autem quâ animal est: eas tantùm debet in-

formare partes , quæ sunt organa ad rationationem , & ad corpus regendum idonea ; quales sunt sensus communis partes duntaxat.

Instab. Anima rationalis est principium vitæ : Ergo ea debet esse in omnibus corporis partibus, in quibus est vita.

Resp. Dist. Ant. Anima rationalis est principium vitæ rationalis, Conc. est principium vitæ vegetativæ , & sensitivæ, neg. Nam vita vegetativa , & sensitiva formaliter consistunt in perpetua sanguinis, & spirituum vitalium , & animalium circulatione, quæ ab ipsa anima rationali nequaquam proficiscitur ; neque ab ea dependet. Nam, etiamsi nolit anima rationalis : non tamen desinit circulari sanguis , ut constat; similiter dist. Conseq. Ergo ea debet esse in omnibus corporis partibus , in quibus cognoscere, ratiocinari , & velle potest, nimirum, in sensu communi, Conc. in aliis, neg.

Urgebis. Totus homo dicitur , & est rationalis, & quandoque baptisatur infans in pede è vulva primùm egrediente : Ergo anima rationalis totum hominem totumque illius corpus informat, atque in ipso etiam pede inest. Alioquin non posset infans in pede baptisari.

Resp. Conc. Ant. Neg. Conseq. Nam similiter totus homo dicitur , & est videns ; etiamsi oculus , & potentia visiva sint tan-

tum in capite : & totus homo dicitur & est vulneratus ; etiamsi vulnus tantum sit in pede. Nam actiones , & passiones sunt suppositorum, id est, naturarum subsistentium : ut dictum est in Metaphysica dum de subsistentia. Atque ita totus homo dicitur rationalis ; etiamsi ratiocinandi potentia sit in cerebro , atque in eo dumtaxat perficiatur ratiocinatio : atque totus homo dicitur baptizatus ; licet in pede baptizatus sit. Quamvis id non fiat , nisi sub conditione. Sicut etiam dicitur totus à parentibus genitus : Quamvis anima rationalis nequaquam generetur. Quia videlicet homo est natura subsistens ; non autem anima rationalis, quando est in corpore : nec oculus , aut pes. Quapropter beatissima virgo Maria Dei genitrix verè dicitur ; licet divinam Christi personam ea non genuerit. Quia natura humana , quam genuit , in persona divina subsistit.

C A P U T I I I .

*Quædam de Anima Rationali Quæstiones
Explicantur.*

QUæritur Primum quomodo anima rationalis percipiat quidquid sensus sen-

N. v

298 PARS III. PHYS. TRACT. III.
tit. Cum enim sensus sit corporeus; ipsa
verò spiritualis, & penetrata in corpore;
videtur quòd ea non possit affici à phan-
tasmate corporeo.

Respondeo antiqui Philosophi Thomi-
stæ, nimirum, & Scotistæ dicunt esse in ho-
mine duplicem intellectum, nempe, agen-
tem, & patientem. Intellectus agens, in-
quiunt, depurat Phantasmata, eaque spiri-
tualisat; ita ut sic spiritualisata afficere
possint intellectum patientem. Sed hæc res-
ponso gratis est conficta. Neque enim sunt
duo intellectus in homine; sed unus, &
idem, qui inquantum recipit speciem im-
pressam objecti dicitur patiens: quatenus
verò ejusdem objecti speciem expressam
elicit, id est, inquantum percipit objectum,
dicitur agens. Sicut oculus agens, & ocu-
lus patiens non sunt diversi oculi, sed unus,
& idem.

Sed gratis concessio quòd duplex sit in-
tellectus in homine; quæri adhuc potest
utrum intellectus agens sit spiritualis, vel
corporeus. Si enim corporeus sit, quomo-
dò potest spiritualisare phantasmata corpo-
rea. Si autem sit spiritualis, quomodò po-
test affici à phantasmate corporeo, vel illud
percipere. Id enim prorsus impossibile est
naturaliter. Nam corpus non potest ullo mo-
do afficere spiritum cum ipso compenetra-
tum: neque spiritus afficere potest corpus
ob eandem rationem.

CAP. III. DE ANIMA RATION. 199

Dicendum itaque quòd ab Omnipotenti Deo, à quo facta est, & conservatur unio corporis, & animæ, posito motu sensationis in corpore movetur anima motu intellecti-
 ctionis; & posita intellecti-
 ctione, aut volitione in anima movetur proportionaliter sensus: atque in hoc consistit unio utriusque, quòd simul sint, simulque quiescant, & moveantur proportionaliter. Quæ unio à solo Deo proficisci, & conservari potest: ut jam demonstratum est. Quapropter dicitur corpus exigitive determinare animam, & anima exigitive determinare corpus: effectivè autem utrumque determinat Deus ad exigentiam alterius, id est, posito motu in altero secundum à se statutas unionis illius leges omni pariter unioni congruentes.

Primum igitur statim ac anima unitur corpori; sicut in corpore universalis est quidam motus, videlicet, perpetua sanguinis circulatio, atque perpetua spirituum vitalium, & animalium in organa sensuum diffusio, in qua consistit sensationis, atque appetitûs potentia; quâ bonum sibi conveniens sensus suo modo percipere, atque prosequi potest, & malum fugere: ita in anima est quidam motus perpetuus ad verum, & ad bonum in universali, in quo consistit intellecti-
 ctionis, & volitionis potentia, seu appetitus rationalis, quo anima

bonum sibi, suoque corpori conveniens percipere, atque prosequi potest, & malum fugere.

Quapropter, si corpus benè se habeat, ipsa lætatur, ac voluptate afficitur; & amat bonum corporis statum. Si verò corpus malè afficiatur, ipsa tristatur, & odit variè pro varia affectione corpus lædente: atque hæ sunt duæ primæ passiones, ex quibus oriuntur cæteræ omnes. Deindè homine in lucem edito, cùm sensus aliquid percipit; Anima illud idem intelligit: simulque illud amat, si benè corpus afficiat; aut illud odit, si malè afficiat. Postea ratiocinatur, atque ex una cognitione aliam eruit primùm imperfectè, ac tandem perfectè cerebro pluribus jam phantasmatis instructo. Tum liberè se determinat; sicque passiones moderatur, ac totum corpus regit. Quia positâ liberâ determinatione ad nutum, & exigentiam illius movetur à Deo, sensus ratione unionis, quæ ab ipso solo conservatur.

Quæritur Secundò. Utrum plures sint animæ in homine.

Respondeo. Thomistæ, qui unam tantum materiam simplicem, atque unam tantum formam inesse cuilibet composito arbitrantur, unam esse tantum formam in homine, eamque spiritualement asseverant, quæ inquit, continet eminenter omnes.

CAP. III. DE ANIM. RATION. 301

formas corporeas. Quia verò Aristoteles dicit hominem prius vivere vitâ plantæ, deinde vitâ animalis, ac tandem vitâ hominis; sciscitantibus quid fiat de Anima vegetativa, tum de sensitiva. Respondent Animam vegetativam perire adveniente sensitivâ: & sensitivam pariter adveniente Animâ rationali. Nam generatio unius, inquit, est corruptio alterius.

Sed cum Anima rationalis non fiat per generationem; adveniente animâ rationali nulla fit nova generatio: ac proinde nulla quoque corruptio formæ animalis, præsertim cum ista non sit alteri contraria, sed subordinata, & maximè necessaria. Neque enim fieret homo animal rationale, nisi prius naturâ esset animal. Tum quod ipsi arbitrantur animam sensitivam esse specialem substantiam ab omni materia realiter distinctam. Nam substantia substantiæ non est contraria: nihilque destruitur à Deo nisi ad exigentiam contrarii.

Præterea. Homo non solum est formaliter rationalis, verum etiam formaliter sensitivus, & vegetativus, atque formaliter corpus compositum, & organisatum: non autem eminenter tantum; atqui non potest esse formaliter corpus compositum, organisatum, vegetativum, & sensitivum per formam spiritualem, quæ neque formaliter corporea, neque formalis organisatio

est, neque vegetativa formaliter est, nec sensitiva, ut constat. Nam effectus-formalis non potest esse, neque suppleri nisi à forma, quæ talis sit.

Dicendum itaque quod, cum homo sit compositus essentialiter ex corpore organiato, & substantia spiritali; ex animali, & rationali, atque ex appetitu sensitivo simul & rationali: nam *caro concupiscit adversus spiritum, & spiritus adversus carnem*, verè remanet in homine animalis forma quoad entitatem absolutam, non autem respectivam. Quia licet ea in brutis veram habeat rationem formæ; in homine tamen, & respectivè ad animam rationalem eamateriæ duntaxat rationem habet simul cum corpore organico, quod constituit in ratione animalis. Nani corpus organicum præcisè non est materia in homine; sed corpus organicum sensitivum, id est, animal completum in ratione animalis veram habet rationem materiæ compositæ respectivè ad animam rationalem, quæ animal ipsum informat: & efficit rationale. Esse siquidem materiæ est esse relativum, & una relatio est fundamentum alterius: ut dictum est in Metaphysica.

Confirm. Quia in homine præter animam rationalem, est perpetua sanguinis, & spirituum vitalium, & animalium circulatio, in qua formaliter consistit anima sen-

fitiva brutorum : Ergo ea remanet in homine quoad entitatem absolutam , cui advenit esse relativum materiæ. Ac proinde si Deus tolleretur ab homine animam rationalem præcisè; remaneret animal integrum : atque ita homo fieret brutum sine ulla prorsus nova generatione. Quia nempe sublata anima rationali desineret illud esse relativum materiæ , quod advenit sanguinis circulationi : quæ proinde remaneret in ratione formæ animalis. Et sic perspicuum est quomodo in homine una sit tantum anima , nimirum , rationalis.

Quæritur Tertiò. Utrum animæ rationales sint diversæ in diversis hominibus.

Resp. Animæ rationales non sunt diversæ specie , seu notabiliter , alioquin homines essent inter se specie diversi. Possunt equidem esse animæ diversæ intra eandem speciem , id est , non notabiliter ; quatenus eæ perfectiorem magis , aut minus intelligendi potentiam haberent : sicut corpora humana sunt inter se diversa ; & alia aliis perfectiora intra eandem speciem. Idque totum à Deo dependet. Nulla tamen ratione demonstrari potest de facto dari animas humanas aliis naturaliter perfectiores.

Id enim demonstrari nequaquam potest , nisi ab effectu videlicet , à perfectioribus operationibus intellectus , & voluntatis ; sed

illa ratio nulla est. Cum enim anima hominis sit unita corpori, simulque cum ipso operetur, & ad exigentiam illius; hinc necessario sequitur quod organis corporeis rite dispositis ea perfecte ratiocinetur: imperfecte verò ipsis deficientibus. Unde etiam proficiscitur, ut homo sapientissimus quandoque læso cerebro stultissimus evadat. Ergo nulla ratione demonstrari potest animas hominum esse alias alias perfectiores naturaliter intra eandem speciem.

Objic. Primò. Diversa materia exigit diversam formam; atqui corpora hominum sunt diversæ materiæ: Ergo ea exigunt diversas formas.

Resp. dist. maj. Diversæ materiæ corporeæ exigunt diversas formas corporeas, conc. diversas formas spirituales, nego. Et conc. min. neg. consequ. Alioquin, cum magis differat infantis corpus à seipso, dum homo perfectus existit; quam quodlibet hominis corpus ab alterius hominis corpore: dicendum esset aliam esse animam rationalem in homine recens nato, & aliam naturaliter perfectiorem in eodem jam perfecto; quod est absurdum.

Objic. Secundò. Ubi est perfectior operatio; ibi est perfectius operandi principium; sed in diversis hominibus operationes, seu ratiocinationes sunt naturaliter perfectiores: Ergo in diversis hominibus;

CAP. III. DE ANIM. RATION. 305

perfectiora sunt ratiocinationis principia. Atqui principium ratiocinationis in homine est anima rationalis : Ergo in diversis hominibus sunt animæ rationales aliæ aliis naturaliter perfectiores.

Resp. concesso toto Sylllogismo , distinguo subsumptum. Sed ratiocinationis principium est anima rationalis, ratiocinationis puræ, conc. ratiocinationis mixtæ, seu compositæ simul ex sensatione, & ratiocinatione, qualis est in homine , neg. & neg. conseq. Nam cum ratiocinatio in homine sit essentialiter conjuncta cum sensatione ; ab anima simul & à corpore indivisim ea profluit tanquam à principio adæquato. Unde si deficiat sensatio, simul deficere ratiocinationem necesse est.

C A P U T I V.

Vtrum Anima Rationalis potentia ab ipsa Anima, & à se invicem Distinguantur.

CONCL. Animæ rationalis potentia, nempe intellectus, & voluntas nec ab ipsa anima, nec à se invicem distinguuntur realiter physicè ; sed formaliter Logicè tantum : quatenus distinctis conceptibus inadæquatis concipi possunt ; seu

306 PARS III. PHYS. TRACT. III.
distinctis respectibus intellectus conside-
rari.

Prob. Primò. Quia (ut jam demonstra-
tum est) definitio , seu essentia animæ ra-
tionalis est quòd ea sit ratiocinationis , &
liberæ volitionis principium , seu potentia;
atqui essentia rei ab ipsa re non distingui-
tur realiter physicè , sed formaliter logi-
cè tantum : Ergo animæ rationalis poten-
tiæ , nempe intellectus , & voluntas nec
ab ipsa anima , nec proinde à se invicem
realiter physicè distinguuntur ; sed forma-
liter logicè tantum.

Prob. Secundò. Quia omne accidens est
quidam modus essendi substantiæ , ut cla-
rè demonstratum est in Métaphysica , cum
enim accidens non sit ens , sed entis esse;
neque per se existat ; sed per existentiam
entis , seu substantiæ : manifestum est quòd
accidens nequaquam possit esse modus ; nisi
alicujus rei existentis , seu substantiæ mo-
dificatæ. Atqui omnis actio , omnis ra-
tiocinatio , omnis volitio est quoddam ac-
cidens , quidam modus , quædam deter-
minatio , seu modificatio alicujus po-
tentia. Ut perspicuum est , & ut fatentur
omnes Philosophi : Ergo intellectionis , &
volitionis potentia non est quædam quali-
tas animæ rationali superaddita , ut volunt
Thomistæ ; sed ipsamet animæ rationalis
substantia , quæ per actiones hujusmodi

specialiter modificatur. Ac proinde intellectus, & voluntas nec ab anima rationali, nec à se invicem distinguuntur, nisi formaliter logicè tantum. Sicut motus, & quietis potentia realiter physicè non distinguitur à corpore.

Objic. Primò. Potest dari modus modi, seu modificatio alterius modificationis; ut cum v. g. corpus movetur, ac deinde à pariete reflectitur: illa reflexio est quædam modificatio prioris modificationis, scilicet, motus jam existentis; ergo potentia potest esse quidam modus substantiæ. Ac proinde, licet intellectio sit quidam modus; non tamen probatur indè intellectionis potentiam non esse modum.

Resp. Primò. neg. ant. Nam reflexio nec est, nec dicitur modificatio motus per se; sed tantum per accidens: quatenus, scilicet, reflectitur, & modificatur corpus jam motum, & modificatum. Motus enim non reflectitur, sed corpus motum: ut perspicuum est. Atque ita omnis modificatio est per se modus essendi substantiæ: non autem, alterius modificationis. Ac proinde ex eò, quòd intellectio sit quædam modificatio potentiae; rectè infertur quòd ipsa potentia intellectionis sit quædam substantia, quæ per intellectionem modificatur. Quamvis, dum anima ratiocinatur, atque ex uno cognito cognoscit aliud, priori intellectio-

ni, seu modificationi nova superveniat intellectio, seu modificatio. Quapropter.

Resp. Secundò neg. etiam consequens. Nam licèt reflectatur corpus jam motum; atque ita priori modificationi nova succedat modificatio: non tamen indè sequitur quòd motus potentia, seu mobilitas simpliciter considerata sit quidam modus superadditus corpori. Ita licèt anima rationalis non sit in potentia proxima ad ratiocinandum, id est, ad eruendam unam cognitionem ex alia; nisi præcedat saltem objecti simplex apprehensio: neque ea sit in potentia proxima ad volendum media, nisi inquantum prius vult finem; nihilominus indè non sequitur quòd intellectio-
nis, aut volitionis potentia simpliciter considerata sit quidam modus.

Objic. Secundò. Nulla substantia creata potest esse per se principium immediatum suarum operationum; ergo anima rationalis non potest esse per se principium immediatum intellectio-
num, & volitionum: sed mediantibus solum potentiis sibi realiter superadditis. Ant. probatur. Quia propria Dei perfectio non potest tribui substantiæ creatæ; sed propria Dei perfectio est, quòd sit per se principium immediatum suarum operationum sine ullo, scilicet, instrumento mediante: ergo &c.

Resp. neg. ant. Ad cujus probationem

CAP. IV. DE POT. ANIM. &c. 309
conc. maj. neg. min. Nam secundum ipsos etiam Thomistas anima per se est principium immediatum suarum potentiarum, quæ ab ipsa immediatè fluunt, & producuntur, ut qualitates accidentales; atque ita secundum illos falsum est quòd ipsimet objiciunt, nimirum, proprium esse Dei quòd sit principium immediatum suarum operationum. Nam potentiarum productio est quædam animæ rationalis operatio, quòd ipsi negare nequaquam possunt; nisi velint concedere quòd potentiæ animæ ab ipsius essentia necessariò fluunt, ut quædam illius proprietates. Sic enim eas ab illa realiter physicè non distingui fateri cogerentur.

Proprium quidem est Dei quòd sit actus purus, & quod ejus operatio cum ipsius potentia, atque essentia realiter identifi-
cetur; quòd non convenit creaturis, quarum actiones ab illarum potentia realiter modaliter distinguuntur, & quarum potentia simul est passiva, & activa: ita ut se ipsas, vel aliud quidpiam movere non possint; nisi priùs natura moveantur à Deo. Sicut illarum essentia simul est actus, & potentia; actus, scilicet, quatenus actualiter existunt aliquid reale: & potentia passiva quatenus à Deo existunt, non autem à seipsis; & pro eo tantum instanti, quo sunt, existunt actualiter, non

310 PARS III. PHYS. TRACT. III.
pro immediatè sequenti , nisi poten-
tiâ.

Sive igitur animæ rationalis potentia consideretur ut passiva , & ut à Deo movetur ad verum , & ad bonum in universali ; sive consideretur ut activa , nimirum , ut activè etiam concurrit à Deo mota ad verum , & ad bonum in universali ; tum ad particulare verum cognoscendum , vel ad particulare bonum amandum se ipsam liberè determinat : semper ipsa rationalis animæ substantia immediatè vel à Deo movetur necessariò ad universale etiam activè concurrens ; vel seipsam immediatè , ac liberè movet , & determinat ad particulare priùs naturâ à Deo mota ad universale.

Objic. Tertiò. Si intellectus , & voluntas non distinguerentur realiter physicè ab anima , adeoque nec inter , sequeretur intellectum velle , & voluntatem intelligere : sed falsum consequens ; ergo & antecedens.

Resp. Dist. seq. mai. sequeretur intellectum velle , & volutatem intelligere realiter physicè : conc. formaliter logicè , neg. Nam quando dicitur intellectus , tunc clarè concipitur anima ipsa quatenus ea ferri potest ad verum : non autem clarè concipitur ut ferri potest in bonum. Cùm verò dicitur voluntas , clarè concipitur eadem anima quate-

CAP. IV. DE POT. ANIM. & C. 311

nus potest ferri in bonum ; non autem clare concipitur ut ferri potest in verum : id est anima considerata formaliter ut volitiva, non consideratur formaliter ut intellectiva. Quamvis eadem entitas animæ sit realiter physicè intellectus, & voluntas.

Inst. Potentiæ animæ specificantur ab actibus, & ab objectis ; sed actus, & objecta intellectûs, & voluntatis sunt diversa : Ergo intellectus, & voluntas sunt potentiæ specie diversæ ; ac proinde realiter inter se distinctæ.

Resp. Conc. Mai. Dist. Min. Sed actus, & objecta intellectûs, & voluntatis sunt diversa formaliter logicè, Conc. realiter physicè, neg. Similiter dist. Conseq. Ergo intellectus, & voluntas sunt potentiæ specie diversæ, atque à parte rei formaliter logicè distinctæ. Conc. Realiter physicè, neg. Nam objectum intellectûs est verum, objectum voluntatis est bonum ; quæ sunt duæ proprietates entis ab ipsomet ente, & à se invicem formaliter logicè tantum distinctæ : non autem realiter physicè. Idem dicendum de actibus intellectûs, & voluntatis. Nam omnis animæ volitio est realiter physicè intellectiva illius, quod vult : sicut omnis illius intellectio est volitiva illius, quod intelligit. Anima siquidem semper vult illud, quod intelligit, aut cognoscit ut malum fugere saltem simplici displicen-

tiâ ; aut cognitum ut bonum prosequi saltem simplici complacentia : aut indifferenter habere cognitum ut indifferens , cognitum autem ut verum simpliciter vult illud intelligere.

Hæc autem distinctio formalis logica verè sufficit ad constitutionem speciei logicæ. Nam genus , differentia , species , & proprium , quæ sunt species universalis , distinguuntur formaliter logicè tantum : ut perspicuum est. Porro illud argumentum maximè pugnat contra objicientes. Nam si animæ rationalis potentiæ specificantur , & distinguuntur per ordinem ad actus ; necesse est ut sine respectu ad actus non distinguantur inter se absolute considerata : licet actus intellectûs , & voluntatis gratis supponantur realiter physicè distincti ; sicut una , & eadem est potentia motûs , & quietis cum corpore identificata : licet motus , & quies inter se specie , atque realiter physicè distinguantur. Quia nimirum , motus , & quies activè non profluunt à corpore ; sed à Deo : eum tamen intellectio , & volitio etiam activè profluunt ab anima , quæ est essentialiter intellectiva , & volitiva ; atque ita realiter physicè non distinguantur.

CAPUT LV.

De anima separata.

CONSTAT Animam rationalem esse immortalem ; corpus autem hominis esse mortale : atque reverà mori omnes homines ; tum Animam rationalem eo tantùm fine à Deo creati , & uniri corpori ; ut ipsum regat secundùm rectam rationem ad colendum, laudandum, & adorandum creatorem suum. Unde manifestum est Animas hominum mortuis corporibus existere separatas ; cùmque Deus sit infinitè justus : eas mortuis corporibus pœnâ , vel præmio afficit juxta earum merita bona , vel mala. Quapropter quæritur primò. Quomodò Anima separata intelligat , & cognoscat seipsam , & alia. Secundò quomodò benè, vel malè afficiatur seu , pœnâ, vel præmio. Hæc autem sequentibus conclusionibus explicabuntur.

Prima concl. Anima rationalis eodem modo intelligit separata , ac corpori unita. Nempe sicut ea intelligit in corpore posita , quia ad talem cognitionem determinatur à Deo ad exigentiam sensûs specialiter affecti ; ita intelligit separata ; quia ad

R.P. Bern. Carp. Phys. Pars III.

O

talem cognitionem determinatur à Deo ad exigentiam statûs specialis, in quo reperitur; id est, secundum statutas à Deo leges tali statui convenientes.

Explicatur, & probatur conclusio. Manifestum est quod Anima in corpore posita neque seipsam, neque quidquam aliud particulare cognoscit; nisi factâ impressione in sensum ea determinetur à Deo ad talem cognitionem particularem. Nam pueri, & infantes neque norunt, neque cogitant utrum habeant Animam rationalem, multò minùs utrum ea sit spiritualis, & immortalis: nisi cùm per instructionem, aut ratiocinationem vel perfectam, vel imperfectam deinde id cognoscunt perfectè, vel imperfectè ab effectu.

Manifestum est etiam quod læso cerebro, seu memoriæ organo vel senectute, vel morbo, memoria prorsùs aboletur in quibusdam hominibus; tum quod phantasma corporeum non potest afficere Animam rationalem cum corpore penetratam. Unde cùm Anima neque seipsam cognoscat, nec aliud quidquam in corpore posita; nisi à Deo specialiter determinetur ad talem cognitionem ad exigentiam sensûs: nec ulla remaneat memoria in anima læso cerebro; manifestum est pariter quod neque à corpore separata seipsam, aut aliud quidquam particulare cognoscat, aut præteritorum.

CAP.V. DE ANIMA SEPARATA. 315
recordetur : nisi à Deo specialiter determinetur ad exigentiam proprii statûs , in quo reperitur.

Confirm. Nam si Anima rationalis à corpore separata , eò quod sibi sit intimè præsens , ut multi dicunt , posset seipsam cognoscere ; absque eò , quod specialiter à Deo determinaretur ad sui cognitionem intuitivam ; idem posset in corpore existens : nam ibi etiam ea est sibi intimè præsens. Præterea si ea posset recordari præteritorum ; idem quoque posset in corpore existens læso cerebro , seu memoriæ organo : eadem est enim ratio. Denique si ea posset ab objecto corporeo affici extra corpus posita : posset etiam affici à phantasmate corporeo corpori unita , quod implicat. Quod autem à substantia spiritali creata determinari non possit ad intellectionem , perspicuum est. Cùm omnis potentia substantiæ spiritalis creatæ in intellectu , & voluntate consistat , quæ sunt potentia immanentes , & quæ proindè nihil prorsus extra se producere possunt.

Manifestum est igitur animam rationalem à corpore separatam seipsam cognoscere , & alia particularia , ad quæ specialiter cognoscenda determinatur à Deo ad exigentiam proprii status ; recordari verò præteritorum , quorum Deus voluerit ut recordetur secundum leges ab ipso statutas illius

statui convenientes , quatenus ad illa cognoscenda ut præterita , & aliàs cognita , ea determinatur à Deo. Quapropter in his nunquam deficit illius memoria , quia non amplius ab organi corporei naturaliter deficientis , sed à statûs permanentis exigentiâ dependet.

Secunda concl. Anima separata alteram vel separatam , vel corpori unitam sibi loquentem audit eodem modo , quo in corpore existens ; quia videlicet ad ea , quæ sibi dicuntur , percipienda determinatur à Deo : eodémque modo eam alloquitur , dirigendo nimirum mentaliter ad eam suos conceptus ; sicut dum in corpore existens mentaliter loquitur Deo , & sanctis ejus in oratione mentali : dicendo , v.g. mentaliter (*misere mei Deus*) vel *Ave Maria gratia plena* (vel *sancte Michaël ora pro me*) hoc enim posito Deus toties quoties secundum leges à se statutas specialiter determinat illam alteram animam ad illud idem percipiendum , eodémque modo ac si ex Anima loquente proflueret in eam intellectio illius , seu talis intellectionis determinatio : velut cum in corpore existens ad loquelam corpoream alterius hominis determinatur à Deo ad illud idem cognoscendum , quasi à loquente proflueret illius cognitio.

Idem pariter intelligendum de substantiis aliis spiritualibus creatis, seu de Angelis. Nam inter ipsos, & Animam rationalem nulla est alia differentia; nisi quod Angeli perfectiores sunt substantiæ spirituales. Major verò illorum perfectio in eo consistit, quod plura simul clarè cognoscere possint; tum quod in instanti creationis à Deo determinati sunt ad ea omnia cognoscenda, quæ tunc illorum statui conveniebant: præcipuè quantum ad fidem supernaturalem, & ad omnes scientias naturales; quod Animæ rationali non fuit concessum, nisi in primis parentibus.

Tertia conclus. Anima separata eodem modo afficitur benè, vel malè ad præsentiam objectorum, sicut dum corpori erat unita; quia scilicet ad talem affectionem specialiter determinatur à Deo ad præsentiam specialis objecti, & ad exigentiam proprii statûs.

Hæc conclusio evidenter sequitur ex præcedentibus. Unde sicut Anima rationalis in corpore existens, dum corpus illius uritur, ipsa supra modum, ac vehementissimè dolet, atque torquetur; licet ea non uratur: eodem modo torquetur deinde separata ad præsentiam ignis; licet ipsa non uratur. Quia simili modo determinatur à Deo in præsentia ignis ad talem doloris, & tristitiæ affectionem affectioni corporis

correspondentem. Nam sicut est in corpore vehentissima partium contra naturam agitatio ab igne procedens : ita est in mente summa inquietudo , atque vehementissima in actibus intellectûs , & voluntatis contra naturam agitatio.

Et sicut alio modo speciali torquetur, atque tristatur Anima in corpore existens, dum corpus illius vehementiori frigore corripitur ; ita etiam à corpore separata alio modo speciali torquetur , atque tristatur ad præsentiam glaciæ : quamvis ipsa frigore non alteretur ; quia ad talem affectionem specialiter determinatur à Deo in præsentia glaciæ. Hinc prior tristitia , seu dolor jure - meritò dicitur Animæ ustio : posterior verò animæ frige factio.

Quia, videlicet , sicut per frigus vehemens corporis calor naturalis maximè contra naturam reprimitur ; sanguinisque motus maximè perturbatur : gravitèrque læditur sensus in suis operationibus ; ita in præsentia glaciæ mentis vigor contra naturam reprimitur , eaque maximè perturbatur : atque in suis operationibus læditur cum summa inquietudine. Porro ita specialiter torquetur Anima separata respectivè ad singula corporis sui membra , per quæ Deum aliàs offendit : ut ea planè sibi videatur corpore adhuc induta.

Hinc colligitur primò. Quod anima separata æqualiter cruciari potest, atque simili prorsus modo; etiamsi nullus adsit ignis, aut glacies, quando Deus voluerit: cum id totum à Deo proficiscatur, nempe, cognitio, seu apprehensio ignis, aut glaciei; & mala affectio in præsentia ignis, aut glaciei Animam torquens: unde optimè intelligitur quomodo Dæmones æqualiter ab igne torqueantur sive in inferno, sive in aëre existentes, aut in quorundam hominum corporibus; ubi etiam, dum aqua benedicta asperguntur, aut sanctorum reliquiae ipsis imponuntur, se vehementius comburi vociferantur: quasi liquato plumbo perfunderentur. Quia perinde est sive adsit ignis, aut aqua: cum Deus voluerit.

Colligitur secundò. Quod, cum id totum à Deo proficiscatur; Anima separata, quantum Deus voluerit, torqueri potest ad præsentiam ignis. Hinc ignis inferni dicitur rationalis, qui Animas torquet variè secundum varia earum demerita. Unde juremeritò dicit Apostolus, *horrendum est incidere in manus Dei viventis.*

Quarta concl. Substantiæ spirituales separatae, cum aliquod corpus movere volunt; illud corpus à Deo movetur ad existentiam voluntatis illarum secundum præscriptas à Deo leges. Nempè statuit Deus,

ut ad nutum Angeli perfectioris, qui se corpori movendo applicat, major sequeretur motus: minor verò ad nutum Angeli minùs perfecti. Hæc omnia patent ex jam dictis. Unde perspicuum est quomodò Deus operetur omnia in omnibus creaturis ad exigentiam illarum, id est, secundùm leges à se statutas variis creaturarum naturis, aut statibus congruentes; exceptis dumtaxat actibus intellectûs, & voluntatis, ad quos etiam activè concurret Anima rationalis: maximè verò ad actus liberos, ad quos liberè seipsam determinat à Deo præmota ad verum, & ad bonum in universali.

C A P U T VI.

Quædam solvitur objectio.

Objicies. Contra secundam conclusionem capitis præcedentis. Si substantia spiritualis non posset alteri suos conceptus loquendo manifestare; nisi Deus determinaret intellectum alterius ad percipiendos loquentis conceptus: sequeretur quod loquente hominibus Dæmone Deus ipse mendacia proferret; atque malas cogitationes in hominum mentes immitteret. Sed consequens

sequens est absurdum : Ergo & antecedens.

Resp. neg. seq Nam, quemadmodū si Hispanus contra Italum mendacia, atque injuriosa verba proferret; & quispiam requisitus Italo non intelligenti ea explicaret interpretis officio fungens: fidelis interpres nō mendacium, sed verum proferret ; non injuriam, sed gratiam præstaret eaque omnia jure-meritō imputarentur Hispano loquenti. Ita cū Deus ad exigentiam Dæmonis loquentis ipsius mendacia, vel turpes cogitationes manifestat hominibus summi totius naturæ provisoris officio fungens propter optimum finem, non ipse mendacia profert, aut turpes cogitationes immitit : sed totum id jure-meritō tribuitur Dæmoni loquenti : non autem Deo, qui non loquitur tunc : sed loquentis Dæmonis conceptus manifestat ad exigentiam creaturæ suæ concurrens. In quo certè optimè operatur secundū rectam rationem, justāque à se sapientissimè statutam legem rerum naturæ congruentem.

Hinc evidenter colligitur quòd Deus nunquam est author peccati, sive præmoveat animam ad verum, & ad bonum in universali sufficientes, ac necessarias ei vires præbendo ad agendum in genere ; ejusque potentiam complendo. Id enim bonum est. Sivo ad exigentiam cujuscūque objecti sive boni, sive mali determinet sensum, & intellectum in particulari ad cognitionem illius.

R.P. Bern. Carp. Phys. Pars III. P

322 PARS III. PHYS. TRACT. III.
Quia necesse est, ut & bonum, & malum cognoscat Anima in particulari; ut seipsam possit liberè ad alterutrum determinare.

Sive denique ad exigentiam motûs cuiuscumque in appetitu corporeo exurgentis appetitum Animæ rationalis determinet ad similem affectum, & e contra. Nam id necessarium est ad unionem Animæ cum corpore, atque ad perfectam boni, & mali cognitionem in particulari; neque in his ullum est peccatum, ut perspicuum est: sed in libera determinatione voluntatis, quâ malum sub ratione boni apprehensum ea prosequitur; aut in eo deliberatè sibi complacet contra ductum rectæ rationis.

Cæterum cum omnis homo sit mendax; & errori obnoxius; sancta verò Ecclesia sit columna, & firmamentum veritatis: hæc scripta mea, & quæcumque in posterum à me Deo dante proficiscuntur, sincero corde, ac totâ mente sanctæ Romanæ Ecclesiæ iudicio, & correctioni humiliter subjicio.

PHYSICÆ FINIS.

REGI SÆCULORUM
IMMORTALI, ET INVISIBILI
SOLI DEO HONOR, ET GLORIA
IN SÆCULA SÆCULORUM
A M E N.



INDEX

TERTIÆ PARTIS

PHYSICÆ.

DE ANIMA.

PRO O E M I U M.

TRACTATUS PRIMUS.

CAP. I. **D**E Anima Vegetativa. pag. 5.

2. De nutritione, accretione, & germinatione plantarum.	10
3. De plantarum Anatomia.	13
4. De succo, medulla & cortice plantæ.	16
5. Fibrarum multiplicatio explicatur.	20
6. Surculorum multiplicatio explicatur.	23
7. De folio & flore.	28
8. De fructu.	30
9. De fructibus in specie.	33
10. De semine plantæ.	38
11. De plantarum ortu, & propagatione.	39
12. De plantarum proprietatibus.	43

INDEX



TRACTATUS II.

De Anima Sensitiva.

PRÆFATIO.

CAP. I. DE Anatomia corporis animalis in genere. 48

2. De perpetua sanguinis circulatione. 50

3. Solvuntur objectiones. 53

4. De organis ad sanguinis circulationem spectantibus. 56

5. De structura cordis, & diaphragmatis. 61

6. De cordis motu Recentiorum opiniones. 65

7. Motus cordis, & sanguinis circulatio explicantur. 68

8. Sanguinis motus explicatur. 72

9. Pulmonis & diaphragmatis motus explicantur. 76

10. De partibus ad chyli, & sanguinis preparationem spectantibus. 81

11. De digestionē, 88

12. Præcedentis capituli corollarium. 93

13. De chyli & sanguinis preparatione. 96

14. De nutritione. 100

15. De pilis, unguibus, & dentibus. 104

16. De partibus ad sensationem pertinentibus. 108

17. De succi nervosi & spirituum animalium productione. 116

PHYSICÆ.

18. De sensu pure corporeo in communi.	
120	
19. De tactu.	127
20. De gustu.	131
21. De odoratu.	138
22. De auditu.	143
23. Solvuntur objectiones.	149
24. Varia explicantur soni phenomena.	152
25. De Visu.	155
26. De coloribus.	160
27. Solvuntur objectiones.	168
28. Visio & visionis modus explicantur.	
172	
29. Visionis explicantur phenomena.	176
30. De sensu interno.	183
31. De sensûs communis, imaginationis, & memoria sede.	187
32. De speciebus rememorativis.	190
33. De somno & insomniis.	197
34. De appetitu & passionibus brutorum.	
202	
35. Explicantur passiones simplices circa bonum.	206
36. Explicantur passiones simplices circa malum.	211
37. Mixtæ passiones explicantur.	217
38. Explicantur passiones homini propria.	
219	
39. De musculis ad motum comparatis.	
223	
40. De motu animalium in communi.	227

INDEX PHYSICÆ.

41. <i>Explicantur speciales motus animalium.</i>	232
42. <i>De vita & morte, de sanitate, & morbo.</i>	236
43. <i>Præcedentis capitis corollarium.</i>	239
44. <i>De morborum remediis in communi.</i>	246
45. <i>De morborum remediis in speciali.</i>	253
46. <i>De Anima Brutorum.</i>	262
47. <i>Anima sensitiva definitio confirmatur.</i>	266
48. <i>De animalium generatione.</i>	273
49. <i>Quædam de generatione quæstiones explicantur.</i>	279



TRACTATUS III.

De Anima Rationali.

P R Æ F A T I O.

CAP. I.	D E existentia, essentia & proprietatibus anima rationalis.	285
2.	<i>De unione anima rationalis cum corpore.</i>	292
3.	<i>Quædam de anima rationali quæstiones explicantur.</i>	297
4.	<i>Utrum anima rationalis potentia ab ipsa anima & à se invicem distinguantur.</i>	305
5.	<i>De anima separata.</i>	313
6.	<i>Quædam solvitur objectio.</i>	320

F I N I S.



